



UNIVERSITY OF VIRGINIA LIBRARY



21

Fr. Enderlein.

LIBRARY OF THE
UNIVERSITY OF VIRGINIA



FROM THE HERTZ BOOKS
PRESENTED BY
THOMAS RANDOLPH PRICE
AND THE
NEW YORK ALUMNI

Emendationes Valerianae. Auct. Eyssenhardt, Berol. — in:
Abh. d. Mus. f. Philol., Neue Folge, XVII, 2, p. 378-392 incl.
Ph. Wagner, Philologus, Bd XX 2. 617 ff. Suppl. f. B. 39 (1864)
2. 382 ff. — Meynke in rhein. Mus. f. Philol. Bd 22 (1867) 13,
1. 262 ff.

M. Aug. 1874.

C

COMMENTARIUS PERPETVVS

IN

C. VALERII FLACCI

SETINI BALBI

ARGONAVTICON

LIBROS VIII.

CONSCRIPTVS

▲

IOANNE AVGVSTINO WAGNER.

GOTTINGAE, MDCCCV.

SVMTIBVS HENRICI DIETERICH.

PA
6791
V4
1805
151303
v. 2

COMMENTARIUS

IN

C. VALERII FLACCI

[BALBI SETINI*]

ARGONAUTICA.

IN LIBRVM I.

1-4. Quae episcis scripta lex est poetis, vt summam totius carminis statim ab initio exponant, ei et paruit noster. Nec leue aliquod, in quo elaboraret, sibi sumsit

- * Locum tueri posse, quae vucinis inclusi, duo nomina, vix crediderim. Equidem non ignoro, seriori aetate plura cognomina Romanis et agnomina fuisse, eaque non a patribus tantum, sed auis etiam et patruis, genere adeo materno adscita; eosdem tamen scio hanc in eo sequutos esse legem, vt non nisi vltimo omnium cognomine in adpellandis hominibus vterentur. Ad hanc igitur rationem poeta noster non *Flaccus*, sed *Balbus* nominandus fuisset non minus, quam L. Norbanus Flaccus Balbus, (Consul A. V. C. 771.) qui in Fastis Consularibus Graecis recte solo Balbi nomine obcurrit. Quum vero aequales Valerii nostri, Quintilianus Instit. 10, 1. et Martialis pluribus locis Flaccum eum nominent, Vaticanus autem codex veterrimus in fronte nomina ista ignoret, in fine demum libri secundi habeat, in reliquis librorum titulis non nisi semel ponat, hand scio, an suspectum Balbi nomen habendum sit. — Nec minorem suspicionem agnomen monet *Setini*. Poetam nostrum nouimus, auctore Martiale Lib. 1. Epigr. 62. et 77. non *Setiam*, (hodie *Sezze*) agri Romani hand procul a paludibus Pomptinis oppidum, sed eandem, quam Livius, patriam *Patrium* habuisse. Fortasse igitur, quae est *Heinsii*, haec omnia fusius exponentis, sententia, duo ista nomina non ipsius poetae sunt, sed vel Grammatici alicuius, qui poema Valerii emendauit recensuitque, vel possessoris, qui fronti codicis nomen adscripsit suum. Adde, si lubet, Burmanni praefationem et omnino de Romanorum serioris aetatis nominibus adcuratius disputantes, *Sirmondum* ad Sidonium Apollinarem p. 3. 55. ed. sec. Par. 1652. 4. et *Wesselingii* Observatt. Lib. 2. c. 21. p. 232.

argumentum, immo magna omnia promittit et mira et periculosa et gloriosa euentu. *Magni Deorum nati*, iique *primi freta peruia* faciunt, idque *navi fatidica*, quae auderet *ad Colchos usque* pertendere, et per *concita iuga* viam *rumpere*, tandemque *in Olympo consideret*. Sed singula breuibus videamus. *Prima*, aduerbii loco posita, (cf. 6, 686. Virgil. Aen. 4, 166.) iungas τῷ *peruia*; primum igitur (et laus augetur, si quis quid primus audeat) viam sibi fecerunt Argonautae *per freta*, quae longis fuerant *imperuia saeculis* 4, 711. de quo glorians inducitur Iason 1, 169. *pelagus quantos aperimus in vsus?* (cf. in primis Ovid. Met. 6, 721. *per mare non motum prima petiere carina*.) — *Magni Deorum nati*, Dis geniti 3, 504. Diuum progenies 3, 669. Deum genus 5, 505. heroes sunt, qui genus ad Deos Deasve referrent. Orpheus 815. οἱ μὲν γὰρ μακάρων, οἱ δ' ἡρώων γένος ἐσμέν. Pindaro Pyth. 4, 20. sunt ἡμίθεοι νύκται. Apollonio 3, 366. ἀθανάτων ὕψος καὶ ὕμνων. — *Fatidicamque ratem*. Orph. εὐλαλος Ἀργῶ. 242. εὐλαλος τρέπις. 707. vnde sumit Lucianus de saltat. T. 5. ed. Bip. p. 151 et 472. Apollon. 1, 9. 16. Φωνῆεν ἔϋλον. 4, 582. αὐδῆεν γλαφυρῆς νηὸς δόρυ. Hanc vaticinandi facultatem habuit, quod ex Dodonaeo excisa erat lupo, non tota tamen, sed vel carina, vel malum, vel sic dicta tutela. De tutela adcapit noster 1, 301-4. quem locum, utpote adprime huc facientem, adscribere liceat: *Visa coronatae fulgens tutela carinae* Vocibus his *inslare duci*: *Dodonida quercum Chaoniquae vides famulam Iovis*; *aequora tecum ingredior*, nec fatidicis *auellere siluis Me nisi* promisso *potuit Saturnia coelo*. cf. et Claudian. de bello Get. v. 19. et ibi Gesner. p. 404. — *Scythici quae Phasidis ora ausa sequi*, ausa, quod nulla ante eam navis, (prima enim fuit, quae *inexpertos tentasse parentibus austru* dicitur 1, 97.) Phasin tam longe remotum *sequi* (cf. 5, 482.) petere, eo dirigere cursum. — Ante vero, quam eo perueniret, *medii cursus* erant *rumpendi*, magna cum contentione virorum atque remorum viam sibi patefacere debuit; quo sensu *rumpere* est etiam 3, 241. 6, 139. — per *iuga concita*, (saxa concita 4, 672.) quae perpetuo eoque celerimo motu mox conliderentur inuicem, (*iuga inlisa* 6, 658.) mox discederent; insulas nempe, vel scopulos potius, (cantes Cyaneas 1, 630. 7, 41.) Symplegadas, Planctas Graeco nomine dictas, de quibus praeter nostrum 6, 617-698. vide locum classicum Ammiani 22, 8. — *Flammifero*,

tandem confedit Olympo, inter sidera recepta, coelo debita 6, 692. compolita 5, 296. Manil. 1, 422. seruando Dea facta Deos.

5. 6. Nec etiam poetarum, epicorum in primis, numen aliquod inplorandi consuetudinem Flaccus neglexit. Phoebumque sibi elegit, quamquam, vbi grauius aliquid magisque arduum incidit, Musas etiam (3, 216.) vel Musam, (5, 218. 6, 33. 516.) Clio (3, 15.) in auxilium solet vocare. Deum vero facilem sibi propitiumque reddit duobus argumentis: primo, quod Sibyllinorum librorum custos sit fidus, altero, quod aliquam poeticam sibi laudem conciliasse videatur. *Moue* (6, 14.) doce, rege, adiuua me, *si cortina vatis Cymaeae conscia domo mihi casta stat*: sic enim ordinanda verba. Et Cymaeae quidem, Romae prae aliis Sibyllis notae, *cortina*, proprie operculum tripodis, (cf. Virg. Aen. 3, 92. et ibi Heyne, Graecis ὄλμος. Pollux 10, 81.) Delphici, deinde tripus ipse. hic vero inuolucrum librorum Sibyllinorum, *conscia*, quae continet, inclusos habet istos libros, (v. Heyne ad Tibull. 1, 7, 48.) *mihi domo*, domi meae, *stat casta*, sollemni rerum et locorum sacrorum epitheto. Ex his igitur omnibus, quae tamen non nimis premenda sunt, quum *cortinam* seruatosque *domi* libros sibyllinos ignoret Romana antiquitas, immo eosdem primum in Capitolio, ab Augusto vero sub Apollinis Palatini basi doceat conditas, Valerium Flaccum in Quindecimviris sacris faciundis fuisse, admodum probabiliter interpretes conlegerunt.

7 — 21. Tandem sui saeculi morem, quo principibus carmina dedicarent poetae, (de quo v. inprimis Schrader ad Musaeum p. 1. et Ruperti ad Sil. Ital. 3, 594.) sequitur Noster, et ita quidem, vt non Augustum tantum Vespasianum, sed Caesares etiam, Titum et Domitianum, aduletur. 7. *pelagi cui maior aperti fama*. Placet, quod Argonautarum laudes laudibus iungat Augusti. Aperuerunt illi quidem mare, tu vero maius adeo patefecisti. — 8. 9. *Cale-tonius*, Scoticus, Britannicus omnino; nam singulos populos pro tota natione ponere solent poetae, *Oceanus tua vexit carbasa*, tuas vidit naues, (cf. Sueton. Vesp. 4. Dio Cassius 60, 20. 30. Sil. Ital. 3, 598. *in Caledonios primus trahet agmina lucos*) qui *Phrygios Iulos*, ex Phrygia et a Troianis oriundos, Iulium Caesarem in primis, qui Britanniam primus Romanorum tentauerat, ita *indignatus*, (per prosopopoeiam, vti Virgil. Aen. 8, 728. pontem indignatus

Araxes) vt magnum nauium eius numerum fluctibus mergeret. Dio Cass. 49, 50-53. 40, 1-4. — *Eripe me populis et habenti nubila terrae*, in quibus Horatii *secretum populo* Od. 1, 1, 32. *coetus vulgares, vdamque humum* Od. 3, 2, 23. ob oculos habuisse videtur poeta. — 11-14. *Sancte Pater*, reuerentiae nomen Imperatoribus datum. cf. Propert. 4, 9, 71. Ovid. Fast. 2, 127. — Quae sequuntur, ita cohaerent: Fane veterum heronum facta canenti, res enim a te ipso gestas nolim culpa ingenii deterere mei, immo filius tuus, Domitianus, *potest enim* (nam, quem similasse tantum artem poeticam verius tradit Suetonius c. 2. eum adulatorum, Plinius in Praefatione, Quintilianus Inst. Prooem. et 10, 1, 91. Statius, Martialis cet. eximium scilicet praedicant vatem) *pandat* hoc enim, blandius quippe et Domitiano honorificentius reposui pro *pandet*, per orbem terrarum diuulget. celebret *Idumen versam*, profligatum a te bellum Iudaicum, in quo sub auspiciis tuis perficiendo quum maxime elaborat *frater*, Titus, *nigrans puluere*, non indecoro puluere sordidus Horat. Od. 2, 1, 22. tormentis bellicis virguens Hierosolymam, eiusque *per turres*, quibus pluribus munita est, *furens*. — 15. *Ille tibi cultusque Deum delubraque genti instituet*. In diuersa hic abeunt interpretes, quorum alii *ro Ille* ad Titum, alii ad Domitianum referunt. Quam litem, si tanti esset, ita componere possimus, vt Titum dicamus patri diuinos omnino honores (ἀποθέωτιν) decreuisse, teste Plinio Paneg. 11. Domitianum vero templum ei erexisse, auctore Suetonio Domit. c. 1. et 5. Sed tota quaestio inutilis; quum enim Vespasiano adhuc vix ad plures abierit Valerius, non historicum egit, sed vaticinantem, eumque adulantem poetam. — At, vero in toto loco explicando mire discrepant viri eruditi. *Heinsius* enim et, qui eum maximam partem sequutus est, *Burmannus* ita intellegi volunt, vt Titus in honorem et sub auspiciis patris (hoc enim ex voce tibi exsculpunt) *Deorum* (plurium) *cultum* et *delubra genti* (non Flauiae, sed Iudaeorum) decreturus sit, ad quae delubra posthac, relictis sacris patriis et abolito veteri cultu, sit conuentura (gens Iudaica), quum adhuc nulla habuerit Diis (pluribus) dicata templa, sed non nisi vnum Deum agnouerit. Mira profecto et nimis quaesita interpretatio! Nec me mouet, quod diuini illi Valerium, quamquam vatem, templi in honorem Vespasiani aedificationem praefagire haud potuisse opinentur, quum poetis

liceat res futuras, quas euentum habere optent, quaeque fieri vel possint, vel debeant, vt certas praedicere. Nec arte diuinandi opus erat ei, qui prioribus bonae notae Imperatoribus templa decreta fuisse non ignoraret. Delubrum Iulio Caesari ab Augusto dedicatum est; (v. Plin. hist. nat. 35, 10.) eundemque Octauiano honorem contigisse constat. Et recte praefagiit Flaccus, quod secus esset in templo Hierosolymitano, quod dirutum plane atque ignibus consumtum ne dedicari quidem potuisset. Adcedit, quod, nisi *tibi* ad Vespasianum referas, sequens *genitor* admodum frigeat. Maneat igitur, quod antiquioribus interpretibus, Pio et Carrioni, placuit, quodque legenti primum obcurrit: *Tibi*, patri, *cultum Deum*, diuinum, in tuum totiusque *gentis* Flaviae honorem *templum instituet proles*. Ceterum Vespasiani inter Deos relatio poetico more sic effertur: *quum iam lucebis ab omni parte poli*, nouum sidus adparebis in coelo, et tale quidem, quod 17-20. Tyriae, Graecae, Sidoniae Aegyptiaeque naues longe certio-rem habebunt navigationis ducem, quam *Cynofuram*, minorem, *Helicen*, maiorem vrsam, vel, vt *Gronovii* verbis vtar, (Obsl. p. 111. ed. Platner.) non obseruabunt *Helicen* aut *Cynofuram* nautae, si tu id officium in coelo obibis, vt naues regas, quippe certior dux futurus. *Cynofuram* *Phoenicum*, *Helicen* Graecorum rexille navigationem, praeter alios non vno loco docet Ovidius, cuius Fastor. 3, 107. adtulisse subiciat: *Esse duas Arctos, quarum Cynofura petatur Sidoniis, Helicen Graia carina notet*. — Hactenus bene: fortasse tamen et alii mecum obfendantur partim eo, quod eiusdem regionis nautae, Graii et Graeci, Tyrii et Sidonii, Phoenices vtrique, bis obcurrant; partim, quod *signa dare* et *ducem esse* idem significant, cui incommodo vix medearis, etiam si cum *Gronovio*: *SI tu signa dabis, SI te duce* cet. malis legere. Melius Valerio consuluisse videntur *Slothouwer* in Actis literar. Societatis Rheno-Traiectinis 1801. T. 3. p. 168. et *Frenzelius*, scholae Sufatensis Rector, in Specimine Obsl. criticarum 1800. qui eodem tempore diuersis locis eandem adhibuerunt medellam: QVAM tu signa dabis, seu te duce Graecia mittet, SEV Sidon Nilusque rates. — 20, 21. *serenus*, serena fronte, non, vt argutatur Burmannus, cum respectu ad sidus: nam Vespasiano voluit viuo placere poeta, non in Deos relato. *Vox haec inpleat Latias vrbes*, per omne Latium carmen legatur meum.

22 — 25. Iam Valerius opus ipsum adgreditur. *Pelias*, Neptuni ex Tyro, Salmonei nata, filius, fratre Aesonem expulso, inde a iuuentute Thessaliam rexerat, *gravis et longus populis metus*, h. e. valde multoque per annos ciuibus metuendus. Sic Seneca in Hippolyto 29. *aprum* vocat *metum agricolis*, Noster 2, 16. *metus Deum* pro loco metuendo. cf. et 4, 201. 320. Tum fines imperii describuntur more poetis solito, vt flumina et montes et fertiles campi pro tota regione ponantur. *Versabat vomere*, quod et ipsum poeticum, i. e. imperio eius subditi erant, qui ad Olympi montis radicem agros colebant.

26 — 27. *fratris vterini*, Aesonis, quicum matrem, nec tamen patrem habuit communem. Mater fuit Tyro modo memorata, quae Pelian ex Neptuno, Aesonem ex Cretheo conceperat. vide Tab. genealog. I. — 27. *hunc*, non est, quod ob praecedentem *prolem* mutes in *hunc*. Eadem est ratio, quae paullo ante v. 15. conl. v. 12. — 28. 29. *pecudum terrifici monitus iterant*. (fibrae minaces Virg. Ge. 1. 484.) exta plus vice simplici inspecta mala omnia portendebant. *Super*, insuper, praeterea. Sic saepe Noster. — 30. *inflat fama viri*, vrgnet, vrit, molesta est. cf. v. 249. *virtus haud laeta tyranno*, quae ipsi metuenda esset. — 31. *anteire*, praeuenire, praeuenterere *Aesonium inuencem*, viginti nempe annos natum. Pind. Pyth. 184. *exstinguere pergit*, perstat infra 4, 221. pergit de eo interficiendo cogitare. Haud raro ita verba vsurpant scriptores, vt non tam ipsam actionem, sed voluntatem tantum et conatum velint intellegi; breuius tamen iusto mentem expressit Valerius. — 32. *letique vias ac tempora versat*, dubius, quomodo et quando e medio tollat. — 34. E monstris praecedenti versiculo memoratis nunc adferuntur singula aliquot, Nemeaeus leo, hydra Lernaea, duo fractis cornibus iuveni, quorum omnium victor fuit Hercules. Hoc exornat poeta: *Cleoneao*, (ab oppido Argolico, Cleonis, vel Cleone, non longe ab silua *Nemeaea* sito) *iam tempora clusus hiatu Alcides*, qui exuuiis illius leonis ad corpus tegendum, rictu vsus est pro galca, qua ita innoluta fuit facies, vt oculi vix conspicerentur. — *Lernae angue*, hydra, paludis ad Lernam incola, terras non tam Arcadicas, vti Valerius vult, quam Argolicas infestante. — *ambobus iam cornua fracta inuencis*, quorum alteri, Acheloo, Deo flumiatili, Hercules secum luctanti cornu defregit, Ovid. Metam. 9, 85. 86.) h. e. quum duobus antea alneis

incessisset, vno deinde coegit defluere. Alter iuuenus sine dubio is est, quicum Pasiphae, vt fabula fert, concubuit, quemque ex Creta insula Mycenae viuum abduxit Hercules. (Hygin. Fab. XXX. Diod. Sic. 4, 13.) — 37. *ira maris, iratum, inpetuosum mare*, (inmania freta infra v. 61.) *vasti discrimina ponti*, qui, quo amplior, eo periculosior est. — 38. *tranquilla tuens, nec fronte timendus occupat*, placida serenaque fronte adloquitur prior, et fictis dat vultum et pondera verbis, graui ponderosoque vultu, vel, vt cum Quintiliano loquar 11, 3. 183. vultuosa pronuntiatione, blandis ad speciem similitatisque verbis vim addere vult fidemque facere. — 40. *veterum pulchrior actis*, quae prioris aetatis res praeclare gestas longe superet gloria. — 41. *daque animum*. Hoc difficiliter explicatu, nec satis placent interpretes Heinsius et Burmannus, quorum ille, quam antea proposuerat explicationem: *iunge manum, foedere iuncto promitte*, postea deseruit, et in Aduersariis p. 227. *reuoca ad curas tuas*, Burmannus autem: *ostende, te nihil timere*, exponunt. Quum non semper tautologias respuat Valerius, erat, vbi *animum* pro *voluntate* positum autumarem, vt fere idem esset, quod praecedens *adnue*. cf. infra v. 181. et 3, 615. Aliud tamen postea temporis in animum venit. Quid? si legas: *daque animo*, sc. tuo, (Graeci δοῦναι ψυχῇ Theocrit. 16, 24.) hoc sensu: indulge laudabili tuae rerum fortiter gerendarum cupidini? cf. Horat. Od. 4, 7, 19. *amico quae dederis animo*, et ibi Ianius olim meus. — 42. *Cretheos*, forma Genitivi Graeca. Sic *Perseos* infra v. 68. et saepe alibi; *nosiri*, quia communem stirpem ex Aeolo trahebant Pelias et Iason. vid. tabulam genealog. I. — *patrias effugerit aras*. Athamas, frater Crethei, Phrixum et Hellen suscepit ex Nephele, qua in nubem conuersa, Inonem, Cadmi filiam, in thalamum recepit. Ista, nouercarum more, priuignis infesta, caritatis annonae, cuius tamen ipsa causa esset. culpam in eos coniecit, legatosque ea de re ad oraculum Delphicum missos subornauit, vt Apollinem dicerent mactandos Phrixum et Hellen iussisse. Diu reluctatus Athamas tandem concessit, sed Nephele mater, nube sua delabsa, liberis praecepit, vt ab ipsa subministrato, lana aurea vestito, trans mare fugerent ariete: cui male inhaerens Helle cecidit, nomenque fecit Hellesponto; Phrixus autem, ad Colchos delatus, vellus arietis, sed moribundus demum, (5, 226,) Marti consecrauit. — 44. *heu magni Solis pudor!*

heu filium, qui patri tanto dedecori est. Aetes enim *hospita vina inter*, quod crimen auget, (nam hospitalitatis magna erat religio) *maetat*, trucidat inter *sollennia*, laetitiae destinata, adtonitae *mensae*, ita ut ipsi conuinae ad tam dirum facinus stuperent, *nil nostrum Divumque memor*, nulla pietatis in cognatum Deosque habita ratione. Admodum inuidiose loquentem omniaque in maius angentem Pelian inducit poeta, Pindarum sequutus Pyth. 4. 289. 290., in eo tamen turpissime mendacem, quod ab Aeeta interfectum criminetur Phrixum, qui tamen, ab eodem gener assumptus, quatuor filios ex coniuge suscepit. v. omnino 5, 226. — 47. (ob) *saeva gementem* cf. 230. *ipsum, ipsum* per emphasin repetitum. — 49. *lacera* ad miserationem commouendam. — 50. *magni* (ornat, nil amplius!) *numen maris Helle* 2, 589. 5, 200. — 52. *vel adeo regis caput hic atque arma videres*. Confidenter et superbe dictum. — 53. *olim annis ille ardor habet*. *Τὸ olim annis*, an ardori iungere malis, nil refert. Nec hic laudum suarum immemor Pelias: pristina mea virtus, quam norunt omnes, non extincta, obtrusa tantum est. *Proles*, filius Acastus, nondum maturus imperio capessendo, bellis terra gerendis, periculis mari tolerandis. — 55. Quum igitur ego nimis senex, filius nimis iuuenis sit, *tibi iam curae vigeant animique viriles*, tu, quidquid virili animo concipis, iuuenili ardore persequaris, age, *i decus*. (Virgilii *i decus, i nostrum* Aen. 6, 546.) Pindarus Pyth. 4, 279. Ἀλλ' ἤδη μὲ γῆραιόν μέρος ἀλκιῶς ἀμφοτερεῖ· Σὸν δ' ἀνδρὸς ἥβης ἄρτι νουαίνει. Iasonem viginti tum annos natum fuisse, idem tradit ib. v. 184. — 56. *pecoris Nephelaei vellera*, vide ad v. 42. dicta. Aliis locis: *Aeoliae pecudis aurum* 7, 54. *auratae pecudis exuviae* 5, 491. *Graio tholo*, fornici, parti templorum concameratae, e cuius parietibus dona et spolia suspendebant. cf. Heyne ad Virg. Aen. 9, 408. *redde*, cui debentur, Graeciae. — 57. *tantis temet dignare periculis*. Iniurins in te ipsum esses, si hanc talem summae periculis redimendae gloriae occasionem dimitteres. Eandem dolosam orationem vide apud Pindarum Pyth. 4, 279-298. quem et hic et alibi ob oculos habuisse Valerius videtur.

58-90. *Propior similior iubenti*, ut iubere magis, quam blandiri et hortari videretur, (aliis verbis idem elbert Ovidius Metam. 2. 397. *precibus minas regaliter addit*) finem quidem facit loquendi, sed 60-63. *certus*,

probe gnarus, quanto Iasonem periculo in Cyaneis rupibus obiiiceret, *filetque*, reticet vastum illum, velleris custodem horrendumque sibilantem, draconem, quem Medea ex latebris cantu ciboque excitatum, *melle* (cf. 8, 97.) in primis, *hesleruo veneno* pascebat *liuente*, quod, quum pridie paratum esset, ex intrito veneno liuorem contraxerat, succosque pestiferos penitus inbiberat. — 64. *Mox taciti patuere doli*, cui? Iasoni. Recte, sed mallet nominasset poeta; vnde factum, vt pro *taciti* fortasse *iuueni* dedisse Valerium conicerem; sed codices non addicunt. — 66. *Qua iussos sic tandem quaerere Colchos arte queat*. Variant libri, et pro *sic tandem* nonnulli praeferunt *sectantem*, quod tamen incommodum satis fundit sensum, nisi cum Burmanno pro *quaerere* malis *perdere*. Ego vulgatam lectionem recte habere crediderim, si cum *Heinsio* et *noua biblioth. philol.* 1782. Vol. 1. p. 258. post *queat* signum ponas interrogandi, et *sic* non voci *tandem*, sed *iussos* iungas, et ita interpreteris: qua tandem (demum) arte Colchos petere queat, tam dura lege atque conditione, tot periculis propositis adire iussos? — 67 — 70. *Persei talaria*, (*Perseus pennipes* Catullo Carm. 55, 25.) soleas alas, quibus aera, ad Medusae caput amputandum Andromedamque ab monstro marino liberandam, peruolaret, quis ignorat? *currus* vero Triptolemi est, quem per periphrasin elegantem poeta dicit *suenis draconibus*, serpentibus alas, a Cerere adeptis, vectum, quique terras frumenti nascias agriculturae prima elementa docuit, (*inbuit*) et *flaua quercum damnauit arisia*, quae adumbrata ex Virgilio Ge. 1, 8. *Chaoniam pingui glandem mutauit arisia*. Valerius exquisitiori voce *damnanit* vsus, nec infelicit. cf. *damnata proles* 2, 153. Effecit igitur Triptolemus, vt homines, quibus antehac vesci soliti fuissent, glandes prae frumentis repudiarent. — Persea Triptolemo iungit etiam Ovid. Amor. 3, 6, 12. quem vide. — 71 — 74. Quum igitur Persei talaria currumque Triptolemi optare quidem, sperare tamen non posset Iason, dubius animi fuit, *populumne leuem*, inconstantem, *Patresque*, Senatum, (v. omnino infra 761.) iam diu *Aesonis* ab imperii consortio exclusi sortem miserantes, in partes traheret suas, vt tyrannum, nisi folio deiicerent, ab iniusto tamen iussu absterrent, an Dearum ope *magis* (pro *potius* positum, vii 1, 176. 3, 270.) eundem superaret, et *fera* (sic malim pro *freta*, praecedentibus *Heinsio*, *Crusio* in Probabb.

crit. p. 98. et Heynio ad Tibullum p. 189.) *iussa capefferet*, adgrederetur. — 75 — 78. Fieri tamen possit, ne secum cogitat, ut *domiti ponti*, superatorum maris periculorum, laudem mihi parem. *Gloria* enim, quae *sola* dominans esse in iuuenibus solet, eorumque *animos mentemque* (Homericum *Φρένα καὶ θυμὸν*) *perurit*, (similis locus ap. Sil. Ital. 6, 332. *fax* mentis honestae abripuit. cf. et Nostrum 1, 476.) non animo tantum eius obuerfatur, sed eandem adeo (elegans prolopopoeia!) conspiciere sibi videtur *viridem inmentemque senectae*, numquam senescentem, perpetua florentem iuuentute, *stantem in Phasidis ripa*, iuuenesque inuitantem ad res praeclare gerendas. — 79 — 90. Tandem fluctuantem animum *firmat* vincitque *religio*; Dearum nempe, Iunonis et Minervae, fidei se commissurus, *tendit ad sidera palmas*, et Iunonem propensorem habiturum sperat confidentius, quam ex aquis olim liberasset. *Meministine!* inquit, quum coniurationis in Iovem socia Palladi et Neptuno facta fuisses, *turbidusque Iupiter*, magna tempestate *atro coeruleum quateret imbre*, memet ipsum per Enipea, praecipiti nimbo tumentem, humeris te sublatam in campos extulisse hospitem? (Alii, v. c. Apollonius 1, 14. et Apollodorus 1, 9. §. 8. 16. Iunonem Iasoni fauisse memorant odio Peliae, qui in sacris faciendis eam neglexisset.) Nec Deam te esse, anili enim specie adsumta ad fluvium confederas, animaduerti prius, quam *tonitru te nutuque potenti reposceret coniux*, inque tuam meamque *formidinem* raperet secum. Idem narrat Apollonius, sed loco *Enipei* habet *Anauron*: (1, 9. 10. 70. f. 3, 66 sq.) conciliari tamen cum Valerio ita potest, ut non proprium, sed adpellatiuum nomen *Anauri* Apollonio sit: est enim *ἄνυρος* torrens, tumidus turbo, uti effert noster. cf. *Schneider über Anacreon* S. 289. qui tamen in Lexico Graeco-Latino h. v. mentem, sine causa, videtur mutasse. — 87. In implorando Palladis auxilio breuior est Iason, solamque *innubae* (cf. 4, 605.) laudem ei tribuit, quo fortasse non tam perpetuam virginem, quam *viraginem*, quae, ne a rebus fortiter gerendis arceretur, amoris inlecebras sperneret, in mente habuit. — 88 — 90. Promittit et suo et patris nomine aureum vellus, *colla* bouum mactandorum *deauratis cornibus*, magnamque ouium multitudinem (*cingent*) aras circumstantium.

91 — 106. *Adcepere*, audiuerunt ratasque habuere preces *Diyaе*, *celerique lapsu* (sollemne de Deorum ad terras

descensu) diuersas petiere vias: *Tritonia* (quod nomen vnde Minerva traxerit, ipsi veteres ignorarunt, ideoque a variis duxerunt causis, quarum probabilissima haec est, vt a *τρίτων*, quod Aeolibus caput est, adpellata sit *Τριτογένεια*, e capite Iouis nata. Sic Heynius ad Virgil. Aen. 2, 171. Homeri Il. 4, 515. Alii aliter. v. Allg. Lit. Zeit. 1803. Scidula 140.) *Thespiam* vel *Thespias*, (vtraque enim forma apud veteres legitur) Thessaliae urbem, ibique habitantem *earum* (artificem, quales artifices omnes caros habuit) petit *Argum* naupegum, quem ad fabricandam maiorem nauem *arbores demittere*, caedere, montibus deferre iubet, ipsaque in *Peliacas*, montis Pelii *umbras*, *opacas* filias comitatur. — 96. Iuno per Argolicas *Macedumque* (rectius *Macetum*, partis Macedoniae, Macetiae incolarum Lucan. 2, 647. 5, 12. Sil. 13, 878.) *per vrbes* diuulgat famam susceptae a Iasone nauigationis per maria nondum tentata, *iam stare* perfectam *ratem*, poscere, quos vehat et *reuehat* rebusque in *saecula tollat*, ob res praecclare gestas serae posteritati commendet. De Iunone heroas conuocante cf. Pindarum Pyth. 4, 328. — 100. *Auent* ardent et *viri*, quorum spectata iam bellis virtus esset, et *iuuenes*, qui nondum oblata rerum gerendarum occasione intra tentamina sese continuissent. — 103. *At insontis* inbellis *aratri* studioli hos instimulant, Diique adeo Deaeque *per lustra*, *Dryades* cet. *viasque* Fauni cet. *manifesto in lumine* (adoptatum e Virgilio Aen. 3, 151.) adparent, *atque elatis cornibus Amnes*, Dii fluuiatiles ex aquis prominentes. Apollonius 1, 547. Deos Deasque e coelo spectantes inducit, cui noster, suum ingenium sequutus, nihil cedit.

107 — 119. Nec mora, *protenus ultro*, non aduenit. *sed aduolat* Hercules *Tirynthius*. v. Ind. *Argis Inachiis* ab Inacho conditis cuius *Arcadio* (verius Thessalico, sed Valerium supra vidimus v. 36. Arcadiae latiore ambitum dare) *veneno tela flammata*, inbuta, vt ardorem in venis excitarent, et vulnus quodque letale facerent, *arcusque faciles*, flexiles, sequaces, gestauit puer *Hylas humeris gaudentibus*; (rebus enim inanimatis et motus animi et actiones tribuunt poetae; sic paullo post: docta bipennis) nec his contentus (vide alacritatem iuuenilem!) *xellet ipsam clauam portare*, nisi inbecilla adhuc manus recusaret. 111 — 116. Vtrosque, Herculem in primis, odio inueterato *amens* Iuno persequitur: Vtinam non omnis Graecae iuuen-

tutis flos atque decus in noua ad intentata adhuc rueret facta: (sic enim repofui, non vno codice adftipulante, pro *fata*, (morte) quae fenfum turbant; nam reliquos Argonautas perdere noluit Iuno. cf. fupra v. 12.) Vtinam cum folo Hercule res efferet, nouumque laborem ei inpoſuiſſet *Euryſiheus noſter*; (v. Ind.) tum enim Aeoli imbres et tenebras, Neptuni fratris tridentem, coniugisque Iouis vel inuiti ignem, fulmen, torſiſſem. Exemplum aliorum Deorum, qui fulmine Iouis uſi vel abuſi ſunt, congeſſit *Burmmanus* in Ioue fulgur. c. 15. p. 330. cf. *Leſſing* in Laocoonte p. 97. et *Heyne* ad Virg. Aen. l. 42. Valerius ipſe Minervam, hoc ſibi ſumentem, liſit 4, 671. et infra hoc ipſo libro v. 372. ubi de eadem Pallade ſermo eſt. — 117 — 119. Nunc (non hunc) quoque, etiamſi Iafoni Argonautisque faueo, non faſ ſit, immo me indignum, et in hoc opere, et vniquam poſthac Herculem ſocium habere. Et fidem fecit verbis; Hyla enim, ea inſtigante, rapto, Hercules, nimis in eo inueſtigando moratus, a ſociis relictus eſt. v. 1, 450 ſq.

120 — 129. His dictis ad litora Theſſaliae oculos conuertens Iuno omnia ibi feruere videt. Ipſe poeta rem praeclare agit ſuam; omnia enim ad ſenſus reuocantur. Videmus hominum multitudinem, audimus dolabrarum atque ſecurium ſonitum, ſinguli in ſingulis nauis partibus labores ob oculos pinguntur. *Feruere cuncta virorum trepidantium coetu, delatae* (ſic *deſerunt* imbres montem 2, 523.) congeſtae vndique non arbores, ſed arborum filinae (*nemus*) — *docta*, perite ducta *bipenni*, aſcia, *litora reſonant* — *gracili lamina*, cuneis, *diſſoluit pinus Argus, Theſpiades* — *iunguntur latera, trabes ſequaces molliuntur lento igne* — *ſequaces* ab effectu, vt *ſequaces*, lenti fierent, h. e. vt extracto per ignem natiuo humore maiorem lenitatem adciperent, nec, quod in humidis ſolet, facile dehiſcerent, vel vt longiores aſſeres igne, quod etiam nunc fit, curnarentur — *malus erectus*, cui Pallas *brachia*, antennas, cornua v. 312. ipſa quaeſcuerat. cf. Claudian. de bello Get. 15. — 127. *Conſtitit vt longo moles magna et ſpatioſa nauis non peruia ponto*, ad longum iter durabilis, contra intrantes aquas munita, et ſi qua forte *latentia lumina*, obſcultae et vix conſpiciendae rimae deprehenderentur, ea *tenuis cera ſubiſſent*, adfuſis ceris et pice (cf. infra 480.) obturatae eſſent, (de interiori etiam naue ornanda cogitauit non Pallas, ſed, de qua ſermo eſt inde a verſu 120. Iuno) et *picturae varios ſuperaddit honores*,

ornantes picturas. Vti vero, nauim Iuno, ita Valerius carmen suum picturis solius ornamenti causa condècorasse, aduersus temporum tamen rationem hic, vti aliis locis, videri possit peccasse, qui pingendi artem memorauerit, Argonautarum aetate longe recentiore, quamque Homerus adeo adhuc ignorauerit; nam *ναὺς μίλτοποροῖ* Il. 2, 637. sunt naues ab exteriori partè minio vel rubrica oblitae: sed picturas non voluisse proprie sic dictas, immo vero aliorum poetarum morem sequutus de sculptorio (anaglypho) opere, quod pictura longe antiquius est, sumissee censendus est: cf. Heyne Exc. 15. ad Virg. Aen. 1. Propius tamen inspectae placebunt.

130 — 148. Tres propositae picturae: A) Thetidis ad nuptias cum Peleo celebrandas proficiscentis, quas nuptias, vt Graecos taceam, e Latinis in primis cecinerunt Catullus Epithalamio Pel. et Thet. et Ovidius Metam. 11, 221 sq. *Insuperatos thalamos*, non omnino ad mentem suam, Deaque, Nerei filia, non admodum dignos. Nam quum, qui eam ambiissent, Neptunum ipsumque Iovem Themis (Pindar. Isthm. 20, 4.) ab hoc consilio deteruisset eo, quod filius e Thetide nasciturus fato destinatus esset patre quocumque maior suo, suadentibus hortantibusque pluribus Diis, coniuge tandem contenta fuit Peleo Thetis. Vehitur *Tyrrheno pisce*, delphine frenato, (Ovid. Met. 11, 237.) *conripiente aequora*, celerrime vndas tranante. cf. 2, 101. Illa sedet *deiecta* (vti Medea 8, 204.) *in lumina palla*, demisso flammeo tegit vultum, modestiae, vel verius moestitiae causa, quod suadent, sequentia, vbi suspirat, *Ioue maiorem non nasci Achillem*. Fateor, totum hunc versiculum non satis placere: poetae enim magis est, quam pictoris, qui, si suspirium tristitiamque quadam oris conformatione aliquatenus, animi tamen sensa in tabula neutiquam potuit exprimere. — Comitantur eam sorores Nerei: des *Panope*, (cf. 2, 590.) *Doto*, (Virgil. A. 9, 103.) *Galatea*, *laetata fluctu nudis lacertis antra petens*. *Hemsterhusius*, vir olim summus, ad Luciani Dial. marin. 1. ed. Bipont. T. 2. p. 348. pro *nudis* mauult *niueis*, et verba *antra petens*, mutata interpunctione, ad Cyclopem refert. De nudis, otioso in Nereide epitheto, facile consentio, interpunctionis mouendae necessitatem non persuasit; multo minus adcesserim *Heinsio*, qui *antrum* istud nuptiale Thetidis esse vult, non Galateae. Ego vero de Galatea intellego, mentemque poetae hanc fuisse existimo: Galatea

non statim ab initio comes fuit Thetidis, sed forte adiecit, ut per idem tempus in aequore, ad corpus mouendum, apicaretur (hoc vult *fluctibus laetata*) iamque in eo esset, ut in antrum rediret suum, et conspecta Thetide cum sororibus, adiungere se iis gestiit; a qua voluptate *Cyclops*, qui eam deperibat, Polyphemus *a litore*, in litore stans, reuocat, ut ad se veniret, inuitat. — B) 137 — 139. Altera pictura sistit epulas ipsas nuptiales: *contra*, e regione, vel iuxta priorem suspensa tabula exhibuerat artifex *ignes* cibis parandis, *viridi de fronde toros*, lectos, quibus conuinae adcumbebant, *dapes* fercula, *uina* pocula, Peleaque sponsum cum sponsa inter *aequoreos Dios*, (alii tamen et alios Deos adfuisse narrari) *pulsatque chelyn*, lyram, *post pocula Chiron*, Centaurus, ut plurimum artium peritus, ita et commode ad lyram canens *χοῦρε*. Erat, ubi poetam suspicarer scripsisse *per pocula*; sed nil opus: *post pocula* est *ad abacum*. — C) 140 — 148. Tertia tandem caelatura repraesentat *Pholoen*, Thessaliae saltum, ad quem habitabant Centauri et Lapithae. *Rhoetus*, (non *Yrhoecus*, quod alii volunt: Rhoecus enim non Centaurus, sed Gigas. v. Heyne ad Virg. Ge. 2, 456.) *multo insanus Iaccho*, ad amentiam usque inebriatus — *subitae de virgine Atracia*, Thessalica (cf. 6, 447.) Hippodamia, Pirithoi sponsa, *pugnae* 142. *Volant mensae et crateres*, maiora vasa, miscendo et aqua temperando vino — *arae Deorum* portatiles, epulis, nuptialibus in primis, adhiberi solitae — *pocula*, insignis *veterum labor*, vasa minora, calices, et arte et antiquitate aestimabiles. — Inter pugnantem eminent *Peleus hasta*, *Aeson ense furens*. Lando vero, mi Flacce, quod picturae tuae episodicae Aesonem, quem sic filius Iason quotidie virtutis exemplum ob oculos haberet, addere volueris. — *Nestor* (et ipse Argonauta, soli tamen Valerio nostro) vicit *Monychum*, Centaurum. cf. Rüperti ad Iuvenal. 1, 11. et ibi laudatos. Hoc ita effert poeta: *Fert grauis amplo corpore Nestora victorem inuito tergo*. Adumbratum ex Ouidii Metam. 12, 345. ubi tergo Bianoris Centauri insilit Theseus. — 146. *Clanis Actora ardenti quercu*, titione, torre ex ara rapto *peragit*. Clanis si Centaurus est, est autem Ouidio ib. 379. *Actor* numero erit ad censendus Lapitharum, quem, quum etiam apud Ovidium Lapithae non omnino indomnes discedant, aduersarius *peragit*, non conficit, sed prae se agit; nam non ense, sed titione persequitur. — 147. *Nessus*, itidem Centaurus, *nigro equo* fugit.

Hippasus denique, *adclinis tapeti in mediis*, in turba decertantium *caput condit auro vacuo*, cratere euacuato. *Lepidum phantasma!*

149 — 183. Monetur his quidem Iason, pericula tamen sibi imminencia ponderans, Acastum, Peliae filium, in partes suas trahere constituit. *Haec*, et pictura et tota navis, *quamquam miranda*, admirabilia, pulcherrima videbantur *viris*, Argonautis, et quotquot alii adellent, *Iason* tamen *stupet* magis, turbidique est animi, *ἄπληκτος ἔκπληκτος*. Apollon. Rhod. 1, 461. — 150. *heu miseros nostrum natosque* (rectius sine dubio *matresque* cum Burmanno et codice Harles.) *patresque*. — 151. *nos animae faciles*, nimis obsequiosi (*gutwillige Seelen*). — 152 — 158. Acasto filio in eadem pericula abrepto faciam, ut Peliae ipsius intersit, naui nostrae *innisae*, cui mala omnia imprecatur, tutam navigationem optare, eademque, qua *matres nostrae*, anxietate *undas*, Deos Deasque marinas defatigare precibus. — 156 — 160. *Talia contanti*, consilii de abducendo Acasto adhuc dubio, *Iovis armiger aquila laeum* a sinistro, quod Graecis laetum augurium habebatur, *aethra* (poet. pro *aethere*) aduenit, et *validis fixum adprehensum erigit* in altum tollit *vingibus agnam*, et quamquam e remotis stabulis et pastores, et *frenitus canum* canes frementes, adlatrantes sequuntur, adsequi tamen non possunt raptorem, qui in Aegaenum mare praedam absportat. Robur aquilae et persecutores ad naturam pinxit poeta. — 161. *Adcipit augurium Iason*, in quo hoc sibi inuenisse videtur, uti aquilae in Aegaenum mare anolanti frustra et pastores et canes ovem eripere conati fuerint, ita et Pelian creptum sibi filium e mari Aegaeo, quod Argonautis trans-eundum erat, frustra repetiturum. Lactus *si perbi*, impotentis, iniuncti, *Peliae tecta petit*, ubi vitro obviam ei venit Acastus, *amplexus fraternaue pectora iungens*, confanguineo amore deosculatur. — 163 — 173. *Ductor Iason* (sic saepe *ducis* nomine obcurrrens, v. c. infra 184. 241. 296. cet.) *ait*: non huc veni ad *degeneres*, me teque indignos *questus*, immo, sic sine ambagibus mediam in rem rapit, dicitque, quod res est: *socium te iungere coeptis est animus*. Iam vero argumenta addit, quibus eum permoneat. Et primo quidem, ait, nemo, ne amicissimi quidem, *Telamon*, *Canthus*, *Idas Tyndariusque puer*, vterque et Castor et Pollux, (omnes Argonautae) mihi vellere aureo dignior te est, ad quem gentilitio pertinet

iure. Porro consideres velim, quot terras populosque cognoscere, *quantum coeli*, quantum in astronomia proficere, quam late extendere commercia queamus, *pelagus quantos aperimus in usus*. Graue nunc quidem et periculi plenum, quod susceperimus, opus tibi esse videri possit: sed quum *Argo me patriae carae Iolco*, vrbi Thessaliae, pro tota Thessalia posita, olim reddiderit, perpende, quae so, quanto tibi tum pudori esset, exantlatos a me labores audire tantum, quam alte tum suspirares, si, *quas* (sic enim reposui, suadente Burmanno, pro *quam*) ego viderim gentes, tibi enarrarem. 174 — 181. Interpellat mediam orationem gloriae cupidus rex (filius regis: sic Medea infra saepius *regina*) Acastus. *Sat multa*, plura, quam necesse esset, adtulisti vel sic *parato sequi*, quocumque voces, nec patrio magis confido regno, quam tibi; nolo domi delidere, patris mortem exspectans, immo peto abs te, vt *primos duce te virtutis honores carpere*, prima fortitudinis documenta dare, et in tuarum, cognati, laudum communionem venire, *fraternae ad crescere famae* liceat. Et, *ne cura parentis* pater nimis sollicitus me impediat, *fallam ignarum*, clam memet subducam, aderoque, vt primum demissam in aquas nauim audiero.

184 — 187. Laetus ad socios *Minyas* (sic hic primum saepiusque posthac nominantur Argonautae, a Minya, Thessalicae vrbis rege, a cuius filiabus plerique erant oriundi. ἐπὶ Μινύῳ θυγατρῶν οἱ πλεῖστοι καὶ ἀριστοὶ ἄφ' αἵματος εὐχιστόωντο εὐμενεῖ. Apollon. 1, 230.) redit, nanimque vt in mare demittant, iubet monetque. Faciunt imperata, sed magna cum contentione, quam poeta ob oculos pingit praeclare. *Puppini humeris fubeunt*, quum vero declinua via tardius incedere cogeret, *proni decurrunt, neruis poplitum intentis* nituntur contra, ne ponderosa nauis humeris excideret, quem laborem *non sine anhelitu* continuatum et ipsi sibi leuant *clamore*, mutua adhortatione, *adclamatione, κλέουσιν*, et *Orpheus blandus testudine*, ad lyram canens. Fusius hunc laborem describunt Orpheus 253 sq. et Apollonius 1, 371 — 387.

188 — 204. Tum laeti sacrificant Diis marinis, prae aliis omnibus *Neptuno*, cui *caeruleis*, maris colorem imitantibus, *vittis* (cf. *Winkelman Hist. des Arts T. 2. p. 187. Huber.*) redimitum bouem, *Thetidi iuuenecam*, vt sexus magis congruat, *deicit*, ferit, (cf. 2, 329. 6, 194. *deiectus* iuuenecus Phaedr. Fab. 2, 1. 1.) *Ancaeus*, ipsius Neptuni

filius, popa, *quo non alius certior pinguis*, (macilentas enim hostias adferre nefas habitum) *crassa et firma colla boum frangere callebat letifera securi*. Apollonius 1, 429. Ἀγασίος κατὰ πλάτυν ἀρχὴν κόψας Χαλκιδῶ πέλεκει, κρατεροῦς δίσκεος τένοντας — 193. Ipse Iason, *ter carchesia, pocula, libans* Neptuno, preces fundit: cf. Pindari Pyth. 4, 343. *spūmantia regna quatis*, mare tuum tridente concutis, *vispumet, ignosce*, scio me illicita tentantem dignum esse, *cui hiemem tempestates inmittas*; *sed non ita mens tumet*, non ita stolide audax sum, *vt montes montibus iungere*, *vt olim Gigantes, aut summo deposcere fulmen Olympo*, Iouemue cogere velle iustineam, *vt Olympo cedat, fulmenque mihi permittat*. — 200. *Ne Peliae te vota trahant*, noli illi contra me fanere. Non sponte veni; Pelias est, qui mihi meisque luctuosum Colchios petendi consilium reperit, excogitauit. — 202. *Illum ego* — Ellipsis fere eadem, quae apud Virgil. Aen. 1, 139. *Quos ego*. — me irritum eius consilium facturum spero. *Tu tantum non indignantibus undis* (cf. supra indignantem Oceanum v. 10.) *hoc caput, me, adcipias, et pressam regibus alnum, nauem heroibus, Deorum natis, plenam, obfessam. Regum nomine socios compellat etiam Iason apud Orphea v. 279.* βασιλεῖς, alibi ἀνακτες. — 204. *pingui libamine oleo cumulat flammam*.

205 — 226. In medio sacrificandi actu adcedit augur Mopsus, et non admodum laeta vaticinatur. Dum ignis in altarihus luctans prorumpere cupiens in extis densis, expugnatis carniū solidarum humoribus, *crinem, flammularum radios* (cf. 2, 42.) *protulit, sparsit* (Apollon. 1, 438. λιγνὸν πορφυρέαις ἐλκεσσι ἐναλίσμιον αἰσσοῦσαν.) *et adscendit salientia viscera tauri*, iamque superpositas carnihus interiores partes ita adtingit, *vt vi ignis sursum moneantur leniterque exsiliant*; *ecce* (expectatio per totum locum apte intenditur) *ecce sacer totusque Dei*, augur Deo plenus, *ὅλος τοῦ θεοῦ*. (v. Bergler ad Alciph. 1, 13.) *per litora, e longinquo, Mopsus*, (iam videmus hominem) *inmanis visu, vittam laureatam*, (erat enim Phoebi ipsius filius, Phoebeus 3, 372. Delius sacerdos 3, 432.) *camamque per auras surgentem non mouet, sed rotat* — quid igitur monstri adfers? eloquere. *Tandem vox reddita edita, sed vox horrenda viris*, vociferatur in horrorem procul stantium; *tum facta silentia vati*, silentio imperato haec tandem profatur: 211. *Heu, quatenam adspicio! Neptunus*

nostris confcius ausis (secundum casum frequentius ad-
fiscit *confcius*, nec tamen Datium ipse Cicero respuit)
modo totum aequoreorum conuocauit concilium, fremere
omnes indignabundi, hortantur legem defendere (sic lex
poli 2, 157.) iura sua tueri, institutumque primitus a
natura ordinem, vt Oceano dis sociabiles essent terrae. —
214. Iam vero mente commoti vatis ad Iunonem et Pal-
ladem conuertitur oratio, vt et ipsae Neptunum mouere
velint. *Tu, Iuno, sic, sic fratrem amplectere, tuque Pal-
las ei palperis, nunc, nunc patrum flecte minas, iras.* —
216. Et, me felicem! pergit, *cessere Dii marini, ratemque*
adceperere mari, transitum per aequora permisere. Nihilo
minus tamen (ita nunc futura praedicere incipit, simul
vero poeta, quae deinceps in carmine persequi velit, in-
dicat) quam multa *discrimina* video, quibus *vix me ex-
pediam*: *Ilyam* video in Deum marinum mutatum —
video *coronam harundineam* — *urnam* — *caeruleas vestes*.
Video *Pollucem vulneratum* — *tauros igniuomos* segetem
e draconis dentibus surgentem pedetentim ita, vt primum
galeae, mox *hastae* ex omnibus fulcis, *humeri* denique
virorum emineant *pugnam* cum dracone inenndam video
circa vellera. Et, en nonum visum! *semina, nescio quae,*
alatis anguibus auras secat caede madens, et ferit ense
paruulos: eripe, Iason miser, (obscurius haec effert con-
sulto, nunc aperte dicit: tuos ipsius, mi Iason, filios) *cerno*
en thalamos ardere iugales Crenaeae. Sic igitur more epi-
corum in primis poetarum Valerius totius poematis oeco-
nomiam vaticinio exposuit.

227 — 239. His igitur *ambagibus* obscuris vaticiniis et
Argonautas et Iasonem *terrificauerat* Mopsus. *Sed enim*
(at vero; cf. Ovid. Met. 1, 530. 11, 14.) nunc alius *contra*
insurgit augur *Idmon*, *Phoebi* et ipse filius, non tamen
pallore, quem hominibus a numine adflatis tribuunt
poetae, et *horrore comarum*, vt Mopsus, *terribilis*, eo
tamen non minus *plenus fati*, augur futuri certus, *ple-
nusque Phoebi*, sed *quieti*, placidioris, vaticinandi peritis-
simus, seu *flammas* interroget altarium (ignispicio, πυρο-
μυστήρ — πυρρός σφύρσι Apollon. 1, 144. cf. infra 8, 147.)
seu *lubrica tactu exta*, (extispicio) seu *plenum certis pennis*,
aibus, *aera* (auspicio). Quam placide vero, quamque
breuiter hic loquitur! *Augur*, augurii omnis praefes, *Apollo*,
flammaque prima, extremitates flammularum dura quidem
praenuntiant quaedam, quae patientia tamen omnia vin-

centur. *Durate* igitur, (κρτερεστε) animum firmate, viri! spondeo vobis redeuntibus dulces parentum amplexus, quod mihi, proh dolor! non continget, qui, mortē praeripiendus, caros Argos mihi denegatos esse praeuideo.

240 — 254. His Deorum monitis utitur Iason ad sociorum animos confirmandos. Vos quoque vires *animosque adferte paternos*, auitos, maioribus veltris dignos. Nec adeo *Peliae pietas* in Phrixum *culpanda*, incusanda mihi videtur, *nec suspecti* in memet ipsum structi *doli*; *Deus ipse* Iupiter hanc a nobis suscipi iubet expeditionem, *ipse* (in) suo *voluit commercia mundo et tantos hominum miscere labores*. Pulcre vero verbo *miscere* mutuae mercium, prouentuum, laborum permutationes esseruntur. *Ite mecum*, viri, et in ipsis periculis ea *euincite*, praestate, quae et nos ipsos meminisse iunet, *nostrisque nepotibus insient*, quae vrant, vrgneant eos, et ad aemulationem excitent. v. supra 30. — 250. Age vero, noctem instantem transigamus hilariter. Paretur: inter iuuenes *molli in alga*, ad litus algosum, *fusos conspicuus toris*, amplo pectore latisque humeris, *Tirynthius* Hercules. Toros uti aliis, quorum musculosae partes eminent, v. c. Amyco apud nostrum 4, 245. ita in primis Herculi adscribunt poetae. vide 2, 510. et quae concessit Heinsius ad Ovidii Metam. 15, 230. — *Extā ministri*, nam hos non defuisse Argonautis docet Pindarus Pyth. 4, 72. Apollonius *ἑυδωκ* nominat 1, 234. 305. cet. Quamquam h. l. non expeditionis maritimae comites intellegere malim, sed qui praesto essent ex vrbe famuli. Iasoni dum adhuc in portu esset, ministraturi. *Extā* igitur, carnes, *rapiunt veribus*, *Cereque* panibus implevere *canisira*.

255 — 270. Has inter epulas aduenit *Chiron*, Centaurus, celeberrimus antiquitatis Paedagogus, aliquando tamen seuerior nostris, Achillem iam grandiore verberibus probe coercens. Vidē mihi Ovidium de Arte amandi 1, 11 sq. et Iuvenalem 7, 210. Praeter Achillem disciplinae alumnos habuit Patroclum et ipsum Iasonem. v. infra 407. et Pindar. Pyth. 4, 180. 205. — *Summo decurrens* citato cursu *vertice Pelii montis aderat*. Episodion profecto pulcerrimum, adumbratum illud quidem ad Homeri Astryanactem Il. 6, 465. ita tamen, ut, quod imitandum sibi Valerius proposuisset, exemplari non inueniatur inferior. Eandem scenam inducunt *Apollonius* 1, 553. sed breuibus, latius *Orpheus* 375 sq. quem, quamquam aliter rem narrat, comparat.

operae pretium erit. *Chiron* igitur, *Peleo* patri abiturum paranti inopinatam laetitiam adlaturus, filium *Achillem* advehit, *procul ostentat* (Virgil. Aen. 3, 674. parvumque patri tendebat lulum) *clumantem*, quod puerorum est gaudium. Pater ad notam vocem *erectus*, excitatus, obviam procedit, sed *ingenti passu*, *tendensque brachia*. Puer *adfilit*, caraque *diu* pendet cervice. Puerile eiusmodi osculum venuste pingit Tibullus 2, 5, 91. 92. *natusque parenti Oscula compressis auribus eripuit*; Propius adcedunt epulantibus, ubi nil curat puerulus *pocula valido spumantia Baccho*, nec tenetur, quibus tenera aetas magnopere alias delectatur, imagunculis, *signis*, quae poculis inferi solebant, *εὐβλήναι*, immo *stupet in ducibus* (omen futuri!) *magnumque sonantes haurit*, totus pendet ex ore eorum, cupide audit res a se gestas non tam narrantes, quam iactantes, *nec cohorret* terribili leonis rictu, quo galeae loco Hercules utebatur, immo propius adcedit, *fert comminus ora leoni*. Quibus visis pater, gaudio exultans, (Orpheus 445. laetitiae addit lacrimas *εὐκρυόεν γελῶν*, quod tamen ab Homero sumtum Il. 6, 484.) brachiis collo filioli iniectis, *rapit oscula oculis ad coelum conuersis*: Dii, inquit, si mihi licet ventos optare *ferentes*, secundos, felicemque in patriam reditum, *hoc mihi caput*, tam praecleara minantem filium, *servate*. Cetera tibi, amicissime Chiron, commendo, qui filio tam egregius ductor contigisti: ita instituas, ut *parvulus* adhuc *lituos et bella* loquentem te *audiat* mirabundus, ut *puer teta*, sed *venatoria* tantum, te magistro, discat tractare, donec *adolescens ad nostram hastam*, ad arma bellica, *festinet*. Haud poenitebit huc conferre Evandrum, filium Pallantem Aeneae fidei commendantem ap. Virgilium Aen. 8, 515 sq. quem ob oculos sine dubio habuit Valerius.

271 — 293. Argonautis omnibus inde calor additus, magno animo mare ingredi cupiunt, praemia laborum videntes *vellus absens* tamquam praesens *Phrxi*, *auratosque* in modum triumphi *navis corymbos*, ornamenta navium h. l. in prora et puppi (infra arctiori sensu de sola puppis extremitate 4, 692. 8, 194.). — 274. *Sol ruit*, vergit ad occasum, *mox undae totum deduxere diem*, Oceano conditur sol, *sparguntur litore curvo lumina*, *nondum vllis terras monstrantia nautis*, adensa in domibus casisque ad litus habitantium, quae oculis iam quidem incundum praebarent conspectum, nondum tamen navigantibus,

qui tum nondum essent, lucem e longinquo praeberent, cursumque eorum dirigerent. Possis etiam de ignibus ad-
cipere in montibus ad ligna danda adcensis, quales barbaris
etiam nunc gentibus in usu sunt. Vtramque interpretatio-
nem debeo Burmanno; prior tamen magis placet. —
277. Ad tempus fallendum *Orpheus* promittit lyram, carmen-
que canit, a consilio poetae non alienum, de Phrixi Hel-
lesque fati, *ut sieterit ille redimitus tempora vittis*, hostia
destinata, (v. omnino, quae supra diximus ad v. 42.)
ut contactus inuolutus nubibus Nepheles matris effugerit,
Inoo linqueus Athamanta Learcho patris dilecti Athamantis
usum atque consuetudinem concedere coactus fratri, ex
nonerca lno nato, Learcho, — *ut ab aureo vectore, ariete*,
miserantibus vndis, quibus adfectus poetica ratione tribui-
tur, *inlatus sit* — ut Helle timidiuscula, *adsirictis cornibus*
firmiter ea tenens, *confederit*. Septem iam dies totidem-
que noctes praeterierant, quod poetice effertur ita: *Septem*
Aurora vias (nam non praenuntiā tantum erat solis, sed
et per totum diem ad occidentem usque comitari iubent
poetae plures, de quo vide in primis *Voss mythol. Briefe*
P. 2. p. 66.) *totidemque peregerat umbras Luna polo*. —
284. 285. Sensus est: Vrbes *Sestos* et *Abydos*, haec Asiae,
illa Europae, ex alto mari prospicientibus vnam eandem-
que ciuitatem conficere visae, iam *geminae*, duae ab se
distantes adparere coeperunt, breui: ad fretum adcesse-
runt, Hellespontum postea dictum. Hic enim *Helle*
fratrem Aeoliden, ab auo Aeolo Phrixum, *deserit*, *aenum*
mansura per omne, huic quippe ponto nomen in perpetuum
datura, magnumque numen maris exstitura. vid.
supra 50. — 288. Viuis nunc coloribus ob oculos pingit
poeta labsum virginis ex ariete. Tendit quidem, quan-
tum potest, longissime iam defatigatas manus ad *repeten-*
dum, vnde deciderat, arietem, sed vndas trahunt *bibulae*
vestes, *manusque leui*, lubrico, *labuntur auro pelle arietis*
aurea. cf. 5, 188. Felicior Phrixus, qui, quamquam et ipse
rapido concitus aestu fluctibus, natando tamen vitam ser-
uat, sed respiciens *miseræ sororis ora clamantia*, tum
extremas manus, tandem nil nisi fluitantes *crines* videt.
Elegans gradatio!

294 — 308. Bibendi tandem, confabulandi, iocandi (cf.
Apollon. 1, 457 sq.) finem faciunt Argonautae, somno se
daturi. Iason ad paternam visit domum, supremum paren-
tibus vale dicturus. Excipiunt *grauis pater materque*

vigil; utrique spectant tenentque pleni oculos, lacrumis obortis, quos tamen placido adloquio filius solatur. Obdormit tandem ipse, audit vero per somnum tutelam navis ita infantem: Dodonida quercum vides, Chaonii Iovis famulam, (erat autem Dodona oraculo Iovis incluta vrbs Chaoniae, regionis Epiri,) destinatam ad mare tecum traiciendum, nec fatidicis silvis anellere me potuisset Tritonia Pallas, (v. supra 93.) nisi inter astra locum mihi promississet. Reposui Tritonia pro Saturnia, praeceunte Nodellio Crit. Obfl. libello, Campis 1781. edito p. 41. cui adstipulatur Heynius ad Apollodor. p. 176. nam navis struendae curam non Iuno, sed Minerva susceperat. vid. supra 94. 95. — Age igitur, sic pergit, rumpe moras, nihilque time; nam etiamli omnia, quotquot sunt, maria nobis emetienda essent, licet coeli inconstantia multas nobis hie-mes inmittat, nil cura, confide superis, confide mihi.

309. Quo monito pavens, magis tamen laetus Iason, lecto profilit primo mane. Primum hoc mane praeclare pingitur: *Alma nouo crispans pelagus Tithonia Phoebo, h. e. alma, benefica Aurora, Tithoni coniux, sub orientem solem, nouo Phoebo crispans, leui horrore perstringit mare, exasperat, tremulam superficiem reddit. Rutil. Itiner. 2, 13. adridet placidum radiis (solis) crispantibus aequor. — 312. Videt Iason socios admodum industrios: discurrent, cornua antennas (brachia supra 126.) in summo malo expediunt, alii tonsas remos in marmore summo, superficie maris, praetendant, in antecellum remigando se exercent, Argus funem ancorae ab alta prora legit, in orbem conligit, glomerat. Hos varios labores vide etiam apud Orphea 27, sq. et Virgil. Aen. 5, 762 sq.*

315. Matres gemunt, corda adeo patrum fortiora languent, emollescunt: vix a mutuis amplexibus anelli possunt. — 317. Planctu tamen Iasonis mater Alcimede ac furore et ululatu tantum superat reliquas matres, quantum tuba Martia bellica buxum tibiam. Planctum v. 317. non vitupero, sed v. 318. 319. non desideraueris, si abessent: Alcimedem enim nimis dolentem nimisque vociferantem sistunt. Quanto magis placet, quae sequitur, adfectus veri plena oratio: — 320. Nate, nihil merueras, ut hos tales labores per maria subires, sed fata volunt, ut diuidamur; nec ad hos animum componere casus ante datum, ad alia omnia, quam quae nunc instant, timenda animum poteram praeparare, timebam tibi quidem bella terrasque bella

terrestria. — 323. *Vota iam aliis, marinis nempe, facienda Diis, quos si tibi fauere persuasum mihi possum habere, vitam diutius, etsi timoris et sollicitudinis plenam, tolerauerim.* — 326. *Sin aliud Fortuna parat; misere parentum, mors bona, dum metus est, nec adhuc dolor.* Haec paullo obscuriora. Nonnulli codices post *parentum* *in* *icisum* tollunt, probante Heinio, imperatium *miserere* igitur iungunt morti: *miserere, o mors, quae bona es* — quod ego quidem concoquere non possum. Quid? si *miserere* trahas ad Fortunam: Sin aliud Fortuna parat, *miserere* parentum; noli saltem ad nostras aures pervenire mortem nostrorum, nam *mors bona est, dum metus est.* Haec ipsa sententia Seneca aliquo digna ob brevitatem argutiorque quam pro adfectu loquentis videtur, nec alium sensum exsculpo, nisi hunc: *Mors, dum metus est, quamdiu eorum, quos caros habemus, metuimus mortem, hoc saltem ea boni habet, ut tamen liceat sperare; si accidisse reuera nuntiatur, tum nihil nisi dolor restat, vel, ut cum Ovidio loquar Metam. 14, 488. dum peiora timeantur, Est in vota locus: fors autem ubi pessima rerum, sub pedibus timor est, securoque summa malorum.* — 330. *quoties raucos ad litoris ictus, fluctus litora nostra verberantes deficiam, sollicita ero, toties multoque magis Scythicum et mare et coelum metuam.* Quae quum ita inclementia esse soleant, quidni, etsi serenitas in Thessalia nostra summa sit, tibi tamen *ingrata*, malum aliquod tibi eo ipso tempore accidere fortasse credam posse? — 333. *Da precor amplexus, non excident animo vltima vale mihi dicentis verba, et dulci iam nunc, ubi potes, preme lumina dextra.* 335 — 349. Vale filio dicit etiam *Aeson*, fortior tamen, non muliebriter querulus, sed gaudens, quod Iasoni suo rerum egregie gerendarum occasionem dederint Dii, sed sperans, fore, ut iisdem Diis auxiliantibus peragat iussa. Quod senes amant, temporis acti rerumque a se gestarum laudatores, idem facit *Aeson*. — 336. *O si mihi sanguis* (sanguis integer aevi Virgil. Aen. 2, 638.) vigor esset ille, *qualis erat, quum signifero caelato cratere minantem Pholum, Centaurum bibacillimum, (vnde fitiens audit Iuvenali Sat. 12. 45.) manus haec (δευτικῶς) alio non leuiore, non minoris ponderis, auro, cratere aureo compefceret atque conficeret, primus profecto essem, qui naum tecum confcenderet.* — 341. Sed audiuere Dii preces pro filio fufas: video tot reges, egregios duces, heroas, horumque ducem

te: — tales, tales et ego olim vel duxi, vel sequutus sum — nunc ille, ille dies super (est,) nihil mihi optandum amplius, quam vt splendente in humeris vellere excipiam filium, qui patrem ipsum virtute superauerit. — 348. Tandem discedendum: in quo tamen et ipso poeta muliebrem mollitiem masculamque granitatem seruat. Matrem conlabantem vix potest sustinere Iason, pater nil nisi filium amplectitur.

350 — 386. *His aliorumque amplexibus Zephyrum ratemque, nauem, cui nunc sauebant venti, morantibus, facientibus, vt auris secundis vti neglegerent, linem inposuit signum tuba tertia vice datum. Argonautae, quorum cuique transtrum adsignatum peculiare, confident. Primum ordinem dncit ex sinistra parte TELAMON; alterum dextrum, aliud mare altior procerior Alcides HERCVLES. Cetera pubes ita distribuitur: Post Telamonem ex ordine sedent I. 355. ASTERION, quem Cometa pater cristatus matre cadentem gemino amne fouit, segnior Apidani vires vbi sentit Enipeus. Obscuriora haec lucem adciipiunt ex Apollonio 1, 35. 55. quem sequutus est Valerius. Asterion nempe patrem habuit Cometen cristatum, quo fortasse ad Cometam, stellam crinitam, adludit non tam Valerius, quam sciolus aliquis librarins: nam Apollonius itemque Orpheus 161. pro eo habent Piresum, ab vrbe Magnesiae Piresia, (v. Steph. Byzant. voc. Pirasia) qui filium matre cadentem natum (cf. Claudian. in Rufinum 92.) fouit eduxit, vbi Enipeo segniori, lenius, placidius defluenti sese inmittit Apidani vis rapidior. — II. 358. Nititur hinc, post hunc remos contentis viribus agit TALAVS, ita, vt fratris terga vrgueat, III. LEQDOCVS, vtrique Argivi. — IV. Eamdem patriam habuit IDMON, qui nec augurio, quod mortem praenuntiaret, (v. supra 239.) detentus adfuit, nam turpe viro timuisse futura. — V. 362. Porro confurgit in vndas tortas (vide, quam scite orationem variet poeta) IPHITVS, Naubolides, vel a patre Naubolo, vel a patria Phocide, quam et Naubolen dictam fuisse docet Pausanias 10, 33. — Deinceps frangit aequor patrum, Neptuni quippe filius, VI. 363. EVPHEMVS, qui tenet vndisonam Psamathen, fontem ad Thebas, Taenaronque, promontorium et urbem Laconicae, semper patentem, quoniam ibi antrum ita profundum, vt aditus crederetur ad inferos. — VII. VIII. 365. DEVCALION cum fratre AMPHIONE, molli a litore, leniter diciini Pellae, non Mace-*

doniae urbis, quae paullulum distabat a mari, sed, quae a conditore Pella nomen habebat, Arcadia Pallene. vid. Burmann. in Catal. Argonautar. v. Amphion. Alia difficultas est in Dencalione, quem solus habet Noster, cuius loco Amphioni fratrem dant et Orpheus et Apollonius Asterium, non confundendum cum Asterione, supra n. i. memorato. Quidquid sit, utrique erant *et fortes*, Dencalion iaculo certior, Amphion *communis ense* nobilior, *et gemelli, pariter quos edidit Hypso*, ita similes vultu, ut dignosci invicem non possent, *nec potuit* (mater) *similes voluit ediscere vultus*: noluisse, etiamli potuisset, ne forte alterum altero magis amare videretur. Similiter de Castore et Polloce Claudianus de Cons. Honorii 209. *inuat ipse Tonantem error, et ambiguae placet ignorantia matri*. Virgil. Aen. 10. 392. de gemellis: *gratus parentibus error*. Cf. Ruperti ad Sil., 636 sq. — IX. X. 369. Aliud fratrum par: CLYMENVVS (Apollonio 1, 86. Clytius) *percutiens remo pectus*, et IPHICLVVS, *puppim trahens*. — XI. 372. NAVPLIVS, famosior bello Troiano factus, quo tendit poeta: *face saeva in tua mox Danaus acturus saeva, Caphareu*. Nam quum filii Palamedis, ab Ulyssae fraudulenter interemti, necem ulturus ignem in Caphareo, Euboeae promontorio, accendisset, Graecos a Troia redeuntes in errorem induxit, ut ibi adpellerent, et naufragium facerent. — XII. 372. OILEVS, pater Aiakis, distinguendi ab altero eiusdem nominis, Telamonis filio, *qui tortum non ab Iove fulmen gemet*, quod iidem spectat ad belli tempora Troiani. Oileo enim deploranda fuit mors filii Aiakis, qui, quum Troia capta Cassandrae, virgini regiae eidemque vati, in ipso Palladis templo vim intulisset, ad hoc flagitium vindicandum in Euboico mari dira tempestate est obpressus, *et torto non ab Iove fulmine*: a quo igitur? nam in eo non consentiunt poetae. Nihil quidem definit Valerius, sine dubio tamen Virgilium Aen. 2, 42. 57. sequutus, Minervam in animo habuit. — 373. *nato stridente per undas*. Haerent etiam interpretes in *stridente*. Alii de gemente Aiace ipso, alii de fulmine, quo feriretur, alii de vulnere stridorem emitteute intellegunt. Hoc ultimum placet Burmanno, cui et ego adcedo. cf. inf. 3, 278. — XIII. et XIV. 375. CEPHEVS et AMPHIDAMAS, fratres, quorum ille Herculem *Erymanthei sudantem pondere monsiri*, aprum Erymanthium totum eumque adhuc viuum (v. Apollon. 1, 125. 129. et

Diodor. Sic. 4, 12.) humeris portantem domi suae in Arcadiae vrbe *Tegea* hospitio exceperat. De Amphidamante nil habet, quod narret, Valerius, alium vero vtriusque fratrem non nominat, sed circumscribit, (Lycurgo ei nomen fuisse ex Apollonio I, 164. discimus) qui *plenior annis*, non aetate prouectior, sed *natu maior*, Apollon. l. l. *προγενέστερος*; nam non ob ingrauescentem aetatem domi mansit, sed ut parentem, Aleum senio confectum foueret. Suo tamen loco misit filium XV. 377. ANCAEVM, quem patris commendauit, ut gloriose expeditionis comitem adfiscerent. — XVI. 378. EURYTION, distinguendus omnino ab Euryto, qui infra occurrit v. 439. et alibi. Nostri Eurytionis non nisi hoc loco mentio fit. Fuit autem *tectus colla seruato capillo*, comam aluit, *quem pater Aonius, Bœoticus, reducem tondebit ad aras*, ex voto, ait BERGMANNUS, ut aleret, donec saluus rediret: ego vero malim explicare de sacerdote destinato, quod *arae* videntur suadere. — XVII. 380. NESTOR, quem Troiano bello adcessurum sistit poeta: *Mycenaeis, Argivis, Graecis, olim qui candida velis aequora*, tantam nauium multitudinem, ut prae candidis velis aquae conspici non possint, *nec stantes longo ordine mirabere* adluspescens considerabis *mille magistros*, rem quippe nauticam dudum expertus, et egregiorum comes Argonautarum. — XVIII. 383. MOPSVS, Phoebi filius, *nec vana fides parentis*, qui spem patris augur non fefellit, quem sacerdotali exornat poeta veste, *palla alba ad imos pedes*, talari, ita tamen, ut militem etiam quodammodo prodant *castis*, galea, *conus*, cum crista, cuius summitati adnexa erat *laurus Peneia*, a Peneo, Thessaliae flumio, quem laureta circumdederunt, ex quo Daphne ibi esset in laurum mutata, quae et ipsa *Peneia* audit Ouidio Metam. 1, 452.

387 -- 461. Progrediamur nunc ad alterum nauis latus, ubi ordines ducit Hercules. — XIX. TYDEVS, quem hic sine honore dimissum, infra contra Cyzicenos fortiter pugnantem videbimus. — XX. 388. PERICLYMENVS *Nelides*, Nelei, Pyli regis, filius, Nestorisque frater, qui Pylii nomine eam ob causam apud Homerum ubique obuius est. Tres autem sunt vrbes Pyli, Eliaca, Triphylia et Messenia, ab vno eodemque conditore denominatae, quarum quaeque Nestora sibi vindicauit. Periclymenus igitur, eiusdem familiae, dominus et ipse fuit nonnullarum illius ditionis urbium, e quibus tres Valerio

memorantur, *Methone*, oppidum Messeniae, *Elis* et regio et vrbs, in cuius vicinia ludis posthac celeberrima Olympia, quo fortasse adludit *leuis Elis equis*, agitandis equis apta, (ingratum trium in is desinentium vocum concursum tollere possis, si cum Santenio ad Propert. p. 928. scribas: *Dives et Elis equis.*) et *Aulon* (Plinio 4, 5. *Aulona*) *fluctibus obuius*, cuius moenia mari adluerentur. Nihil igitur aliud voluisse videtur poeta, quam Periclymenum per totam viciniam inclaruisse, metuendumque fuisse *cael-sibus*, quibus *adversos* (adversariorum) *vultus frangere* calleret, de quo barbaro immanique pugnae genere plura ad Lib. 4, 113 sq. disserendi dabitur locus. — XXI. 391. PHILOCTETES, *Paeantis* filius, *bis Lemnum visurus*, nunc inter Argonautas, v. 2, 79 sq. posthac bello Troiano, ubi a Graecis ob foctorem vlceris in pede oborti relictus, vitam in ista insula iraduxit aegerrime, *nunc cuspide patris*, lancea ex hereditate patris adcepta *insignis*, *Herculeas olim moture* vibrature *sagittas*. Moribundus enim in Oeta monte heros sagittas, Lernaean sanguine venenatas, amico tradiderat, vsumque earum edocuerat. Has itaque secum tulit ad Troiam, in Lemno tamen retinuit, donec Vlysses, quoniam vrbs illa sine istis telis expugnari non poterat, dolo easdem eliceret. Consule, vt alios taceam, Homerum, et Sophoclis tragoediam huius nominis pulcerrimam. — XXII. 394. BVTES ab *Actaeis oris*, ex Attica, *dives mellificio*, *innumeras nam claudit*, alit alnearibus inclusas *apes*, *longaque superbus*, sibi ipse plaudens, *fuseat nube diem*, (pulcre homini adscribitur, quod apum est) fuscet ipse *longa nube diem* longis examinibus, solem ipsum obtenebrantibus — *dum plenas nectare cellas pandit*, eximit fauos, et *in dulcem*, apibus gratum ob florum copiam *Hymettum*, montem prope Athenas *reges (Weisel) emittit*. — XXIII. 398. PHALERVS. *Casus tuos expressa geris arma*, clypeum; in clypeis enim fata gentilitia adpingere solebant. Ad Graecam rationem haec dicta, quam amat omnino Noster, pro armis, in quibus casus tui exprelli sunt. Sic paullo ante v. 385. *vittata frontem cassis*; sic paullo post v. 402. *caelata metus alios arma*; sic v. 410. *inmissus patris de vertice crines*; sic libro 2, 655. *pocula bellorum casus expressa recentum*; sic Virgilius Ecl. 3, 106. *inscripti nomina regum nascuntur flores*. Liberalior fui adferendis exemplis, vt breuior essem aliis locis. Qui vero *casus illi* fuerint, nunc exponitur. Puerulum Phalerum anguis ab

arbore vacua (solitaria? sed mallet *cava* vel *patula*) labrus circumuenit, spiris suis inuoluere minatur, quo viso anxius pater Alcon) v. Anthol. Gr. Vol. 2. p. 152. ed. Lipf. et Jacobs Animadv. Vol. 2. P. 2. p. 38. et qui ibi laudantur) stat procul dubiusque, an arcum intendat. *Intendens dubium arcum* ait poeta, arcui tribuens, quod hominis est, qui intendit. Sic *dubiae alae* 4, 527. — XXIV. 402. ERIBOTES. Orpheus, et Apollodorus ignorant hominem. Apollonius 1, 73. habet, sed et hic non magis, quam Valerius adfert, quo caelati in clypeo *metus* inlustrentur. Sine dubio terribilis quaedam imago in orbe scuti fuit expressa. — XXV. 403. PELEVS, *fretus foceris*, Nereo et Doride, et coniuge dina, Thetide, *Aeacides*, Aeaci filius, cuius *hastam* poeta dicit tantum *splenduisse* prae ceteris, quantum arbor, e qua excisa esset, reliquas Peliaci montis arbores proceritate superauerit. — XXVI. 407. *Actorides* MENOETIUS, qui natum, Patroclum, Chironis disciplinae tradiderat, ut cum Achille iam tum amicissimo lyra disceret canere, hastam vibrare, et *in ipso magistro placido*, non inuito, *equitare*. — XXVII. 412. PHLEIAS, quem fama genus, filium esse, non est *decepta* Lyaei Bacchi: nam non minus bene comatus, quam pater (intonfus) *immissus patrios de vertice crines*. — XXVIII. 413. ANCAEVS. Hunc mater, Astypalaea, eo confidentius commisit ponto, quod ex Neptuno eum conceperat, *plena rege maris*. Alius Neptuni filius; ideoque aequae securus Argonautis comitem se dederat, nempe XXIX. 415. ERGINVS, qui maris insidias, astra, ventique flatu cuiusque, *e clausis quem destinet Aeolus antris*, tam probe nouerat, ut, si quando Tiphys ab astris observandis lassatus esset, huic tuto vices suas permetteret. — XXX. 410. Lacon, i. e. POLLVX. *Taurea terga*, non tota, sed lora tantum e corio bubulo (caestus) *plumbo caelata*, quae quamquam Burmannus, an quis umquam dixerit, dubitat, ego tamen retinuerim, intellexerimque de globulis plumbeis prominentibus, quibus caestus erant distincti. Sic *caelata velamina* 5, 7. non alia possunt esse, quam quorum superficies non floris, sed figuris acu pictis aspera est. Hos vero caestus in usus seruat futuros, nunc *in vacuos* tantum vibrat *ventos*, ut *Pagaseia* Thessalica (ab portu et promontorio Pagasis) *puppis*, Argo spectaret *Oebalium* Spartanum (ab Oebalia, Laconiae oppido) *alumnus*, adolefcentem, inde a iuuentute patrio more luctae (*Oebaliae arti* 4, 372.)

adufuefactum, et magna adstante miranteque multitudine (celebrantem) in litore ludum, animi tantum causa, securum, innoxium, non serio caestum vibrantem. Huic iungitur perpetuus comes, gemellus frater XXXI. 424. CASTOR. Vti frater pugil, ita ipse eques egregius. (Homer. Il. 3, 237. et qui hunc exscriplit, Pseudo-Orpheus 945. Κάτορα δ' ἱππόδαμον, καὶ πύξ ἀγχιδὸν Πόλυδεύκεα. Horat. Od. 1, 12, 35. hic equis gaudere, ille superare pugnis nobilis. cf. eundem Sat. 2, 1, 26.) ora equorum Theffalico freno contundere compescere melior, quum vectorem pavidae quaeret Helles, ad vellus arietis aureum repetendum, Argonautis comitem se adiungeret, Cyllarum, equum suum, (de quo vide Virgilium Ge. 3, 9c. Statium Theb. 6, 337. et Hermann mythol. Handbuch 2. p. 144.) quod nulla eius in mari utilitas esset, herba interea Amyclea (Laconica, vbi vrbs Amyclae) pinguescere passus est. — 427. Hoc tam nobile par fratrum egregiis etiam vestibus exornare placuit poetae: Illis pariter, vtrisque fuco fuco muricis Taenario, (Laconico, cf. infra 5, 513. et Horat. Od. 2, 18, 7. 8.) tremit per humeros volitat ignea, ardens, viuidi coloris purpurea vestis, opus spectabile, visu mirabile, quod mater, Leda, tela gemina, bis, eaque simillima duxerat, (verbum solemne de feminis fila trahentibus) bis agri Spartani amoenitates, Taygeton montem, silvasque in eo comantes siruxerat (videmus proceritatem arborum) bis Eurotam fluvium fuderat (vide lenem deflexum) auro molli, in filo extenuato. (Sic Ovid. Met. 6, 68. lentum filis inmittitur aurum.) Vterque equo albo, niueo de flamine vehitur, Cyllaro Castor, Xantho Pollux, vterque in pectore (thorace) gestat cycnum (volat cycnus) cuius specie adsumta in gratiam Leda sese insinuauerat Iupiter. — Locus elegantissimus, in quo nec Leda acura, nec poetae elocutionem desideraueris artifices, ita aptissime verba delecta, ita ad naturam omnia expressa sunt. — XXXII. 433. MELEAGER. Hic alio corporis habitu ob oculos pingitur. At tibi conlectas soluit iam fibula vestes, fibulam soluis pallii ad remum commodius ducendum, ostenditque (melius tamen ostendisque) humeros fortes, spatium pectoris superbi Herculeis aequum de quo non minus gaudebas, quam Hercules lacertis. XXXIII — XXXV. 436. Tres Mercurii filii, proles Cyllenia, numerosa phalanx, AETHALIDES, EVRYTVS, ECHION. Et Aethalides quidem subitas neruo redeunte sagittas cogere, quod obscurius

elatum ita ego intellego: vix emiserat sagittam, quum nervum remissum denuo statim adtraheret, aliamque subito inpositam conlinearet, atque emitteret. — *Eurytus*, gladio magis fortis, quam sagitta — *Echion* denique, qui, quam Diis pater Mercurius, eandem Argonautis filius operam praestaret: saepius enim infra habebimus vel praeconem, vel legatum, qui mandata ad reges perferret. — XXXVI. 441. *IPHIS*, non rediturus, cecidit enim in pugna adversus Scythas 7, 433. *dolebit* vero desiderabitque celerem, strennumque in remigando, *cessantem* (vacuum) *lugebit remum* Argo. — XXXVII. 444. *ADMETVS*, rex Pherarum, Thessaliae vrbs. Totus locus ita cohaeret: *Delius* Apollo ob *Steropen* Cycloper *arcu ingrato* (Iovi nempe, Iove indignante, nisi malis cum Broukhufio ad Tibull. 2, 3. 17. *irato*) confossum Olympo ad aliquod tempus ab Iove exclusus, et Admeto pastor datus est; (in quo Valerius sequitur Euripidem in Alcestidis Prologo, et v. 568 sq. nam alii aliter narrant) a quo liberaliter habitus, ad gratiam rependendam boues ita fecit fecundas, vt gemellos parerent omnes. Iam omnia ad intellegendum facilia: *tanto pastore* Apolline, *felices campi*, res pecuaria, *pendens*, luens, dans poenas *Delius* cet. Hanc fratris sortem inducit poeta dolentem *Dianam*: Ah quoties *obuia famulo Admeti fleuit*, vel sub arboribus *Offsae*, montis in Thessalia, sese refrigeranti, vel egregiam alioquin comam, prohi dolor! *miseros crines* iam *Boebeide*, lacu Thessaliae, (*Βοβηϊς λίμνη* Orph. 164.) *perdenti*, deturpanti: vide paullo post v. 467. — Sic etiam *conrumpere*. v. c. *lacrimis ocellos* Ovid. Amor. 3, 6. 47. Sequitur XXXVIII. 450. *CANTHVS*, *insurgens transtris et remo Nerea* (mare) *versans*, casurus in proelio ad urbem Aeam. (6, 317 sq.) *Interea*, dum remigat, pone eum iacet *clari decus orbis*, affabre factus clypeus, ab *Abante* patre olim *gestatus*, in cuius *tegmine aureo*, lamina aurata, exhibitus erat *Euripus Chalcidicus*, nobile illud fretum Euboeam inter et Boeotiam, et *Neptunus* ab *Geraesto*, quod Euboeae promontorium Neptuno sacrum erat, *ostrifero*, vbi magna conchyliorum copia, *celsa frena*, in curru sublimi stans, *semiferorum luporum*, belluarum marinarum lupinis capitibus *contorquens*, magna vi, robusta manu moderans. Plerumque et a poetis et ab artificibus priscis Neptuni currui iunguntur duo vel quatuor equi, iique equinis capitibus; lapidem tamen vetustum Romae se olim vidisse testatur *Pius*, Valerii nostri

editor, qui capita praeferret lupina. Quo terrarum abierit ista gemma, equidem nescio; *Lippertus* saltem non habet, aliorumque, in quibus antiqua artis monumenta repraesentantur, librorum curia mihi supellex est. XXXIX. 457. POLYPHEMVS, alius ab famoso illo eiusdem nominis Cyclope. Nostro destinatum fuit fato, haec enim narrat poeta, ut in patriam eo ipso rediret tempore, quo famuli, diu eius aduentum praestolati, in eo essent, ut patrem, Elatem, rogo compositum concremarent. XL. 460. IDAS. Vltimum ordine transiit occupat, ideoque non tam longe protendere potest remum, quam in medio collocati. *breuiore remo mare mouet*, eodem sensu, quo Lib. 5, 475. *breuior rota* tribuitur Linae, quae interiorē quam Sol in coelo orbem circumscribit.

461 — 491. Sic enumeratis ad remum sedentibus Argonautis, addit Valerius eos, quibus alii demandati essent labores, et primo quidem XLI. 462. LYNCEVM, proxime praecedentis Idae fratrem (Apharei et) *Arenae* filium, eamque tam acuti visus, ut *rumpere penetrare terras*, ut *deprehendere Styga tacitam* (ornans h. l. epitheton) nihil ut et ibi acumen eius ellugeret, ut *fluctibus mediis terras dare*, terram continentem portusque monstrare *magistro*, ut *astra dare rati*, indicare situm astrorum, ad quem nanis cursum dirigeret — ut, quamquam *aethera Iupiter umbra perdiderit*, serenitatem abstulerit, coelumque nubibus obdlexerit; (*perdiderit* contra *Heinsium*, qui emendandi omnino cupidior iusto est, recte defendunt *Burmianus* et *Wakefield* Sylv. crit. P. 5. p. 9. cuius ex Homero Odys. 13, 399. adlatum ὀλέσω τριχας, canitie adspersionem, mirifice placuit. Nentrum tamen miror meminisse ipsius nostri, qui paullo ante v. 451. eodem *deformandi* sensu *ro perdere* adhibuerat.) *solus* tamen omnium has nubes posset prospicere. — Porro *vacat* a remigio immunis *Cetropiae* Atticae proles *Orithyiae*, filii duo, XLII. et XLIII. 468. ZETES, fraterque (CALAIS) quibus iniunctum erat hoc, ut tremulos temperarent ceruchos, h. e. ut recte post *Plin* explicat *Burmianus*, scanderent malum, antennas et vela curarent. — Nec *Odrysus* (Thrax) ORPHEVS XLIV. 470. *transiris impenditur*, bene delectum verbum, longe praestantior existimatus, quam cui vile remigandi munus demandaretur, sed *carmine tansas ire docet*, mensuram lyra dat *κλειστης*, ut eodem omnes teniore remos ducerent Apollon. I, 540. ὑπ' Ὀρφέος κλειστήν πέπληγον

ἔρσμοις Πόντου λάβρον ὕδωρ, *ne summo in gurgite pugnent,*
inter se colliderentur. cf. Böttiger *Archaeolog. Museum*
Heft. 1. S. 74. Donat. remittit etiam Iason inuēniles la-
bōres XLV. 473. IPHICLO, ex *Phylace*, Thessaliae vrbe,
oriundo, aetate admodum proecto, vtilem tamen operam
praestanti eo, quod monitis regeret inniores, *maiorumque*
laudibus ad imitandum propositis *vreret*, inflammaret,
stimulosque iis adderet. — XLVI. 477. ARGO, quem ipsi
Palladi adceptum referebant Argonautae, *sors erat*, hoc
fuit demandatum, vt curam gereret totius navis, vt ne
quam forte traheret aquam, rimasque, si quae hiaissent,
pice vel molli cera *conduceret*, exquisite, seruatō vocis
etymo. — XLVII. 481. TIPHYS, *Hagniades*, Hagnii filius,
peruigil pendebat, adtentus observator (*adfixus coelo* Sil.
Ital. 7, 362.) *Arcadio ab astro* Boote. *Arcadium astrum*
ideo, quod, dum homo esset, Arcadis nomen gesserat. Erat
autem Lycaonis scelesti illius filius, qui Iovi ad se deuer-
tenti hunc ipsum filium in frusta concilium edendum ad-
posuerat; Iupiter autem innocentis pueruli misericordia
ductus inter sidera retulit. *Felix* Tiphys, utilis nautis,
laudeque dignus, quod primus docuit *usum stellarum*
segnium, tardius sese mouentium, nec tam cito, vti aliae
occidentium, vnde *tardi*, *pigri* nominantur poetis. —
Tandem XLVIII. 485. ACASTVS, decepto, vt promiserat,
patre, breuiore *per obliquum montem* via aduolat, *horren-*
*du*s* iaculis*, *parmaeque*, clypei politi, *splendore coruscans*.
Cuius aduentu laetatus, dolisque gaudens suis Iason *ar-*
denti ferro, i. e. statim *retinacula solui* iussit, haud secus
ac *venator*, qui *teneras compressus pectore tigres*, quem
onus premit raptorum tigridi catulorum, de quo Graeco
idiomate v. supra ad v. 398. *quas astu pauido*, astute
quidem nec tamen sine metu *rapuit*, *dominoque timentem*
(pulcre!) *urguet* incitat *equum*, domum auertere properat,
priusquam *mater saeva* ex *Amiano Ciliciae monte*, erat
enim his aliisque feris frequens illa regio, *recurrens in-*
sequatur.

His ita a Valerio enumeratis Argonautis si addas HER-
CVLEM et TELAMONEM, qui ordines ducerent, habebis
QVINQVAGINTA numero. Adde ipsum IASONEM, et,
si vis, qui postea temporis ad Thermodontem in vrbe
Sinope adcesserunt 5, 115. AVTOLYCVM, PHLOGIVM et
DEILEONTA, tum LIV. numerabis. Eundem numerum,
non eosdem tamen homines habent *Apollonius* et *Diodor.*

Sic. 4, 41. — *Orpheus* 50. — *Apollodorus* 45. quos inter se comparare nostrum nunc non est. Vide omnino *Bachet de Meziriac Commentaires sur les Epitres d'Ovide* T. 2. p. 82. *Heynium ad Apollodor.* p. 177. *Burmanni Catalogum Argonautar.* Valerio eius praefixum, *Krausii Apollonii Rhodii Catalogum Argon.* Hal. 1798. cet.

494 — 497. Vt pariter, aequali remorum ictu per fluctus agitur naus, stant in litore matres, oculisque abeuntes prosequuntur, aliquamdiu cernunt adhuc clara candida vela, percussaue sole radiantia scuta, donec iam celsior arbore, naui vel adeo malo pontus. Pulcre profectio et ad naturam adcommodate: quo longius enim per mare deuexum naus progreditur, eo magis pontus ad litus stantibus altitudine crescere videtur.

498. Prospicit ex Olympo Iupiter, laetaturque Graecis tam arduam, tamque vtilem generi humano expeditionem fuscipientibus, non enim probat otia patrii Saturnii, regni. Vna gaudent superi de laetis, quae mundo ventura sint, temporibus, Parcaeque, quae vias sibi crescere cernunt, longe plura, quae hominibus destinant, fatum genera vident. Imitatus fortasse Valerium est Iscannus de bello Troiano 1, 185. itidem de Argo naui loquens: *Atropon auxit.*

503 — 527. Solus dolet *Sal*, non intrepidus, maxime sollicitus de filio *Scythico*, Aeeta rege Colchorum. Ad Iovem igitur adcedens, quam bene meritus sit ab initio rerum, mereaturque quotidie (eodem fere modo, quo post Phaethontis casum apud Ovid. *Metam.* 2, 381 sq.) exponit. Tibi nostra dies, voluentibus (se) annis, tot peragit transigit, emetitur reficitque vices, is ego sum, qui tot totius anni diebus faciam, ut, quae in mundo tuo peragantur, perspicere possis — tu vero Graecos iam non foues tantum, sed adeo ducis — liceat et mihi meritos, non iniustos, quos tacitus diu mecum continui, questus rumpere. Iam diu tale quid metuens atque praefagiens, et ne qua foret manus inuida nato, ne inuidiae aliorum Deorum exponerem, non in medio terrarum orbe, nec in improbis, fertilissimis (nam improbum, poetis in primis, omne nimium est, modum excedens, copia abundans cet. cf. 2, 63 r. *improba arua*) diuitis plagae aruis — Teneant, nec inuideo, teneant vberiora Teucer (Troiani) et Libys, (Afer, Africa, in primis Aegyptus) et vestri Pelopis domus, (Peloponnesus) ego filio legi elegi, adlignaui campos saeuo gela

pressas (quos malus Iupiter vrguet Horat. Od. 1, 22, 20.) *sirictosque* (glacie) *ammes*. (v. 513. pro *premiis* malim *premiis*, vt referatur ad praecedentem *plagam*.) — 514. *His* adeo, *cederet filius*, et vltius sese reciperet, sed ne posset quidem: nam *zona nube rigens*, perpetuis nebulis innoluta, *nescia rerum*, quae in reliquis orbis terrarum partibus gerantur, ab omnibus tam longe secreta hominibus, et ad vltimos terrarum terminos repressa, vt *nostros reuerberet ignes*, vt ipsi radii mei, ab ea reperiussi, ad me redeant. (Ad 70 reuerberare cf. si placet Ovid. Met. 4, 349. *obposita speculi* referitur *imagine Phoebus*.) — 517. Non video, *quid Phrysis barbarus*, quem homines inculti adcolunt, aliis quibuscumque amnis, *quid proles mea filius meus auersis* longe remotis *gentibus obsiet*, impedimento sit. Quid *Argonautae queri meruere*, quam causam iustam adferre posse putant? v. paullo ante 05. *Non vi potitus* est vellere aureo Acetes, immo Phrixo auxilium petittum dene-ganit, *nec ad Inoas aras venit ultor*, noluit ultionem sumere ab Ino nouerca, quae inmolare eum voluerat, quum filia potius partem aliquam regni concessit, *videtque e Graia nunc stirpe nepotes, et generos* (latiori sensu pro adfinibus, nec desunt exempla, vbi pro maritorum sororibus generi ponuntur. v. Gesneri Thes. h. v.) *vocat et iunctas sibi sanguine terras*. — 525. *Flecte*, retro igitur verte *ratem*, *flecte motus*, vim reprime, quam filio inferre volunt Graeci, *nec vulnere nostro*, in dolorem, detrimentum nostrum *aequora pande aperias viris*. — 527. *Veteris sat conscia luctus silua Padi, et viso flentes genitore so-rores*. Iam olim mihi doloris auctor fuisti acerbissimi, cuius testes sunt *et Padus* (Eridānus) in quem filium Phae-thontem fulmine deiecteras, et sorores (Heliades, Naiades) *viso genitore*, viso meo, patris, dolore *plorantes*.

528 — 530. His Solis precibus, satis placidis et molli affectu plenis, suas addit *bellipotens Mars*, sed vehemens, vt semper, atque incitatus. *Adfremit, quassatque caput, qui vellera dono sibi fixa videt, tentataque*. Editiones *tentataque* sequentibus adiungunt sic: *tentataque contra Pallas* cet. Sed verissime Burmannus ad Martem refert, nec aliter fieri potest. Quid enim? Vellera videt Mars *fixa*? At *fixa* iam diu viderat: iam vero, eadem videt *tentata*, de iis auferendis cogitari. Hinc illae Martis irae. Interpungendo igitur lucem loco aliis obscurissimo viso adfuisse nec nunc poenitet. — 529. *contra Pallas et Iuno*

questus amborum gemunt tacite secum, anxiae adsunt dubiaeque, quid valiturae sint apud Iovem Solis et Martis querelae.

• 531 — 559. Ad haec Iupiter mentem expromit ita: Quae nos *a principe cursu* inde ab initio rerum institui-
mus, ea suo ordine *pergunt* procedunt, *fixaeque manent*; neque enim tum *sanguis*, liberi erant, *instique facultas* hic, illo tempore erat, non erat, cur partium studio tenerer, *quum varios struerem* (exquisite!) *per saecula reges*, quum longam regum seriem per plura saecula ordinarem. — 536. *Audite ergo*, sic pergit Iupiter et quidem vaticinans, *curarum decreta mearum*, quae post diuturnam deliberationem apud animum constitui. *Iam pridem*, pluribus saeculis *immensa* amplissima orientalis plaga ad Hellespontum vsque et *Tanain temus* (sic Adculatio additum? vnicus in omnibus scriptoribus locus, quapropter plures *Tanai* iusserunt reponi refragantibus tamen omnibus Valerii Codd. Genitino iungitur ap. Virgil. A. 10, 210.) florentissima fuit. *undat abundat* (cf. Virgil. Ge. 2, 437.) *equis virisque*, exercitibus, nec alia gens ausa est, bellis eam adoriri, nam ipse ego *fata locosque fouebam*, regioni illi fauebam, ut mihi ipsi constarem, qui felicitatem illi olim hanc decrevissem. Ceterum *fata locosque* posuit poeta pro *fata locorum*, vti infra 4, 557. — 542. *Sed labat*, mox *labetur Asia*, *poscit sua* sibi destinata *me tempora Graecia*, quam *meae quercus* (Dodonae) *tripodesque* (Apollinis Delphici) *animaeque parentum* manes maiorum ad hanc expeditionem excitarunt. *Nunc, Bellona*, animum explebis, *via facta per undas*, *perque hiemes*, per inpetuosum mare: *nec velleria tantum indignanda manent*: non ob vellus tantum ereptum indignabitur Asia. (Burmänniana *indignanda*: *manet propior* cet., Sed libri ante Carri-
onem omnes, ipse Burmannianus, et editio Bononienses ita, vti dedi: *indignata manent*; addito colo: — dedique eo confidentius, quod idem suasisse reperio Biblioth. nouam philol. Vol. 1. Fasc. 2. p. 261.) *propior*, (non tam remotus loco) *subintellecto est, de virgine rapta* (Helena) *dolor*; *sed nulla magis sententia menti fixa meae*, idque tam firmiter decreui, quam quod firmissime; *veniet Phrygia pastor ab Ida* (Paris) *qui gemitus*, irasque pares et mutua *dona* (fluctuant hic et libri et interpretes inter *dona et damna*; illud retinui, exquisitius quippe, et ironice adci-
piendum; hoc facilius est intellectu, sed magis profaicum

et vulgare) *adferet*, magnae quidem et ipsis Graecis calamitatis auctor erit — *qua*, quanta *classe* procorum Helenam repetentium *bella effusa*! quot hiberna castra, quot per annos *Mycenae flebunt* ad Troiam! — 553. quos (non quor, consentientibus optimae notae codicibus, et obsequens quae) *proceres*, regulos, *natosque Deum*, quae *robora*, fortillimos viros, *cernes Bellona*, *obpetere* mortem, *et magnis Asiam concedere* subcumbere *fatis*! — 555. *Hinc*, ex hac Troiae expugnatione *Danaum de fine sedet*, Graeciae potentiam frangere certo apud animum constitui; gentesque fouebo mox alias, pateat terra continens omnibus, pateant clausa hucusque maria, *spes et metus omnibus esto arbiter*, prout gens quaeque terras in medio positas occupare posse speret, vel aliis concedere cogatur. — 558. *Ipse, terrena summa mouendo* post translata modo ad hanc, modo ad illam gentem maiorem potentiam, *locos experiar*, obibo terras, vti paullo post v. 567. *explorabo*, quae potissimum, nam adhuc dubius sum, digna sit, cui reliquae omnes quam diutissime pareant, cuique summum imperium meum tuto committam. Miror, quod Romanos suos, quos in animo habuit, diserte non nomet Valerius, quos in coelum extollendi occasionem haud facile dimittunt Augustae aetatis poetae.

561 — 573. Tunc oculos conuertit ad mare Aegaeum, *robur Herculeum*, βλαν Ἡρακλεῶς, Herculem ipsum, sed fortem eum et robustum intuens, *et Ledae genus*, filios, Castora et Pollucem, atque ita fatur: *tendite in astra viri*, idque meo ipsius exemplo, *quem regia coeli*, Olympus, (reliqui Dii, concilium Deorum) *inposuit mundo*, summum Deum, mundi gubernatorem esse voluit, (cf. infra 668. et Virgil. Ge. 1, 503. Aen. 7; 210.) sed post bella demum *cum Iapeto Titane truce*, haud parum timendo, et cum Gigantibus *in campis Phlegraeis* confecta. — 565. Locum et vobis in Olympo destinaui, sed labore et periculo defunctis. Sic *Bacchus meus orbe peracto*, toto fere, qua habitatur, terrarum orbe expeditionibus bellicis peragrato — sic *Apollo, expertus*, qui aliquas saltem lustrans *terras*, aliquamdiu absuit ab Olympo, quod factum, vel, dum pastorem ageret apud Admetum (v. supra 444.) vel, dum ad leniendum de Phaethonte filio dolorem Hyperboreos adiret (Apollon. 4, 611.) vel, dum sedem oraculo quaereret. v. Homeri hymnum in Apollinem 214. Aeschylum Eumenidum prologo, Pindari fragmenta, T. 3. ed. Heynii

p. 87. *neue Allgem. Deutsche Bibl.* B. 66. St. 1. p. 226. 668. Dixit, et fulmen misit, quod egregie exornatum: *facem nubila flammantem ingenti sulco direxit per inane*, quod fulmen se diuidit in duas flammulas, Castoris Pollucisque frontibus adhaesuras, Iplendentes illas quidem, sed innoxias, immo *miseris periclitantibus olim implorabiles nautis*, quibus conspectis serenitatem coelo mox redituram sperent. Locus adumbratus ex Virgil. Aen. 2, 680-684. et facile adnoscenda electrica materia, quae per tempestates in malis nauium adparet (feu St. Elme).

574. Interea Boreas ab arce Pangaea, Thraciae promontorio, naues conspicit, quae naues poetice effieruntur: *carbasa vela medio permissa profundo concitusque*, statim et celerrime tendit ad *Aeoliā* insulam Strongylen, hodie *Stromboli*, vnam ex Aeoliis, quas et Vulcanias et Lipareas adpellant, (cf. omnino Heyne Exc. 1. ad Lib. 1. Aeneidos) in *Tyrrheno* Etrusco aequore sitam; et vim suam in via exserit per siluas, *omne nemus rapidis alis ingemit*, — exserit per campos, *strata nempe Ceres, segetes*, — exserit per mare, *nigrescit pontus sub praepete moto* (melius *motu*, v. Bibl. philol. l. 1. p. 262, quod, quum mirifice placeret, nihil haesitabundus in textum recepi. — 579. Aduenit, quo tetenderat, in *Aeoli antro*, in quo describendo Valerius profecit a Virgilio A. 1, 52 sq. quem comparasse operae pretium erit. *Aequore Trinacriae Siculo*, et a parte quidem *refugi*, olim abscissi ab Italia *Pelori*, promontorii Italiam spectantis. *Stat rupes horrenda, quot in aethera surgit molibus, infernas totiens demissa sub vndas*. Locus profecto et obpositis et sublimitate laudandus: mox fluctibus in tempestate retro cedentibus solito maior nubes ferire, mox iisdem redeuntibus sub imas vndas depressa, euanuisse videtur. cf. et hic Virgilii Ge. 2, 290. 291. vbi de arbore: *Quantum vertice ad auras aetherias, tantum radice in Tartara tendit*. — 580. Nec *proxima tellus*, insula Vulcania (Hiera), quod suadent Cyclopes memorati, *scopulos aut antra minor*, (Graeco more, omisso *κατά*) minores habet scopulos, aut antra, quae inhabitant Cyclopes *Acamas*, nudusque *Pyracmon*. (In nominibus horum Cycloperum variant Mythologi. Virgil. Aen. 8, 425. praeter nudum membra *Pyracmonem Brontem* habet *Steropenque*. Vnde noster *Acamanta* sumserit, nescio; fortasse *Argen* voluit, quem habet Apollodorus 1, 2.) — 584. Hic sedes proprias et imbres, et

venti et tempestates habebant olim, hinc in terras et maria libera potestas erat, hinc olim polum infelixque fretum miscebant, vndas ad coelum vsque erigebant, quum regem nondum haberent, donec Oceanus aduena Libya (Africa) rumperet abrumperet Calpen, oppidum Europae ad fretum Gaditanum, Europam ipsam, quum flets suo damno Oenotria (Italia) fines Siculos, Siciliam, sui antea partem perderet, et mediis intrarent montibus vndue, ipsorum montium obstantium molem frangerent. Cf. de eadem re canentem Virgilium Aen. 3, 417. *Venit medio vi pontus, et vndis Hesperium Siculo latus abscidit*, et Iustinum 4, 1. — 591. Tum vero Iupiter pauidis ita, vt pauerent, ventis intonuit, regemque Aeolum dedit, cui parent, et monte (carcere Virg. Aen. 1, 145. et noster v. 602.) inclusit, in quo chalybs iterataque muris saxa, clathri ferrei, et duplex murus, vnde non nili concedente rege (ipse volens) et claustra refringente exire possent. cf. Virgil. Aen. 1, 55 sq.

597. Ad hanc igitur Aeolum nuntius venit alte vociferans ita, vt folio regem proturbaret, Boreas: *Heus! magnum tibi nefas adfero; Graeci quidam iuvenes* (contemtim) *molem magnam ferro securibus commenti, iuuenili audacia sibi excogitarunt; ingenti velo gaudentes per mare incedunt. Utinam liceret, profecto imis freta tollere harenis.* Quam alius ego nunc ab illo! Haec talis audacia ex eo orta, quod Boream (me, sed ἐμφατικότηρας nomen proprium loco pronominis positum) *sub rege vident.* Age igitur, da mergere permitte vt mergam Graios, insanumque ad insaniam vsque temerariam nauem (insanae aquae Ovid. Heroid. 1, 16.) cui, nil enim me mea pignera tangunt, quamquam filios meos, Zeten et Calain et ipsos vehat, non parcam. (Pro pignera mauult viscera Wakefield Silv. crit. 4. p. 214. Nil opus!)

608. Cuncti intus cum fremitu poscunt in aequora emitti, Aeolusque, Hippotades, Hippotae Troiani ex filia Segesta nepos valido turbine portam impellit, cardines versat, fundunt effundunt se (cf. 2, 662.) carcere laeti Thraeces equi, (Thraeces, nam Thracia omnino ventorum domicilium priscis habebatur, equi, Ζέφυρος ἱππείστας Eurip. Phoeniss. 220. Eurus Siculas per vndas equitans Horat. Od. 4, 4. 44. vbi vide interpretes) Zephyrus, Notus nocti concolor, nimborum cum prole, filiis quali, originem ventis debentibus, Eurus procellis crinem hispidus, cui ca-

pilli ventis turbati, horridi sine ordine volitant, et multa flauus caput harena, erutis ex fundo maris harenis conspersum habuit caput.

614. Iam ingruit tempestas, ab his, vnanimis mota, rauco tractu spiramine freta curua in altum, in montes curuata, sinuata ad litora ferunt compellunt, nec sola tridentis regna Neptuni mouent, sed tonitrua etiam et fulgura excitant. Excussi manibus remi, nauis in obliquum versa resonat impulsu fluctuum, vela super tremulum subitus volitantia (fluitantia Ovid. Met. 11, 470.) malum turbo rapit. Enge! belle! sic apte delecta epitheta, sic vinis picta coloribus omnia videmus. Imitatur Virgilium Aen. 1, 102-105. Stridens aquilone procella velum aduersa ferit, fluctusque ad sidera tollit. Franguntur remi: tum prora auertit (quod est Valerio: in obliquum) et vndis dat latus: insequitur cumulo praeruptus aquae mons.

621. Qui tum Minyis horror, quum picei fulsere poli, ex nigris nubibus eliduntur fulgura, et antenna laeua cornu prona, malo delabsa, dehiscens sustulit vndam, vndam haurit, et in aera secum rapit ex fluctibus hiantibus. —

625. Nesciebant vero Argonautae, hanc hiemem a Diis sibi inmissam, sed tale fretum hanc maris esse naturam putabant. Tum moesti secum: Hoc erat, temerare illicitas vndas, meruimus, qui quod nefas esset, (de temere enim illicita, res in primis sacras adgredientibus vsurpant et temerare, susceperimus, quod nostri timuere parentes sapientiores — vix enauiganimus, en quanto fremitu sustulit Aegan, Aegaeum mare. cf. 4, 715. hiccine iam concurrunt, pro simplici sunt, inueniuntur, sed cum respectu ad Graecum συμπλέγδες — linquite terrae homines in continenti vincentes spem pelagi, sacrosque, quos tentare religio est, seponite fluctus, nauigandi studium dimittite.

633. Haec iterant, segni flentes obcumbere leto. Segne letum Ouidio Metam. 7, 544. iners 8, 518. ignauium Sil. Ital. 14, 607. ignobile, nempe est, cui auertendo frustra vires intendas, quod fortiter obpetere non possis. Hoc doluit in primis magnanimus Hercules, spectat pharetras, spectat lacertos, nulli iam vsui futuros. — 636. Vale sibi dicunt inuicem vltimum Argonautae, iungunt manus, atque ora fatigant mutuis osculis. Adspectu tota in misero quum protenus alius soluitur, et vasio puppis mare sorbet hiatu. Ex his, ita politis, fateor, etiam post perlectas interpretationes, me sensum aliquem idoneum extricare non

potuisse. Plana omnia fuerunt, ut primum praestantissimi Beckii (hunc enim Harlesianae editionis censorem in aliquoties iamiam memorata biblioth. philol. fuisse, quousque pretio contenderim) p. 262. vidi emendationem, qui sublata post *fatigant*, polita post *misero* interpunctione, vnius vero literulae mutatione, *toti* enim suadet pro *tot A.* clarissimam lucem adfudit loco. Iam vero facillime fluunt omnia: *Ora fatigant adspectu toti in misero*, in tam tristi adspectu solo occupati, *quum protenus* etc. Recepi in textum, adprobantibus certo, qui nasum habent. Nunc etiam reliqua melius intelleguntur: *ahnus soluitur*, rimas agere incipit, easque ita patulas, ut magna vndarum vis intret, ut *vastò mare sorberet hiatu*. Lactant iam venti nauem, *verberat Euris, stridens Zephyris aufert Notus* pro pila quasi vtuntur, *undique feruent aequora*. Sed

641. en Deus ex machina! *Neptunus* in (armatus) *trifida hasta*, tridente, (Ovid. Metam. 1, 330. *tricuspside telo*) efferens caput sic fatur: Pallas et Iuno precibus et lacrumis hanc eblanditae sunt nauem, addixi, promissis standum, *abstulerint*, habeant, ne tamen eadem alias libido incessat, *Pharias Aegyptias, Tyriasve naues!* Sed praeuideo, prohi dolor! plures eadem tentaturas, *plenas malis miserorum clamoribus* praeuideo *undas*, nec *Orion meus filius* (v. 2. 507. et not. ad 4, 123.) nec, quae aliis nauigantibus graui sidera habentur, *Taurus et Pleiades*, *mortis nouae* hucusque incognitae *causae erunt*, immo tu *Arge*, tuque *Tiphy*, quibus, meruistis enim, nulla mater locum *in Elysiis campis*, *piorum* sedibus assignabit. — 651. His dictis Neptunus pontum et turbata litora reponit, quietem reddit, *ventosque depellit*, quos et terga vertentes terribiles videas, *horror caeruleus*, asperum adhuc et trepidum mare, *madido grauis vnda sinu*, nubes vndis grauidae, *longeque sequutus imber*, quem diu adhuc oculis prosequi possis — sic igitur *simul tendunt ad aequora portae Aeoliae*. v. supra 579 sq.

656. *Emicuit reserata*, (duae, nec iniucundae, metaphorae) *dies*, et arcus coelestis *resoluit* reclusit *coelum*, serenitatem reduxit. Nauis placido mari exstat, ab ipsis Diis marinis *Thetide* et *Nereo*, in gratiam Pelei Argonautae, qui illam coniugem, hunc socerum habuit, *erecta*. — 660. Iason, gratiam Neptuno acturus, *sacro amictu velatus*, *Aesoniam* ab Aesone patre adceptam capit *pateram auream*, quam hospitale donum pro pharetris olim Aesoni

dederat *Salmoneus*, nondum ille *furens*, nondum stulte
 inpius, vti postea temporis, quum Iovis fulmina imitari
 sustineret. Hoc nescio, an nimis docte et alieno loco sic
 extulerit poeta: *Quum fingeret, quadrifida trabe* (*trabs*
 bene et *σκαπτίνῳς*, cum fulmine comparata; fortasse et
 hominis stultitiam ridendam proponere voluit Valerius
 eo, quod, quum Iovis fulmen non nisi trifidum esset, qua-
 drifida trabe *Salmoneus* vteretur) *ruentemque tonantem*
 (Horat. Od. 1, 16. 12. *horrendo ruentem tumultu*) *Iovem*
contra Atho (non *Athon*, vti vulgati, quod metro in syl-
 laba posteriori repugnat. v. Heyne ad Virg. Ge. 1, 332.
 vbi et *Athos* et *Rhodope* itidem iunguntur. Alijs tamen
 locis priorem syllabam semper corripit Noster. Quidni
 vero et hic breuem syllabam tueri liceat, si ultimam lite-
 ram in ΑΘΩ non elidas, sed Graeco more ob sequentem
 vocalem conripias?) *aut Rhodopen*, sic *Salmoneus*, *Iovis*
aemulus, in suas terras saeniret, *ardua Pisae* (per prolepsin)
nemora et Elidis, cuius rex erat, *agros vreret*. Ne longus
 sim, comparari velim Virgilium Aen. 6, 585. cui nonnulla
 sublegit Noster. — 666. Ex hac igitur patera *libat latices*,
vinum (laticem *Lyaeum* Virg. Aen. 1, 690.) *lason*, his addi-
 tis precibus: *Dii marini*, quorum *regia*, palatium, impe-
 rium (cf. supra v. 563.) non minus amplum, quam *Olympi*
 est, tuque, *Neptune*, cui sorte contigit mare, *diuique bi-*
formes, (vt *Scylla* et alii aliaeque) *seu casus nox illa*,
quae tantam nobis tempestatem intulit, (hoc facile, non
 item, quae sequuntur:) *seu voluitur axis*, vt *superum sic*
flaret opus, (et hoc fortasse exponi sic possit: fieri potuit,
 vt terrae motu concutiendus esset orbis, vt aequali vbique
 pondere libraretur) *tollique vicissim pontus habet*; (hic
 vero haeret aqua, nam *vicissim* quo referam, non reperio,
 nec *ro habet* sensum fundit. Malui igitur cum *Ouden-*
dorpio ad Frontini edit. sec. p. 66. cui et *Cel. Beckius* l. l.
 adcedit, sic interpungere et reponere: *seu voluitur axis*
VI superum, SEV SIDERE *opus*, *tollique vicissim*, hoc
 sensu: seu necesse sit, vt mare mox quiescat, mox mouea-
 tur. *Opus habet* sic Infinitivo additum singulare quidem
 est, quod recte monet Beckius, sed singularia amat Vale-
 rius — *seu*, sic pergit v. 672. *conspectus navis armatae*
subitus ad iram te concitauerit, satis memet luisse putaue-
 rim, et *tua*, *Neptune*, *numina*, (sic saepe de vno Deo
 poetae; cf. infra 4, 34.) *iam sint meliora*, magis propitia. —
 677. Quod si facias, *meritas tibi aras plurimus pascet*

honos plurimarum victimarum sanguine et carnibus onerabo altaria tua, et quantus in aliis urbibus flas rotis equisque horrendus, curru vasto venerabilis, (line dubio ob oculos habuit opus antiquum poeta) tantum et in urbibus erigam nostris.

681. Idem laeti vouent Argonautae, hoc enim est sequuntur verba ducis, non secus ac, quum gregibus et campis Calabri populator Sirius arui, nimius solis aestus damnum intulit, *agrestum manus inscia* (magis placet *anxia*, quod praeter alios codices Harleianus etiam praefert, et placet eam in primis ob causam, quod Argonautas cum *insciis*, superstitiosis stupidisque agrestibus comparare voluisse Valerius vix credendus est) in *priscum* antiquitate religiosum *nemus coit*, et praeunte sacerdote vota nuncupat. — 685. placidi iam spirant venti, volat *inmissis* incitatis *caua pinus habenis*, quas saepe nauibus dant poetae. v. 4, 679. 680. *insinditque salum*, sulcos trahit per aequor, et *spumas vomit aere tridenti*, rostris. v. Virgil. A. 5, 143. et Scheffer militia navali 2, s. p. 126. Adumbravit locum ex Virgilii Aen. 1, 35. *spumas salis aere ruebant*, sed, quod imitatores solent, idem pulcrius elferre adfectavit, nec infeliciter ad meum sensum, noster: *navis aere tridenti, rostro tritido, vomit spumas*, prae se agit atque propellit. — 689. *Tiphys agit*, gubernat, *tacitique sedent ad iussa remiges*, omnes ei parent haud aliter ac Iovi, *ad cuius solium omnia prona*, prompta, festinantia, venti, imbres ceterae *annae adeo fontibus inclusi*. Comparatio Tiphysi admodum honorifica!

693. At Iasonis animum praesagientem subit metus, quod *crudelis vlciscendi cupidus* atque *dolose Acastum* patri abduxerit, *cetera suos omnes neci nuda* exposita, *medioque in crimine patrem liquerit*, quod post Maerium recte Burmannus exponit: *in criminis suspitione*, qui nempe, nisi auctor suaforque, conscius tamen rapinae illius Peliae fuisse videri possit, *ac nullis inopem senio* confectum *vallauerit armis praesidiis*, quibus ab injuriis sese defenderet — *ruat omnis in illos patrem et matrem furor; nec vana pavet*, haud inanis est timor.

700. *Saeuit atrox Pelias*, videt e vertice montis navem, non videt, qua ratione iram possit effundere. *Nil animi, nil regna iuvant*, nil prodest, quod fortis, quod rex sit. Conligitur repente armata manus, eaque fremit quali *obiec-* *em* sibi obiectum mare, prosequitur tamen, *telisque salum*

facibusque coruscat, arma facesque inlustrant mare nocturnum, sed labor aeque inanis, ac olim *Minois*, Cretae regis, *Daedalum insequentis*. Haec pinguntur: *Quum Daedalus ora aeris* sona terra, metallifera, nam ibi officinas habebant ferarias Telchines, primum Cretae, deinde Cypri, postea Rhodi incolae, v. Strabo 14. p. m. 966. *profiliuit*, subito effugit, evasit *volucer alatus*, *iuxtaque comes* Icarus filius puerulus *breuioribus alis*; *nube noua*, umbra, quam utrique coelum peruolantes proiciebant, *linquente domos*, *Minoia manus* equites et pedites Minois, *consurgit*, sed pedites infremunt frustra, *equites lassantur inani visu*, taedet auolantes diutius non nisi oculis prosequi, sagittas, quantum usu maxime inclui erant Cretenses, expedire non potest, *pharetras refert plenas* in urbem *Gortyna*. (Adcusativus h. l. vti recte monet Heinsius. Nominativus est Gortyn, Gortys et Gortyna. v. Eustath. ad Dionys. v. 88.)

709. *Funditur humi Pelias* in thalamis, ipsoque in limine domus, quam filius inhabitauerat, imagines eius, locaque, ubi steterat, osculatur, fulis capillis legit vestigia. Fortasse reprehendi possit poeta, qui Pelian *senem*, canities enim tribuitur v. 711. tam viridam, iuuenilemque amoris significationem prae se ferre voluerit. — 712. iam in sermone ad filium absentem directo non parcat quidem Iasoni, filio tamen et ipsi exprobrat quodam modo intempestivum landis amorem. Vere si credidissem, *freta esse peruia*, laudi tuae non invidissem, *ultro classem classariosque dedissem*. O domus, o freti nequidquam prole penates! Sic, quam de filio conceperam, spem egregiam, factam video irritam. — 722. Sed iam ira redit ad Iasonem: *Sunt hinc etiam tua vulnera, tuae lacrumae*, (Virgil. Aen. 1, 462. *sunt hic etiam lacrumae rerum*) et ego tibi vulnera infligere, lacrimas tuas ciere possum, in manibus patrem habeo tuum. — Mortem igitur Aesoni intendit, sic tremens atque furens, vti olim *Thyoneus*, (Bacchus a *Θῆν* *furere*, vnde etiam Bacchae Thyades) quum *cornua* (haec enim addunt poetae) *saeva ad Bisionas* (Thraces) *meritos* non sine causa *torfit*, et tota Thracia, quam silvis et montibus circumscribit Valerius, tremere, maxime tamen *Lycurgum*, qui vites omnes per Thraciam eradicari iusserat, persequutus in furorem dedit, vt *coniux incita* celerrime et *nati* hominem fugerent.

720. Forte addidit, vt eo ipso tempore *Alcimedea*, de filio Iasone anxia, *Tartareo Iovi*, Plutoni (Sophocli Oedip.

Colon. 1606. Ζεύς ἑρδόνιος. *Pater Tartareus* infra hoc libro 828. *Iupiter tremendus* 3, 385. *Iupiter niger* Silio 8, 16. *Stygius* ap. eundem 1, 386.) sacra faceret, *Deosque Manes excitaret*. Non sine causa Valerius Alcimedem, nam feminae futuri curiosiores esse solent, haec sacra facienda demandavit, *Aeson tamen facilem habuit*, facile persuasit, qui non minus, quam ipsa, de filio esset sollicitus. In scrobibus, fossis, has enim excauabant in sacris Diis inferis faciundis, *cruoris largus honos*, ita largus, ut in fossis stagnaret, *funditur Phlegethonti operto*, apud inferos flumini. — 736. Adstans *Theffalis* Alcimede *grandaeva* senex magno clamore prouocat Manes maiorum, *magnaeque nepotem Pleiones*, Mercurium, cuius et apud inferos magna fuit potentia, inplorat, ut Vmbris concederet, aliquantisper ad supernas regiones redire.

738. Iam *Cretheus*, Aesonis pater (v. Tab. genealog. I.) his Alcimedes carminibus excitatus, *tenuis* (nam apud inferos omnia sunt exilia, tenuia, lenia, inania) *vultus effert*, filiumque nurumque ita adfatur: Nolite timere de filio, *volat* ille per maria; Aea, vrbs Colchorum, Colchisque tota trepidant, *quatiunt*, percellunt, timore implent (cf. 2, 122. 5, 273.) prodigia omnes et oracula. *Qui horror* quam timendus *pergit* in itinere, mox Scythiae spoliis onustus, captisque feminis superbiens rediturus, cui triumpho utinam ipse possim adesse. — 747. Celare tamen non possum, *fratrem* patruelem Pelian dira omnia tibi, mi Aeson, parare. Tu vero praeuertas voluntaria morte, eaque cita, *rapias animam*, et *famulos effugias artus*. (*Famulos* refert Burmannus ad Pelian, hoc sensu: nisi praeuenias, perpetuo te seruitio ille addicet. Ego vero malim *animae* iungere, cui, parti hominis diuiniori, corpus terrestre debet parere; qui sensus melius adeo pateret, si pro *effugis* reponere velis *exuis*.) Sic igitur, mi fili, facias. Expectamus te, ego pater, et *Aeolus*, non qua ventorum Deus, sed auus, *volitans*, quatenus umbra est, in Elysiis campis.

752. Interea Peliae regiam moestam *clamore supremo*, alias conclamatione in mortuis, an forte in vitam reuocari possint, *usitata*, *famuli ad horrorem* vsque implent, de Acasto recuperando desperantes. *Fragor* tumultus regem *per moenia differt*, per vias omnes discurrit, *nille ciet manus*, iubetque, quae ciuibz facienda sint.

755. *Sacerdos sacra faciens Aeson flagrantem aras vestesque nemusque praecipitat. Interpretes omnes de sacrificio parando adciunt. Nollem factum! Sacra fecit Aeson v. 735. nec lignorum multitudinem, quam in nemore inuenisse sibi videntur, adnoxiarim ideo, quod arae iam flagrant. Ego igitur in alia omnia discedo, habeoque mihi persuasum, Valerium de finiundo sacrificio cogitasse. Properavit Aeson, ut deslagrarent arae, ut deponeret vestem sacram, ut nemore exiret. Sic vero, praeter quam quod interpretatio mea v. 774. ubi *sacra novantur*, comprobatur, et h. l. omnia optime cohaerent. Tumultuarius variis clamor Aesonis in nemore versantis aures ferierat; dubius est, quid faciat, *leonis insiar*, qui, quum magno venatorum numero coarctatum se videt, *rictuque genas et lumina pressit*, quod non intellego, nisi praecunte Columbo legere liceat *rictumque gemens* et interpretari: iram vultu praefereens (*gemere* enim vti de quocumque sono, ita etiam de ira vultu expressa usurpare poetas, docuit me Ruperti ad Sil. Ital. 1, 475.) *pressit dentes* consistit — *et lumina pressit* nictat, oculis arguitur. Similis locus 3, 739. *dolor adtrahit orbis*. Lingua nostra totum locum ita esse polle: *Stand da mit verbissener Wuth und blinzendem Auge*. — 759. Sic igitur dubius adstitit Aeson, *inbellisne lenex enses iuuentutis olim gestamen* adriperet, an senatum populumque in auxilium vocaret. v. supra 71.*

762. Ita fluctuantem erigit Alcimede. Locus suavissimus, dulcissima coniugalis amoris imago. *Effusa manus*, Graeco more, pro effundens, protendens manus, maritum amplectitur. *Me quoque*, ait, cuiuscumque casus comitem habebis, *nec fata traham*, protrahere vitam velim, *fata coeli patiens*, satis diu quae vixi, *nec sine te natum adeo*, in quo mihi sunt omnia, *videbo*, videre velim, *quae potui tantum ferre dolorem*, quae vici dolorem ex habitu eius conceptum, *quum primam per altum vela dedit*. Sic ordinata, nam structura verborum in contextu implicatio, clara sunt omnia. Talia *per lacrimas* lacrumans fata quum esset,

767. Aeson mori statuit, incertus *quo fine*, quod genus mortis eligeret sese dignum. *Natus et domus*, generis nobilitas, et avus *Aeolus* et *bella pugnata*, res olim insigniter gestae, *magnum obitum praeclaram mortem* postulant. Versatur etiam ob oculos *alter filius, aevi rudis*, puerulus adhuc, (Promachus,) quem morte voluntaria ad

ingentes animos et fortia facta atque olim leti meminisse paterni, ad necem patris vlciscendam malit excitare.

774. Ergo sacra nouat. cf. v. 755. *Veteris sub nocte vmbra cupressi, sordidus et multa pallens ferrugine ferrei coloris; fuscus stabat adhuc ex interrupto sacrificio taurus, cui caeruleae, nigrae,* (v. Virgil. Aen. 3, 64. et infra 3, 400.) *per cornua vittae et taxi,* (cuius arboris fuscus et rami apud inferos etiam in vsu erant; nam, si Statio credimus, Theb. 8, 9. Furiae faces ex hac arbore parabant) *frons hirta comis corona taxea* (fuscus taurus, nigrae vittae, taxi corona — omnia in sacris adhibita, quae Diis inferis fierent) *inpatiens loci,* maluisset aufugere, *visaque exteritus vmbra Crethei.* — 779. 780. In his versiculis me offendit *nefandae*; nam si Thessalis non est saga quaedam, quae praeter Aesonem et Alcimedem adesset, quod Vossio placuit, sed Alcimede ipsa, vti ego existimo, non satis honorifica huic vox illa videtur, quae quamquam non ipsi, sed *genti* iungitur, nihil tamen inde ad excusandam Alcimedem efficitur, quae nefandae gentis moribus sese adcommodare non debuit; ideoque malim post *more* incidere, et aliud loco *nefandae* substituere verbum, quod tamen non statim obcurrit. — 781. *Tergeminam tum heram, Hecaten triformem, placat, Stygiasque domos obsecrat,* Deos inferos obtestatur, *iamiam exorabile retro carmen agens,* quod ego ita adcipio: agit (cf. 4, 87. *mouet* 5, 100.) *carmen* interruptum antea, quod suadere *to iamiam* videtur, *retro*, denuo incipit (retro enim de tempore etiam vsurpari notum est) et *exorabile* quidem, quod optaret exaudiri; nec aliter explicuerim non *inexorabile*, quod *petimus* infra 5, 321. Video Burmannum Gesnerumque in Thes. h.v. actiue hoc verbum sumere nostro loco, nec me fugit *medicabile carmen* 5, 87. quod ibi actiue sumi necesse est, h.l. non item. — 783. *neque enim ante leues tenues, exiles niger auehit umbras Portitor,* quod mihi non ad solum carmen pertinere videtur, sed ad totum sacrificandi actum: cymba non ante excipit eas Charon, quam Deos inferos propitios inferiis sibi reddiderint, *et cunctae,* quotquot sunt, *primis stant faucibus Orci,* ad limina regni Plutonii consistendum omnibus est. Erat, vbi pro *cunctae* coniicerem *functae*, vita defunctae, mortuae, quae vox hoc sensu apud aureae aetatis poetam Albinovanum 393. legitur, sed et hoc frigere animaduerti. — Haec scripseram, quum ad manus venirent Cel. Jacobs Miscellaneis

philologicis, ab Cl. Aug. Matthiae nuper edi coeptis, insertae emendationes, vbi p. 72. vir acutissimus *exorable retro, carmen inlustrat* ex Horatii Epod. 17, 6. Canidia, citum *retro solue, solue* turbinem. Vti igitur veneficae quibusdam formulis humanas mentes deuincire, et aliis easdem soluere se posse existimauerint, ita etiam Thessalida Valerii, vt umbras evocatas pristinis suis sedibus redderet, iisdem carminibus putat usam, ne scilicet a portitore reiectae in ipsis Orci faucibus retinerentur. Quum vero *ro cunctae* elumbe sit et ab hoc loco alienum ideo, quod per se pateat, non vnā aut alteram illarum umbrarum, sed *omnes* eidem legi fuisse obnoxias, in eius locum reponi suadet *vinctae*, (nondum solutae, adhuc incantatae). Quae explicatio, pluribus veterum locis adductis munita non minus, quam emendatio tam facilis, facile, vt mihi, ita pluribus sese probabit.

785. *Taurum vbi terrifici sacri in tempore conspexit*, obportune ad sacra inferis facienda adstantem morti eum destinat, tactisque cornibus ante obitum Manes maiorum innocat. — 788. *Vos, quibus non segne peractum lucis iter*, vita laboribus fortiter transacta, *consiliis prudentia bellisque cognita mihi nomina, magnorum fama sacrata nepotum*, quae nepotes, et ipsi magni, posteritati commendarunt — *tuque excite parens* (Cretheum putat) *umbris, vt nosira videres funera calamitates, et oblitos, ex quo Lethes aquas bibisti, superum, viuientium* (τῶν ζῶν. cf. 827. res supernas) *paterere labores, da mihi placidae sedis iter*, faue meo ad inferos itineri. — 794 — 815. Iam vero insurgit in Peliam oratione, irae, indignationis et dirarum plena. *Tu nuntia fontum Virgo Iovi* (Astraea; cf. 2, 363. vbi *flagitat iras in populos*) *ultricesque Deae, Furiae, Fataeque Iustitia, et grandaena Furorum Poena parens, Furia maxima* v. 817. (cf. 7, 147.) *meritis regis Peliae subcedite tectis* (pro meritis Heinsius et Marklandus maluerunt *meriti*, quod facilius, illud magis poeticum) *sacer terribilis Pavor* (cf. 2, 204. 287.) *effera raptet corda subito totum* obcupet animum, vt non vnā Iasonis mei nauem, sed classes regum Ponti, indignantium, quod ratem ipsis *temere* inmisericorditer, metuat — vt mori optet, nec tamen possit, donec Iasonem vellus reportantem viderit. — 806. Tum vero stabo insultans tibi ego, exultans praec gaudio; tum vos, Dii Deaque scelorum vindices, si quod habetis mortis genus inauditum adhuc, incognitum et turpe, huic

inferte fallaci senī — ne cadat in proelio (*magno obitu* supra 768.) nec manu Iasonis, quo honore indignus esset — ipsi eius milites et cognati diripiant, lacerent, insepultum proiciant. — 815. Hoc, hoc piaculo pascat oculos Iason meus, hoc cunctae, quas maris periculis exposuit, *gentes*, familiae Argonautarum.

816. *Adstitit*, statim praesto fuit, *Furiarum maxima* (Virgil. Aen. 3, 252. 6, 605. erat enim alia maior natu, alia minor) *tangit graui manu taurino fumantia pocula tabo* sanguine, (cf. 2, 212. 4, 749.) quem auide hauriunt Aeson et Alcimedea. Hoc proprie, de Aesone saltem, accipi debere, iubent Diodor. Sic. 4, 50. et Apollodorus 1, 9. 27. Αἴσων θυσίας ἐπιτελῶν ἀδελῶς τοῦ ταύρου αἷμα σπασάμενος ἀπέθχεν.

819. *Fit fragor*, *inrumpunt* a Pelia missi *sonitu*, (mire languet, ait loco saepius laudato Beckius p. 262. quum praecesserit *fragor*: emendant *foribus*, *domini*, *senibus*; miror nemini in mentem venisse *subito*, quod videtur maxime adcommodatam) inueniunt in agone mortis senes, *subsecta leto lumina*, *subfusa pallore ara*. (Sic subsecti sanguine oculi Virg. Aen. 2, 210. infra 2, 105. maculis subsecta genas; alias: *morte natantia*, *morte grauata*, Ovid. Metam. 4, 145.) *undanti reuomentes veste cruorem*, magnam sanguinis copiam emittentes. cf. supra 688. Diripiunt igitur *primo rudem sub lumine rerum*, primos vitae annos agentem, puerulum Promachum, *visa parentum morte pallentem*, quibus eum dant comitem moribundis. Cuius nefandae caedis Aeson spectator *procul horruit memoremque tulit sub nubibus umbram*, vlciscendi cupiditatem ad inferos secum abstulit.

827. Finem inponit poeta huic libro describendis inferorum sedibus. *Tartarii sedet aula patris*, domus Plutonia, tam longe remota, *supernis rebus abscissa*, vt, etiam si Iupiter victam detritam *molem*, mundi superioris compagem, *soluere et primae velit omnia massae reddere rudi illi et indigestae*, ruina tamen ipsa eam non adtingeret. — 831. *Iacet*, amplitudinem pingit, *Chaos*, h. l. non memorata modo rudis et indigesta moles, sed aula Plutonis ipsa, quo sensu apud nostrum 2, 86. et alibi, saepe apud alios, Graecos etiam, poetas obcurrit. v. Hesiodi Theog. v. 700. pater Noctis et Erebi. Virg. Aen. 6, 265. — *ore tam ingenti*, vt *pondere fessam materiem*, si fractus delabatur orbis, totum eum possit, non excipere, sed *consumere*.

833. Hic *duae aeternum*, inde ab initio rerum, *portae*, quarum altera, *dura immutabili lege semper patens*, *populos regesque*, summos et imos, *receptat*, alteram *tentare nefas et tendere contra*, intrare vi adeo adhibita volentibus non licet, *rarius patet*, sed *sponte*, lubens adcipit egregie in hac vita meritos, fortes heroas, *vulnera gerentes* (in) *pectore*, non tergo, *quibus galeis praefixa rotisque domus est*, qui spoliis, exuviis curribusque hostium (v. Sil. Ital. 6, 434. in primis Virgil. Aen. 7, 184. ubi Heynius non ipsos currus, sed fictilia ligna eorum suspensa fuisse recte existimat) domos exornarunt, — *quibus studium mortales pellere curas*, qui vitam humanam minus molestant, iucundiores novis inuentis fecerunt — *quibus culta fides*, probitas, *καλοκχηστία* — *quibus longe metus*, atque ignota *cupido*, qui pravis animi adfectibus abripi se non passi — denique pii Deorum ministri, *seu venit in vittis castaque in veste sacerdos*. — 841. Hos omnes lenis, propitius, hilari vultu *plantas*, (sic dedi, commate post lenis posito, pro *plantis*) — *plantas* igitur, alas talarum et *lampada quassans progenies Atlantidis Mercurius agit*, unde *ψυχοπομπής, ψυχαγωγών*. cf. Horat. Od. 1, 10, 17. 1, 24, 18. — 842. *lucet via*, tenebricosi Erebi aditus, *late igne*, face, *lampade Dei*, donec (ad) *silvas et amoena* (loca) *piorum*, campos Elysios *deucniant*, ubi *Sol durat*, numquam obcidit, et *aprica dies*, coeli serenitas, per totum annum dominatur, — *thiasique*, laetae saltationes, *chorique coetus virorum*, *carmina* — et — *quorum populis iam nulla cupido*, tam multa alia laeta atque iucunda, ut hominum in terra viventium spem omnem atque opinionem adeo excedant.

847. Has igitur in sedes, easque *aeternas* in perpetuum *Cretheus* et filium inducit et nurum, simul vero edocet, quantae poenae maneant *Pelian*, portam ingressurum sinistram. (De duplici ap. inferos porta v. Virgil. Aen. 6, 540 sq.) Admirantur novi aduenae magnam piorum laetantium multitudinem, loca amoenissima, ampla virtutis apud inferos praemia.

IN LIBRUM II.

1 — 5. Interea alta fecat Iason, *scelerum luctusque*, necis a scelerato Pelia patri inflictas, *ignarus*; Iuno enim celat patris mortem, ne in ipso navigationis ardore deficiat, ac

temere intempestive in adhuc obstantia regis fata, ad nondum maturam Peliae mortem inferendam, *ruat, placitosque Deis ne deferat actus*, consilia Deorum neglegat exsequi.

Iam ex Pagafaeo Thessaliae finu in Aegaeum mare tendunt Argonautae, in quorum Geographia ita versabor, ut solum Valerium meum sequar, eumque non nisi subinde comparem cum Apollonio et Orpheo, quibuscum non semper consentit vel consentire videtur. Plura qui desiderat, adeat Schoenemanni *Geographiam* Argonautarum Goettingae 1788. 4. editam. Hoc solum animadvertere velim lectores, quam scita elocutionis varietate utatur poeta in describendis locis, uti quisque vel in oculos primum caderet, vel evanesceret: *mergunt — subsedit — recessit — adtollitur — vidisse putant — salutant, in nubes redit cet.*

6. *Pelion*, Thessaliae mentem, *fretis summas ornos aequatum*, (Graeco more elatum) *mergunt*, tam longe post se relinquunt, ut e longinquo arbores in ingo montis stantes eandem cum mari superficiem habere viderentur. — 7. *templa Tisaeae Dianae obliqua*, in promontorio Magnesia Tisaeo a latere sinistro adparentia *mergunt*, ex oculis dimitunt. — 8. *Sciathos*, insula Thessaliae Euboeam versus, cui bene adcommodatum est *subsedit*, vix visa mari reconditur. — 9. *Sepias*, promontorium Thessaliae, *longa*, longius prominens, in mare excurrens, *recessit*. (*diffugere* 4, 645. discedere *loca* dicuntur, a quibus homines discedunt.) — 10. *Magnes campus*, Magnesia urbis campi, *adtollit tondentes* (iucunda translatione) *pabula equos*, tam prope adtigerunt, ut equos pascentes possent conspiceret. — *Dolopia busta*, monumentum sepulcrale in honorem priscae herois, Dolopis, Mercurii filii, ad urbem Magnesium erectum. — *Intrantem Amyron curvas quaesita per oras aequora*, (haud inelegans fluminis flexuosi imago) *flumineo cuius redeuntia vento vela legunt; remis insurgitur*, quae sic intellego: quum ventum ex ora flantem fluviumque magna vi sese exonerantem haberent ita aduersos, ut vela retro agerentur, contrahere ea coacti sunt, remisque uti, ut vim fluminis ventique frangerent. cf. quae statim sequuntur; *recipit velum reuersus Auster*. — 14. *Eurymenae*. Valerium meum suspicor hic, humani aliquid passum, Apollonium non recte intellexisse. Hic habet 1, 598. *εὐρυμένας τε πολυκλύστους τε Φάργγας* "Ὀσση καὶ Ὀλύμπου, *latas et fluctibus sonantes conualles Ossa et Olympi*. Valerius igitur vocem ad-

iectine positam pro nomine proprio adcepisse videtur. Est quidem, quam *Ruhnkenius* Epp. crit. 2. p. 196. ed. sec. ex Livio 39, 25. adfert, huius nominis vrbs Thessalica; quum vero, quas ibidem Eurymenis iungit Livius, Gomphi, Phaleria, Tricca, in Thessalia interiori sitae sint omnes, nostram, de qua nunc sermo est, in eodem tractu positam ab Argonautis litora legentibus ne conspici quidem potuisse, admodum est probabile. Simile quid accidisse Valerio videtur in *Ancone* Lib. 4, 600. vbi vide not. — *recipit velum fretumque reuersus Auster*: Austrum denuo habent secundum, vela denuo inflantur, vt iter prosequi possint. — 15. *in nubem Offa redit*, euanescit, rapitur ex conspectu, vti v. 39. — *Metus Deum belloque damnata*, timenda olim Diis belloque Gigantum famosa, *Pallene*, peninsula et vrbs in sinu Thermaico, Phlegra Herodoto dicta. Inferit hic poeta episodion de bello aduersus Deos a Gigantibus gesto, quorum corpora *Terra mater induisse scopulis, trabibus, montibusque*, h. e. in scopulos, arbores, montes mutasse, et in altum exstruxisse dicitur, ita tamen, vt formam humanam et gestus pugnantium procul conspicientibus retinuisse viderentur. — 24. In his tamen non fuit, cui soli contigit, Iovis iram effugere, *Typhoeus* gigas, (cf. et 4, 236.) *Typhon* etiam dictus, ex Iunone, vt Iovi, qui Minervam ex capite peperisset, aegre vicissim faceret, sola natus, centum capitum monstrum. v. Homer. Hymn. in Apollinem 305 sq. Deorum adgressor furiosissimus in fugam quidem se dedit, profugum vero et *sacras flammis fulmina Iovis pectore reuolventem*, Neptunus capillis prehensum in mare secum rapit, *torquentemque anguibus vndas*, quamvis vndas flagellaret serpentinis, quos Gigantibus poetae adfingunt, pedibus, ad Siculum vsque fretum trahit, et *Aetnam* montem cum circumiacentibus vrbibus ori inponit; vel sic tamen *trux adhuc adest fundamenta iugi eiectat*, mordet Aetnam sibi inpositum, fragmenta in aera propellit, *anhelat omnis Trinacria*, Sicilia contremiscit terrae motibus, *dum molem fesso pectore commouet, experiens an molem excutere possit*, sed frustra, *gemitu reponit inani*. Splendida profecto et sublimis imago et Neptuni et Gigantis, qui, quamquam potentiori cedere cogeretur, irae tamen et furoris pertinacissimus inmensas adhuc vires exferit.

34. Nec minus, spero, placebit, quae sequitur, noctis imago. Et primo quidem mythologice describitur nox in-

gruens: *Hyperionius Solis currus* (Hyperionem alii Solis patrem, alii Solem ipsum dicunt) *metas maris Hiberi Gaditani urguet*, et *euectae prono laxantur habenae*, equis diurno labore defunctis frena remittuntur, ut proni atque praecipites ad Oceanum properent; *quum palmas Tethys grandaeva*, una nempe ex antiquissimis Deabus, Oceani coniux, *sinusque sustulit*, manus brachiaque protendit ad excipiendum Solem, et *rupto sonuit sacer aequoro Titan*, ad opinionem veterum, qui stellis occidentibus, (infra v. 61.) Soli in primis ad instar ferri caudentis in aquam detruhi stridorem adscribebant. (cf. Taciti Germaniam c. 45. et Iuvenal. 14, 180. *Herculeo stridentem gurgite soleni*.) — 38. iam horror pingitur noctis, et quam vim ea habuerit ad Argonautarum animos. *Auxerat hora*, ipsa nox, *metus*, iam se vertentis evanescentis Olympi faciem adspectum, *raptas subito montes et locos*, urbes et insulas, *circumque*, undique circumfusas, *graves iniundas videre tenebras*. — 41. *mundi silentium*. 418. mundus tacitus. — 42. *effusis stellatus criminibus radiis aether*. — 43. Comparatio instituitur cum viatore noctu proficiscente: *Velut ignota captus deprehensus regione viarum non aure quiescit*, non oculis, aures oculosque ad omnes vertit partes — *noctisque metus niger auget utrinque campus* et *obcurrens umbris maioribus*, quas longiores timor fecit, *arbor*. Omnia ad naturam expressa! — 47. Ita anxii socii animum addit *Hagniades*, a patre Hagnio, Tiphys, eo, quod Minervam dicat sese non tantum artem docuisse gubernandi, sed ipsam manum diuinam navi admouisse. — 52. *ausiris restitimus*, v. supra 12. — 54. *In cassum*, frustra, nihil nobis nocens *decidit decimae tumor arduus undae*, fluctus decumannus, Gr. *τριπυλῆς*, Ovidio, more suo ludenti, posterior nono undecimoque prior Trist. 1, 2, 49. — 55. Addit Tiphys, situm astrorum talem esse, qui nihil tempestatis praenuntiet. *Micat immutabile coelum*, uti antea, *serenum*, *Cynthia* (Luna) *pura*, nec *gravidam cornu*, pluuiam minitans, *certusque ad talia Titan integer in fluctum*, et *in vno decidit Euro*, signum, quod numquam fallit, vidimus solem nulla nubecula tectum et solo Euro flante obcidentem. (Sunt, qui pro *Euro* malint *auro*, ut in vno *auro* sit: *totus aureus*, quod et mihi perplacet, sed nolui mutare.) — 59. *in noctem venti veloque marique incumbunt*, noctu magis fauent nauigantibus, et *tacitis horis*, nocturnis, per mundi silentia v. 41. *ratis ociosus*

ire solet. — 61. *Atque adeo non illa sequi mihi sidera monstrant, quae delabſa polo reficit mare.* Locus intricatior, et difficultatem in primis mouet *monſtrant*, quod nonnulli mutari voluerunt in *monſtrat*, vel Argo, quod H. Voſſio, vel Pallas, quod Schradero placuit. Heiſius olim coniecerat *mens fiat*, quod propius adcedit ad vulgatam, ſenſumque fundit aptiſſimum; quum vero durius ſit ad aures, malim ego: *mens eſt*. Sidera ſequi apud animum conſtitui, non quae obcidunt, *quaeque delabſa polo reficit mare*, (hoc ex poetarum more, qui ſtellas obcidentes feſſas quali refrigerari in Oceano fingerent) ideoque nil me mouet, nil timeo ab *Orione tanto*, quantumuis magno, nihil a *Perſeo*, qui iam obcidit, *iam ſiridet* (cf. v. 37.) *in aequore irato*, ideo irato, quod Andromachen olim ab monſtro marino defenderat, — ſed 64. mihi *ducem ſumam Serpentem*, draconis aſtrum, *qui numquam vndis conditus nitet*, micat, ſemper in horizonte conſpicuus. — 66. Tum Tiphys ex adſpectu totius coeli ſerenitatem prae-nuntiat: ex ſitu *Pleiones*, quae vxor fuit Atlantis Hyadumque mater, *quo ſidere* (paullo poſt: *qua luce*) *vibret Enſis* (*vibret* enſi bene adcommodatum, ſed paſſiue intellegendum, cf. 6, 518. 8, 449. cet.) *Actaeus qua niteat luce Bootes*, qui, dum in vinis eſſet, Icarius dictus, ad mythologiam *Atticam*, vnde Actaeus, referendus. v. *Hermann mytholog. Handbuch* T. 1. p. 114. — 69. His Tiphys dictis erecti edunt, bibunt, dormiunt, et regunt ſua, fauentia, ſecunda *ſidera* puppim. — 72. *Iamque ſub Eoae Atlantidis* (Eoa Atlantis ſingul. pro plurali, Vergiliae nempe vel Pleiades, matutino tempore obcidentes, v. Virgil. Ge. 1, 221.) *dubios ignes*, diluculo, *albet e tenebris* procedit *ager*, *uſſi truces* ab ouilibus *motis turbatis tuta domosque luſtra*, ne paſtores perſequantur, *petunt*, *aues* litorum amantes *rarae ſingulae* in *altum mare* provolant, quum *primus Phoebus*, ſol oriens, *equis anhelis*, ſuſum ex Oceano enitentibus, *Athon montem* e regione Lemni ſeſe adtollentem *exigit*, conſpicuum ſubito facit, tandemque *diem in medias vndas diſpergit*. Alacriter remos agunt Argonautae, *celeri curſu tremunt roſtra prima*, donec aduerſam ſibi vident inſulam Lemnon.

79. Iafon ſociique dum per aliquod tempus hic morantur, moratur etiam poeta, inſulae iſtius ab antiquiſſimis temporibus fata repetiturus. *Lemnos, tibi, Vulcane, per varios deſteta labores*, in qua non ſemel ob varias aegri-

monias doluisti (bis enim, primum a Iunone, deinde a Iove dicitur e coelo deiectus, fortasse etiam vxor non admodum verecunda animum subinde pupugerat, vt caput frontemque scaberet) Lemnos igitur, tam cara tibi atque dilecta, nec nunc, quamquam *Furiis et crimino matrum*, a feminis per Furias incitatis, quidquid masculum est in insula, expellitur, te tamen non expellit, *nec te piget meriti meminisse prioris*, et tu grato animo recordaris, quam bene de te olim insula merita sit.

82. Quale hoc meritum fuerit, nunc exponitur. Illo tempore, quò aliquot Deos Deasque, *nouitate regni tumentes*, (nam ex diuisione Saturnii regni partes quisque suas adceperant) Iovem tamen summum Numen adnoscere recusantes, fatisque, quod sit in subita fortuna, superbos, quum tacite coniurare et *silentia pacis* quietem pacemque *aetheriam* turbare velle Iupiter animaduertisset, *Iunonem primam* prae aliis omnibus *volucris*, qui perpetuo mouetur, *Olympo, suspendit, horrendum Chaos poenasque barathri*, regnum inferorum Tartarumque, *ostendens*. Sumtum ex Homero Il. 15, 18 sq. — 87. *Mox*, quum Iunonem matrem Vulcanus liberare tentaret, Iupiter *vertice coeli deuoluit*, (quod auget molem viri) *ruit ille polo noctem diemque*, (heu! quantum spatium emetiendum!) *turbinis in morem conglobatus*. Lemni quum litore tandem *insonuisset*, magno cum sonitu procidisset, *vox inde repens* repentina (facilius esset *strepens*, ingens clamor) *vt perculit urbem*, adcurrentes ciues *adclinum scopulo* inueniunt, miserantur, fouent, sustinent *alternos aegro cunctantem poplite gressus*. (viden' vix incedentem et claudicantem?) cf. omnino Homerum Il. 1, 591 sq. vbi ipse Vulcanus rem omnem lepide narrat. Incessum tardum claudicantium idem Homerus 11, 546. pingit: ὀλίγον γόνυ γονὺς ἀνέβων. Virgil. Aen. 12, 386. *Alternos longa nitentem cuspide gressus*. — 94. *Hinc*, ob hanc Lemnicorum in se beneuolentiam, etiam in coelum reduci insula cara fuit, carior adeo; non minus, quam *Aetne* (Graeca forma ob sequentem vocalem A) aut *Lipare*, vbi plurimum res suas atque officinas habuit; in Lemnum nempe se contulit, si quando ab graui diurnique laboris opere, vel *aegide Minervae*, vel *fulmine Iovis alato*, (fulminis alas vide etiam infra 5, 56. et ap. Virgil. Aen. 5, 319.) *requiescere vellet*, — hic *epulis*, in honorem suum ab Lemni incolis *paratis*, lubens laetusque interest.

98. *Veneris contra altare frigidum*, sine honore sacrificiorum stetit, ex quo Lemnii eam Vulcani coniugis inmemorem, in amplexibus Martis deprehensam, tacitaque furtim parata catena, subtilibus retibus a marito adstrictam, toti Olympo ad ridendum propinatam audiissent.

101. Hunc sui contemptum vltura Dea *nefas sruuit*, de nimis iniusta crudelique cogitat vindicta, *exitium furiale* monet. Non enim iam *almae* nomine, quo alias mortales laudare eam solebant, *tumet*, gaudet, nec, vltantea, comit se, de ornatu cultuque sollicita, *auro tereti*, in fila ducto, *crinem* (quod magis poeticum, quam *crines*. Broukhuf. ad Prop. 1, 2, 3.) non *subnectitur*, (Virgil. Aen. 10, 118. *moesti subnectens circulus auro*) *sidereos* diuinos *diffusa sinus*, quod ego adceperim vel de laxo et male cincto amictu, vel de laetitia, cui se antea dederat, perpetua, Graeco *διαχρῆσθαι*, nostro: *sich zerstreuen*; 104. *eadem*, sed quam diuersa ab illa! *effera* et *ingens* (quo vocabulo pro *terribili* non vno loco vsus est Virgilius, v. c. Aen. 9, 598. *ingentem sese clamore ferebat*) et *maculis* liuore? *genas subfecta* distincta, (v. 1, 821.) *virginibus Stygiis Furiis similina* (*κατὰ*) *pinum sonantem*, vibrata face, *nigraque palla*, veste talari. Quae Deae imago horroris plena Valerii nostri, vti Statiana Thebaid. 5, 61-64. an satis digna Veneri sit, de eo acute contra Spencium disputantem vide *Lessingium* in *Laocoonte* p. 97-101.

107. *Dies aderat, qui fuderat Thracas*, poet. pro: quo victi fuerant Thraces. *Dux Lemni, Códrus* sine dubio v. 136. obcurrrens *puppis tenui canna contexere ausus*, et *inducto tergo* pellibus *cratem*, interiori nauem viminibus *textam defendere* ab aquis ingruentibus. Naues putat coriaceas, quibus et olim Babylonios vsos esse narrat Herodotus 1, 194. barbaras etiam nunc gentes vti docent *Itineraria*. vide *Forster Bemerk. auf seiner Reise um die Welt* p. 397. Plura dabit *Scheffer de militia nauali* p. 33-110. Denictis igitur Thracibus rediens dux, signis victoriae e longinquo datis, litori iam admoet naues, feminis armentisque plenas, et vestibis et torquibus, *insignibus loci*, quibus Thraces, nobiliores in primis, ornare sese solebant.

115. *Venus interea piceo per sudum serenum coelum turbida nimbo praecipitat*, Virgil. Aen. 10, 634. agens hiemem nimbo subcincta, Deamque Famam instigat, vt Lemniis vxoribus persuadeat, fore, vt mariti redeuntes,

prioribus repudiatis coniugibus, captiuas in matrimonium ducant. — Famae imaginem iam pingit poeta, quae, vti Virgilianam Aen. 4, 173 sq. sublimi dignitate non attingit, ita nec luxuriantis ingenii, vti Ovidiana Metam. 12, 24 sq., naeuos habet. *Famam igitur vagam*, non certo loco consistentem, *inuestigat Venus*. *Impiter digna atque indigna*, leuissimi aequae ac grauissimi momenti res, *canentem* propalantem, *spargentem metus*, *placidis eam regionibus aetheris Olympi arcet*; *fremens*, vociferans, omnia turbans, habitat *sub nubibus imis*, inferiori in aere terrae propiori, non *Erebi*, non *diua poli*, nec superis, nec inferioris Diis adnumeranda. *Terras fatigat*, alium ex alio rumore excitat, *qua datur*, (sic dedi pro *quas*, *datur*, iubente Bononienfi, et adstipulante Ruhnkenio, v. Burmannum Sec. ad Propertium p. 354.) vtrumque et vbi-cumque potest, *audentem*, mira, incredibilia narrantem, *primi spernuntque fouentque*, qui primi audiunt, alii neglegunt adeoque inrident, alii cupide adripiunt audita, mox omnes agit. *Adcedentem Deam videt prior*, oculis enim quaquaueversum vagatur, *aduolat ultro*, non vocata, *impatiens*, conueniendi cupidissima, *iamque eminus ora parat*, *iam fuscitat adrigit aures*.

126. Hanc magis inpellit Venus, et vocibus inplet, vrguet iussis. (Sic v. 167. voce et questibus implent Deos.) *Vade*, age, pete Lemnon, et cunctas verte perturba domos, vti ante bella soles, vbi omnia in maius fingis — mille tubas, armata per campos agmina, innumerorum equorum flatus, himniis. Nuntia vxoribus, mox adfore maritos, *Thressas* tori locias secum ducturos. Hoc igitur tu age, reliqua perficiam ego.

135. Dicto audiens Fama gaudens intrat urbem primamque in proximis Codri aedibus adpellat Eurynomen, exesam tabescentem curis, castumque cubile seruantem, desiderium absentis mariti solantem eo, quod velleribus fatigaret famulas, fila deducere iuberet adeo per noctem, *insomniaque* varios belli diurni casus narrando fallere. De his ad colum sedentium puellarum narratiunculis vide Virgil. Ge. 4, 343 sq. Ovid. Metam. 4, 36 cet.

141. Huic Dea lacrumans, Neaeram (cognatam sine dubio aetate prouectam) veste et facie similans, *icta genas* (*icta* audacius dictum. Wakefield in Siluis crit. P. 2. p. 12; ex codice Oxoniensi adfert *laesa*, laniata, *genas*. Nec hoc placet, et malim cum Schradero ad Musaeum p. 243. *ficta*,

vultu ad seueritatem, miserationem composito). *Vtinam laetior tibi essem nuntius*, (pro nuntia, dubito, an recte, vix enim alio exemplo firmari possit. Facillimum, si cum Burmanno legas *esset*) sed maritus tuus *sic* tam bene meritae, dum *vo*tis eum *sletuque* requiris, infano, seque teque indigno amore captivae tenetur, ei^{que} famulatur. Et, quod magis mireris, *non forma, non arte colus, nendi, acu pingendi, texendi, non laude pudoris et verecundiae tibi par*, nec quae ad nobiles anitos genus referat, vti tu, *proles magni praeclara Dorycli*, cuius nominis Phoenicis et Cassiopeae filium habet Scholiastes Apollonii 2, 178. *sed picta manus vsiumque mentum*, notae Threiciae (Cicero de Off. 2, 15.) manibus genisque iniustae, (v. paullo infra) placere potuerunt marito. Nihil profecto omisit maledica, quod ad invidiam valere posset faciendam.

151. Tu tamen eo fortasse temet solaberis, quod *thalamos in aliam domum fataque meliora transferas*, alium tibi maritum, eumque melioris notae quaeras; doleo tamen liberos tuos, *pellice damnatos*, quos pater ipse in pellicis gratiam negleget. cf. ad 1, 70. — 154. *Transversa tuentem oblique et contemtim despicientem cerno nouercam, letalesque dapes infectaque pocula*, cibum potumque venenatos; nam lurida terribiles miscent aconita nouercae Ovid. Met. 1, 147. — 156. *Scis simile vt flammis sinus genus*, quam irritabiles sinus, quamque facile ad iram inflammemur feminae, (ingenua profecta confessio!) quid igitur timendum a *Daha Scythica femina*, cui *patrium*, patrius mos est, *saquire*, quae *lacte ferino*, equino praefertim, vti et nunc Tatai, pro potu vitur, *gelu durata* inde a iuventute, in mitiores plagas nostras venit. — 158. Me ipsam manere eandem fortem audio, et meos thalamos occupabit *virgata*, stigmatis compuncta, (tältowirt, de quo more vide Wesseling ad Herodot. 5. p. 374. et Beckmann kleine Anmerk. Stück 1. p. 69.) vsto mento (v. paullo ante) et *plausiro*, quo utebantur Thraces Nomades, *derepta*.

162. Relicta Eurynome pergit ad alias domos; mox totam urbem fama personat, maritos, eiectis in exilium coniugibus, cum Thressis res habituras. Obuia quaeque *eadem traditque auditque*, noui quid alteri adferre gestiens, idem tamen ab altera audit, *neque vlli vana fides*, omnibus vera esse, quae narrarentur, credita. — 167. *tum voce Deos, tum questibus implent, fatigant*. cf. v. 126. —

168. *oscula toris* postibusque ipsis *ingeminant*, cf. 1, 710. Virgil. Aen. 2, 490. *amplexae tenent postes, atque oscula figunt*, nec poenitebit comparasse Livium Albanorum, urbem suam relinquentium, abitum narrantem 1, 29. — *lacrumis iterum visuque morantur*, denuo lacrumantes semel adhuc respiciunt. — 171. Vincit tamen furor, non amplius curant penates, *profiliunt, adglomeratae nudis sub asiris, ὕπαιθροι*, sub dio conglobatae noctem transigunt, cf. 8, 454. *acunt augent fletus, ac dira coniugia et Stygias taedas* Furiarum, pro nuptialibus, faces maritis inprecantur.

174. His ita plorantibus, plorans et ipsa, *Dryopes, matronae* sine dubio Lemniae, imagine adsumta, *has inter medias* (pro media inter has) immiscet sese Venus. Utinam, inquit, nata in Sarmaticis terris essem, *tristibusque sub pruinis* coelo frigidissimo *plaustra sequerer*, Nomadicam vitam agens, *aut iam patriae vidissem per ignes culmen agi* fastigia tectorum ignibus in aera rapi, (Virgil. A. 4, 670. *flammae furentes culmina perque hominum voluantur perque Deorum*), *stragemque Deum*, a Diis inmissam caedem — quid enim deest, nisi hoc? quum *cetera belli* mala, discrimina patiamur. *Mene, me*, inquam, ingenuam *amens* maritus *novis* indignis *servitiis destinet*, aut relictis liberis vrbe expellat? — 181. *Nonne ense armemus et igne manus, nonne magnum aliquid spiret*, inhiat audaci facinori *amor laesus*? His dictis vim addit igneos oculos torquendo, furor maternam adeo pietatem vincit, *praecipites excussit ab ubere natos*.

186. In furorem et desperationem (nam τὸ ἱλκεῖ in re desperata vsurpant poetae) actae mulieres dolorem tamen cordibus premunt, simulant laetitiam, templa exornant, hilariter excipiunt aduenientes maritos, domos mensasque petunt, epulantur, sua cuique *furens festinaque* (recte, non *infesta*, quod Marklandus et Friesemannus volunt: nam ira, etiam tacita, omnia deproperat) *adiacet*, adcumbit, prope sedet, non tam coniux, quam Furia, qualis *inferni sub nocte barathri*, in Tartaro *iuxta Phlegyam*, Ixionis patrem, qui praeter alia sacrilegia Apollinis templum incenderat, et *Theſca*, qui Plutoni Proserpinam abducere tentauerat, (Περσεφόνης μνηστευόμενον γάμον Apollodor. 2, 5, 12.) *Tisiphone* adcubat, *saenasque dapes et pocula*, qualia in Tartaro solent adponi (*tormenti genus*) — quam parenthesis Virgilio sublegit Aen. 8, 486. — et *nigris amplexitur hydris*. Totus locus adumbratus ex Virgilio Aen.

6, 618. vbi v. Heynius et Meziriac ad Ovidii Heroid. T. 1. p. 417.

196. Redit iam vera Venus e coelo, coeptum opus perfectura, sed redit vt Dea, eoque terribilior. *Quassans undantem* (vox sollempnis poetis de fumo, flammis cet. ad undae instar exsurgentibus) *turbine pinum, adglomerat tenebras*, densa umbe se inoluit, *desilit*, gressibus immensis properat in Lemnum, *nimbis et luce fragosa*, fulguribus e nubibus cum fragore emicantibus. *prosequitur polus*, Iupiter ipse in filiulae gratiam intonat, *tonitru pater auget honoro*. — 220. *Furibunda clamores ingeminat* tantos, vt *primus Athos*, cacumina montis, et *pontus*, et *Thracæ palus*, totum mare ad Thracium vsque Bosphorum, et *mater omnis toris exhorreat*, lectis horrore perculsa exiliat, et *infantes lacte destituti deficiant, adfrixto riguerunt vberè nati*. — 204. Et quam terribilis est, quem Dea secum ducit, comitatus! Non contentus paucis, quos habet Homerus ll. 4, 440. *Ὀβρον, δεινον, ἐπιστ*; Virgil. A. 12, 335. Formidinem, Iras, Indidias, Valerius numerum auget horrendum sodalium. Adcelerat *Pavor*, quem cum Timore poetæ Martis vel equum, (cf. 3, 90.) vel armigerum vel filium ex Venere susceptum (Hesiod. Theog. 933. de quo mytho vide Cl. *Manfso Versuche* p. 51.) faciunt, et *Discordia* (Ἐρις) e stabulis, contemptin, tuguriis, plaustris *Geticis*, Scythicis, Threiciis, qui rixoli adeo perhibentur, vt inter pocula etiam decertarent (Scyphis pugnare Thracum est Horat. Od. 1, 27.) — *Irae, lirtæ genis pallentibus*, horridæ et pallidæ — *Dolus* — *Rabies* et *Leti maior terribilior imago visa*, *truces exserta* (exserens) *manus*. Hi omnes adproperant, vt *prima vocatu intonuit*, diro clamore excitauit, *Mavortia coniux*. Mavortia? quidni *Vulcania*, quod versus etiam tulisset? Sed Martis, alterius coniugis, e consuetudine crudelitatem contraxerat. Enimvero sumi etiam potest de *saeva, immani*, si quando laesum putaret numen suum. Graecis aliquando *Ἀπει*. Vide tamen Cl. *Manfso Versuche* p. 149 sq.

209. Iam vltimum, sed maxime *tremendum* atque *cruentum orditur nefas*: dum enim videntur sibi Lemniae audire gemitus et clamores morientium, Dea ipsa inrumpit domos, manu ferens ora capita *singultantia*, in quibus vis adhuc exigua vitalis superesse videretur, *adrectis comis, recenti tabo crnore* (cf. 1, 816. 4, 749.) *vestes perfusa*, inclamat: *En prima reuertor vltæ toros, exemplum vobis*

praeiui, agite igitur, *premit dies*, aurora adpropinquat: tum *verbere* feminas in suos quamque thalamos agit, et enses subministrat.

216. Cruentam scenam aperturus poeta praeparat lectorem ad varias scelerum factes caesorumque multitudinem, quibus describendis superfedere posse optat; *o qui me vera canentem*, quamquam verissima narraturus sum, *sifiat*, inhibeat, reprimat, *et hac nostras exsoluet* liberat *in imagine noctes*, lucubrationes, carmen ipsum, partem carminis, in qua nunc versor, ut Pius et Beckius recte exposuerunt.

220. Feminae innadunt aditus, ianuas, thalamos, et *cara quondam suorum corpora*; *pars, ut erant* (*ὡς εἶχον*) maritos nempe, *dapibus vinoque soporos* ob nimium cibum potumque sepultos somno, in quibus igitur conficiendis nullus labor erat — *pars, aliae, magnis cum facibus parata conferre*, conferere, si opus esset, *manus*; et opus erat in nonnullis, quos inueniebant *insomnes et cuncta tuentes*, (quod desumptum ex Virgil. Aen. 9, 44. *vigilantem et cuncta videntem*). Ordo verborum in contexto est perplexior, sensum tamen sic recte expediisse puto. —

224. Vigiles ipsi nec fugere sustinent nec arma capere, adeo *ingentes* praeualidas Diva listebat vxores, *notaque sonat vox coniuge maior*, (cf. Sil. Ital. 3, 699.) vehementior, quam alias ex coniugibus audire consueuissent. Debebat esse *coniugis*, sed tales translationes non infrequentes poetis. —

227. Nil sibi relictum videbant, quam oculos ut premerent; agmina enim Furiarum videntur conspicere ipsamque Bellonam enses super capita *coruscantem*, vibrantem. (*Coruscare* sic actiue positum non sine exemplis; vnum excitare subiciat Virgilii Aen. 10, 611. *strictum coruscat mucronem*.) — 229. *Hoc ense et soror et coniux valet*, propiorque hoc nata parensque, interiori necessitudine iunctae filiae matresque, quae ne patribus quidem filiisue parant, *toris obpressos mactat, trahitque femineum genus viros eos*, quos nec *Bessi*, iique *inmanes*, nec *Getae* (vtrique Thraces, quos et aliquoties iungit Ovidius in Tristium libris) vincere potuerant, nec *maris irae*. Placet obpositio feminarum inbellium, et inmanium barbarorum; miseret virorum, tam *segni leto* 1, 633. obcumbentium.

233. Manat sanguis in pavimentis, et *anhela hiantia in pectore fumant vulnura*, *luctantur trunci*, sed frustra: *deuoluuntur toris*; feminae partim *diras ad fastigia taedas*

iniiciunt ADDVNTQUE domos: pars ignibus ATRIS. effugiant propere. Sic vulgata. Quae quum sensum admittat vix tolerabilem, ego auctoritatem Bononienſis, quo Harlelius vſus eſt, codicis, cui etiam Beckius adcedit, ſequutus dedi OBDVNT domos, i. e. obſtrunt. Haec rei *obdere* ſignificationem Geſnerus in Theſ. h. y. firmavit ex Plauti Caſ. 5, 1, 17. *obdere forem*, et Plinii 6, 11, *obdere fores ferratis trabibus*. Porro pro *atris*, quod languet otioſum, eodem codice ſuadente reſolvi *acti*. Sic omnia opinabar clara atque perſpicua eſſe: *Feminae flammis iniiciunt faſtigis, ſimul vero obſtrunt fores aedium: pars quidem maritorum ignibus acti effugiunt, effugere volunt propere, ſed dura in limine coniux obſidet cet.* Aliam loci ſanandi rationem iniiit Cel. Iacobs in Miſc. philol. a Matthia edi coeptis p. 74. qui pro *domos* poni ſuadet *rogos*, quibus occiſorum cadavera abſumerentur. Ingenioſe, vti viri praeſtantis omnia. — 139. *aliae Threſſas*, tam impii furoris cauſas, innadunt, *gemitus clamorque precantum vocesque barbarae aethera perſonant.*

242. Sed ſatis diu Deae ſcelera, pace Veneris dixerim! ſcelera ſeminarum caelosque indigniſſime viros vidimus: laeti iam ad laetius argumentum poctam proſequimur, ad iuſtis celebrandam laudibus, quae ſola patrem Thoantem ſeruauerat, *Hypſipylen*. Quae digna tuis auſibus ora feram, vtinam ore magna ſonaturo laudes eſſerre poſſim tuas! Serae eas poſteritati geſtio commendare, *durent Latiiſ modo ſaecula faſtis*, annales ſuos continnet Latium; *Iliacique lares tantique palatia regni*, quamdiu ſtabit Roma, tanti imperii caput.

248. In eundem furorem actae natae, matres, coniuges ſaeuierant in viros, totaque iam inſula ſparſis monſtris ad eandem inauditam crudelitatem exarſerat, quum *Hypſipyle*, armata quidem ~~arma~~ manus, ſed *pia*, patris amantes, ad hunc properat: *Fuge urbem, fuge me.* (Placet breuiloquentia.) *Non hoſtis, non laeſi*, vindictam ſumturi, *Thraces* occuparunt urbem: *noſtrum hoc facinus, ne quaere, quis auctor*, quod ipſa neſcio. Iam illico *fuge*, iam dubiae donunt *rape mentis*, propera, vt ere hoc ipſo temporis momento, adceptumque refer hoc momentum dubiae menti meae, quae parum aberat, quin aliarum abriperetur exemplo. 252. *enſem tu potius miſerae retine*, cape tu enſem, tutius tibi committitur, quo miſera ego etiam nunc fortaſſe abuti poſſim.

253. Sic fata amplectitur patrem, caput eius velat, *tacitumque* (hoc Heintio suspectum, quod paullo post *tacita* sequatur. Sed recte monet Burmannus, non semper mutandas voces, et si breui intervallo repetantur, hoc enim et Valerio et aliis saepe accidere. Ita 3, 346. *referre* 5, 161. *arduus* 6, 582. *arma* 666. *miser* cet. quae omnia loca corrigere temerarium esset. Sic Burmannus.) secum rapit ad *Bacchi templa conscia*, quae eum reciperent, tuerentur. (Sic *consciis* 1, 5.) Non exspectato ipso templi introitu, eminus, *primoque manus a limine tendens, exime, pater Bacche*, clamat, et *miserere rursus piorum*. Thoas ipse Bacchi filius fuisse perhibetur, patrisque iam antea aliquem expertus est fauorem, de quo tamen nil certi constat. — 257. *Tacita tunc sede locauit sub pedibus dextraeque Dei*, quae ego quidem sic intellego: Locauit in sede, ubi non animaduerneretur, nempe in basi, eaque eius parte, quae sub dextra statucae esset. — 258. *latet ille receptus veste sacra*, velaminibus, quae basin tegebant. — 260. *voces chorus et trieterica aera reddunt carmina*. Bis sumas *re reddere*. Chorus reddit voces, et trieterica aera reddunt sonum, hoc sensu: Chori cantantis hymnis adcinunt tympana triennalia, diebus festis, tertio quoque anno in Bacchi honorem celebratis, qui fortasse eo ipso tempore incidebant, quod, quae paullo post sequitur, pompa suadere videtur — *fixae fremunt in limine tigres*, tantus erat sonitus tympanorum cet. ut ante fores stantes aeneae tigrides, (erant enim in tutela Bacchi) et intus cauae resonarent. Aliam postea temporis interpretationem inueni *Wesselingii* in *Probabb. crit.* p. 62. qui de pellibus tigridibus detractis accipit, quae ventilatae strepitum concitarint. cf. infra 276.

261. *Regina*, filia regis, uti passim infra *Medea*, ut *Auroram roseis bigis surgere* (imaguncula poetica) et silentia domibus reddita sensit, nam, quum reliquae feminae insomnem egissent caedibus noctem, nunc somno se dederant, *stabilem quando optima facta dant animum*, conscientia recte et pie factorum fortem facit, patrem in Bacchi morem *fertis, coma*, vestibus exornatum currui inponit, circumsonant aera et tympana, praecedunt plene *tacita formidine cistae*, quibus non vulganda religionis Bacchicae arcana erant inclusa. — 267. *Hypsipyle ipsa Thyadis habitum induit, hederis famularibus*, quasi sacerdos, *famula Dei, ligat artus, pampineamque hastam*,

thyrsum *ventosis ictibus*, vt per aera maior flamma excitaretur, *quatit*, vibrat. — 270. Iam vero semel adhuc patrem lustrat, an personam Dei ita recte per omnia acturus sit, an *velatus satis*, ne adnosceretur, *habeas virides*, hederis inplexas, *teneat*, an *nivea tumeant cornua mitra*, cornua (cf. Horat. Od. 2, 19, 30. Ovid. Fast. 3, 790. Arte am. 1, 232.) e mitra candida promineant, et *sacer an Bacchum referat scyphus*, an rite atque decenter manibus tractet poculum *cantharum*. Sic debebat esse; nam scyphus Herculis potius, cantharus Bacchi et Sileni fuit, nec nisi forma differebant. cf. Heyne ad Virgil. Ecl. 6, 17. et quos laudat Ruperti ad Sil. Ital. 7, 197. — 272. Tum demum *validas robustas templi fores acri stridore* magno cum sonitu *inpulit*, aperiri iubet, *pompam* non ducit, sed *rapit* per urbem, ne pia fraus pateat, ita canens. Linque, Bacche, urbem tuam, quae caedibus te seque contaminavit — patere, vt *ponto*, aqua marina, quam veteres credebant vitia etiam animi abluere, *expieris*, et *referam lotos in tua templa dracones*. Dracones explicat Carrion de signis, vexillis in Bacchi templo, nec meliora habet Burmannus. Equidem Carrioni adcessem, ita tamen, vt formam draconum non habuerint ista vexilla, sed notio tantum volitandi spectanda sit, et reuera pelles tigrisidum intellegi debeant, quo firmaretur Wesselingii ad v. 260. memorata interpretatio.

277. Sic *medios egressa metus*, instantia, si similatus Bacchus deprehenderetur, pericula quum enasisset, *facit ipse verendam Deus*, et *flatu non in scia gliscit anhelos*, ipsa sentit, sibi que placet, superbitque diuino acta adlatu. cf. 3, 632.

280. Iamque *senem tacitis obculerat* (licentia poetica pro *obculuerat*, nisi malis legere *obcultat*) *siluis*: ipsam tamen *Pauor* et *fraudata Erinys*, cuius furorem irritum fecerat, *turbant*, nec ausa fuisset (nam semel *Orgia fallunt*) simulata Bacchi pompa cines fallere demuo, immo timida fuit adeo, vt ne *furtis* quidem (non est, quod reponas *facilins* et *vsitatius furtim*, nam infra 8, 228. idem est *furco*) ad patrem in silua visere sustineret, miserum sibi ipsi commisit, et *fuga diuersas misero quaerenda per artes*, vt ipse aliquam fuga vitam seruandi rationem comminisceretur.

285. Interea tamen Hypsipyle ratem conspicit *saenae defectam*, defunctam, *laboribus undae*, quam *Thetidi Glau-*

coque repostam, dedicatam, (nam opifices, nautae, artifices instrumenta artis Diis vouebant, cuius moris exempla innumera habet Anthologia Graeca et Latina) longinqua dies, plures fortasse anni, solibus, aestu solis, et canis, (epitheton ornans) pruinis luna vrebat, (vrunt enim poetis omnia, quae nocent, ipsumque frigus). Ad hanc igitur nauiculam nocte concubia patrem e filius rapit: heu tibi, care pater, patria relinquenda est, tanta tamque laeta pube nuper frequens, quanta modo linqvis inanes pube domos! Sed, quid agam, nescio. Taline, tam fragili credam puppi? an retineam tantis periculis, quae in patria manenti immineant? Soluimus heu ferum Furiis scelus? Mire hic variant et codices et interpretes. Retinui, quam Burmannus dedit, lectionem, Gronovio adcedens, in Obseruat. p. 6, 8. ita fere interpretanti: Sic igitur, quamquam sero Furiis cedere et mortis tibi causa fieri debeam eo, quod tam fragili putridaeque naui committam? — 295. Tibi, Luna, quae soporiferas nunc trahis aequore bigas (cf. 3, 415.) patrem commendando, nec dite solum, frugiferas terras, non regna, hoc saltem peto, ut sospes patriam euadat. Quando ego seruato mediam genitore per urbem laeta ferar? utinam mox tempus adsit, quo de servato patre laetari per urbem possim! quando hic lacrimas plactusque videbo? utinam reliquas feminas mox poenitentiam facinoris sui lacrimis testari viderem!

300. Sed quid pater? Ille *anxius procul fugit alno trunca*, naui lacera et vix cohaerente, *Taurorumque locos delubraque saeua Dianae*, in Chersonesum Tauricam, vbi hospites Dianae immolabantur, delatus est. Nota haec ex Iphigeniae, Orestis et Pyladis historia. Diana igitur, Hyppilyles precibus mota, aduenam Thoantem ense dato sacerdotem sibi facit, *nec mora terris tibi longa cruentis*, quae non ad Thoantem referenda, quem in Chio insula deinde domicilium posuisse narrant nonnulli Mythologi, nullus autem in Italiam migrare iussit, sed ad Dianam ipsam, cuius statuam Orestes et Pylades in Italiam transportasse feruntur. *Mora non longa* Valerii nostri non admodum tamen premenda, nam aetas Orestis ab Argonautis prope centum annis distat. v. Meziriac ad Ovidii Heroid. 2. p. 41. Hoc igitur in sequentibus ipse confirmat poeta. *Iouem ait praecuidisse tempus transferendae Dianae, iam te ciet altus ab Alba*, ab Albano monte, *Iupiter Albanus, Latialis, inuitat in viciniam, in nemus Ege-*

riac, ex historia Numae notissimae, urbemque *Ariciam*, soli non mitem regi. Quod quomodo intellegendum sit, optime docet Paulanias in Corinthiacis c. 27. p. 180. ed. Facianae. Hippolytus nempe, Thesei filius, dolis nouercae a patre pulsus et ab equis consternatis curru deiectus, misere quidem perierat, sed ab Aesculapio in vitam renouatus noluit ad patrem desiderantem et deprecantem reuertere, sed sedem conlocauit in Italiae vrbe Aricia, vbi templum erexit Dianae, in cuius nemore certamina instituit seruorum fugitiuorum singularia, eumque, qui superior discessisset, sacerdotem et regem (Rex Nemorensis Sueton. Calig. 35.) esse voluit, donec ab alio vinceretur. Haec igitur est Ariciae in regem crudelitas.

306. Hypsipyle, interea in urbem reuerfa, turbam mulierum congregatam, tumultuantem, sedes parentum, filiorum, maritorum occupantem obfendit. *Vacuae*, vt otium fallant, iura nouant, nouas sibi leges scribunt, nouam regiminis formam inducunt, Hypsipylenque folio patris inponunt, vt meritam quasi meruisset, verius tamen a Diis ipsis ita ordinatum, vt ignaris reliquis feminis praemium pietatis in patrem ferret, redeunt *piac sua praemia menti*.

311. Ecce vero procul nauem viris armatam insulae adpropinquantem conspiciunt — regina subito arcessitur — concilium vocatur — furor improbus inhumanis, mentibus adhuc insidens, telis ignibusque contra ire inpellit, sed *Vulcanus ipse saevas Veneris iras frangit*, non admodum blandis sine dubio verbis, increpans eam compescit atque in ordinem cogit. — 315. Adcessit, vt mitiora consilia suaderet, etiam *vates Phoebo dilecta Polyxo*, quam Apollonius 1, 668. Hypsipyles nutricem fuisse ait, praesenio subclaudicantem pedibus curuis, baculo firmantem gradus, et egregie promptam loqui, (ex versione Carionis) *non patriam, non certa genus*, quae cuius esset, quam patriam, quos parentes habuisset, nemo dicere, fortasse nec ipsa poterat: (cf. de hac vetula etiam Spanhemium ad Callimachum p. 797. ed. Ernesti et Hermann mythol. Handb. 3, 235. 238.) *sed maxima Ceto Proteaque ambiguum Pharii se patris ab antris huc rexisse vias*, e quibus verbis si quis sensum elicuerit, totam Polyxo, quanta quanta est, vel, si mauult, Phyllida aliquam solus habebit. Sequitur igitur Cel. Beckii p. 264. auctoritatem mihi grauissimam, Burmanni emendationem eo promptius in textum recepi, quo facilius ea est ad sensum, et Codicibus adeo firmatur.

Sic igitur reposuit Burmannus: *TE, maxima Tethys, Proteaque ambiguum Phariis REFEREBAT*, (hoc enim, vel aliud eiusdem significationis verbum necessario requiritur) *ab antris huc rexisse vias*. Iam vero plana omnia et ad intellegendum facilia. *Tethyn maximam*, Dearum maris antiquissimam Polyxo narrat *cum Proteo ambiguo*, qui, quamcumque vellet, formam induere posset, *ab Phariis antris*, Niloticis Aegypti *huc rexisse vias*, mare circa Lemnum insulam sedem sibi elegisse. Filius nimirum Tethydis fuit Proteus, cuius in gratiam mater etiam in hanc regionem migraverat. — 328. Horum numinum gratiam atque familiaritatem iactans auicula saepe se condit aquis, paulisper morata emergit, et, quae sub aquis audivisse fingeret, narrat. Sic itaque et nunc fecit: *portum demus*, ait, *hospita amica venit paucis, leuior propitius aliquis Deus huc flexit Argonautas. Venus ipsa volens lubens dat tempora iungi*, matrimonia nona iubet inire, *dum viros utero maternaque subscit aetas*, dum venter adhuc partumeins, prius quam effetae fiat.

329. Dicta placent. *Iphinoe* a regina ablegatur ad Graecos, *nec turba nocens scelerisque recentis signa mouent*, Argonautas nempe, qui nec multitudine feminarum triculentarum, nec nuperae caedis signis absterreri sese passi sunt ab escensu, nam *ipsa Venus loci timorem abstulerat*.

330. *Protenus ingentem taurum procerum sub nomine deiecit*, mactat. (cf. 1, 191.) Sed quis? Hypsipyle, an Iason? Iusto breuior est omnino hoc loco Valerius, et verba *procerum sub nomine* obscuriora. Quo factum, ut interpretes vel Iphinoen, vel Polyxo, vel Hypsipylen, quae Iasoni taurum miserit, intellexerent; mihi vero adridet magis *Pierfoni Verisimil.* p. 201. coniectura, legentis: *procerum DVX nomine*, Iason igitur ipse suo et reliquorum heroum nomine taurum ferit, et *hac prima Veneris calet ara iuuenca*, quae prima post longum temporis spatium hostia fuit, quae Veneri offerretur.

332. Venit Iason, Hypsipyle comitante, ad rupem, in qua Vulcani erat officina, quam hyperbolice, pulcre tamen, ita pingit Valerius: *cuius pendentia saxa nigris fumant ingis, coquiturque vaporibus aer*. Substitit admirabundus Iason; at regina, haec, inquit, Vulcani domus: vina igitur libes cum lociis tuis, et preces fundas. Mirum tibi fortasse videatur, *quod factum absolutum taceat iam fulmen in antro*, quod sileat officina, et vacet ab fulminibus

cludendis; sed expecta noctem, nox dabit fidem, et clausae cum murmure crepitantes flammae, et incussae massae ferri in incudibus sonitum mirabere.

340. Interea dum urbem, agri vbertatem, maiorum potentiam iactat Hypsipyle Iasoni, famulae expediunt parant conuiuium, lectosque sternunt vestibis purpureis, Tyrio vibrat cornuscat torus igneus osiro. Stant Thressae mulieres captivae, atavos reges regesque maritos moerentes, filiae, neptes, coniuges regum et magnatum, iam miserae ministrae seruaeque, quaecumque faces timuisse iugales credita, nec dominae sanctum tetigisse cubile, quibus pepercerant Lemniae, quod maritos noluisse conrumpere comperissent.

346. Iam adcumbunt, in medio Iason et regina, post reliqui proceres, et Argonautae, et Lemniae matronae; sacris vincitur sedatur extis prima fames; prima obponitur dapibus sequentibus, iam minutulis viscerum hostiae partibus vescuntur, circum pateris (nondum poculis) et Bacchus, libationis causa in orbem ibat patera, ex qua paululum vini et sorbebant, et effundebant, omnis aula flet, quoad duraret libationis religio. (cf. Virgil. A. 1, 729-738. ubi itidem et pateras et libationem et sorbitionem et silentium inuenies.) — 349. Tum demum iustae dapas coeptae, fercula larga adposita, quae iucundas inter confabulationes in seram noctem protrahuntur. — 351. Hypsipyle in primis casus miratur Iasonis, diligenter omnia exquirat, quae fata trahant, quae regis agat vis, (malim cum Burmanno quo, quo nimirum tendat, quae meta sit itineris) unde molem Haemoniae ratis, unde tam magnam, tam egregiam Thessalia adceperit nauem, vnus adhaeret adloquio, tota pendet ex ore narrantis, et blandos paulatim conligit concipit ignes, iam non dura toris, Veneri nec iniqua reuersae, non aspera, immo prompta et parata coniugio, ut in gratiam Veneris nuper reuersae quam primum sese insinuaret.

356. Et Deus ipse, Iupiter, (vti in antecedentibus Virgilii Aeneas et Dido ob oculos versati sunt Valerio, ita et hic, quam tempestatem apud illum, ut speluncam Dido dux et Troianus eandem deuenirent, inmiserat Iuno, nunc, ut Iason diutius commorari posset in Hypsipyles amplexibus, mouere poeta noster iubet lovem) Iupiter igitur ipse fauet amori: nam lege poli (cf. 1, 213. et Columellae v. 219. foedera coeli) aeternum voluens opus, ex consi-

tuto ab initio rerum aequali et eodem semper ordine recurrente siderum motu *Pleiadas astro nimboſo* inſſerat oriri: *undis cuncta ruunt* inundari videntur, *unoque Dei* ſub ictu, ſuperciliorum motu? *Pangaea* (iuga) mons Thraciae, *Gargaraque* montis Idae pars, et *moefli ſieterant* formidine horrore, metu nubium, quas atraſ cogi viderent. *luci*. — 361. Tempeſtas oritur, qualem vix umquam mortales viderant, et vrguente quidem et *flagitante Aſtraea*, quae, ex quo vitiiſ hominum irata terras reliquit, non deſinit *adſiduo queſſu Saturnia ſidera* (ſidera ſic ſaepe de vno aſtro apud poetas, v. c. ſidera Solis Ovid. Met. 14, 172.) Capricornum, pluuiiſ famoſum, *inuocare*. Venti debacchantur per mare Aegaeum, fluctuſque decumani litoribuſ addiduntur. — 367. *Et lunam quarto denſam videt* imbribuſ ortu, quarto adeo die lunam nubibuſ obumbratam videt *Theſpides* Tiphys, quem longuſ coeptiſ et fluctibuſ metuſ arcet. diuturna plurium dierum tempeſtas ab itinere per maria proſequendo retinet. Argonautae autem ad *Divae* melioris iam propitiae igneſ nouoſ amoreſ, amatoſ ſedent vacanteſ, deſident otioſi, *viduiſ indulgent thalamiſ* viduarum amplexibuſ, *nimbos dieſ* hiemaleſ *luxu educunt* tranſigunt, (cf. 1, 251.) *nec iam velle vias*, nollent, etiamſ poſſent, in itinere pergere, *Zephyroſ* ſecundioſeſ ventoſ audiunt flanteſ, ſed audire diſſimulant.

373. Hoc ampliuſ ferre non poteſt *Tirythiuſ heroſ* Hercules. v. Ind. *ipſe rati inuigilaſ* atque integer *vrbiſ*, vrbein, non intranerat, ideoque luxu in ea dominante non abreptuſ. cf. omnino Apolloniũ 1, 85 ſq. Quid? ait; inuident forteſſe Dii tantum mare adortiſ? Non ideo domuſ deſeruimur, vt *tempore ſegni* deſidia atque luxuria conſumto *vota parentuſ* fraudemuſ, inrita faciamuſ? Quin et *ipſe* (Graecoruſ *αὐτός*, *Hauptperſon*) dux noſter Iacon inter cunctanteſ ſit? O miſeri, qui te ducem ſequuti ſumuſ! Phaiſin, Aeeten, Scythici ponti pericula *redde*, promiſiſti enim, (ſic ſaepe reddere v. c. 7, 427.) *ſoluſ amor* reruſ gerendaruſ in mare me traxit, vbi ſpem mihi videbam excitari *Cyaneas ſiſtendi* petraſ, *vigilemque aliuſ*, vt antea in Heſperiduſ hortuſ, *ſpoliandi draco-nem*. Si ſedet animo infixuſ, *Aegaei ſcopuloſ* (contemtim) *habitare maris*, hoc, velleriſ aurei expugnationem, *mecuſ* *Telamon* peraget meuſ.

385. Tam amariſ monitiſ Iacon haud ſecuſ incitatuſ, ac *equuſ bellator* bellicoſuſ, quem *frigida* otioſa terra

longa pace iuuat, qui *brevis* palis adligatus, ne latius in aliena pascua exspatiari possit, (pro *palis* Horatius in itinere Brundisino Serm. 1, 3, 17. habet *retinacula*) ideoque piger, pigritiam contraxit, et *in laeuus angitur orbes*, quod equorum esse dicitur, qui disciplina nondum aduofacti sunt, vel dediticere, dextro pede prius quam sinistro vti in procedendo. Ipsi, fateor, mihi non facio satis in loco tam intricato, quem non vna premit difficultas. Aliam alii viam ingressi sunt. Inl. Heynius in Obsl. ad Tibulum 4, 1, 91. p. 192. ed. sec. iungi iubet: *Terra iuuat brevis* h. e. exigui campi pascua. *In laeuos orbes piger angitur*, h. e. longa desidria fractus, si quis insederit, vix ad naturalem flexum ei ille obtemperet. — 389. *frena tamen dominumque velit*, vt primum clamorem bellicum tubamque audit. — 390. Itaque Iason, vti antea equum desidem, ita nunc denuo alacrem imitatur, *Argum Tiphynque vocat*, et ad abitum omnia iubet parari.

393. Nouus inde in vrbe dolor exoritur, *facies planctus antiqua*, eadem, quae antea tristitiae signa; *sibi*, magno malo suo urbem denno *linqui*, desertam fore, *ecquando* aliquandone *natorum tempora*, gentem qui recolant, *ventura*? sic euanescere spem filiorum, qui subolem ciuium reluciant. Iam saeua illa nox, qua maritos interfecerant, *thalamique silentes* ob oculos versantur, et poenam se daturas, quod *excussa vincla* coniugii denuo induerint, novasque inde curas atque molestias contraxerint.

400. Hypsipyle ipsa iugem, et blandis verbis sollicitum de Iasone animum promit. *Iamno primo sereno*, vbi vix serenitas aliqua coelo emicuit, *deducere*, demittere, *vela cupias*, care, *carius adeo patre caput*? — 405. *Sic portus fugeret ratis*, num ita ex portu properares, si tempestas nimbofa in litore Thraciae te obpressisset? — 407. Ergo *soli coelo et hiemi*, non amor adceptum referam, vt ad nos denenteris? — 408. Sic lacrumans promit *chlamydem textosque labores*, chlamydem acu pictam, *donâ haesura* in sui niemoriam a Iasone gestanda. Xenia eiusmodi v. ap. Homer. Odyll. 15, 115. Virgil. Aen. 5, 535. Ovid. Metam. 13, 679. etc.

410. *Acu nempe presserat* expresserat, pinxerat *genitoris conscia sacra*, templum Bacchi, in quo patrem condiderat, *curruque pios*, pietatis testes, *stant saeua pauentum agmina* mulierum Lemniarum, *dantque locum* via decedunt: *viridis silua* ex pampinis circum horrida tela

thyrsum, quam Thyadis personam agens gestauerat, *tremuit*, tam subtiliter picta est, ut tremere videatur: *mediis refugit pater anxius umbris* filius. Commodior sensus existeret, si vna literula abiecta pro *viridis* legas *viridi*, uti Heinsio visum est. *Tela* (in) *viridi* tremuit horrida filua, in cuius medias umbras pater anxius fugit.

414. Altera pictura referebat *inlusirem*, famigeratissimum illum *pueri Ganymedis ex Ida frondosa raptum*: *mox aethere laetus adstabat mensis* Deorum, Iovis *pocillator*; quin et ipse *Iovis armiger* aquila, a *Phrygio ministro* iam, antea enim raptori iratus fuerat, *porula blanda accipit*. Gemmam, in qua ita pascit aquilam *Ganymedes*, acri incisam dedit Lippertus Dactyloth. P. I. p. 22. cf. Spanhem. ad Iuliani Caesares p. 70. Tria haec, ad *Ganymedis* historiam pertinentia, quum fieri non potuerit, ut vna eademque areola exhiberentur, pro parergis et in fugam vacui Hypsipylen singulis maiorem illam picturam circumdedisse existimauerim. Idem serè placuisse video Cl. Lenzio in *erklär. Anmerkungen zu den epischen Dichtern der Römer* p. 297. qui et gemmam laudat Stoschianam exhibitam a *Schlichtegrollio* (Abbildungen Liefer. 3. n. 32.)

418. Chlamydi donum adiungit aliud *ensem*, *notum ferens insigne Thoantis*, cuius capulo insculpta essent, quae ad familiam Thoantis ipsumque spectarent, qui tibi *sit* (sic reposui pro *sim*, quod ferri possit, si interpreteris: ego, i. e. memoria mei tibi sit comes; sed nimis coactum) *belli pugnarumque comes*, quem pater ab *Aetnaeo Deo*, Vulcano, (*ἄναξ Αἰτναῖος* Euripid. Cycl. 595.) olim dono adceperat, nunc te dignus. I memor terrae, quae te *quieto sinu* prima et amice excepit, et a Colchide redux iterum ad nos deuerte, idque peto per pignus amoris, *per hunc, vtero quem linquis Iasona* parvulum *nostro*. cf. Apollon. I. 898. Quid vis, ut agam puero, *si quem* cet. et Virgilii Didonem 4. 327 sq.

426. Nec sine lacrimulis dimittuntur ab aliis feminis *Orpheus*, *Acacides*, h. l. *Peleus*, nam Telamonem et ipsum Aeaciden cum Hercule in naui remansisse vidimus v. 384. et *Cajstor*.

428. Has inter lacrimas *piger* diu otiosus *vncus* ancora *harenis* legitur, soluitur, et remi et venti impellunt nauem, *spumaea* subsequitur *fugientis semita clauis*, gubernaculum celeri motu sulcum trahit per mare-spumans.

432. Tunc *Lemnos tenuis*, ita vt tenuis fieret, minor nauigantibus fieri videretur, euanescit sensim, et *Electriam terram* ab Electra, Atlantis filia, sic dictam, *Threiciis arcana sacris*, Samothracen legunt. Hic *numinis ingens horror*, religio horroris plena, et *incautis decreta piacula linquis*, graues poenae manent eos, qui temere eumlgarint mysteria. — 434. Haec insula tota immunis est ab omni tempestate; tum demum *Deus* (Dii, Cabiri) *undas asperat*, fluctus monet, quum *infidos nautas* litora sua tangere velle sentiat. Tales quum Argonautae non essent, obuiam sponte venit sacerdos *Thyotes*, *excipit terris adytisque*, templo, *referat adeo secreta*, initiat mysteriis, quae ad artem in primis nauticam pertinuisse putantur. v. Boettiger archaeolog. Museum Hest. 1. p. 67. — 439. *Hactenus in populos, vates Samothraci, diemque missa mane, sacrisque metum seruemus opertis*. Sic ed. Burmanniana. Mirum, quantum defudarint in his Sibyllae foliis expediendis interpretes, quotquot Valerio meo operam impenderunt, quam tamen lulisse omnes videntur. Nec felicior post Burmannum fuit *Withofius*, qui legendum esse coniicit: *vatem Samothraca reducens, Musa, mane!* vide *kritische Anmerkungen* St. 5. p. 26. Rem, nisi fallor, acu tetigit *Schraderus* Obsl. p. 21. qui ita refingit: *Hactenus in populos vati, Samothraca, diemque missu vale*. Sensum meis verbis exponere liceat: sed haec hactenus, ait poeta. Plura de te, Samothraca, (Vocat.) praeter ea, quae mihi, (vati) a me in populos diemque missa sunt, quae notiora hominibus facere, in lucem protrahere coeperam, non edisleram: pergas arcana esse, *vale!* quod firmat Apollonii *ῥῆος κεραιόμοιο* 1, 920. Sic igitur in contextum recipere nullus dubitavi. Quae sequuntur, *sacris metum seruemus opertis* satis facilia: plura nunc non addam, ne religionem hisce mysteriis debitam violem. Ceterum, ne et ego sacra haec arcana profanem, lectores consulant velim (L. B. de Sancta Cruce) *St. Croix über die alten Mysterien übersetzt von Lenz*. Gotha 1790. p. 41 ff. et *Hermann mythol. Handb.* Th. 3. p. 169 sq.

441. Luce orta, Argonautae laeti, *plenique Deorum* initiati ad transtra redeunt, vrbes antea visas *conduunt*, post se relinquunt, et meridie in conspectu habent *Imbron*, insulam haud procul a Samothrace sitam. Tunc primum *Thesala puppis Argo Dardaniis harenis adpulit et Sigeo litore sedit*, peruenit in regionem Troianam eiusque promon-

torium. Ibi in terram descendunt, *pars lenibus candentia velis castra lenat* (locat?) iucunde tuguria velis tecta pinguntur, *pars frangit*, comminuit adorea farra, frumenta tracto saxo, molis manuariis lapideis: *citum strictis aliis de cautibus ignem ostendit foliis*, alius laetatur, quod celeriter e silice excullum et foliis exceptum sociis possit ignem ostendere, et *sulfure pascit sustentat amico*. Epitheton felicissimum! Sulfur facile se iungit fomiti, adripit.

451. Hercules et Telamon *dum litora blando anfractu sinuosa*, molli flexu sinuata, *legunt*, vox adcidit ferit *aures flebile* (flebilitur) *subcedens*, non tam vox, quam lenis iletus, *ceu* (mel. quod Burmanno placet, *qua*) *fracta ramurmurat vnda*, in litore, ubi fluctus franguntur. — 454. *Adloniti pressere gradum*, leniter incedunt, vacuumque sequuntur vocis iter, nil nisi vocem inanem aera transeuntem (sic vacuus ventus 1, 421.) iam certa magis articulata, quam vocant, *sonat* — *quem non* (omnes) *hominum superumque vocat?* Eo acrius instant viri, *subcurrere certi*. Sic, ubi *taurus acerbo gemitu ania campos late implet mugitu*, *super alta terga leonem morsu sibi colla frangentem ferens*, (cf. 3, 589.) *coit e sparsis mapalibus*, casis Maurorum per agros passim politis, *manus agrestium clamore caeco*, incondito, quo, quid sibi velint, ipsi nesciunt. Simile hoc, quatenus taurum sistit, non displicet, sed si adcommodes taurum *mugientem* voci Hesionem *lamentabili*, et *agrestium clamorem et caecum* quidem cum actis Herculis compares, tum huic loco non satis aptum immanies. — 462. Constitit Hercules, *visuque enisus*, oculorum aciem intendens, (in) *rupe truces manicas*, vincula manus constringentia, *defectaque deficientia*, pallida virginis ora cernit, et *ad primos turgentia lumina fluctus*, oculos, qui, ut primum fluctus tolli viderent, ad leuissimum aquarum motum, tumerent, lacrimis subfunderentur. — 465. Iam vultum Hesionem moerentis comparat poeta cum statuis et imaginibus, in quibus ebore vel marmore vel penicillo artifices tristitiam expresserint. *Exanimum veluti multa tamen arte coactum conglutinatum*, (vide Heyne antiquar. Aufsätze 2, 149.) *moeret ebur*, cf. moestum ebur Virgilii Ge. 1, 480. — *Pariussue lapis marmor notas tristitiae et nomina ipsarum personarum moerentium faciem et lineamenta adcurate sumit*, refert aut *liquidi referunt miranda colores*, pictor viuidis coloribus ad admirationem vsque veras sistit.

468. *Ductor*, Argonauta Hercules propius adcedit, quaerit ex virgine nomen, genus, cur vincta mortique ita exposita sit. Ad quae respondet Helione: — 470. *non ego digna malis*, nam *suprema parentum dona vides*, quae mihi non dedissent, si quid deliquissem, vides vestes purpureas, auro distinctas, ad tumultum meum honorandum in scopulis expositas, suspensas. Nōs Ili veteris quondam genus; acute monet Slothouwer in Actis Soc. Rheno-Traiect. Vol. 3. p. 171. pleonasmum esse in *veteris quondam*; conrigit igitur: *Hi felix quondam*. Genus refero ad illum Troiae conditorem, et felices fuimus, *donec inuida Laomedonteos fugeret Fortuna penates*. Sic pie atque modeste, quod patris culpa esset, Fortunae tribuit. Laomedon enim quum Apollini et Neptuno, quos tamen ipsos Helione non nominatim calamitatis auctores dicit, pactam pro auxilio in exstruendis Troiae moenibus praestito mercedem dare noluisse; Apollo, *coeli temperie*, aere, *corrupta* pestem regioni inmisit tam grauem, vt *certantibus* (exquisite! vix vnus in cineres confederat, quum alter exstruendus esset,) *rogis arderent campi*; Neptunus autem belluam mariuam, *monstrum ingens*, *montibus maius*, et quod vix sinus maris nostri capere videretur, excitauit, cui dedendae essent, iubente sic oraculo (Hammonis), puellae ex sorte, *sortita Lethen corpora*, quae fors mihi fatalis exiit, *crudelis scopulis me destinat vrina*. Verum, sic pergit Helione 485. si iam *Phrygibus Troianis numina redeunt*, fauent iterum, si tu is es, quem auguria nobis praenuntiarunt aduenturum, et quem votiui, a patre pasti, *cornipedes* equi praemia manent, age, me et Troiam nostram *defectam* puellis orbatam *eripe*, *potes enim*, quantum ex robore conicere licet, egregio amploque corpore, quale nec Neptuni olim, nec Apollinis, quum moenia ad coelum vsque nostra strnerent, *iungerent asiris*, videre memini. cf. Virgilii Aen. 1, 589. *os humerosque Deo similem*.

493. His virginis precibus Hercules si iungeret totius regionis adspectum *faciem moestissimam* capti et infestati a bellua litoris, tumultos honorarios, cenotaphia puellarum, quae iam antea perierant, *coelumque* graue et pestiferum *vrbi incubans*, tum calamitates in memoriam redibant *Nemeae, Erymanthi, Lernae infectae venenatae*.

497. Iam ligno a Neptuno dato sinus maris mugire incipit, bellua, *Sigea pestis*, ὀλεστρος, pernicies, *adglome-*

rat, ante se conglobat fretum, *stellantia lumina tremunt* vibrantur nube *glauca* in capite fluctibus obnubilato, et *coeruleo fragore fulminans* (eodem sensu, quo de aprorum dentibus usurpatur) *curua*, recurua, vti Delphinum *capita*, ora quatinus ordine *trifulco*, triplici dentium ordine — *pelago remenso cauda redit*, longitudine corporis per mare extensus caudam retrahit, *passosque sinus* sparsas antea spiras *rapit ardua cervix*, totam corporis molem subito in breue ad cervicem contrahit. Sic belluae et magnitudinem et robur et iram augendo ornat poeta.

503. Sic *per mille volumina incumbentem* pontus comitatur altis *adsultans* fluctibus, et *trepidis ruentem litoribus sua cogit hiems*, tempestas a bellua excitata ipsam litoribus coarctat, facit, vt nec ipsa ulterius progredi possit: tam dira enim ista tempestas est, vt *nec Notus nubifer*, nec *Africus ouans*, dominans, maiorem excitare posset, *nec Orion*. quum manus patris (Neptuni) *habeatis plenius*, firma manu eas moderans, *statu bipedum* in pisces desinentium *equorum mare tollit*, in fluctus erigit.

509. Hercules, adstupente comite Telamone *furiis crude scere pugnae*, efferatur ad certamen ineundum, *surgitque toris*, lacertos tollit, vibrat, *graves pharetrae pulsant terga*, iis insonant, inuocatisque *patre Iove*, pelagi *Dius suisque ipsius armis*, (sic enim prisca heroes, vide Virgil. Aen. 12, 95. per arma iurabant, infra 1, 707. vina adeo iis fundebant. Sil. Ital. 6, 138.) *insilit scopulo*, (aliis locis quantum casum inuigit verbo insilire Valerius) *horret ipse* mare ex imis sedibus commotum, et *celsi*, cella ceruice sese erigentis, *monstri*, quod, vti *Boreas* (amat noster ventos) *e conuallibus Heberi montis se tollens volucres nubes per Rhipaeos montes praecipitat*, nondum tamen omnia coelo tenet, nondum totum nubibus obduxit, eodem modo bellua molem horrendam *scopulo saque* (melius *scruposa*, coniectante Heinsio) *terga promouet*, *ingentique umbra* circa se sparsa *subit*, incedit, *intremere Ida*, inlidique *ratis* (magis tamen placet Cel. Beckii emendatio l. l. p. 264. *intremere undae*, inlidique *vadis*) *pronaque resurgere turrets*, quae lectio, si sana est, alium sensum habere non potest, nisi hunc: tam longe recesserunt undae, vt turrets olim conlabae, demersae iterum adparerent, exsarent.

521. Adripit arcum Hercules, *totaque pharetrae nube*, sagittarum copia tanta, vt pharetram euacuet, belluam *premit*, vrguet, quae tamen non magis sede mouetur,

quam *Eryx magnus* Siciliae mons, quem *imbres velint*, minentur in *valles deferre*, delicere. Delatum nemus habuimus 1, 122. *Iam brevis et telo volueri non utilis aer*, spatium aeris nimis angustum, quam ut vim possint exlerere sagittae. Effert Silius Ital. 9, 121. *amifere ictus spatium*. Florus 4, 9. *alsumto iactus spatio*.

525. *Fremit* ob irritum coeptum *tacitoque pudore* tangitur Hercules, denuo tremit, pallefcit Helione. Aliam igitur viam heros ingreditur, proficit arma, *proxima saxa respicit* lustrat, et *quantum ventis adinta vetustias*, temporis diuturnitas adcedentibus tempeftatibus, *pontine fragor*, fluctus maris, *inpulerit*, labefactauerit, *tantum ab imi maris sede concutiens abscidit*, vi abruptit.

529. Iamque *agmine toto* voluminum fuorum adest *piftris* (proprie maximum maris Indici animal teste Plinio Hist. nat. 2, 4. deinde de quavis bellua marina, v. c. de Scylla Virgil. Aen. 3, 427. vlturpatur) *miseræque inhiat iam proxima prædæ*. — 532. *Stat mediis elatus in rupe aquis*, excipitque inruentem Hercules, saxo obcupat *prior et obruit surgentia colla*, hinc repetitis nodosæ quercus ictibus belluam detrudit in imum mare, ut *resoluta* mortua totum aequor obcupet, *Idææque mater Cybele*, et *chorus thias*, et *summis collibus amnes fontes*, *Nymphae vlularent* præ gaudio. Nam *vlulare*, ut Graeci ὀλοῦζεν, etiam de laeto sonitu Latini saepe adhibent. Vnum locum addere liceat Catulli Carm. 63, 28. vbi itidem de Cybele sermo est: *Thiasus repente linguis trepidantibus vlulat*.

538. Protenus adcurrunt ex vna parte pastores magnisque petunt clamoribus urbem, ex altera Telamon Argonautas ad hoc tale spectaculum aduocat, qui horrescunt, et *subito vident in sanguine puppin*, totum circa nauem aequor cruentatum.

542. Victor in *crudum asperum saxi cacumen emicat*, exultans properat, manusque virginis liberat vinculis, *aptat superba* (superbus) *arma pharetram et arcum*, antea v. 527. proiecta, et *ouante gradu litora tuta* nunc a bellua *superat* transit, regem aditurus, non aliter, ac *per pascua incedit taurus*, collo et armis pectore erectior, quum ad stabula alta reuifit, et *ad amores*, quos *ultus est bello*, ad boues inuencas amatas, ab insultibus aliorum amatorum liberatas. cf. Virgil. Ge. 3, 226 sq.

550. Obuiam ei procedit *longis emissa tenebris*, quam *metus excitatae a piftri tempeftatis* intra moenia diu con-

tinuerat, liberata turba *Phrygum*, ipseque rex cum coniuge natum *trahens* puerulum, nondum satis firmo gradu incedentem *Laomedon*, moestus tamen gemensque, quod equi iam promissa praemia tradendi sint. Alia pars incolarum *aerii*, altissimi muri (cf. v. 491.)-fastigia *cingit*, undique obsidet, et ignotis iuuenem mirantur *in armis*, arma tam insolita ferentem.

555. Rex Herculem *torua tuens* (cf. i, 38. γοργόν, ταυρίκον βλέπων Aristophanes) atque *acri lubricus astu* fallaciam perniciemque meditans *subit*, dolose adgreditur, et *patrio male laetus amore*, laetitiam quidem prae se ferens ob filiam seruata, sed simulatam eam et deminutam, quod una filia duos equos cariores habebat. — 557. Tum vero sic adfatur: Tuum iter ad *Sigeum* promontorium nostrum, si verum fateri velis, non directum, nec huc venisti miseratione ductus pestis inter nos grassatae, sed *Forte* fortuna huc delatus. Quod si tamen, *vti Fama fert*, Iovis filius es, gratus nobis adceptusque venisti, cognatus quippe, (vnum idemque caput gentis habemus) *fator vnus*, et *idem stirpis honos*, serus quidem ades post tot lacrimas meas, post tot *piacula patrum* (matrum?) post tot belluae traditas filias, sed ades tamen; *quam parua tuis iam gloria factis?* Interpretes ita adciipiunt, vt detrudere Laomedontem Herculis bene facto voluisse dicant, quod mihi secus videtur. Inciuilis et rustica fuisset oratio, quam dolosam supra promiserat poeta, nec talem inhumanitatem Hercules facile irritabilis aequo animo tulisset. Ego vero laudem aliquam inesse verbis existimo: quod nunc edidisti factum nihil quidem est ad egregie antea res gestas, quod tamen gratissimo animo adnosco, ideoque te tuosque socios hodie ad epulas inuito, cras vero equos tibi debitos tradi iubebo. Sic dolosa omnia manent et lubrica.

568. Ita dixerat ad speciem quidem laetus et humaniter, sed dirum nefas voluebat animo, somno grauatum hospitem trucidaturus, *vt erepta luat responsa pharetra*, vt dominus sagittarum inrita faceret oraculi effata, namque bis *Herculeis deberi Pergama telis* praedixerant; et primum quidem ab ipso Hercule, perfidiam Laomedontis vlciscente, quo tempore Hesionem captam Telamoni uxorem dedit, deinde a Graecis post Helenam raptam, quod tamen non nisi adcito Philoctete fieri potuit, cui Hercules moribundus sagittas tradiderat. — 572. *Priami*, Laomedontis filii, *sed quis iam vertere auertere fata queat, manet*

inmotis nox Dorica lustris, nox illa, qua Graeci Troiam expugnabunt, manet fixa, tempore a fatiis constituto ingruet, et *genus Aeneadum et Troiae melioris honores*. suo tempore felicior longeque gloriosior Troia existet ex Aenea eiusque nepotibus, Roma.

575. Hercules se sociosque excusat, quod epulis adesse non possint, *ad ostia ponti Scythici properantes*; in reditu tamen se iterum adpulsum et *equos donatos adcepturum* promittit. Tum vero *plura vocatis adnuit ille Deus*. Laomedon nempe, non equos tantum, sed plura etiam datum, Deos obtestans pollicetur, sed Phryges, *perfidiam regis non ignorantes*, quantam Troiae cladem ea inlatura sit, ominantur.

580. *Panditur hinc totis in noctem carbasus alis*, vela secundis ventis impelluntur, *litora et tumultum Ili et Dardanium patrem*, busta conditorum Troiae, *vigili simul omnia ludo festa vident*, pernoctilia hilariter agentium ob belluam obciscam, *hinc vnda*, litora, *hinc sacris ignibus in Cybeles honorem Ida vibrat* (cf. 8, 306. *vibrata flammis aequora*) et *horrissonae respondent Gargara*, Idae pars, *buxo*, resonant ad tibiaram et tympanorum strepitum. — 585. Inde in altius mare progressi *Phrixia subibant aequora* adpropinquant, et *angustas fauces quondam sine nomine*, nunc Hellespontum.

588. Primo statim diluculo *dehiscences subito undas* conspiciunt, et *vittata adstat Helle*, iam nempe *Panopes Nymphae* 1; 134. *Thetidisque soror*; Dea marina, *aureum sceptrum laeva* (hac enim, non dextra, sceptrum gestare solebant prisca reges) *tenens*. Tum *sternit aquas*, silentio fluctibus inposito, Argonautas, *lasonem in primis placidis* compellat verbis: Te quoque ab *Haemonis terris*, Thesalia, *per aequora ignota regna infesta domus*, rex familiae nostrae infestus, eademque, quae me, fata agunt, *iterum Aeolios Fortuna penates spargit*, nos, qui ad Aeolum genus referimus, denuo in peregrinas terras proicit. Magnum tibi quidem longumque aequor, *ne desice coepris*, noli tamen animum despondere, *superandum*, et ipse Phasis tibi procul est; *verum dabit aperiet ostia*. Quem Phasin si adtigeris, *nemus arcanum lucum manibus Phrixi consecratum*, (cf. Horat. Od. 3, 4, 7.) *geminasque virentibus tumulis*, arboribus circumdatas, *ararum inuenies*. Hic *celerem ante omnia prima piacula inferias Phrixo ferte, emerique* Manibus eius meo nomine dicite: Non ego, quod fortasse

putas, apud inferos sum, frustra^{que} vani, inanis, ab umbris inhabitati *Averni vias scruteris*, neque enim *scopulis et fluctibus actam me frangit* (mel. *fregit* tum, quum ariete excidissem) *hiems*, immo *Cymothoe*, *Nereis* et *Glaucus* cadenti subiecere manus, *pater ipse*, *Neptunus*, *dedit has sedes*, haec regna aequo numine propitia voluntate, et *sinus noster* ita amoenus est, ut, quod *Inois* (oblique ferit nouercam) *undis inuideat*, non habeat. His dictis sub undas redit, moesta tamen, ut *patrii rediere dolores*, patriae deliderium animum tetigit.

611. Iason in honorem Deae marinae vinum inuergit mari, eiusque se commendat numini. Tum iter profectus per *angustissimam freti Hellesponti partem*, qua *breuioribus furit aestus aquis*, ubi *Asiam prementem* proximam *effugit abruptis Europa inmanibus oris*, ob abrupta promontoria non tam iucunda adspectu, quam Asia, uti explicat Burmannus. Has etiam terras *confertaque gentibus arua*, ab iisdem olim gentibus habitata, *pelago pulsante*, maris inpetu, *Neptunia quondam cuspis*, terrae motus a Neptuni *σάλας θρόνος* tridente excitatus, et *aduersi longus labor aevi*, postquam per plura saecula viam rumpere mare hostiliter laborallet, *ita abscidit*, ut *Siculum Libycumque latus*, stupuitque fragorem *Taurus* et (in) *occiduis regnator* altitudine reliquos praecellens montibus *Atlas*. *Taurum* reposui ex felicissima *Withofii* emendatione, olim ad Guentherum Ligurinum p. 57. proposita, et leni adhuc probata in *krit. Anmerkungen* St. 5. p. 28. Antiquiores editiones habent *Ianus*, pro quo Vossius maluit *Indus*. Heinsius ex coniectura dederat *Ianus* quod et Burmannus in textum recepit, ita tamen, ut difficultatem aliquam fateretur remanere. Propius a vero absuit Bentleius ad Horat. Epp. 1, 1, 4. qui *Aemum* maluit: recte in eo, quod *montem* excogitaneris, qui obponeretur Atlanti, sed in delegendo isto monte acutius vidisse videtur Withofius, qui substituit *Taurum*. Et primo quidem duos montes in mente poetam habuisse probat ex copula *Et*; deinde *occiduis* montibus tacite innolui monet *orientales* regiones, quibus alter mons adtribuendus sit, talemque *Taurum* esse.

612. iam iuga *Percetes*, rectius *Percopes*, (v. Brunk. ad Apollon. p. 42.) urbis Troadis, *Pariumque infame fragosis undis*, breuib. scopulis caecis et asperis famosum, *Pityamque*. (Valerius eam discernit a Lampaco, cuius antiquius nomen *Pityam* fuisse alii perhibent,) et *Lampacum*,

quam nec trieterica (cf. supra 259.) *sacra* (Orgia) *Bacchi* *Ogygii* (quod epitheton de quibuscumque rebus et personis antiquissimis adhibetur) *neque arcanis Phrygius furor inuehit antris*, quae nec vti Thyades in Bacchi honorem, nec vti Corybantes, matris Deorum numine pleni, choris, cantuque et tympanis ad furorem vsque laetatur, sed a *Deo suo*, Priapo, in Venerem rapitur, cuius *aras* in monte vrbi imminente, et *velamina templi*, vexilla fortasse e fastigio templi volitantia, vident. De Priapo v. omnino *Voss mythol. Briefe* 2, 295.

628. *Rarior hinc tellus*, terra continens, mare fit latius, et *ingens vndique coelum*. Medio inter Pontum Euxinum et Hellespontum sinu *terra* iacet, *ceu fundo prolata maris*, quae ex ipso mari enata esse videtur, peninsula; *namque improba arua caecis intulit vadts*, magno latoque terrae continentis spatio scopulos occupauit, eademque amplitudine longum dorsum agit sub aequore. Haec insula terrae continenti iuncta est duobus pontibus, (v. Strabonem 12, 575. et Berkelium ad Steph. Byzant. v. *Κυζικος*) quorum alter tenet, nectit, *consines oras Phrygiae*, alter ad *iuga pinea montis Idae ducit*. In ceruice quasi huius peninsulae sita est *vrbs placidis demissa iugis*, leniter decliuis, Cyzicus. Eiusdem nominis rex, vt primum *noua signa carinae* nauem solito maiorem eminus vidillet, vltro ad litus properat, viros miratur, in urbem inuitat. Vos, inquit, primi estis Thessali, *demathia manus*, in has oras venientes, et *fama mihi maior imago*, famam vos et expectationem meam adeo superatis. Laetor, quod mea insula non tam *semota*, et *populis lucis Foae*, gentibus ad Orientem habitantibus, *non inperua* sit, quum *tales duces, tot robora*, tot egregios fortesque viros conspiciere liceat. Nam etsi inclementia coeli vim habeat ad huius plagae gentium animos, meque Propontis circumfluat, *vestram tamen fidem et ritus et mitia corda* culturam magnam cum voluptate audiui, et ad imitandum mihi et cinibus proposui. Noli timere, *procul a me est effera virtus Be-bryeis*, (Bebrycum, gentis Cyzico vicinae, de quibus infra lib. 4. pluribus dicitur) *procul Scythici inclementia sacri*, vbi peregrini Dianae inmolantur.

650. Tum laetos rapit secum in urbem, omnes palatii valuas in hospitum honorem iubet pandi, *sacra etiam facit Diis in templis*, in quo tamen Valerium Heynius existimat (ad Virgil. Aen. 1, 632.) veterum morem heroum de-

seruisse, qui in domo ad hospitum aduentum victimam ceciderint, et ex ea epulo sacro hospites exceperint. vide ipsum nostrum supra 347 sq. — 652. *Stant geminis auroque tori*, lecti, vestes stragulae, *mensae regisio* regio adparatu, *centum pares ministri*, *primaeva corpora* eiusdem staturae omnes, et in flore aetatis constituti, *pars gestat epulas*, *fercula*, *pars pocula bellorum casus expressa*, (in quibus expressi essent. cf. ad 1, 398.) Haec pocula *prima*, ante omnia, prae ceteris ostendit Iasoni Cyzicus, digito monstrans, quid in quoque expressum esset: *Hic portus*, hostibus terribilis — *hic acies instructae* — *hic Pelasgos* in fugam coniectos — *hic meus ignis*, qui ratibus pascitur, hostium naues comburit.

660. Ad haec Iason: *Vtinam ira nunc Pelasgos efferet*, (pro quo Oudendorp. ad Sueton. p. 534. malit *efferat*. Nil opus, puto.) *vtinam nunc adcederent*, et, quod solent, furtim, nauibus omnibus coactis, adgredierentur; profecto videres, quid hospitum arma valeant, nec posthac ultra hanc noctem hostes tibi essent timendi.

664. His aliisque eiusmodi sermonibus mutuis plurima noctis pars *rapta* opinione citius transacta, *ne non simili lux postera tractu*, iisdem confabulationibus posterum diem laeti fefellerunt.

IN LIBRVM III.

1 — 14. Relinquant Cyzicum Argonautae. *Tertia iam gelidas Tithonia Anhora soluerat umbras*, inluxerat, *exsueratque polum*, nubibus imbriferis liberauerat; *Tiphyn gubernatorem placida alta vocabant*. Breni, lux oritur, eaque serena, placidum mare fuit. *Argoae manus*, Argonautae, et *Aenide* Cyziceni, ab Aeneo, Cyzici patrè, sic dicti, mutuis amplexibus haerent. — c. Dat *Cerere* panes et opsonia *lectrumque egregium pecus rex*, nec *vinum Bithynum Phrygumque*, vilius notaeque deterioris, *sed quod sua Lesbos colle noto per freta angusta Helles subgerit*. Sic ordines verba, et omnia habebis perspicua. Lesbium vinum, *Methymnaeum* etiam (vide Virgil. Ge. 2, 90.) ab vrbe Lesbii dictum, in deliciis habuerunt veteres. v. *innocentis pocula Lesbii* ap. Horat. Od. 1, 17. eundem Epod. 9, 34. Propert. 1, 14. 2. c. 8, 38. Athenaeum 1, 12. p. 28. ed. Casaub. — 8. Ipse Cyzicus Iasonem comitatur ad nauem, relinquit lacrymans, donat tamen praeclara munera *vestes*, quas

primas, primum solertiae documentum, *coniux Clite Percosia*, Meropis Percosii (urbis Percotes 2, 622.) regis filia, Apollonio 1, 975. Μέροπος Περκωπίου ἐκγεγαυῖα Κλίστη ἐὸν πόνημος. *picto varianerat auro*, acu pinxerat, aureis filis infertis; porro galeam et ensen, qui patris olim fuerat; pro quibus vicissim a Iasone adcipit pateras et *Thessala frena*, phaleras. Sic *manibus datis iunxere penates*, foedus hospitii iniere.

15. Quo amiciolem Valerius Cyzicum magisque benevolum atque hospitalem nobis descriplit, eo magis miserabimur hominis tam amabilis sortem, quae ipsi poetae ita indigna videtur, ut ipse causas eius exponere non sustineat, sed Musam in subsidium vocet. *Tu mihi, Clio, causas pande*, tibi enim *superum animos* consilia nosse (noscendi) *facultas data*. Dic igitur, cur Iupiter, hospitalis, ξένιος, talia arma, cur hospitii iunctas dexteras tam amicos heroas hospitiique nexu iunctos commiserit: Cyzicus, nempe in venatione leonem Cybeles confecerat, eiusque exuviis palatium exornauerat suum. Haec poetice ita efferuntur: *Dindyma* (iuga, ὄρη), montem Phrygiae prope Cyzicum, *lacertis famulorum sanguineis bacchata* (passive, uti ap. Virgil. Ge. 2, 487, Aen. 3, 125.) per quem Corybantes, Cybeles a Cyzicenis cultae (Propert. 3, 22, 3.) sacerdotes furibundi, sanguineis brachiis, (haec enim vulneribus inflictis cruentare solebant. v. locum classicum infra 232.) dum Cyzicus *asper*, nimis cupidus, *volueri quatit equo* (quatit vngula campum Virg. Aen. 8, 596.) *sylvasque fatigat*, creberrime venans obit, (sic *arma fatigare*, e manibus non dimittere, 5, 142. *diem noctemque Marto* 5, 602. eodem sensu *exercere pharetram* infra hoc libro 162.) *adsuetum dominam* (nomen Cybelae fere proprium, ut Virg. Aen. 3, 113.) *Phrygias vectare per urbes leonem ad frena redeuntem* iaculo obpresserat, *iubas deinde captivaeque ora* pellem et caput *postibus inposuit*, spoliū *infelix* (sibi) *diuinaeque pudendum*, in pudorem, ignominiam Deae. — 27. Quae ut primum ex *aerifono* tympanis, cymbalis, tibiis resonante *monte* Thessalica nauem conspexerat, hanc vlciscendi occasionem adripuit.

32. Nox erat, et *leni canebant aequora fulco*, canam spumam-moueabant in pelago remi, (cf. Virgilii Aen. 8, 672. *fluctu spumabant caerulea cano*.) *prona ad occasum* *vergentia sidera* *leues placidos somnos spargunt*, venti ita secundi, *ut tonsas religent*, ut remis opus non esset solis-

que velis impulsū praeterueherent *Proceffon* Proconneſon inſulam Proponiidis, *Rhundacum* fluium, medio etiam ponto ſtante, qui aliquatenus etiam per mare ſanum tenet colorem, et *Scyllaceion* promontorium vnda fracta ſpumofum ad quod fluctus fracti magnam agunt ſpumam, (Brandung).

37. *Tiphys diem ſolisque cubilia*, occaſum ſolis, conſulit, ſeruat, obſeruat, ratemque vento ſtellisque miniſtrat, vela curat, prout venti et ſidera poſtulant. (cf. Virgil. Aen. 6, 302.) — 39. Sopor illum, qualis numquam alias, poſt magnum luctamen obrimit, lenit agens, (agens additum, pleonaſtice, vt Graecorum ἐχων. cf. 4, 411. 7, 151.) ſed Divum imperiis, a Diis inmiſſus; cadit inſcia clauo dextra (potuiſſet dicere: clauus excidit dextra, ſed perinde eſt, ſenſus enim eſt reciprocus) ſolata, deſolata, ſibi relictā nauis turbine ſectit iter, in orbem agitur, portuque reſertur amico.

43. Vix notis, modo relictis, vadis adlabſa erat nauis, quum aethere longo, longe per aera audirentur tubae et vox horrenda: Hoſtis in portu! adſunt Pelasgi. Iuſſu enim *Mygdoniae matris* (Idaeae 2, 536. Cybeles) urbem ancipitem lymphauerat, anxiam ad furorem uſque eſſerauerat, Pan Deus, nemorum bellique potens, qui et paſtoribus et militibus (eſt enim et σὀφρωρς. Longi Paſtor. Lib. 4. extr. p. 134. ed. Villoiſ.) vanum terrorem (Panicum) iniicit, qui interdū antris ſe continet, noctu late vagatur, vnde nocturnus 7, 400. ſaetigerum latus, hirsuto corpore, et toruae frontis coma ſibila. Pro ſibila malunt nonnulli pinea, nam eiſmodi corona Pani tribuitur. Audio: ſed quum poetae, vt arboribus omnino, quarum folia leuiſſimo vento mota ſonitum edunt, ita pinui etiam tribuant ſibila, quo facit in primis Virgil. Ecl. 8, 22. argutum nemus et pini loquentes; locus non emendandus, ſed interpretatione iuuandus eſt. — 51. Vox vna quamquam vna, ſuper ſuperat tamen omnes tubas, tam vehemens eſt, vt conus, criſta galeae, enſes, aurigae rotis curribus, clauſtra moenibus calant, tantosque metus, quantos non Mars, non Furiae, non triſtis ab aethere Gorgon, Medusae caput ſparſerit, iniciat, tantis aciem raptauerit umbris, tot ſimulacris inanibus in aere adparentibus in proelia rapiat. — 56. Ludus et ille Deo, ſimilem ſibi ludum fecit Pan, ſi pecora ita territat, vt proſugi ſternant dumeta iuueni, oestro quaſi perciti virgulta proculcent.

58. Clamor ferit et regis aures; lecto exsilit, somnio adhuc plenus, per quod *Isellona* ipsi adparuerat *foribus reclusis*, in ipso cubiculo adstans, *nuda latus*, brachio exserto, *passuque sonoro orichalca* tubam orichalco vinctam (Horat. Arte poet. 102.) *mouens et triplici crista*, *τροφῶνις*, *τρίλοφός*. v. Cl. Ruperti ad Sil. Ital. 5, 134. *pulsans fastigia* cubiculi. Sic magnam corpore et terribilem habitu Deam videmus — nudum latus — passu sonoro — tubam mouentem — triplici crista — fastigia tangentem. — 63. Sequitur Deam rex *demens*, mente captus, et ad mortem properat, vti olim *Rhoetus iniqui nube meri*, vino nimio saucius, et ita oculos obnubilatus, vti *Pholoen*, montem Thesaliae, Centaurorum sedem, (1, 140.) *geminam* duplicem, *maioraque antra sua* cernere sibi videretur, (quod addidere solet ebriis, quibus *geminis exsurgit mensa lucernis* Iuvenal. 6, 305.) *in Herculem et Thesea ruit*, sed in pugna aduersus Lapithas cecidit; aut qualis redit a venatu *pater*, (de *Athamante* sermo est) *lustra Triniamque canens*, ouans de felici captura, gratiasque agens Dianae, *humeroque Learchum aduchit*, nescius, se filium sua manu confectum humeris portare, quod tamen non fefellit Thebanos, *miserae miserabundae declinant lumina* ab tam tristi spectaculo *Thebae*. Rem omnem latius narrat Ovidius Metam. 4, 515 sq. quem adeat, qui opus habet. — 70. Iamque adeo non porta moratur regem, nec *pone*, quae prope aderat, *manus excubias sortita*, satellites praesto sunt regem comitaturi, quorum mox numerum augent alii, quos timor inanis domibus expulerat.

74. Argonautae diu confederant naui sua pauentes; galeas clypeosque per tenebras vident micare, dubii tamen, quid hoc rei sit; num hostis quidam externus castra nocturna securitatis causa posuerit, an *Colchi* fortasse ipsi, nam paucor remotissima etiam timet, obuiam sibi processissent. — 77. Iam vero hasta *inmani turbine*, horrendo cum sonitu mediam in nauem adnolat, iubetque arma subito rapere *manu caeca*, quae, quem in usum, vel contra quos caperentur, adhuc ignorarent. *Princeps* primus *galeam constringit*, lora fortius contrahit Iason, vociferans: en! vota explentur, *optatos huc adfore Colchos*, socii dilecti, *credite*. — 83. Vti Mars, *Martius currus astris*, coelo in medios *Bistonas Thracas exsilit*, et magnus animus et clamor et *tubae sanguineae*, caedem nuntiantes *iuuere* magis excitare, delectare solent *Deum*, sic Iason

obcupat arua furens, primus esse cupit, qui in continen-
tem terram ruere properet. — 87. *adglomerant latera*,
conferto agmine incedunt, *densis thoracibus horrens firma*,
immobilis *stat manus*. vt nec *virgo fera* Minerva, *aegifono*
aegide munito pectore, nec dextra fulmine armata Iovis,
nec *Terror Pavorque, Martis equi* (cf. 2, 204.) *dispellere*,
disiicere, ordinesque soluere potuissent. — 90. Nec vero
ad se defendendos tantum adstant parati, sed etiam ad
adoriendum: *contextis* ita arcte implicitis atque connexis
scutis, vt ne minimum quidem interesse spatium; *umboni-*
bus, qui pars erant clypeorum in medio prominens et
acuta, qua hostem propellere, adeoque vulnerare possent,
urguent. — 91. *Stant vt nubes*, quam Iupiter *coeruleo*
agmine (agmen etiam de aquis vsurpant poetae, vt Virgil.
Ge. 1, 322. Aen. 2, 782.) *nimbosam*, imbris grauidam,
constituit, quae, quamquam *Zephyri* inter se decertant,
Notique rigentem, inmotam, *pulsare* cupiunt, diu tamen
eodem loco haeret, metuque inplet homines, dubios,
quod in fretum, quasue in terras tandem ruitura sit.

95. *Hinc*, ex altera parte Cyziceni, vociferantes iacere
laxa, faces, *tortae pondera fundae lapides graues*, quae
omnia Argonautarum *phalanx inmotata* sustinet, irasque *re-*
tentant, continent, *congeries dum prima fluat*, dum pri-
mus inpetus telorum conquieuerit. (*telorum* addidi, non
hostium, quum congeries rarissime de personis, plerumque
de rebus adhiberi soleat: infra tamen 6, 511. itidem de
personis videtur vsurpata esse.) — *Stellantia tegmina*, splen-
dentem thoracem, et clypeum, *ingentemque umbram*, quam
proiciebat *Corythus* Cyzicenus heros, *Mopsus et Eurytus*
notant, vident. *Restitit ille* (quis? Corythus, an Mopsus?
malim de hoc adcipere) *gradu*, sic restitit, vt tamen gradu
non deiiceretur, vt promptus ad resistendum maneret, *se-*
seque a lumine ferri coruscante hostis gladio sustinuit prae-
ceps, a cito inpetu se continuit, *subitum ceu pastor ad*
annem spumantem nimbis, aestuantem, *fluctuque arbusta*
ruentem prostermentem. — 103. Sed *Tydeus*, en! ait, in
quo vires experiar; vtinam comminus cum eo decertare
detur! *subit ilia Corythi cuspis sagitta Olenii Tydei*, *dedit*
ille sonum, dum caderet, *compressaque mandens aequora*
campi glebas, in qua iacebat, mordens (idem fere, quod
Horatio Od. 2, 7, 12. *solum tetigere mento*) *purpuream sin-*
gultibus exspuit auram, ad quemque singultum exspuit
sanguinem. (Fundus est Homeri *πορφύρεος ἰσάρος* Il. 5, 83,

quem imitati deinde, mutata elocutione, Virgil. Aen. 9, 349: *purpuream vomit ille animam*, et alii.) — 108. *Ac veluti* (luxuriatur poeta in cumulandis comparationibus) in medio ponto horrida rupes latet, non animaduerſa, quam numquam inipune tangunt nautae, ſic agnive caeco tempore ſcriptis enſibus incurrunt Cyziceni, quorum plures obcumbunt, in his *Bienor, melior fortior patre*.

113. Nec minor in vrbe trepidatio. *Genyſo* vxor arma noctu amouerat, ſed illi *ſubitus reluxit focus*, ignem denuo adceudit, vt arma obcultata reperiret, et reperit magno ſuo malo, *tibi gaudes, miſerande, repertis*. — 117. *Liquit videntes* abundantes, largis dapibus inſtructas, *menſas, infectaque* nondum abſoluta ſacra, *pervigilia Medon; chlamys inbelli oſtro torta circumuenit manum*, quae ego, an recte, nescio, ſic intellego: *chlamyde*, quae, quamquam purpurea, bello tamen inutilis nihilque erat profutura, ſiniſtram circumuoluit manum, vt pro ſcuto eſſet; (ſimilis locus ap. Petronium c. 80. *intorto circa brachium pallio componit ad proeliandum gradum*) *ſtrictoque vias praefulgurat enſe*, dextra per viam in anteeſſum vibrat gladium. (coruſcare facit, Gesner. in Theſ. h. v.) Sic *taedas praecutere* Ovid. Met. 4, 755. —

120. Talis in arma ruit; *nec vina dapesque remotae, ſtatque loco torus*; hactenus omnia facilia, non item, quae ſequuntur: *in quo (omen) manſere miniſtri*. Locus ſalebroſus, in quo, quid ex omine facias, difficile dictu ſit, nec Burmannus ſibi ſatis ipſe facit. Erat, vbi ego, mutata interpunctione, et *miniſtris* ad ſequentia tractis, ſanare locum mihi poſſe viderer, ita nempe: ſtat loco torus, in quo toro (omen) manſere ſc. vina et dapes, Argonautis paratae, *miniſtri inde vagi* etc. Sed male me ominatum eſſe poſtea deprehendi, eam in primis ob cauſam, quod Argonautae vrbeſem denuo ingreſſi non ſunt. Maneant ergo ſuo loco vina et dapes, et torus et miniſtri, ſolum *omen* tollatur, et pro *in quo omen* legatur *inſomnes*, quod reponi iubet Bentleius in epiſtola ad Burmannum data: *ſtatque loco torus: inſomnes manſere miniſtri*. Nec temere coniecit acutiſſimus ille Angluſ; nam non vnus codex habet *in quo omnes*, ex quo vera Valerio manus reſtitui poteſt. Neque video, car miretur *inſomnes miniſtros* Burmannus; equidem mirarer magis, ſi ſomno ſe dediſſent ea nocte, qua hoſtes ante portas adparuiſſe audirent, quaque de dominiſ ſoliciti eſſent abſentibus. Non dubitauit igitur, tam

inulentam emendationem in ipsum textum recipere. — 122. *Inde vagi* (Genysus et Medon? Ita volunt interpretes; possint tamen Cyziceni omnino rectius intellegi) *nec tela modis nec casibus isdem conseruere manum*, in quibus duo Adculativi, *tela et manum*, obfendunt. Burmannus ita expedit, vt pro *tela* — *bella*, pro *manum manu* poni velit. De *manu* facile consentio, et potiores ita libri praeferunt, non item de *bellis*, quibus nihil lucramur; nam vtraque formula *conseruere manu bella*, et *conseruere manu tela* insolita sunt Latinis, qui *conseruere manum. pugnam, proelium, caedem* (infra v. 127.) dicere solent. Possis etiam legere: *Inde vagae nec tela modis, nec casibus isdem conseruere manus*. Certe apud ipsum Nostrium *conserta tela* sunt 6, 182.

124. *Ecce granem nodis pinguique bitumine quassans lampada* ab arce decurrit *Phlegyas*, *leues*, levis armaturae *manus* Pelasgorum noctu innasisse ratus, *Thamyrum*, ducem sine dubio latronum illorum, saepius ab se repulsum, magno cum clamore et late ardente face requirit, haud lecus ac *Typhon*, turbo nautis periculosus, *igne fulgure simul ventisque rubens*, quem *Iupiter alte crine tenet*, cf. 6, 170. vbi *Typhonem Iupiter reuerberat aruis*. Flaccus duplicem h. l. personam agere iubet *Typhonem* vel *Typhoeum*, primam turbinis, alteram Gigantis coelo deiecti, ideoque duas diuersas fabulas miscet. — 133. Tollitur *hinc*, ex altera parte contra hunc *Phlegyan*, *totusque ruit Hercules arcu, aduersa flamma spicula certa regens pectore*. Obscuriora haec et asterisco ab editoribus notata recte tamen habere putauerim. Hoc, nisi me omnia fallunt, voluit poeta: *Hercules* ipsam aduersarii faciem in usum conuertit suum; prout enim hanc ille mouit, ita *Hercules pectore*, ad pectus admoto arcu, (nam non genis, vti nunc, adplicabant inferiorem arcus partem antiqui, sed pectori, Homer. Il. 4, 123. *νῆσθην μὲζ' ὠ πέλασθεν*. Virgil. Aen. 11, 862.) dirigebat spicula certa, vt cerio ferirent, *per piceos adensa globos*, quae tela, vt Burmanni verbis vtar, quum ipsam lampada transirent, inde ignem conceperunt, et adensa per piceos globos flammae pectus transfoderunt *Phlegyae*, vnde duplex vulnus, a ferro et ab igne, infligebatur. — 135. *pectus harundo per medium contenta*, cita, rapida *fugit*, *ruit ille* incidit ore comanti, bene comato capite, in ipsam faciem, maiorque adparuit *ignis*, caesariem adprehendens. Tota imago nimis quaesita.

138. Iam aliae caedes memorantur, in quibus non nisi singula verba explicanda veniunt. Sic 140. *duplicatam securim* alii aliter exponunt: *Abresch* Auctar. ad Dilucidatt. Thucyd. p. 296. de incurvata, ideoque obtusa — *Bolt* Sylva p. 85. librata — *Wühof* celerata. Mihi vero est vel *bipennis*, vel bis repetita, uti congeminata 6. 179. — 141. *aspera cingula* vel acu picta, vel bullis, vel caelaturis distincta. — 144. *prima cadauera linquite*, nil nisi primitiae caedum sunt, sed, his non contenti, plures caedamus. — 147. *pergunt rupta testudine fusi*, referenda ad v. 87. ubi adglomerabantur, densisque thoracibus stabant; iam vero vagi hostes adoriuntur.

150. *Inse dux lacon super vultus caesos* hostes ore humum prementes, *taboque labantia crnore lubrica terga, campi Martisque potens*, apertum sibi campum pugnamque videns, ut *caeca profundo hiems*, ut inopina in mari exorta tempestas, *currit*. — 156. *fixam videt decrescere cornum*. Poeta, in variis caedum generibus excogitandis non eadem semper, qua Ovidius, ingenii felicitate adiutus, singularia quaedam et mira narrat; hoc tamen videtur voluisse: lacon lancea ferit Glaucum, qui telum quidem contra expedit suum, sed sentit, hastam aduersarii altius intrare corpus, *vidit* hastam; quo penitus insigetur, eo magis *decrescere*, eo minorem breuioremque fieri. — 158. *insignem cithara cantuque fluenti*. Fluens obponitur aridae voci, ranae; est igitur, liquida, sonora, suavis. — qui *dulci pectine plectro*, proprie instrumento variae formae, quo lyra pulsatur vel raditur, tum per synecdochen pro tota lyra posito, *Bistoniae Thraciae post magnum alumnum Orphea*, cui Thracia patria, *festis assistere mensis ausus erat*, Orphea aequare in lyra pulsanda stulte sibi persuaserat. Ceterum imitatus est Flaccus Ovidium, qui in pugna cantorem itidem sinit Met. 5, 111 sq.

161. Hercules iam non amplius pharetram et arcus *exercet* (quod verbum usurpant de rebus, quibus saepe multumque utimur, *handhaben*, ut fatigare; v. supra 21.) sed disiicit agmina *clava socia*, quam ubique comitem habebat, adsumpta. — 163. Qualis sonitus est sylvae, quae caeditur, *densa sylva labat magna iuuenum robustorum securi*, cuneisque adactis *grauis robur*, quercus ponderosa, *gemit*; (rei inanimatae sensus tribuitur) sic *ossa dura* malaque sonant sub ictu, *sparsusque* conspersus, (cf. infra 5, 319.) *ager cerebro albet*, cf. Virgil. Aen. 12, 36. *campi ingentes*

offibus albert. — 167. *subfederat*, infidiatus. — 168. *os barbamque* barbatum caput, *clauam superne intonat* (active, quod quum insolentius sit, alii malunt *claua*). — 169. *I nunc* consueta poetis inrisione infeliciū oboumbens *Herculis armis*, *donum ingens semperque tuis mirabile fatis*, magno tibi honori est, in fatis tuis vt mirum et honorificum memorabitur, quod Herculis manu cecideris. *Donum* sic ironice sumtum est etiam 4, 216. — 171. *Horruit ad Herculis nomen* auditum, *nomen enim adnouit amicum* (amici) *primus*, et *ignavis dirum scelus adtulit umbris*, primus fuit, qui manibus eorum, qui iam iam cecidissent, quique mortis suae auctores non noscent, hospites Argonautas fuisse nuntiaret. — 174. *mente moras fouisse benigna*, beneuole per aliquot dies, quibus morari deberent, excepisse, et *laribus sacrasse diem*, festum diem instituisse, quod nouus hospes familiae adcesserit. — 177. *quem tu qualemque*, quam deformem, *videbit adtonitus, Cretace, parens!* non adnoscet, oculis non credet, te esse, qui antea tam formosus eras. *En frigidus somnus* mortis orbem oculos (cf. 235.) *purpureos*, viuidos, vegetos, pulcros omnino, (v. Iani ad Horat. Od. 4, 1, 10. et infra *purpureum sal* v. 422.) *obit*, subit: iam candor, candidus faciei color et anni, iuuenilis vigor, *deficiunt*. — 181. *Desere nunc nemus et Nympharum durus amores*. Inrissio, vti paullo ante: *i nunc*. Antea ita pulcritudine superbiebas, vt Nymphas contemneres syluasque relinqueres; iam vero idem aude, si potes.

182. *Hylas*. Hic *diuersa turbantem*, alia campi parte pugnas cientem, *Sagen neruo fallere*, sagitta prius missa obcupare, praeuertere, obculto ferire, quamquam *puer*, tamen *ausus primum* experimentum facere fortitudinis, *spes maxima bellis*, magnam herois futuri spem de se excitans, *si prospera propitia Iuno*, nisi haec impediat.

186. *Castor et Pollux*. Parum abfuit, quin alter alterum conficeret. *Adcessere nefas* (eheu!) *tenebris fallacibus acti in sese*, ast illos noua lux subitusque frontis apex, flammula, quam nuper galeis eorum Iupiter addiderat, (v. supra 1, 571.) iam subito visa *diremit*. Alios igitur adgrediuntur, et Castor quidem *Ityu*, qua *caerulus ambit balteus*, et *geminis committunt ora dracones*, vbi cingulum fibula continebatur, in qua duo serpentum capita ita conferta erant, vt mordere se inuicem viderentur. cf. infra 6, 19. *tereti serpens dat vulnera gemmae*. Ovid. Met. 8, 328. *mordet*

fibula vestem. Curtius 3, 3. *pallam* — *aurei accipitres velut rostris inter se congruerent, adornabant.* — 191. *Pol-lux* alios, inter eos et *Cydrum*, qui *totis connisus viribus* (sic recte, non *connixus*) hastam coniecerat in alium *Cyzi-cenum*, *venatorem Erymum*: sed hanc hastam *fata seren-tem*, mortiferam, *luna brevis*, nubibus aliquantisper emi-cans, *Diana comitem venatorem miserata prodidit*, in con-spectum dedit, ita vt *Erymus* leni capitis motu hastam declinare posset, *iubae cessere*, crista quidem galeae ferieba-tur, sed *raptum per auras vulnus aer diuisus est ictu, et extrema sonuit cita casside cuspis*, *velox lancea non nisi extremam stringebat galeam.*

198. *Telamon Opheltem vana sonantem, iactantem sine dubio generis nobilitatem per cedentis clypei opus* (μῆνυ τῖνον, χρῆμα) *partemque* (melius et magis poetice *cratem*, quod reponi suadet Gesner. Thes. v. *trilix*) *trilicem*, tri-plici catenularum inuicem confertarum ordine munitam, *qua stomachi secreta*, vbi stomachum clypeus tegebat, *serit.* — 201. *huic regem, aut aeque alta gente satum fors mihi delegerit.* Sic strue verba, et ita mecum intel-lege: *Di*, precor, vt in hoc iactatore vel regem, vel alium non admodum rege inferiorem mihi fortuna obiecerit, *magnusque et flebilis vrbi conciderit*, cui eo maius damnum hoc interfecto infligam. — 203. *Huic addit praeter alios Phoea; Lelegum Ioniae qui pulsus ab oris regis amicitiam et famuli propioris honores (qua patiens non arte?) tulit*, h. e. qui, quamquam externus et exsul, tamen ad amicitiam *Cyzici regis* et interiorem adeo admissionem (sed quibus artibus, quaque patientia?) sese enexerat. — 206. Et sic *Telamon* saeuire perrexit, donec *nox alta cadentum ingen-tes sonitus ruinasque auget*, cadentium prolapsus ob noctis silentium granius ad aures adcidebat, quod noctu fieri experientia docet. — 208. *Vt magis Inarime*, (alias *Aenaria*, *Pitheculsa*, hodie *Ischia*, insula prope *Neapolin*, *Typhoeo* inposita, *Virg. A. 9. 716.* vbi, si plura cupias, vide *Heynium* in peculiari *Excursu*) vt magis *mugitor*, (ornatus causa adiectum) *Vesuius*, *Vesuvius mons*, (infra 4, 507. *Vesevus*) *anhelant*, *adtonitas terrae motibus et igne eructato fuscitat concutit vrbes; sic pugnae crudescit opus*, magis cruenta fit pugna nocturna, neque enim *igneae cedunt astra loco*, solito diutius in coelo morari sidera videntur, et *len-tis haeret nox conscia bigis*, consulto, de industria longius durat: Sic igitur, veste poetica detracta, inde a v. 206.

omnia apte cohaerent, nec desideraueris ornatum poeticum in *mugitore anhelante*, (respicit autem Gigantem ignihomo monte pressum) in *nocte conscia*, *lentis bigis haerente* De curru Noctis cf. 2, 295. et omnino Cel. Eichstaedt Quaest. philol. p. 15. 16.

212. Anhelat ipse poeta, et Musam denuo in subsidium vocat, vt *Tartareae* horrendae *noctis omnia sequentem*, enarraturum adiuuet. — 213. *Phaethon*, Sol ipse, vti ap. Virgil. Aen. 5, 105. *adflat Tisiphonem*, equorum Solis adflatum, aduentum eorum sentit Furia, et quidem *trepida*, quoniam non nisi noctu Furiis vagari licebat, vti et Vmbri et Manibus ad infera loca sub diluculum redeundum erat. cf. Heyne ad Virgil. Aen. 6, 538. 5, 739. et Ruperti ad Sil. Ital. 13, 808. — 214. *grauior locos iam luce propinqua umbra premit*, densiores adeo tenebrae totum campum obnubilare videntur, *non signa virum, non funera cernunt*, discernere viros non poterant, quos interficerent. — 216. *Vos, prodiite, Divae Musae Eumenidum noctisque Furiarum* extrema nocte, vbi longiori morae locus non esset, *grassantium globos conferta agmina*. — 218. *trepidi singultibus labentum agri*, audax et difficile intellectu: melius *tepidi*, quod Bononiensis habet, recenti nempe sanguine, quem moribundi singultantes eiecerant.

220 — 242. Iplius Cyzici caedes narratur. *Cyzicus aciem vanis discursibus inplet*, per totam aciem discurret ausu inani, *fata trahens*, morti ipse propinquus. Triumphantis quidem more sibi persuaserat, Pelasgos a se fusos, sed *tales aditus* falsam de Pelasgorum aduentu opinionem, (nisi malis animos) *eaque gaudia inmiserat ira Deum*, numinis alicuius, Cybeles. — 224. *Veluti quum Coeus*, Coeli ac Terrae filius, Titanum maximus, (Hesiod. Theog. 133. 134. Virgil. Aen. 4, 179.) *fundo in imo Tartari*, si quando ipsi coniugit, *adamantinas durissimi ferri*, chalybis *catenas fractas Iovis* post se trahere, *vocatque laetabundus*, fortunam suam narraturus, *Saturnum Tityonque*, notum illum Gigantem, qui apud inferos per nouem iugera porrectus iacebat (Virgil. Aen. 6, 595 sq.) *spem quae aetheris amens concipit*, stolidè ad superos se enasurum credit, *ast illum fluviiis Styge*, Phlegethonte, et nocte tenebris Tartari *remensa* post se relicta, *Eumenidum canis* (Singul. pro Plur. Apollon. Rhod. 4, 1665. Ἀΐδοιο δοκὶ κύνας) Furiarum comites et ministri, (de quo vocis *canis* vsu vide Ruhnkenium Epp. crit. p. 93 sq.) et *sparfae iuba hydrae*, earumdem Fu-

riarum angues circum capita sibilantes, *repulit*. Idem igitur adcidit Cyzico. — 229. *Saeuit acerba*, cum acerbitate *frœmens*, *tardumque a moenibus*, quod ex vrbe non adproperet, *agmen increpitat*: *Numquamne dolor virtute* (mel. *dolor virtusque*, i. e. virtus dolore excitata) *subibit nil ausas sine rege manus*, cines meos, nil sine me, nisi me duce audentes? At longe alacriores estis, *barbara*, Phrygia, Berecynthia *buxus tibia si vocet*, (cf. Aen. 11, 737.) et *motis vlulantia Dindyma sacris*, (*mouere* vox solemnis de adparatibus dierum festorum annuorum. Sic ancilia movebant Salii.) *tunc ensis placeatque furor, modo tela sacerdos*, cui lubentius paretis, quam regi, *porrigat*, et *iussa sanguis* (producta per licentiam poeticam posteriori syllaba) *exuberet vlna*, et ex praecepto Corybantum sanguis large ex brachiis incisus fundatur. (cf. sanguineos lacertos supra 20. infra 7, 635 sq. 8, 239. in primis Lucretium 2, 631 sq.) — 235. *Talibus tam acerbe insultans*, nec ciuibus solum, sed ipsi etiam Deae, iam dudum numine *Diuae deficit*, vires delicere sentit, *infracti debilitati*, inhibiti *languescunt frigore cursus, corda pauent*; et, ne dubius maneat, vnde haec sibi adcidant, *audit fremitus irasque leonum*, currui Cybeles iunctorum, *audit cornua*, sonitum instrumentorum musicorum, *motas videt inter nubila turres*, coronam ipsius Cybeles turritam. — 239. Tunc advolat ceria et granis laeonis hasta, *latumque sub imo pectore iter rumpit*, aperit, patefacit, (cf. 1, 4. 6, 139.) late hians infligit pectori vulnus. — 241. *quam nunc incognita vellet lustra ferarum latibula, sylvas, nullisque datos venatibus annos*, nullum venando tempus consumitum!

243. Talia viri fortes vtrunque tela fundunt, *sonituque pedum motuque suspecta explorant*, adrectis auribus ad leuissimum quemque pedum vel corporum motum suspicioli, *prensant socios vocemque reposcunt*, ipsos sodales in tenebris conripiunt, et excubiarum nostrarum more adclamant. — 246. *Quod si tanta lues caedes diluculo non esset interemta*, orta dies nil nisi feminas in vrbe, mares per litora stratos vidisset.

249. Iam vero, rege peremto, Iupiter ipse ad pugnam dirimendam opemque ferendam *sereno coelo intonuit*, vt praesentiam numinis sui manifestam faceret, quo territae nocte saetae, noctigenae Furiae (cf. Virgil. A. 7, 331.) terribus armipotens Mars, vt ab hac pugna desisteret; *tunc porta truceis coit infera belli*, Tartarus clausus, qui Furias emi-

ferat. Variant libri in *infera* et nonnulli habent *effera*, quod Heynius Exc. 9. ad Virgilii Aen. 1. praefert, cuius vericulum 293. ob oculos habuisse Flaccus videatur.

254. Cyziceni fugiunt, *quae sola salus*, nec persequi eos Argonautis animus est; *stetit anxia virtus*, quamquam fortes, consistunt tamen, timentes, ne forte dolus similitae subit fugae. — 257. Ecce die inlucescente *primos* (pro *primum*, *denuin*) portus lumine sparfos videbant, *notaeque, nefas, albescere turres*, aedificia, eheu! bene sibi cognita et tenebris procedentia conspiciunt. — 259. Di maris, exclamat Tiphys, *ut mea fatali damnastis pectora somno*, quam tristem oculis meis somnum inmisistis! *quantis monstris*, quam inopino foedoque spectaculo litora *focii caeli compleverunt!* — 262. Argonautae ipsi, nimis adtoniti adhuc, stupentes, exsangues adsunt, quam ut gemitum pudoremque de facinore a se perpetrato verbis exprimere possint, stupent haud secus, ac 263. *Thyas ad crines et tristia Pentheos ora*, *vbi impulsae iam se Deus agmine matris abstulit*, et *caesi vanescunt cornua tauri*. Haec omnia lucem adcipient, si memineris de rege Thebarnum *Pentheo*: qui quum sacra Bacchi in urbem stolisset admittere, Deus iste, hunc sui contentum ulturus, matrem et materteras regis, Thyadas, Maenades, Bacchas, ita obcaecavit, ut in tauri (alii habent aprum, v. c. Ovid. Metam. 3, 714. quem omnino consuluisse non poenitebit) specie sibi obiecta Penthea ipsum dilacerarent; sed quum furor a Deo inmissus resideret, non tauri cornua, sed crines confusos et cruore tinctos, et *tristia Pentheos ora* caput, faciem coram viderunt, stupentes adstiterunt.

267. *Nec minus effusi grandaeuorum senum ad litora vulgus*; (*vulgus effusi?* quid putas, Prisciane? Sed erravit Valerius meus praeeunte Virgilio, qui Aen. 6, 660. habet: *Manus ob patriam pugnando vulnere passi*) quum vero *socias suorum viderent manus caesas*, fugiunt retrorsum, sed exclamat Iason: — 270. *Quos fugitis?* Propius intueamini, qui sint, quos fugitis. Mallem me meosque hac strage potius obcubuisse. *Deus haec, Deus asper utrisque implicuit*, numinis alicuius, utrisque infesti, ira hoc inmisit malum — Argonautae sumus, *hospita turba*, hospites modo digressi. *Cur flammis miserosque moramur honores?* Age, quum factum infectum fieri nequeat, triste officium mortuis faciamus. Iason virgere nimis iusta facienda

videtur. Melius fecisset, si iussisset inquiri, an nonnulli fortasse spiritum adhuc traherent servarique possent.

274. *Tum super exsangues confertae caedis* (v. supra 123.) *aceruos praecipiti plangore ruunt*, matres coniugesque, filios maritosque adnoscunt ex vestibus acu pictis aliisque donis. It gemitus toto coelo per *aequora sinuosa* (litora sinuosa 2, 452.) *pars tenues flatus* spiritus emissi, vim vitalem exiguam observant, et *adhuc stridentia* sanguinis aliquid effluentia *prensant vulnera*, (cf. stridentem spumam vulneris Ovidii Met. 8, 417. et supra 1, 373.) *pars fera* certi de morte cognatorum, tandem *componunt*, comprimunt *lumina dextra*.

280. Iam inuentus etiam rex in mediis cadaverum aggeribus. *Tristi fideant ceu cetera planctu*, quasi hic solus esset lugendus, sic omnes ad eum concurrunt. Circumstant et Argonautae, *deslentque nefas et cuspidis ictus Aesoniae*, hastam Iasonis tam tristem cladem adtulisse, *sortemque ducis acerbam*, Iasonem, qui se ipse adcausat, *solantur*.

286. Iason, quum crines pingui sanguine concretos, pallidum vultum hastamque in caro amici pectore defractam videret, ingemit, et oratione, adfectum, miserationis praefertim et pudoris plena, mortuum ita adloquitur: *Te tamen ignarum tanti furoris nox habet*; at vero tu quodammodo felix praedicandus es, qui tam foedum mortem praeneneris spectaculum, *et nullo testantem foedera questu*, ut violata a me hospitii iura queri possis. — 294. *exsanguine mea speravi*, timere potui, (nam sperare Latinis omnino est futurum aliquid expectare) *te posse manu? talis*, tam ingratus hospes, ut mox cruentus redirem hostis? — 297: *nonne haec mea iustius essent funera*, mihi potius moriundum erat — *neque tuus error nunc plangeret*, tu potius me a te incito interfectum plorares? — 299. *Nec Clarii nunc antra Dei*, Apollinis, qui praeter alia loca, etiam in vrbe Colophoniorum Claro, et ex antro quidem, oracula edebat, *quercusque sylvae Dodoneae Tonantis Iovis arguerem*, incularem, quae mihi talia proelia, tales triumphos praedicerent? *cur mens conscia vatum*, vates futurorum praescii, *qui patriae senectae exitium crudele*, necem patris senis caneant, *cur hoc tantum nefas retinere?* — 304. *quae me hospita*, hospitio, *tellus adcipiet*, quae non primo a litore arcebit? — 306. *Invidere Dei*, spem laetam a me conceptam, fore, ut, reuersus ex Scythia, tuas terras reuisam, tibi in bello contra Pelagos fiam

comes. — 311. *Voluite sylvas*, (utraque vox augeat: haec multitudinem lignorum, illa laboris magnitudinem exprimit) *socios*, sociorum amicorum *lustrate rogos*, circumeatis, *date munera*, quae nostro misisset Cyzicus igni, rogo.

314. Iam mortui regis coniugem in scenam producit Valerius. *Clite laceras super ora mariti fusa comas*

(Graeca forma pro: laceris comis se effundens) sic fatur: *primis coniux coniugii ereptus in annis, cuncta trahis, omnia tecum mihi pereunt: necdum suboles, nec gaudia* (gaudia subolis) *quibus moesta tuos nunc, optime, casus perpeterer*, quae moestitiam de morte tua leuent meam, *tenui quidem solamine*, solamine tamen luctum mitigante *fallens* aliquantisper obliuiscar. — 320. *Mygdonis Phrygii regis arma bellum patrem et natales rapuere domos*, et patrem et patris hereditatem eripuit, *Triinaeque potentis occidit arcana genetrix absuntâ sagitta*. Non addit, quid Dianae iram in matrem concitauerit, nec aliunde constat;

expofuerim igitur de febris maligna, quam Apollinis et Dianae sagittis adscribere solere poetas, vel ex Homeri II. Lib. I. nouimus. — 323. Nunc adeo tu, qui mihi omnia eras, et coniux et frater et parens et spes a prima iuuenta una, (puella sine dubio fuerat pacta) *deseris, totamque Deus simul urbem inpulit*, concussit (quia inprolis subcessorem non reliquerat). Conferri in primis meretur Ovid. Her.

12, 162. ubi Medea: *Deseror, amissis regno patriaque domoque, Coniuge, qui nobis omnia solus erat*. — 326. *Utinam saltem morienti tibi aduissem! vidissem tendentem mihi manus, moventis praecipientis iussa et mandata percepissem! quin et thalamis modo quæsta morari*, quae paullo ante tacite mecum, quod nondum redires in urbem, querebar, *heu talem, iam mortuum, recepi, tantique metus secura*, alia omnia, quam tuum obitum, metuens. —

330. Ita eam in compresso mariti collo haerentem moesti ipsi Castor et Pollux vix erigere potuerunt.

332. Interea nudatis montibus (tot arbores ceciderant, cf. Sil. Ital. 3, 640.) innumeras et certatim quidem pyras *urguent*, deproperant, *decorantque* exornant, et corpora moesti summa in summa rogorum planitie locant: *vadit sonipes equus cernice remissa languide, venatrix nec turba canum pecudumque morantur adducuntur*, simul cremandi, quod pluribus etiam nunc barbaris gentibus in more esse constat. — 336. *Funerae quae cuique manus, quae cura suorum, quae fortuna fuit*. Locus perplexus et breuitate

laborans. De manibus in primis haereo, quas si licuerit interpretari de manibus in funere parando occupatis, totum locum ita intellegerem: Cognatorum quisque manu sedula raptim contulerat, quae mortuis cara in primis fuisse nollent, ad rogam exornandum, prout fortuna vel amplior vel tenuior permetteret. Mihi tamen nondum satis facio. Omnino deesse verbum videtur, quod latet fortasse in quae cuique. Quid? si legas *funeraeque tulere manus?*

337. Medio aggere rex longe eninet, quem Iason ipse, crebris quatiens singultibus ora, dolorem gemitu et lacrymis large fluentibus declarans, celfo reponit in osiro, rogo elatiori purpureo velamine ornato. — 340. *Dat pietas auro atque ardentes murice vestes, quas telis festina raperat vocantibus ausiris Hyppipyle*, quas vix ob subitum Iasonis abitum absolvere potuerat: *galeam porro dilectaque*, quae carissima haberet, *cingula rogo iniicit*. — 343. Rex vero ipse vultu ad urbem conuerso iacuit, manu gestans sceptrum auitum. Nam quoniam nec *proles*, filius, nec *alius sanguis cognatus* superstes est, *ipse decus paterni regni sceptrum refert*, gestat, fert secum.

347. *Inde ter armatos Minyis referentibus orbes*, ter armati eundem orbem repetentes, circa rogam decurrentes, quod et Romanis in usu fuit, (Virgil. Aen. 11, 188. *ter circum adcenso cincti fulgentibus armis decurrere rogos*. Apollon. 1, 1059. *τρίς περί χαλκείοις σὺν τεύχεσι δινηθέντες τύμβῳ ἐνεντερήξαν*) *concussi sonitu pedum rogi*, *ter inhorruit aether*, *luctificum clangente tuba*: tum *ieccere faces*, incenderunt rogos *supremo clamore*, vltima conclamatione, an forte in vitam redituri sint mortui. — 350. *Rerum labor omnis* — Burmannus cum Gronovio malit *regim* i. e. Argonautarum; ego vero nil muto. quidni enim interpreteris: res omnes multo cum labore congestae, ligna, vestes, dona cet. *in auras solvuntur*, et *celsis conlucent aequora flammis*, omnia absumuntur igne tam alte in aera surgente, ut et campi et mare ipsum longe fulgeant.

352. Scilicet haec manebant fato destinata Iasoni sociisque, ex quo Peliacis caderet cum montibus arbor, ex quo expeditionis nauticae consilium cepissent, hoc voluminum minae, auguria sinistra, fulminaque praesaga, malorum praenuntia, significauerant. Sed quis non prima refellat monstra Deum? ea nimirum est natura idque ingenium mortalium, ut omnia a Diis inmissa nihil ad se

pertinere credant, vt ad ostenta increduli sint, *quis longos sibi non auguret annos?* Verissime dictum.

357. *Dilabsae passibus aegris* (moestitia lentos facit gressus), cum prole nurus, vxores et liberi; *tandemque quiescunt dissona peruigili planctu inga*, silent per montes dissonae per totam noctem auditaе voces, non secus ac orae Aegypti ab aubus patriam vere ineunte repetentibus relictae, quod ita effertur: *qualiter Arctos septentrionales ad patrias reuectis anibus Memphis Aegyptus omnino, et aprici calidioris statio silet annua Nili*, ad quem quotannis mitius per hiemem coelum quaerunt aues nonnullae. Totus locus adumbratus ex Virgilio Aen. 10, 265 sq.

362. At nec dies, nec diem proxime excipiens *nox aspera curis*, quae asperas secum adfert curas, *Minyas ab tanta caesorum imagine soluit*, oculis animisque obuersari pergit amicorum caedes. Venti flant secundi, nec tamen fiducia vlla; nondum iusta omnia mortuis fecisse sibi videntur, patriae laborisque inmemores segni, otioso luctu torpent. — 369. Ipse Iason, quamquam *tristissima rerum castiganda duci vultuque premenda sereno* — sententia egregia! Quo tristiora sunt, quae duci exercituique eius addidunt, eo magis dolorem reprimere (vel obcultare, vti v. 718.) vultumque serenum atque confidentem decet praeferre, *dulcibus indulget lacrymis*, quibus animum leuari sentit, *aperitque non dissimulat dolorem*. Gemere adeoque lacrymari heroibus ipsisque Diis haud indecorum habuerunt inde ab Homero poetae.

372. Tum in secretum abducit *Phoebeum vatem*, augurem *Mopsim*, causas mali ab eo exquiriturus. *Decretusne venit fato pavor a Diis inmillis, an sibi nectunt corda moras?* an nos ipsi metu sponte animis concepto a prosequendo itinere retinemur? *cur iam inmemores famaeque larisque* (cf. paullo ante 367. patriae laborumque amorem) *angimur?* *aut pariet* (exquisite pro habebit) *quemnam haec ignauia finem?*

377 — 416. Ad haec responsurus Mopsus philosophatur, doctrinaeque ab eo propositae summa haec est: Animae nostrae particulae sunt naturae divinae et immortales; nefas igitur est, alios interficere. Quod si quis tamen fecerit, animae interfectorum, iniuriae adceptae memores, queruntur apud iudices inferos, qui ad superos, Furia comite addita, reuertere eis permittunt, vt de interfecto-ribus meritas fumant poenas. Si qui vero incii aliis

mortem intulerint, hi sua ipsorum conscientia anguntur, piaculo tamen aliquo dolori possunt mederi suo. — Hoc philosophema Argonautarum aetate utique recentius et e Platone haustum est, unde etiam ritulos deduxit Virgilius Aen. 6, 724-755. ubi vide Heynium ad versum in primis 743. qui et Nostri laudare non neglexit. — Sed singula videamus: 378. *Si mortalia membra sunt, sortitusque breues et parui tempora fati perpetimur*, exiguum vitae nostrae spatium constitutum est, *socius: superi quondam ignis Olympi*, nobis, quorum animae olim purissimi aetheris particulae essent, *nefas ideo miscere neces*, non ideo licet, quencumque velimus, pro lubitu vita priuare, *ferroque morantes exigere hinc animas redituraque semina coelo*, manu violenta expellere corporibus animas in coelum reuersuras. — 382. *Quippe nec in ventos, nec in vltima soluihur ossa*, non omnes morimur, meliorque nostri pars perdurat, *ira manet, duratque dolor*, sensus eorum, quae passi sumus, remanet; *quum deinde tremendi Iovis Plutonis* (supra 1, 730. Iupiter Tartareus) *ad solum venere questuque nefandam indignam edocuere necem*, patet illis ianua leti, Stygem renaugare permittitur, *comes una sororum Furiarum additur, et pariter terras atque aequora lustrant*, Furia auxiliante interfectores ubique investigare atque persequi datur. — 389. *Quisque suos fontes, qui iniustam necem intulerunt, poenis implicat*. — 391. *At quibus inuito maduerunt sanguine dextrae*, qui inscii caedem perpetrarunt, *si fors saeva tulit miseros, si calui fortuito adscribendum est facinus, si proxima culpa*, si non culpa quidem iusti nominis, sed culpa tamen aliqua lenior in homines cadit, *hos variis mens conscientia ipsa modis agit, sua carpunt facta viros resides* (melius fortasse cum Burmanno post viros incidas, ut resides in primum casum abeat) conturbantur ita, ut languescere incipiant, *iam nil amplius ausi*, animam despondentes, lacrymantur meticolosi, segnes existunt — *quos ecce vides dixitinos* — tales nos nunc sumus. — 396. *Sed nosira requireret cura vltam, memori iam pridem cognita vati*. (Sic reposui, iubente codice Burmanni, pro vate, quod sensu caret) *Cura nostra* i. e. ego, et ad vati subintellige *mihi*; sic omnia clara: Ego viam iterum reuisam, quam iam olim, bene enim memini, calcavi. — 398. *Est procul ad Stygiae deuexa silentia noctis, ornate pro inferorum regno, Cimmerium domus et super isincognita tellus*, ergo

non in geographicis illa tabulis nostris inquirenda, sed a poetis efficta, qui extremas mundi terras Austrum et septentrionem versus Cimmeriis adsignauerunt, et primo quidem ab Homero Odyss. 11, 14 sq. quem Valerius expressebat) *coeruleo*, nigro, *tenebricosa sinu*, quo Sol numquam *flammea iuga* currum, *sidereos nec mittit Iupiter annos*, anni tempestates ab siderum motu pendentes, hieme excepta, numquam calefit solis radiis, *stant* (quietem exprimit) *frondes tacitae*, nulla ibi anis querula auditur, *inmotoque sylua comanti horret verna iugo*, ipso vere, si quod ipsi contingat, nulla tamen vel leui aura arbores in montibus agitantur, sed frigore horrent ac rigent; *specus umbrarumque meatus subter*, antra subterranea, per quae defunctorum manes commeant; *Oceani praeceps fragor* (pr. praecipitis Oceani, sed sic saepe transferunt epitheta poetae) *aruaque nigro* (horrido, ut saepe *atra cura*) *vasa metu tenebricosa*, latissime patentia, formidine plena, *et subitae post longa silentia voces*, perpetua silentia raro eoque terrifico sonitu rupta. — 406. *Ensis hic atraque sedens in veste Celeneus* (nomen sine dubio a Valerio. confectum, nam poetis epicis omnia definite, etiam nomina effrenda sunt) *insontes errore luit*, lustrat, purgat, *culpamque remittens carmina turbatos laesos voluit*, ut Virgilii Sibylla folia, *placantia manes*. — 409. *Ille mihi lustramina piacula prodidit indicavit, volens sponte, beneuole Erebum terramque retexit*, quid ad inferos placandos apud superos agendum sit. — 411. *Ergo ubi oriens sol ascenderit curru undas* (nescio tamen, an melius Burmannus *adscenderit*, inlustrauerit, uti 5, 370.) *puniceas* ab effectu, ut puniceae adpareant, colore purpureo tinctae videantur, *tu sacris adhibere*, pro *adhibe*, more Graecorum, qui Infinitium ponunt pro Imperatiuo. v. Dorvil. ad Chariton. p. 475. ed. Lips. — *armentaue magnis bina Deis; me vero interea temporis vobis adesse haud fas est*, religio prohibet, *donec*, quoad, quamdiu *lustralia pernox vota fero*, preces fundo per silentia noctis expiatorias, et iam nox adpropinquat, *mouet en gelidos Latonia currus*, Luna refrigerare incipit terras: (Lunae currum iam supra vidimus 2, 295.) — 416. *Flecte gradum*, redeas ad locios, eosque mone, preces meas ne turbent, *placitis sileant, age, litora coeptis*.

417. Iamque media nox erat, quod poeta duobus versiculis amplificat: *sopor mediis tellurem prefferat horis, et circum tacito volitabant somnia mundo*. Sic enim

poetae tempora, enumeratis iis, quae fieri quoque tempore solent, circumscribunt. Copiosiores sunt in hac noctis imagine pingenda Apollonius 3, 744. et Virgil. Aen. 4, 522 sq. — 419. *vigil arcani sacris speculatus tempora iustum* temporis momentum rite seruans *Ampycides* Mopsus *petit aduersis Aesepia syluis flumina*, Aesepum per proximas sylvas defluentem et inde in mare se proicientem. — 422. *Hic sale purpureo* (recte, nam purpuram poetae tribuunt omnino rebus pulcris, nitore in primis insignibus, vide supra 179. *purpureos oculos*. — *purpureos olores* Horat. Od. 4, 1. 10. *purpureum uer* Virgil. Ecl. 9, 40. *purpurea adeo nix* Albinov. 2, 62. Sed *purpureum* proprie tamen obcurrit apud Strabonem Lib. 3, c. 3. p. 415. ed. Siebenkees. quod terendo candidum faciant Hispani) *vindique lympba aqua membra nouat abluit nitentia*, ut niteant, *seque horrisceis adcommodat actis*, parat omnia, quae ad sacra diis inferis rite facienda pertinere sciret. *Tempora tum vittis et subplice olina*, quam subplices manu ferebant, (*insynops.* cf. 5, 362.) *implicat*, et *strioto designat litora ferro*, locum eligit in litore (templum vocabant augures Liv. 1, 7, 18.) *circum aras humiles*, (his enim Dii inferi contenti esse debebant. Virgil. Aen. 6, 252.) *ignotaque nomina Diuum instituit*, cuique arae nomen aliquod Dei, quamquam non nominatim adsignabat, (gentiles enim, ne quod forte numen neglegerent, *αγνώτοις* etiam altaria erexisse, *δεδίδακτοῦντα* docet Atheniensium in Actis Apost. 17, 23.) *syluaque super contristat opaca*, multis densisque frondibus obumbrat; utque metum numenque loco *addidit*, locum ita adornauerat, ut sacrum quemdam horrorem reuerentiamque in animis posset excitare, *ardenti nitidum iubar excitat alto*, solem orientem pronocat.

430. Sole orto Argonautae armis ornati incedunt, prae se agentes *lectas egregias bidentes oues aurata fronte*, cornibus deauratis. *Delius* (Phoebus 372.) *hic sacerdos* augur longe obcurrit, *ramoque vocat*, inuitat, innuit, ut propius adcedant, iamque ipse *recenti fiat tumulto*, subgestum e viridi cespite conscendit, *placida transmittens agmina lauro*, praetereuntem quemque laurea fronde leniter tangens. — 435. Ducit deinde ad fluvium, *ac vincula soluere monstrat prima pedum*, exsitis calceis aquas iubet intrare, *glaucasque frondes* (intellego de arundine, canna) *comis praetexere*, hinc manus orientem versus solem tendere, et per campos discumbere.

439. Tunc *piceae*, nigrae, nam tales inferis obferebantur, *oues mactatae*, *profectaque partim pectora per medios*, *partim gerit obuius Idmon*. Locus in mendo cubans ideoque obscurus, non in *profectis* quidem, quae constat particulas fuisse viscerum tamquam primitias abscisas, et in altaria coniectas, sed difficultas est in *rō partim* bis repetito, quod vel actionem duplicem, vel duas personas agentes requirit. Vnice vera est, quam Cel. Harlesius ex codice Bononiensi adtulit, emendatio; qui codex pro PER MEDIOS habet FERT MOPSVS, qui abesse non potest, quum sequentia ad hunc solum, non ad Idmonem, qui nil nisi *profecta* circumtulit, pertineant. Nil verius, ideoque recepi. — 441. Ter tacite ingressi Argonautae, ter Mopsus arma vestesque virorum tangit, *lustramina* purgamina ad mare proicit; cetera comburuntur. — 444. *Quin etiam truncas nemorum effigiesque virorum rite locat quercus*, truncos quercuum in speciem humanam efformatos locat, *similataque subligat arma*, exornat galeis, clypeis, armis, vti nos, quae dicuntur, tropaea. — 446. *Huc*, in haec ficta hominum simulacra *Stygias transire minas* orat manes, rogat, vt in haec iras transferant. — 448. *lustrifico* expiante cantu vocat: *Ite peremti*, manes a nobis caeforum, *memores abolēte animas*, deponite memoriam facinoris nostri, *sit Stygiae iam sedis amor* ad inferos regrediamini. — 451. Vos ego nec per Graecas vrbes, nec per *triuia*, in quibus res suas habere in primis spectra credebantur, *vlulare* velim; nec gregibus nostris agrisue calamitatem inferte, nec *luctifer annus* grauis auctumnus homines incessat, nec nostri *minores*, liberi, posterī *luant ea facta*, caedem a nobis insciis perpetratam. — 456. Dixerat, et *summas vltimas frondentibus aris* (457.) intulit, *libauitque dapes*, carnes *profectas*; quas *placidi*, innoxii, mites *protenus angues*, *umbrarum famuli*, quibus Manes alias solebant vti ad terrorem hominibus incutiendum (cf. 4, 250.) *linguis rapuere coruscis*.

459. Continuo nauem repetere Argonautas iubet Mopsus, *nec visum terrae vertere*, retrospicere, *exciderint animo*, obliuiscamur, *quae gesta manu*, in quibus inscia manus, non animus peccauit, *quae debita fatis* (cf. 5, 21. et Virgil. Aen. 9, 107. *tempora Parcae debita*) non tam nobis, quam factorum iniquitati adscribenda. — 462. Illi alacriter operi se adcingunt, *ardua celsis insternunt tabulata foris* (tabulata a foris vix discriminari possis, nisi illa pro exteriori,

conuexa naus compagine, foros pro interioribus sedibus, transtris sumas; tum vero sensus esset: transtra substratis vestibus altiora fecerunt in alta naue) *laetae concordia vocis oritur*, laeti omnes vno ore conclamant. — 465. *Iupiter urgumentem imminentem nubem ceu summis altis Cerauniis* (Acrocerauniis Horat. Od. 1, 3, 20. vbi v. Iani) *quum pepulit dissipauit, fulsere repente et nemora et scopuli, nitidusque reducitur aether*. Venusta comparatio et ad naturam expressa. Vti obnubilato coelo, quae prae pedibus essent, vix poterant conspici, iam sole nubes disiiciente, prospectus ita longe patet, vt remota etiam nemora et scopuli adpareant, et clarissima coelum occupet serenitas — eodem modo *et animi rediere viris, nutat magister ab arce ratis*, Tiphys gubernator manibus vultuque a puppi ad virgendum laborem exhortatur. — 472. *Instaurant primi certamina inuicem aemulantes, liber amictu veste deposita Eurytus et Idas, dictis* (dicticiis) *Talai*, qui sine dubio inraserat, quod cum Euryto vellet contendere, *non territus*. Inde alii *increpitant*, se inuicem excitant, atque *aequora pectore tollunt*, viribus intentia exagitant mare remis — *par gemitu adclamatione, anhelitu, pulsuque remorum labor, versumque vicissim mittitur in puppim mare*, vt, quo magis remos adtraherent, eo maiores fluctus retro puppim versus ferrentur. — 474. *Laetus et Hercules, intortis adfurgens arduis vndis altius se erigens ad fluctus vincendos percussit subito deceptum fragmine pectus*, remus subito nil tale timenti ad pectus fractus est, atque *in terga ruens*, tribus post se sedentibus stratis, in transtro quarti caput iniegit. Vide molem viri! cf. Apollonium 1, 1167 sq.

481. Iam meridies erat, quod ornate sic effert poeta: *Iam summas coeli Phoebeus candentior, ardentior, arces vicerat*, summum coelum adscenderat, et *longas antea medius in medio coelo constitutus*; meridie reuocauerat exquisita pro contraxerat, breuiores fecerat umbras. — 483. *Tardior hinc, cessante viro*, tam valido remige, qualis Hercules esset, desitutam *nauem* animaduertens, Tiphys ad proxima litora, *quosque dabat*, obferebat, ob oculos sistebat *Mysia, densos trabe montes densis arboribus confitos aduehitur*. Qua obportunitate vsus Hercules, nani egreditur, *petit*, inquisiturus, *excelsas ornos*, vnde nouum sibi remum conficeret, (Labores Herculis in euellenda arbore egregie pingit Apollonius 1, 1197 sq.) comitemque

habet *Hylan*, qui tamen passus *Herculis iniquos*, pleniores, grandiores, (audivi grossus 1, 483.) aequare non potest.

487. Iuno Herculem animaduertens nanem defuisse, occasionem ei nocendi oblatam adreptura primum Palladem in partes suas trahere studet. Quod quum non adeo facile esset, quoniam haec, *consors cupis*, vti Iasoni susceptaeque ab eo expeditioni ita etiam Herculi fratri fauebat, fallere eam molitur, et *dolis* caro fratri auertere. Tunc ita adloquitur — quem sermonem vt melius intelligant lectores, breuissimis hic ponam, quae fusius infra 5, 230. 273. narrantur. Phrixus mortuus Aetiae regi per insomnium adparens praedixerat, magnum huic malum imminere, si quando vellus aureum eripi sibi Medeamque filiam extraneo iungi pateretur. Itaque constituit vellus diligentius custodire, filiamque in maturam Stiro, Albanorum regi, desponsare. Quum vero varia ob ostenta atque prodigia ciues de futuro solliciti esse coepissent, sacerdos Aetiae suadet, vt vellus quamprimum in Thessaliam remitteret. Sacerdoti se adiunxit Perseus, Aetiae frater. Rex ira excandescens fratrem insimulat, quod inanibus ciues terroribus impleat, vt solio se deiiceret. Persuadet idem aulae proceribus, et Perseus in exilium abit, mox socia adiutus manu rediturus. Haec omnia facta ante expeditionem Argonauticam susceptam, et iam Iunonis oratio facillima erit ad intelligendum. — 492. *Procerum vi pulsus iniqua*, germanique fratris vterini Aetiae manu (*repetes*, quo crimine) meministi, quam falsa criminatione, *Perses iam mouit opes barbaricas* Scythicas, in primis Hyrcanas 494. ex Aetiae partibus stabant alii Scythae, Albani 497. *Albana porta*, portis Caucasiis, cf. infra 6, 33 sq. *gener*, futurus, procus. — 498. *Bellum ingens*: Mars ipse citis *habeis* fundit agitat equos; *Arctoo de carcere magna se tollit nubes*, nubes a ventis septemtrionalibus, Thraciae, vbi Mars sedem habere dicebatur, conlecta, atque aequore pendet atro hac ipsa nube obfuscato. — 501. *Conripe prima vias*, prior me in Colchidem festina, mox ipsa sequar. *coepta refer* Persae, iam in itinere esse auxilia, *pauillumque nefas* (kleine Schelmerey?) et *foedera nocte cum Persa*. Faciliorem tamen sensum habebis, si cum Burmanno et Doeringio ad Eclogas veterum poetarum p. 213. pro *nefas* legas *moras*. — 506. At Pallas, quamquam *insidias aestusque dolos* iramque in Herculem nouercae sentit, obsequitur tamen, et petit Colchos.

509. Nunc sola relictâ Iuno secum ipsa quaeritur, quod odiis in Herculem nihil proficiat. *En odiis caput insuperabile nostris!* Quid prodesset, si alium ei Nemeaeum leonem, aliam hydram Lernaëam inmitterem? Sponte quaerit ipse pericula. *Phrygiis ultro concuprere monstris virum, et pulcro referantem Pergama ponto vidimus.* Sermo est de bellua Trojae litora infestante et Hesione liberata, sed in ultimis verbis *pulero* admodum friget otiosum. Possis fortasse legere *tuto*, si conferas supra 2, 545. *tuta litora*: magis tamen adridet Wakefieldii in delectu tragoediar. p. 40. conjectura *puro*, pronocantis ad Horatii *puras plateas* Epp. 2, 2. 71. ut sensus sit: Troianis usum maris reddidit, ex quo liberum illud viderunt monstro marino. cf. etiam Iacobs Animadv. ad Anthol. Vol. 1. P. 2. p. 293. — 514. *En ego nunc regum Iovis, Neptuni, Plutonis soror, et mihi generis, Saturni filia quae sim, vllus honos?* — 515. *Iam tum indecores pudori mihi erant insulaeque dolorum primitiae*, exquisite! merito indignandum fuit, et *tenero superati protenus angues* ab Hercule in ipsis cunis elisi, (Voculam ET, commate post *primitiae* sublato, mutavi in A. nec poenitet. Dativum *tenero* Graeco more adicipi posse pro *a tenero* bene novi, sed vel sic τὸ et inutile reperietur. Non nisi vna propositio est: angues a tenero superati indecores exsisterunt). — 517. Quod quum infans ausus esset, *debueram victa* (ironice) *nunc* iuveni nullos casus labores inmittere? *Verum animis* (irae) *insiste tuis, astumque per omnem tende pudor*, sine pudore dolum quemque necte, mox et *Furias Ditemque*, Acheronta mouebo.

525. Haec ait, et in montibus syluosis venantes videt pulcras Nymphas, Naiades, Dryades, Oreades cet. *vndarum nemorumque decus*. *Levis arcus* (*habilis* infra hoc libro 607. *facilis* 1, 109.) et *manicae virides*, armillae e tenuibus arborum ramusculis confertae, *stricta et corytus habena*. Vulgata habet: *et stricta myrtus habena*; quam si seruare velis, non aliter exponere possis, quam sagittam, (myrtis enim ad hastas etiam et iacula usus esse veteres, constat ex Virgilio Aen. 3, 23. Ge. 2, 447.) loris instructam, amentatam. Sed longe exquisitiorem subministravit lectionem amicissimi *Bluelleri*, scholae Cizensis Rectoris meritissimi, *facilitas*; a quo quum petiissem, vt, si quid in libris Thomae Reinesii, quorum pars maxima in bibliothecam episcopalem Cizensem olim migravit, orae Valerii mei adscriptum deprehenderet, mecum beneuole

communicaret, inter alia lenioris momenti adnotamenta inuenisse se ad hunc locum nuntiauit adiecta haec: "*Virides manicae*, videri possit legendum *teretes*; (nil opus! W.) *myrtus lege corytus*. Phavorinus: *γάρυτος, ἢ τοῦ τοῦτον ἱμῆρ*, pharetra. Stat. Theb. 10. (9. 730.) Stupor correctoris scioli, simul ingeniosa nequitia hic adparet." Hactenus Reinesius, qui in hac emendatione ita sibi placuit, vt eandem etiam suo exemplari Phavorini adlineret, et in Gloss. ad Inscriptiones p. 116. orbi erudito nollet invidere. v. Gesneri Thes. h. v. qui et ipse hanc correctionem probat, et Burmannum, si in mentem venisset, facile amplexurum fuisse, coniecit. Ceterum vox ista etiam apud alios obuia est poetis, Virgilium, Ovidium, Silium cet. quarum loca vide ap. Gesnerum. Ego vero Reinesii et Gesneri, duumvirorum praestantissimorum, auctoritati hoc dedi, vt lectionem diu inmerito exulem reuocarem, ita tamen, vt, quum prima syllaba producenda sit (*γάρυτος*) pro *et stricta* posuerim *stricta et*: *Stricta et corytus habena*, h. e. pharetra loris humero apte adcommodata. — Pergit poeta 525. Nympharum in cultu enarrando: *summo palla genu*, stola, quam fibula ad genu retraxerat, qualem et poetae et artifices sistere solent Dianam, *tenui vagus immatat vnda crinis*, pulcre! passi capilli tenuium instar fluctuum mouentur per cernicem ad mammas vsque, *ad obscurae tectae decurrens cingula*, strophia, *uammiae*. — 527. *Ipsa tellus citatarum*, propere incedentium, procurrentium *sorum pede plausa percussa personat*, et teneris, vt superficiem tantum leniter perfringerent, *submittit erigit*, sursum mittit, *ἀναπέμπει*, *gramina plantis*. cf. Ruperi ad Sil. 1, 673.

529. Harum Nympharum vna *Dryope Herculeo*, Herculis arbores caedentis *fragore percussa* commota processerat longins, *turbatum visura nemus*, quid sibi vellet iste in sylua sonitus, sed fontem petebat rursus, *et adtonitos referebat ab Hercule vultus*, visa tanta viri mole territa aufugit. Ingenium muliebre, videndi audiendique cupidum, idem tamen timidum, bene expressum.

533. Hanc delabsa polo ad se vocatam Iuno blande adloquitur, et pronubae nomen egregie tnetur. Recte fecisti, inquit, laudoque subtilem pulcri sensum, quod tot hucusque procos, vt te non satis dignos, spreueris; ipsa tibi ego inuenem conciliabo, quem profecto non adspernaberis, qui Thessalica naui huc adpulit, et in ipsa hac sylua

oberrat, *Hylan*, nec *Baccho*, nec *Apollini*, quos nosti pulcerrimos inter Deos haberi, venustate cedentem. — 538. Vidisti *roseis pulcris habenis* curru per haec loca domitas acies captiuos, et *Eoi regni fercula* Indiae spolia ducentem *Bacchum*, vidisti rursus *thiasos* et *sacra mouentem*. Mouere vox sollemnis de sacris faciundis. v. supra 232. *τὸ* rursus pertinere videtur ad Bacchica sacra per expeditionem in Indiam susceptam intermissa. Ammianus, de eodem Bacchi reditu loquens 22, 8. *orgia pristina reparauit*. cf. infra 5, 74 sq. qui locus huc omnino conferendus, ubi *resides thias*. — 540. *Illic*, talem, aequē venustam, vel posito pectine *lyra venantem Phoebum* credere *Hylan*. Quantum lugebunt sibi que dolebunt praereptum, quae eum sibi sperauerant, *Achacae*, patriae, *Nymphae*, proles *Boebeia*, *Thessala* (v. 1, 449.) et *flauī nata tristis Lycormae*, flumini Aetoliae. Naiadas enim fluvatilium Deorum filiae narrantur fuisse.

545. Sic ait, et cornibus sublimem *frondosa ania* subito perrumpentem *Hylae* obsert ceruū, (Virgil. Aen. 1, 189. *capita alta ferentem cornibus arboreis inter nemora frondea*) qui quum, ita iubente *Iunone*, tardius incederet et consisteret diutius, persequendi eum libido incessit *Hylan*. — 550. *Hercules* ipse e longinquo prospiciens hortatur, et dicto citius et ceruus et *Hylas* ex oculis ablati. Ceruus puerum persequentem et iaculari, sed fessa manu, minantem procul ad nitidi clari fontis spiracula antra (Apollon. 1. *κρήνη καλλιναός*) abducit, et leuis ipse superfugit vndas intactas, vno saltu traiecit.

555. Ita spes *Hylae* elusa; vt vero artus et concita pectora totum corpus aestuans sudor diluerat, penetrauerat, madefecerat, anidus quietis procumbit ad annem. *Stagna vaga*, trepida, tremula ceu (ita reposui praeeunte Heinsio pro sic, vt referatur ad sequens tale) luce micant, ubi *Cynthia* Luna coelo prospicit, aut medii meridie transit rota candida orbis purus *Phoebi*; tale iubar diffundit aquis facies procumbentis *Hylae*; nil vmbra comaeque, vmbrae arborum, (die schauerliche Dunkelheit des Haines. Sic verissime Lenzius Encycl. S. 309.) turbant, nil sonitus surgentis ad oscula *Nymphae*. — 560. *Illa anidas iniecta* (violentiam exprimit) manus, brachiis amplexa cupidis, heu fera cientem vocantem auxilia, et magni referentem, saepius repetentem nomen amici *Herculis*, detrahit, secum rapit in antrum; adiutae prono nam

pectore vires, nec magno labore constitit, quum suo ipsius pondere Hylas procideret. Apollon. 1, 1237. ex versione Bodmeri: *Schlug voll glühenden Verlangens, den schönen Mund ihm zu küssen, Um den Nacken des Knaben den linken Arm, mit dem rechten Zuckte sie ihn hinunter.* Hoc Hylae fatum si quis ab aliis alia subinde ratione narratum velit cognoscere, is mihi adeat in primis Theocritum Id. 13. et Propertium 1, 20.

565. *Interea pater, (respicit Hylan, qui filii loco erat) arcibus umbrosis verticibus montis ornos depulerat (nimis quaelitum, alibi ap. nostrum deiicit 8, 289. delatum nemus 1, 122. forte rectius inpulerat, i. e. labefactauerat, nam sequitur reuulsus, quod idem esset cum depellere. Tres igitur ad meam sententiam poeta voluit actiones Herculis nobis narrare: impellit — enellit — porrigit) magnoque iugi firidore sonitu reuulsas eradicatas super horrida terga fului monstri pellis leoninae porrexerat — (pingit longitudinem arboris) litora curua petens sperans ibi se inuenturum Hylan, coenasque capta ferina lautiores atque magis dapfiles. — 570. Sed neque inter socios, nec ad mensas in litore aeger, sollicitus videt Hylan vnanimum, amicissimum, alteram quasi sui partem (cf. 4, 162.) nec longius aerem intendens aciem nec diutius hic sibi circumspiciendum commorandumque censet. Sed quid agat, nesciui nube mali percussit amor, quo magis amaret Hylan, eo atrocius malum ipsi visum est. — 574. quis casus inprime moram adtulit talem, quam removere atque vlcisci non posset, quoniam. unde ea necteretur, ignorabat — densam interea descendere noctem iam maiore metu, nox adpropinquans magis sollicitum de Hyla suo facit — pallor et amentem faceret rigor, ita extra se positus est, ut vix membra possit mouere, cum piceo sordido sudore: breuibus adumbratum ex Virgilii Aen. 9, 812: tum toto corpore sudor liquitur, et piceum (nec respirare potestas) flumen agit; fessos quantit acer anhelitus artus. — 577. cum pectora nautis agricolisque congelat, ad frigus usque horrorem incutit Iovis hiberni vultus, conspectus insurgentis tempestatis, quum coit umbra minax, nubes tenebricosae magis magisque constipantur, sic Herculem adficit error comitis, iamque saenae subesse dolum nonercae suspicari incipit. — 582. Volucris cum pectora tactus asylo, oestro percitus (Apollon. 3, 276. οἶστρος, ὃν τε μύπα βῶν κλέουσι νομήας. cf. eumid. 1, 1265.*

et Virgil. Ge. 3, 147.) *emittit celeriter exsilis taurus Calabris septis stantibus Galabris, diuitis et pascuis et armentorum gregibus, per confraga per saxa, dumeta*, (Ovid. Metam. 11, 334. similis iunenco, spicula crabronum pressa cernice gerenti, qua via nulla, ruit) *obuia quaeque ruens* — tali fuga, festinatione se concitat ardens *in iuga senta*, spinis horridos montes — *pauet omnis conscia late sylua: conscia*, vel quod Hercules iam iam in caedendis arboribus furorem experta esset, vel quod iracundiam effusus esset in syluam, in qua, nulla tamen sua culpa, raptus esset puerulus dilectus. Posterius malim, magis quippe poeticum. cf. 4, 356. *antra conscia*. — 587. Luxuriatur Valerius comparationibus, tertiam intra viginti versiculos addens: Sicut, quem contigit *inproba*, magna, valida, pertinax *lancea Mauri* *refugi* ex fuga tamen redeuntis *sanguineus* saucius leo *vasto* terrifico, latius audito *murure* fertur furens, *frangit* (cf. 2, 459.) *et absentem vacuis sub dentibus hostem*, eleganter, dentibus quamquam otiosis frendet, hostemque quasi praesentem comminuit. (Virgil. Aen. 9, 62. *inprobus ira saeuit in absentem*, quod magis exornandum sibi sumit Noster). — Sic igitur Hercules, et intento decurrit montibus arcu. — 592. Heu miserae ferae miserieque *inmeriti* innocentes homines, in quos vsquam per *lustra*, syluas incidit! volat nullo ordine, temere, incertus consilii, *cuncta petens*, vbiqumque Hylan reperire suspicari possit, *ripas, delecta saxis flumina, catarthactas*, *umorum umbras*, densissimas syluas, *rursus Hylan*, et *rursus Hylan* per longa *reclamat*, h. l. proprie, clamat, vt ad se redeat, *respondant syluae* reddunt nomen, *et vaga certat iniago*, solemnis Echus descriptio. Vix eloquutus est nomen Hylae. Hercules, quum eadem vox ad aures eius adcidit (certatim quasi).

598. *At sociis innotata fides et certa morae*, constituerunt aliquantis per exspectare, etiam venti vocabant secundi, *nec paruus Hylas* sc. morae est, *quamquam omnibus aequa grata rudimenta*, omnes amabant, quod puer adhuc futurae virtutis documenta dederat, v. supra v. 183. (Melius cum Aldina legas: *Causa morae non paruus Hylas*.) *Herculeo sub* (fortasse *sed*) *nomine pendent*, dubii an iter prosequendum, quoties Hercules tanti vir nominis animum subiret. Illum omnes lacrymis votisque moestis repossunt; nunc *longas* longe sonantes *voces* per litora spargunt, nunc ignes noctu incendunt. — 604. *Ipse ductor*

Iason, quum alta per montes excelsos regnare silentia videret, nec vocem locii e sylvis resonantem audiret, et tamen *strata oblati ventis aequora* secundos ventos placidumque mare conspiceret, stat lacrymans, magno tamen viri amore ductus expectare adhuc constituit. Vbique nempe eum deliderat: non amplius videt grauem, dignitatis plenum incessum, pharetram *habilem supstaxelpigrov* (leuem supra 523. *habilem arcum* Virgil. Aen. 1, 318. *currum* Ovid. Met. 2, 531.) *ad terga*, tam apte ex humeris pendentem — requirit *inter moesiae mensae silentia inops*, tristis, vel quod dolor de tanti viri iactura mutos conuiuias faceret, vel quod Hercules, magnus in primis narrator, *durae monstra nouercae* enumerans deelleret, et *quondam ingenti compressa manu trahens vina*; egregie vero pingitur Hercules, et magnus — ingenti manu — comprehendens — audis trahit.

611. Quoniam vero *Iuno crudelis* in Herculem *Iapyga* ventum occidentalem, Orientem igitur versus nauigantibus fauentem, Argonautis praebere quotidie pergebat, tandem *Tiphys*, gubernator nauis, insurgit, *cunctantes increpat ausus*, quod tantum ausum tot tamen moris interpellarent. Iason his dictis quidem adcedit ipse, sed socios ita adfatur: 617 — 621. quorum versuum sensus hic est: Utinam non euentum habere viderem oraculum, quod olim cecinit, fore, vt omnium sociorum meorum heros fortissimus voluntate Iouis relinquatur, prius quam Cyaneos scopulos nobiscum superauerit. — 622. *Needum fama viri*, nondum scimus, quid ei adiderit, *nec certior exstitit auctor*, nec adhuc dum, quo gentium abierit, certo scimus. Quum igitur ipse dubius sim, quid agam, vos mihi consilium detis, et si placuerit, ventis vti secundis, me habebitis comitem promptissimum; sin sententia steterit haec, vt aliquamdiu adhuc moremur, montesque proximos rursus peruestigemus, fortasse operae pretium sit, paullulum expectare, an forte tantum virum possimus recuperare.

628. *Studiis partium, factionibus freta dedita iuuentus* orat Iasonem, vt in itinere pergat; *unum tanto afore coetu*, in tanto numero vnum non desiderari, seque Herculi nec genere cedere, nec virtute. *Tali statu* tam superbe dictis *pars maxima mentem erigit*, et *vana gliscunt praecordia lingua*, inanis oris iactatio paullatim vim habet ad animum ipsum. cf. 2, 278. — 633 — 636. Adiungit poeta simile, in quo tamen comminiscendo et adornando non

admodum felix fuisse videtur. *Vt cerua tum demum re-
ducit gregem, utque gessit aper, vrsaque reboat*, (non
apta vox vrsis murmurantibus) *comminus lupis superbis*,
(haec equidem, fateor, non intellego; intellegerem, si vrsa,
quidquid obmurmuret, expulsa legere liceret: *reboantque
superbis comminus ARVA lupis*) *quum sese tigris Martia*
(de ferocioribus omnino bestiiis usurpatur) *abstulit, aut
curuo tacitus leo condidit antro*. Quae omnia si ad Her-
culem adcommoventur, videbimus, nihil ab eo timendum
fuisse sociis, uti ceruae a Leone; melius procedit Argonau-
tarum cum apris lupisque instituta comparatio: uti ferae
istae tigridum et leonum habitu ideo gestiunt, quod se
solas in campis sylvisue dominari videant, ita Argonautae
Herculem, quem se superiorem tacite secum confiteren-
tur, abiisse gaudebant.

637. *At pius, amore Herculis ductus Telamon omnia
agit, ut socios a consilio eius relinquendi reuocet: irasci-
tur — fremit — obiurgat — Deos inplorat*. Quibus
omnibus quum nihil profecisset, ad preces se conuertit,
preñat manus, *subplex haeret*, cupidus audiendi, quid
respondurus esset. *Iasonis ad ora demissa*, quae solent
esse eorum, qui petentibus obtemperare lubenter, si possent,
vellent. *Nil se super Hercule fari, sed socio quocumque
genuis*. Captatio, quam vocant, benevolentiae. Non ita
se studio Herculis teneri, ut non de alius cuiusque socii
iactura aequè doliturus sit; quum tamen in eo sint, ut
loca maxime periculosa adeant, remque habeant cum feris
nationibus, *non alium contra Alciden*, nullum esse, qui
meliozem praestare operam possit.

645. *Rursus contra insurgit, ducitque fauentes, suae
factioni addictis persuadere conatur Calydone*, Aetoliae
civitate, *satus Meleager*, cuius ingenium omnino hoc
fuisse dicitur, ut sibi solus sapere videretur. *Potioribus
ille deteriora fovens*, optimis consiliis habebat semper,
quae obponeret, quamquam leuissima, *semper inuersa tueri
durus*, pertinax in defendendis contrariis, *haud ullis
umquam superabilis*, nullis, ne iustissimis quidem argu-
mentis a proposito amoveri se passus, *rectorumue inmemor*,
monitoribus asper. — 649. *Non Herculis*, inquit, *honor*,
non quod rationem aliquam Herculis velim habere, *sed
tuus, mi Iason*, honor, tui reuerentia fecit, ut tam diu
sileremus, expectantes in dies veniam dicendi: (Acerbe
dictum in Iasonem, qui omnia ex arbitrio, socii non con-

sultis, faciât.) — 652. *Septimus hic dies est, ex quo ventis utimur secundis. Nos patriae immemores, maneat ceu nulla reduces gaudia, sed duro suenae sub rege Mycenae*, quasi patriae, et in eam reditus obliti, vno labore defuncti, non secus ac Hercules ab Eurystheo, ad alterum propelleremur, in medio cursu moramur. — 656. *Si finibus ullis has tolerare moras et inania tempora possem*, si vlla ratione quietis, morae desidiaequae amans essem, profecto huic me expeditioni comitem non dedissem; *dulcem sceptris Calydonæ*, filius regis, *tenerem, lactus opum pacisque* (Graeco more, quem tamen nec pedestris Latinorum oratio respuit, subintell. *causa*, *ἐννεα*) omni rerum abundantia in pace fruens iisdem, quibus genitor materque locis. *Quid deside* (desides) *terra haeremus? vacuos cur lassant aequora visus?* eadem maris facies per septem dies ob oculos ad fastidium usque versatur? — 662. Noli vero credere, Herculem tibi comitem amplius fore. *Non ea*, tam languida *fax odiis, oblitaque numine fesso Iuno sui*, non inmemor diuinitatis, quamquam nihil adhuc in persequendo Hercule profecerit, non desistet quasi detratigata, *noua Tartareo, fors, semine monstra*, noua fortasse ex ipso Tartaro ipsi excitabit portenta, atque iterum *Inachiis iam nuntius vrguet ab Argis*, nouum mox ab Eurystheo Mycenarum rege iussum nuntiabitur. — 667. *Non datur haec magni proles Iouis, fati ita constitutum, vt hunc Iouis filium diutius comitem non haberes*, at habes eiusdem originis *Castorem et Pollucem*, habes socios aliorum Deorum progeniem, *nec parua mihi fiducia gentis*, habes — me. — 670. *Ast egomet, quocumque voces, qua tegmina ferro plura metam*. Sic vulgo codices, *tegmina* tamen aperte in mendo cubant. *Heinsius* iam olim conrexerat, *quaque* (vbi) *agmina metas* — *Burmannus*: *quaeque agmina metat*, vt iungatur sequentibus, *tibi dicta manus* — *Oudendorp.* ad *Sueton.* p. 19. *quanto agmine metam*. Recte omnes in *agmina* restituendo, rectius *Oudendorpius*, qui retinuit *metam*, quod corrigere nihil adtinet, si audias, (sed quis non velit audire mecum?) *Cel. Iacobs* in *Miscell. philol.* nuper editis p. 74. qui praeterea facillima felicissimaque coniectura primam line dubio *Valerio* manum restituit, a librariis corruptam. Ita vero legit: *Ast egomet quocumque voces sequar; agmina ferro Plura metam. Tibi dicta manus* cet. Facile, sic deinde pergit, adnoscis vestigia vocabuli a nobis reuocati

*sequar in literis S QVA T, quarum primam absorpsit praecedens verbum voces. Nil verius, nec est, spero, quod audaciae notam incurere metuam, qui hanc talem emendationem in contextum receperim. — tibi dicta dicata manus, tibi quidquid in ipso sanguine erit, ultima sanguinis guttula, vel omnis vigor mens, vti l. 336. iamque hinc, ex quo Hercules abiit, operum quae maxima, posco. — 673. Scilicet (ironice) in solis profugi (contemtim, sponte digressi, vel erroneis) sietit Hercules armis nosira salus? nempe ora aequae mortalia cuncti ecce gerunt, (crescit acerba irrisio: uos omnes miseri nil nisi mortales sumus, magnam iacturam fecimus, qui Deum amilimus) nempe ibunt aequo ordine remi, profecimus adeo eius abitu, Deus enim nuper noster tam vehementi, tam diuino robore remorum ordinem turbare solebat, vt post se sedentes prosterneret. v. supra 478. — 676. Iam conuiciari orator incipit: *Vel infans iam dudum turbidus aestu*, vel quod nuspiam diu moratur, *vel parta iam laude tumens consortia famae despicit* alios omnes prae se contemnit, abiitque sponte, ne, quam sibi soli inesse opinatur, virtutem nobiscum parti velle videretur. — 679. *Pas, quibus et virtus, et spes in limine primo*, quibus prima virtutis documenta edendi spes ita propinqua est, *tendite*, dum iuuenilis calor et membris et animis inest; *nec enim solis dare funera cladem inferre Colchis sit satis, et tota pelagus lustrasse iuuenta*, iuueniles annos non nisi in rebus mari gerendis consumere. — 683. Tandem mitius dicere velle videtur, similatque adeo amorem Herculis: *Spes mihi, quae tali potuit longissima casu, fuit*, spem foui, quamdiu licuit, *quibuscumque virum perquirere syluis egit amor*, tantopere amaui virum, vt angulos sylvarum omnes latebrasque perreptarem, *loca vociferans non vlla reliqui*, ad omnes mundi plagas intendi vocem. Nunc quoque nil magis in votis habeo, quam vt *deuexis* decliuibus montibus redeuntem conspiciam. — 688. *Sed satis lacrymis comitique piis pro comite lacrymis datum*, quem, mi lason, crede *vel sortibus aevi*, communi hominum fato, morte, *vel in mediae pugnae sanguine* in certamine aliquo oblato tibi ereptum.*

690. *Talibus Oenides Meleager*, (cf. 4, 33. vbi ad hunc nostrum locum respicitur) *urguet; incita dictis heroum manus, ante omnes tamen Argoa vincla ancoras Argus rapi*, celerrime tolli iubet *Calais, Thrax, Boreae filius*.

691. *Furias miratur ouantum*, incondito clamore lactantium, quod sua sententia vicisset, *Aeacides* Telamon, quem dolor ita dubium reddidit, vt parum abesset, quin et ipse, derelicta naui, ardua peteret montium. — 696. Nec tamen definit dolori et irae indulgere. Quam funestus, inquit, Graecis iste dies, quam laetus contra Colchis! — 699. Nuper non ita inflati superbia cramus, omnes fauebant Herculi, gratulabantur sibi ipsi de tali comite, orabant, vt iuaret, vt meritos ducis honores subiret. Quantum nunc mutati ab illis! — 703. Iam pro se quisque nihil Hercule se deteriozem, animo parem et ortu iactat, *iam inclyta vulgi dextera*, iam vilissimus quisque, quique vix tirocinium posuit, in ore omnium esse sibi videtur. *Nulla fides, nulli super Hercule fletus*. Quam inconstantes estis, qui, quem tantopere coleretis, nunc ne lacrymula quidem dignum habeatis. — 705. Iam acrius et acerba inrisione inuehitur in duumuiros, qui, nulla Herculis habita ratione, maturari iter iusserant. Nunc *Parthaonides* Meleager, ab auo Parthaone, *nunc dux mihi* (hoc mihi non redundat, sed ponitur, vbi miri aliquid adtendi volumus) *Thracia proles* Calais. *Aspera nunc pavidos contra ruit agna leones*. Festiuac omparatio, quae et breuitate et ob inuerfam agnorum leonumque naturam placet mirifice: Timete vero, contremiscite leones, inruunt scilicet asperae agnae! — *Hanc ego magnanimi spoliū Didymaonis hastam*, (haec Didymaonis hasta est ex Virgilii Aen. 5, 539.) *quae neque iam frondes, virides nec proferat umbras*, (desumpta ex Homero Il. 1, 234. ex quo Virgil. Aen. 12, 207. vbi v. Heyne) *vt semel est euulsa iugis, ac matre* (obuersata sine dubio Nostro est Horatii Pontica pinus, syluae filia nobilis Od. 1, 14.) *peremta, fida ministeria et duras obit horrida pugnās*, hanc igitur hastam *testor*, obtestor, (cf. 2, 512. nec mirum, iurasse per hastas aliaque arma, quae pro Diis haberent, priscas aliquas gentes. v. Virgil. A. 10, 773. 12, 95.) et hoc tibi, Iason, *omni numine*, per omnes Deos Deasque, *firmiter*, confirmo: *saepe metu, saepe in tenui discrimine rerum*, (cf. Ovidii Metam. 7, 426. tenue leti discrimen): sed frustra Herculem desiderabis, nilque te iuuabit vana iactorum nostrorum ostentatio.

715. Sic Telamon sensum doloris premens non socios tantum increpat, sed lacrymas etiam fundit, pulueremque capiti inspergit, *inlacrymat*, multaue comas deformat *harena*. Virgil. Aen. 10, 844. *canitiem multo deformat puluere*,

Homer. II. 18, 23. de Achille, Patrocli morte audita: Ἀμφότεροι δὲ χερσὶν ἔλων κόνιν αἰθαλίσσαν χεύτο καὶ κεφαλῇς.

717. Iasonis contra dolor magis placius est. *Fata trahunt, raptusque coactus virorum certamine ibat, et obtenta mulcebat lumina palla, lacrymas fundit et ipse, quae quum palam fusae imperatorem non fatis decerent, obtento pallio detergit.*

719. Nunc suum quisque in transiris occupat locum, *sed ingenti repetuntur pectora luctu, luctus pectorum repetitur, renouatur. Vbique desiderant, nullae leonis exuviae, tanti vacant vestigia transiri; flet pius Aeacides Telamon, moerent Paeantia corda, Philoctetes, ingemit frater cum Castore Pollux. Frater referendum ad Herculem, qui aequae ac Castor et Pollux filius fuit Iovis. Et dum navis alta petit, omnes semel adhuc et Herculis et Hylae inclamant nomina, sed medio pereuntia, in ventos abeuntia ponto.*

726. Dies declinat in vesperam. Hoc varie exornat poeta ita, ut, quae illo tempore in mari, in terris, in coelo, accidere solent, enumeret. *Pater, erat enim in antiquissimis Diis, Phorceys, filius Ponti et Terrae, (v. Hermann mythol. Handb. Th. I. S. 37.) toto aequare signum dat, et immanes intorto murice (concha) phocas contrahit antra petens, cf. Virgil. Aen. 5, 824. — Pastores reducunt greges domum: Massylus in Mauritania, Lyctius, Cretensis et Calabris redit armentarius arvis. — Occidens sol uti domos in terris subducit oculis, ita sidera tollit in coelo. Venti quiescunt, flamina conticuere, iacet sine fluctibus aequor.*

733. Sed quid miser Hercules? Omnibus late peruestigatis sylvis et montibus, de recuperando Hyla desperat, *nec qua mente reuifat socios, videt, quodque mortis genus peremti comitis narret. Amor dilecti pueri tantus est, ut in sylvis perseverare constituat, haud secus ac leo, cui catuli erepti. — 737. Non aliter gemitu quandam (aliquando; cf. Virgil. Ge. 3, 99.) lea proles ademptae terga dedit, gemens de prole adempta fugere sese videt coactam, tristis redit; sedet inde viis armentis metuenda, inclusa longo peruigilant castella metu, plures per dies pastores intra septa greges continent; dolor adtrahit orbes, oculos contrahit, deprimit, (vide locum fere similem supra lib. 1, 758, ubi itidem sermo de leone irato: genas et lumina pressit) et misero manat iuba sordida luctu, lacrymae manant ex iuba puluere conspersa.*

IN LIBRVM IV.

1. Iupiter, miserans filium, lunonem increpat grauiter.
 4. *Vt noua nunc tacito sub pectore gaudia tollunt* (se) quam inpenſe gaudes in ſinu, quod inopem, et in ſolis, deſertis oris furere videas Herculem! — 6. *inmemores Minyae facilesque*, tam facile obliti, *alta petunt*. Sic Iuno, (ironice) egregia ſcilicet patrona, curam habet Iafonis, *ſic arma viro*, (non viros, quod obſidet vulgata, vt recte monuit Cel. Beckius l. l. p. 265.) *ſociosque miniſtrat*, vt adimat. — 9. Mox de belli eueniu dubia, Scythicas opes ſpectans, formidine trepidabis, nihil vero tum efficies precibus, lacrymis, ſubplicationibus; *rerum mihi firma poteſtas*, nihil a conſiliis ſemel captis amouere poteſt. cf. 1, 531 ſq. — 13. *I Venerem Furiasque moue*, excita tibi ſocias. Furiarum hoc in concitandis amoris motibus officium non niſi poetarum recentiorum eſt. Statius Theb. 5, 60. vbi Lactantius Furias Veneri coniungi ait, quoniam Veneris voluptas nihil ſit niſi infania. cf. Schneideri Analecta crit. p. 67. — *dabit inopia* (in patrem Medea) *virgo poenas, nec patrios gemitus patiemur inultos*, plane vt Horat. Od. 1, 28, 33. *precibus non linguar inultis*.

15. Tum inmittit filio ſomnum. *Dixit, et arcano* (quo nomine poetis dicuntur, quaecumque vim quamdam humana maiorem, inſolitam exerunt) *nectare* (ἀμβροσία ὄπνος Homer. Ill. 2, 19.) *redolentem rorem, liquorem*, (redolere Ablatiuo additum rarius quidem, nec tamen ſine exemplo. Ovid. Met. 3, 405. *olentes ſulfure*. Eidem caſui iunctum *ſpirare*, vt infra 6, 157. nec aliter Graeci πνέειν) *quem penes* (cuius ea virtus eſſet) *alta quies liquidique potentia ſomni, detulit, inque vagi libauit tempora nati*, adſperſit oculis. (Verbis roris, *liquidi* et *libauit* imitatur noſter alios poetas, qui quaſi humoris quadam adfuſione ſomnum excitari volunt. Apud Homer. Od. 5, 492. Minerva Vlyſſi ὕπνον ἐπ' ὀμματα χέουσι. Virgil. Aen. 1, 691. Venus Aſcanio placidam inrigat quietem. Somno ideo tribuitur cornu, v. c. apud Statium Theb. 2, 144. 6, 27. et ipſum noſtrum 8, 121. cf. Leſſing, *wie die Alten den Tod gebildet* S. 45. 48. et Ruperti ad Silium 10, 356.) — 18. *ille graues tristes oculos et Hylan reſonantia ſemper ora ferens*, tandem, *vt nulla Deum Somnum ſuperare poteſtas*, non amplius reſiſtere poteſt, *procumbit*; tandem *ſeſſis*, clamore inmenſo deſatigatis *pax, quies, reddita*

sylvis; fluminaque et vacuis a vociferante liberatis montibus auditae auras, montes iam strepitum fluminum, murmur fontium ventosque rursus audiunt.

22. Dormienti adparet Hylas *frondibus in* (i. e. redimitus) *croceis*, corona crocea pulcra ornatus et rutila. — 26. *Hoc nemus, haec fati* destinantibus, assignantibus mihi iam domus est. *Inproba* (iniqua v. 23.) *Nympha* rapit, Iunone iubente; *inares Iovis adcessus et iam mihi limina coeli conciliat*, quod, si sana lectio est, ita possit adicipi: promittit mihi, quod fortasse praestare non potest, adcessum ad Iovem et Olympum, *iungitque preces et fontis honores*, consolatur eo saltem, quod tamen fluviatilis sim Deus. Breuius tamen defungi possis, si cum Cl. Iacobs l. l. p. 77. pro *inares* legas *in arces*. — 30. O dulces olim pharetrae! Sed rapuerunt vincula portum reliquerunt Argonautae, *hortatore Oenide* Meleagro nefando, qui tamen non impune feret. Praedicit iam Hylas fata Meleagro, in cuius nativitate, vti fabula narrat, Parcae matri Althaeae titionem, ex quo vita recens nati pueri penderet, sancte custodiendum commendauerant. Iuvenis deinde factus apri Calydonii exuias Atalantae virgini adiudicauerat; quod aegre ferentes Meleagri auunculi exuias istas virgini vi eripuerant. Ira commotus iuvenis eosdem interficit, mater autem, necem ultura fratrum, titionem illum in ignem coniicit; quo factum, ut Meleager ipse viscerum ardore consumeretur atque tabesceret. Fusius haec omnia enarrantem, si lubet, vide Ovidium Metam. 8, 260-524. Iam vero plana quidem Valerii nostri haec: *cum gente domoque ista luet*; sed quae sequuntur, *saevaeque aderunt tua numina matri*, si numina de Hercule in Deos relato intelligas, haud inepte quidem facias, sed admodum placet, quae *Burmanno* in mentem venerat, emendatio, pro *tua numina* legenti *tria numina*, i. e. Furiae. Facillimum tamen, si cum Heinio reponas *sua*.

38. Talibus orantem dictis, *visuque fruentem*, cum voluptate spectantem, *ille ultro petit, et vacuis amplexibus inibat*, brachia extendit, sed aera amplectitur et umbras, *languentisque movet frustra conamina dextrae*, conatur dextram erigere: frustra, languet, somnum discutere non potest, *corpus hebet somno, refugaque eluditur umbra*. —

42. Expergefactus tandem, *tum lacrymis*, quas nec heroas nec Deos adeo dedecere veteres putabant, (vide infra 6, 738., et Lessing Laoconte p. 6.) *tum voce sequi, tum questus*

rumpit, emittit, et vano spes moesta resoluitur actu, quum spem per insomnium conceptam in nihilum redactam videret. — 44. Idem ei accidit, quod *Halcyoni* (Alcedo, Eisvogel) *auis, cui fluctus ab saxi undisoni crepidine*, nam in summis litoribus nidos sibi struere istas volucres nouimus; *rapit fetumque larcemque*, pullos cum ipso nido, *it super aegra parens, queriturque tumentibus undis*. Nescio, cur argutati sint interpretes in loco facillimo: *it* volitat *super undis tumentibus, queriturque* (querula) *audetque pauetque*, eleganter duo animi motus sibi obpositi in eodem subiecto: *certa sequi, quocumque ferant, fluctibus sese prompta est committere*; mox animum despondet, *donec icta agitata domus, nidus fatiscit, rimas agit, dissoluitur, haustaque fluctu est*. De iisdem Halcyonibus audentibus simul pauentibusque cf. Senecam Agamemnone 680 sq. — 50. Haud aliter Hercules, cui *somni moestus labor*, tristis per somnum species oblata, spem iniecerat, qua vigil deiiceretur. — 52. Desertos igitur, mi Hyla, montes hos sylvasque tenebis, *nec res mirabere nostras?* Oratio Hercule suae sibi virtutis conscio digna! Rerum a me gerendarum non amplius admiratorem habebo?

54. Haec fatus *relegit vias*, vnde venerat, reuertitur. — 57. *tacitumque* (aduerbial.) *pudet potuisse relinquere*, ipsum nomine quasi Argonautarum pudet, quod reliquerint. — 58. *hospita moenia Troiae*, vbi ob liberatam virginem regiam hospitaliter sese exceptum iri sperabat, *repetens, repetiturus promissa equos tyranni*. v. omnino 2, 566 sq. 60. Sed *Latona*, cum liberis, *Diana et Apolline*, precibus adeunt Iovem, vt Herculis opera vtatur ad liberandum tandem Promethea. *In quem alium Alciden*, (cf. 3, 644.) quis, quaeso, alius fortior digniorque filio tuo, Hercule? *in quae tempora differs Caucasium senem?* (Differre sic saepe non de rebus tantum, sed etiam personis, vti paullo post v. 78.) 65. *montes fessaque iuga*, (ad amouendam tautologiam Nodellus Obll. p. 44. suadet montes mutari in *fontes*.) — 66. *fat tibi furtum ignis, et aetheriae defensa silentia mensae*, satis tuitus es iura conuiuii Deorum, satis poenarum dedit Prometheus, qui arcana tua euulgauit. — 68. *Exit vbi e scopulis, media inter pabula diri vulturis; ipsum etiam gemitu moestaque fatigat voce Iovem*. Sic vetustissimus codex Carrionis, ex quo tamen vix tolerabilem sensum eruere possis. Alii libri habent *dixit vbi*, i. e. quae quum Apollo dixisset, vel *dixit et*, pro quo Burman-

nus vult: dixit, at. Ego vero cum Heinſio legerim: *Excitus e scopulis — ipſe*, (vti Bononiensis et Beckius p. 265.) *etiam gemitu moestaque fatigat voce cet.* — 70. *ſaevis releuans ambuſta*, inflammata, rubicunda pruinis lumina. — 72. *ſuſpet ipſe Dei Promethei*, herois, ex familia Titanum, (vnde ipſe Titan v. 79. et 5, 170.) *clamoribus ales vultur.* Tunc etiam ſuperas Acheronte auditur ad arces, ita ex ipſo Tartaro inclamauit, vt ſuperae terrae audirent, *Iapetus*, Promethei pater, *grauis*, vel annis, vel moleſtus precibus: *orantem procul arcet Erinnyſ*, non permiſit abitum ex Tartaro, cuius incola erat ob motum contra Iovem bellum, *reſpiciens celfi legem Iouis*, quae Tartaro addictos vetabat inde egredi.

75. Hiſce precibus motus *Iupiter velocem roſeis lucidis demittit nubibus Irim*, non Iunonis ſolius, ſed Iouis etiam et aliorum Deorum Dearumve miniſtram, *Phrygas Troianos nunc differat Hercules*, nunc eripiat dirae *Titana volucri*. — 80. *Diua volat*, vix eloquutus erat Iupiter, quum iuſſa ſtatim exſequeretur, *et alacrem lactis hortatibus inplet*, laeta ipſa laetum nuntium adfert viro ad talia promiſſimo.

82. Argonautae interea ſerena nocte fluctibus mediis intulerant caua lintea proſperis ventis vſi, *multaque memores ſuper Hercule voluunt*, varia de praefenti nuper dilecti fato cogitant. At *Thracius ſacerdos*, Orpheus, *fata Deum et miſerae ſolans incommoda vitae*, ob calamitatem a Diis inmiſſam conſolaturus, *numeris* (adſtrictum) *agit carmen, ſecurum*, curas pellens, *et medicabile*, quod mederi dolori poſſit; (cf. 1, 783. vbi *exorabile carmen agere*) quo ſimul adſumta fide *lyra cantui iuncta pulſus luctus et labor*, et *dulces cedunt e pectore nati*. Nati? Quid his cum Argonautis, quorum nullus liberos amiſerat? Nil igitur aliud voluiſſe videtur poeta, quam tantam fuiſſe cantus Orphici dulcedinem, vt, qui eum audiret, cuiuſcumque doloris adeoque deſiderii dulciſſimorum liberorum oblitus fuiſſet. Exemplar Bononiense habet quidem: *cedunt e pectore curae*, quod tamen ob praecedentia *ταυτολογίας* vitio laboraret.

90. Sol oritur, quod poetae luxurianti placet variis modis exornare. *Magni iam iam ſubeuntibus aſtris Oceani genitale caput*, ſidera inſimam horizonſis, quem dicunt, partem tenentia, quum obciderent, mergerentur in Oceano, quem, qui Thaletis placita ſequerentur, rerum omnium

genitorem esse credebant, *Titania frenis aëtra sonant*, auditur iam sonitus freitorum Solis equis iniiciendorum: *Sol auricomus, cingentibus Horis*, quae omnino Phoebi equos abeintes et redeuntes ipsiusque ornatum curabant, (v. Ovid. Metam. 2, 216-230. Stat. Theb. 3, 4^o - 414. Cel. *Manso Versuche* S. 373 ff.) *multifidum iubar coronam* multos radios emittentem, *et bisseño sidere textum*, lignis Zodiaci decoratum, *lorica induitur*; *ligat hanc*, cinguli instar, *balteus, qui contra nubila vndantem* (imbriferum Tibull. 1, 4, 44. roscidum Virg. Aen. 4, 700.) *variatur mortalibus arcum*, in nubibus obpositis versicolore arcum conspiciendum praebet. — 96. *Inde super terras et Eoi montis Tauri cornua vertices emicuit, traxitque protulit diem candentibus vndis Oceani: Et Minyas viso lique-runt flamina Phoebæ*, venti quieuerunt, vt tardius procederent (Windstille).

99. In conspectu iam habent Argonautae *Bebryciam*, postea Bithyniam dictam, *pingue solum fertile, et duris* ad labores perferendos *tauris non inuida* (ἰσρότης) admodum armentis pascendis idonea. — 101. *Rex ibi est Amy-cus*; incolae *regis fati et numine freti*, quem caestibus invincibilem a fato factum credebant, quique patris Neptuni praelidio tutus videbatur, *non muris cinxere domos*, (more Spartanorum) *nec foedera legum* (leges) *colunt, placidas aut iura tenentia mentes*, quibus gentes magis cultae se adstringunt. — 105. *nocte sub hiberna*, tempestate turbida *servant freta*, naufragis insidiantur. — 109. *Neptuno trux ipse rex sua manu parenti sacrifici pro rupe iugi*, stans in laxo promontorii atrociam *sacra facit*, (ara etiam adstetit Neptuno sacra v. 186.) *torquet agens*, magna vi rotat, et proiicit in mare *captivos*, animas viles. — 111. Sin quis vultu habituque meliorem conditionem prodere videretur, hunc secum *caestibus pugnare* (πυγμαχίᾳ Apollon. 2, 7.) coegit: *haec miseri sors est acquissima leti*, hoc mitissimum mortis genus. Caestus erant lora e corio bubulo et duro, interdum etiam globulis plumbeis ferreisue munita, quae manibus et brachiis innoluebant, et sic faciem auresque aduersarii petebant. Locus noster in ea re est classicus, quia adcuratius et longius totum certamen describit; brevior est Virgilius Aen. 5, 400 sq.

114. *Neptunus pater*, (adumbratum ex Virgil. Aen. 10, 465.) futuri praescius, filio imminentem mortem vaticinatur, *extremum nati prospexit in oras*. — 117. *quesius*

evolvit, quo verbo magnam doloris et irae in Iovem vehementiam, altius ducta suspiria exprimere voluit poeta. — 119. *Melie*. Meliae Nympharum genus fuerunt, Epimelides etiam dictae, vel marinae, a Melia, Oceani filia, quod vult Callimachus; vel sylvestres et arboreae a μήλον, malus; vel pecuariae a μῆλα, oves, caprae, quod ultimum iubet Phrynichus MS. penes Ruhnkonium: αἱ περὶ τὰς νομας τῶν τετραπόδων Ἑπιμηλίδες, ὅτι μήλα ἅπαντα τὰ τετραπόδα καλοῦνται οἱ ἀρχαῖοι Apollon. 2, 4. Βιθυνία Μελίη, ubi tamen Brunckius in appendice p. 219. *Bithynis* proprium, *Melie* adpellativum habendum existimat. Hanc igitur Melien coniugem suam *infelicem* dicit, quae sibi, non Iovi, olim vxor contigisset; *vsque adeo meam*, quacumque ob origine, vel a Deabus, vel a feminis mortalibus susceptam *prolem* liberos *tristia fata manent?* Sic te olim pergere perire (cf. 1, 31.) *sensi*, Iupiter, quando mihi iniustae virginis Dianae armis concidit *infelix*, et nunc *Chaos* (quod saepius apud nostrum pro inferis sumitur 1, 831. 2, 86. 5, 96. 7, 402.) *inplet Orion*, apud inferos versatur, ibique in amplissimo prato, ferrea clava armatus, feras persequitur, Homero teste Odyss. 11, 571-574. Orionem istum a Neptuno originem duxisse, Mythologi tradunt omnes, ita tamen dissentiunt, ut sine matre natum esse narrent, (v. Palaephatum cap. 5.) vel non eandem omnes tribuant. Fuit omnino iuuenis formosissimus, venationis maxime amans, a Diana, cui vim inferre voluisse dicunt, confectus, inter astra tandem a Iove relatus. v. Heyne ad Apollodor. p. 47-55. — 125. Nec tu igitur, mi fili Amyce, *opibus ultra credas paternis*, noli auxilio meo confidere. *Iam iam aliae vires vis maior, maioraque sanguine nostro vincunt fata Iovis*, potior cui cura suorum est, (*fata maiora* eodem sensu pro magis gloriosis 8, 389. magna 5, 687.) Iupiter non nisi fauet proli suae. — 130. *Reges preme, dure, secundos*. Acerba apostrophe ad Iovem ipsum: age, perge, ut soles, iniquus esse in alios Deos, a te secundos. — 132. *sanguineo aestu*. Vir doctus (Iortin) in Miscell. Obs. Vol. 4. T. 2, p. 168. Valerium suspicatur imitatum esse Homerum Il. 16, 459. Vti nempe Iupiter, quum filius Sarpedon moriturus esset, pluviam sanguineam mittat, ita hic Neptunum imminente Amyci filii morte, sanguineis vndis terras adluere.

133. Iason ad explorandam regionem emittit *Echionem* astutum et dolosum, ut decebat Mercurii filium; qui paul-

lulum progressus *inuenit iuuenem* Timanta v. 187. in obscura valle gementem, et caesi moerentem nomen amici, ipsum amicum, vel tristi voce nomen repetentem. Qui quum virum propius adcedentem videret, et *umbrata Parrhasio* Arcadico, *galero tempora more de patris*, (retineri possit, Mercurii nempe, qui galeam etiam habet; rectius tamen, ni fallor, patriae de more, vti vult Cuperus Obsl. p. 282. ed. Lips.) *paciferaeque virgae* (paciferae olivae Virgil. Aen. 8, 116.) *insignia nequidquam*, nihil profuturum apud truncem et inhospitalem regem, *ferentem*. — 140. *fuge, certo, quicumque es, perditte, passu*, certissimae obuiam is morti. — 141. *Nonacria proles*, Echion, Arcas. — 144. *sociis quae sint ea, promere cogit*, secum abripit, ut Iasoni dilucidius exponat, quae dira nuntiet pericula. — 147. *non hic vllos reuerentia ritus pectora*, homines, nil curantes, quae cultioribus gentibus in usu atque sancta esse solent. Iam veniet Amycus, *vasio qui vertice nubila pulsat*. Hyperbole lyrico poeta dignior. — 151. *aequae virtutis egentes*, non eodem, quo ipse, corporis robore instructos, *ceu superum segnes ad iniqua altaria tauros*. In hac verborum conlocatione *segnes* videri possint referendi ad *tauros*, quod non placet: immo vero ad captiuos Amyci retulerim, qui ignavi, nihil resistentes ad altaria trahi se patiantur, — *iniqua altaria*, ad quae tauri innocui, nihil tale merentes, caeduntur. — 153. *ut misero lauet arma cerebro*, ut cerebrum manet e caestibus. — 154. *fugae medium ne temnite tempus*, breue temporis spatium, quod hunc nostrum sermonem regisque aduentum intercedit.

157. Iason homini haud satis fidens ulterius inquit: *Bebryxne venis, es, diuersaque regi, corua gerens*, mitiori animo, quam rex tuus? *melior vulg'* nam *saepe voluntas*, saepe enim fit, ut vltimae plebis homo longe meliori animo sit, quam princeps. — 159. *hospis*, peregrinus ex prisca Latinitate, (v. Cicero de Off. 1, 37.) *externis fato* forte fortuna *delatus ab oris*? — 160. Quod si ita est, miror tamen, quod Amycus tibi pepercerit.

161. Ad haec respondet Timas: *Nomen praedulce mihi, nomenque sequutus Otrei*. Obfenderunt nonnulli interpretes in bis repetito nomine, ideoque substituere voluerunt *numen*, i. e. nutum, ductum, voluntatem, quod tamen, quum de homine, non de Deo sermo sit, haud satis aptum

videtur. Nihil ego moneo; sic loquimur, verba repetentes, animo commoti: nomen praedulce mihi, et nomen quidem heu! quanti viri, Otrei, Otrei unanimi, amicisimi, (cf. 3, 571.) *nec vestros comitis adspernandi in actus*, quem vos nec ipsi dedignati comitem coeptorum, rerum gerendarum fuissetis. — 164. *Hesionam et Phrygiae peteret quum gaudia nuptae*, breuius defungi poterat poeta: Hesiones Phrygiae quum peteret nuptias. Est vero ista Hesione eadem, quam Hercules a bellua marina liberauerat, Laomedontis, Troiani regis, filia. — 165. *inssus coactus*, ab Amyco nempe, non Laomedonte, quod Burmanno magis videtur placere. *ego palmas implicui, indui caestu* v. 251. *loris brachia circumuolui, sed prima procul vixdum ora levantis*, quum vix oculos sustulisset, *frontem fulminea celerima dextra, disiectaque*, vt disicerentur, *fudit lumina*. — 170. *Fando si nuntius his exstitit oris*, si fama hac regione ad Mariandynos pervenerit, *vnde genus fraterque viro*, vbi Otreus natus, fratremque regem habet Lycum, (de quo vide Apollonium 2, 777 sq. Heynium ad Apollodorum p. 378. et nostrum infra 589. 737 sq.) hic Lycus fratrem vlturus aderit, *sed et ille quierit oro opto, nec a* (abesse poterat) *vanis*, nil profuturis, *cladem augeat armis*, ipse fortasse periturus.

174. Argonautae, tantum abest, vt vlla formidine moveantur, vt potius dolore excitatos se sentiant, vt *durae, constantes, propositi tenaces insurgant mentes, vt terga sequantur Timantis, properosque coniungant gressus*. — 177. *Litore in extremo*, in promontorio *spelunca dorso rupe confecta minanti*, altissimo, (vti Virgil. Aen. 1, 162. *geminique minantur in coelum scopuli*; cf. eundem 8, 19; sq.) *non quae dona Deum amoenitates campi liberioris et aprici, non quae trahat aetheris ignem, solis radiis inadcella, sonitu tremebunda profundi*, resonans aestu maris perpetuo; *et varii pro rupe* (ante rupem) *metus*, quae horrorem incuterent, *brachia viris rotatis rapta, ossa tætra situ, et capitum craniorum moeslissimus ordo, longa tristisque adspectu series*. — 184. *Respicias*, videre possis, *quibus aduerso sub vulnere nulla iam facies, a fronte accepta vulnera omnia oris lineamenta deleuerant, nec nomen erat*, cuius ea facies fuisset, non amplius dignosci potuit. cf. sine nomine corpus Virg. Aen. 2, 558. — 185. *media*, in medio horum tristium tropaeorum *ipsius regis arma sacra horrida metu, magnique aris inposita parentis Neptuni*.

187. Hic primum Argonautis *rediere* in memoriam *monitus* Timantis, paudent, atque oculos cuncti inter se tenuere silentes; donec *fidereo*, solitum epitheton oculorum totiusque oris pulcri (sideris ora ferens 5, 467, sideris artus 8, 123. et alibi) *Pollux interritus ore* (Apollon. Rhod. 2, 40. οὐρανίῳ ἀτάλαντος ἄστρῳ.) *te tamen haec, quicumque es, ait, formidine faxo iam tua sylva ferat*, tua non minus ossa et cranium, quam peregrinorum a te caesorum, ex arboribus suspensa tuam sylvam ornabunt, *modo sit tibi sanguis et artus*, si corpus habes et sanguinem. — 191. Omnes decertare possunt. *Qualiter ignotis*, quas antea non erat expertus, *aquis spumantem funditus amnem*, qui ex imo fundo vi ventorum, tempestate commotus, totus, quantus est, spuma est, (Hyperbole, nec tamen iniucunda) *taurus primus init, spernitque tumentem*, ultra ripas effusum, *pandit iter*, dux viae fit, *inop omne pecus pone subit*, sequitur, vestigia premit, *iamque et mediis praecedat* (non taurus, sed pecus) *ab undis*, eo confidentiae audaciaeque procedit, ut in medio flumine incipiat ipsum taurum praevertere, post se relinquere.

199. Iam in conspectum venit Amycus. *E sylvis procul gregibusque sese ferebat*, non simpliciter egreditur, sed gravi incessu et iactabundus. — 200. *nec sua turba tuendo it tanti secuta metus*, ipsi ciues non sine timore intuentur monstrum hominis ita metuendum. cf. 1, 23. *mortalia nusquam signa manent*, quidquid hominum est, adspectum eius fugit, ne vestigia quidem hominum longe lateque adparent: *instar scopuli*, qui montibus *altis summus abit*, cacumen in nubibus condit, *solusque stat ab omni iugo*, reliquis montibus.

204. Deuolat inde furens, pugnaeque ita cupidus, ut peregrinos ne interroget quidem, qui sint, quoque consilio venerint, sed tali *protonat* horrenda voce exclamat *ira: incipite, agite, arma capite* — *auditas sponte laceffit oras*, ita audaces estis, ut periculis huius regionis, quae latere tamen non possunt, obuiam ire sustineatis. — 209. *Hic mihi lex*, ita a me institutum, ut caestibus mecum pugnandum sit. *Sic*, hac igitur lege *ingens Asiae plaga*, et qui septemtrionem versus et ad Pontum habitant reges, hospitium mecum iungunt, hoc certamine remeant, si tamen possint. — 214. *Iam pridem caestus refides* quiescunt, et *frigida humus raris dentibus aret*, diu est, ex quo non incaluerit sanguine caesorum

humus, et dentibus se conspersam viderit. — 216. Quae sequuntur, ironice et cum superbia dicta: *foedera prima — dona — honos*. Cui dona fero! egregia scilicet, (cf. 2, 170.) *mox omnibus idem ibit honos*. *Ibit* h. l. non est, vti Burmannus opinatur idem, quod *erit*, sed ibit in ordinem, per orbem. — 219. *Aliis rex Iupiter oris*, nullum hic terrarum imperium Iovis. *faxo nequeat vlla*, nulla queat *puppis Bebrycium fretum transcendere, pontus volitet Symplegas inani*, confidantur Cyaneae rupes incassum, nec vllam conspiciant nauem, nedum comminuant.

222. *Insurgunt maxima nomina*, fortissimus quisque Argonautarum, Iason ipse, *Aeacidae* Peleus et Telamon, *Calydonis alumni*, Tydens et Meleager, *Nelidesque*, Periclymenus, *Idas*, sed nudo steterat iam pectore *Pollux*, vestibus abiiciendis socios omnes anteverterat. — 226. *Pavor Castora et gelidus defixit sanguis*, horrore torpens fratrique timens demittit vultum. *Nam nec ad Elei pugnam videt ora parentis*, non talem, qualis in conspectu patris Iovis in ludis Olympicis pugna dabatur, nec sonat *Oebalius* Laconicus *caueae* amphitheatri *fuor*, laeta adclamatio, aut inga nota *Taygeti*, montis Laconiae, *lanitur patrios ubi victor ad annes*, sudorem pulveremque abluit in Eurota fluvio, *nec pretium praemium sonipes equus, aut harenae taurus sacrae*, nam ludi et spectacula ad veterum religionem pertinere. — 231. *pruemia sed manes reclusaque ianua leti*, nil nisi mors praesentissima.

232. *Illum Amycus nec fronte trucem, vultu horridum, nec male tremendum*, non admodum procerum, *vixdum etiam primae spargentem signa iuventae*, lanugine adhuc dubia. Apollon. 2, 43. *ἔτι χνοάοντας ιούλους ἀντέλλων*. —

234. *ore renidenti labiis ad subannationem diductis lustrans obit*, (Virgil, Aen. 4, 363. totum pererrat luminibus) *et fremit ausum*, quod adolescentulus secum velit depugnare, *sanguineosque, iratos, furentes rotat furiis ardentibus orbes, oculos*. — 236. *non aliter iam regna poli, iam capta Typhoeus astra ferens*, iam gigas ille Typhoeus, (de quo vide ad 2, 24.) in Olympum enatisse, Iovemque solio deturbasse visus est, quum *Bacchum (iuvenem)* in prima acie contra se stantem, *Minervamque (virginem)* Medusae caput sibi obponentem spectaret. — *non ora matri nota feres*, inridet acerbe iuvenem: matercula filium delicatulum caestu meo deformatum vix adnoscet. cf. 3, 177. *tunc e sociis electus iniquis?* Socii profecto ini-

qui, qui puerulum tanto certamini obiecerint. — 244. *tum profert ingentes humeros, spatiosa pectoris ossa, horrendosque toris, musculis informibus artus.*

246. *Deficiunt visu*, humi fixos tenent oculos Argonautae, miratur, stupet et ipse Pollux, sero iam redit Herculis desiderium, moestoque vultu respiciunt ad montes. cf. Apollon. 2, 145 sq.

249. At Amycus pergit: *adspice crudis durata volumina tauris*, periphrasis caestium, *nec pete* (melius *peto*) *sortis opem*, nolumus forti committere, sponte concedo, (Apollon. 2, 55. ὅν κ' ἐθέλησθαι, πάλιν ἄτρε) *sed indue, quos potes*, contemtim, grauiore inerbis iuuenis ne tollere quidem possis. — 252. *Dixit, et vrguentis post sera piacula fati nescius*, post tot caedes cruentas perpetratas tandem tibi eandem instare, *extremum hoc*, vltima nunc vice *armis innectere palmas* (implicare v. 166.) *dat famulis Areto et Ornyto*. v. Apollon. 2, 65. — 255. *Odia aspera surgunt ignotis prius*, nunc primum se videntibus inuicem, *incensa mente furibundi feruntur*, ruunt in medium campum filius Iovis et filius Neptuni.

257. *Hinc illinc dubiis intenta silentia votis*, vtraque ex parte spectatores taciti et suae vtriusque parti fauentes adsunt. — 258. *pater Tartarus* (rectius 1, 628. Tartareus) Pluto *caesorum* ab Amyco umbras, manes, petierant enim, (*orantes*) *nube caua ad meritae spectacula pugnae*, (quid, si poenae?) cuius merito testes esse debebant, vt, qui eos tam iniuste interfecisset, tyrannum poenas dare viderent, *emittit; summi nigrescunt*, omnia enim apud inferos nigra finguntur, *culmina montis*.

261. Nunc pugna ipsa conferitur. *Continuo, vti turbo a promontorio Maleae torrenti praiceps agit vndique nimbo*, tempestate prae se agit omnia, sic Amycus Pollucem vix ora pedemque tollere passus *curfibus inuoluit*, celeriter vndique in angulum cogere incurrendo nititur, *totaque harena campo insequitur*. — 265. Pollux contra *vigil, intentus, cum pectore et armis huc alternus et huc corpus caestusque modo huc modo illuc versat*, semper ceruice *reducta*, reclinata, *semper in digitis primoribus pedum inhaerens*, (Virgil. A. 5, 426. *in digitos adrectus*, Apollon. 2, 90. ἐπ' ἀκροτάτοιςιν ἄσπερ εἰς πόδας) *et summi puluere campi*, (velocitatem et agilitatem haec exprimunt) *proiectusque redit*, aduersarium petiit. (Editiones ante me post *redit* comma habent, ego vero posui *τελείαν στιγμήν*, post

secat autem colon: comparatio enim ad antecedentia trahi non potest.) — 268. *Spumanti qualis in alto Pleiade tempestate capta navis sola gubernatoris cura atque sollicitia fluctus intemerata, inlaesa secat: sic Pollux providus ictus servat, obseruat, ad quemque Amyci ictum oculos intendit, et dubium periculo proximum caput arte eripit Oebalia, cui adfuetus esset a puero ex palaestra Laconica.* — 273. *vt deinde vrguentes iras ardoremque viri nubibus effudit leui corporis declinatione fecerat, vt nimis feruidi atque cupidi aduersarii ictus in nubes, ventos abirent, inanemque ferirent aera, paulatim insurgere sesso integer, nonquin fatigatus, et summos manibus deducere caestus, e brachiis manibus propius admonet, quum hucusque nil nisi ab inpetu Amyci se defendisset, iam ipse incessere parat.* — 276. *Hic dies primus fuit, qui Amycum sudantem videret, et arenti cunctantem hiatu, sicco gutture lentum. Nec sua defessum noscunt loca, nec sua regem agmina, tota regio civesque omnes mirantur, cur tantum sit mutatus ab illo, quem antea tam alacrem vidissent.* — 280. *Ambo respirant, ceu Gradivus Mars Lapithas aut Paeonias Centauros (Centauri proprie patriam habnere Thessaliam, Paeonia autem est Thraciae. Sed vtramque confundunt poetae, v. supra 1, 24.) aequore campo in ipso refouet, respirare permittit, fixaque in terram hasta lilet, quiescit.* — 283. *noua vis iterum, noua corpora surgunt, nouum robur insusum videtur. Hunc Amycum pudor, hunc Pollucem noto iam hoste, quem non ita periculosum animaduenerat, spes aulentior instimulat, fumant aestuant crebro praecordia pulsu caestuum.* — 286. *auia resposant (Echo) gemitu conclamatione montes, peruigit vt quum artificum notat ipse manus et fulmina Cyclops profubigit, pulsus strepitant incudibus vrbes. Varia excogitarunt interpretes, vt lucem obscuriori loco adfunderent. Nihil tamen mutandum, si Dorvilius sequaris ad Charitonem p. 592. ed. Lips. qui sic exponit: ita sonant sub plagis pectora Pollucis et Amyci, vti frident incudes Aetnaeae, quando ipse, Vulcanus nempe, ipse dominus et ἐργασίας officinas Cycloporum suorum inuist, et opera eorum inspicit (notat) s. obseruat, et illi primas massas in fulminis figuram procidunt (profubigunt) mox perpolienda. Hactenus Dorvilius.*

289. *Emicat, profilit Pollux, dextramque parat eleuat, dextramque (mel. dextra) minatur, limilat, se dextra inferre*

ctum Amyco velle, *redit huc oculis et pondere Bebryx*, dextrorsum oculos totamque corporis molem vertit sic ratur, dextra vsurum aduersarium, ille autem celeri rapit ora sinistra.

293. *Conclamant socii, et subitas dant, prouocant gaudia voces. Illum insperata, quam non timuerat, turbatum statu deiectum fraude, primaque ira furentem* Pollux fugit, dum detonet tonare, desinat, (detonare sic est. apud Virgil. Aen. 10, 809.) deferuescat ira, territus ipse, atque ingentis conscius ausi.

295. Saeuit inops consilii Amycus, nullo discrimine temere sese praecipitat, audusque viri (respectat ouantes quippe procul Minyas) pudore exasperatus, quod ludibrio se Argonautis esse videret, caestu velatus utroque inruit, h. e. vti omnium optime explicat Cuperus Obss. p. 88. utroque caestu caput et os praemuniens, Graecis χεῖρας αἰσπῶν Apollon. 2, 14. χεῖρᾶν ἀνάραις Themistio Or. 9. —

299. *Hos inter Pollux subit*, hoc temporis momento vsus, antequam brachia demittere posset Amycus, iam adcesserat, subitoque inuolat ora viri, nec spes effeta. Totius loci, si metaphoram interim abiicias, sententia non alia esse potest, nisi haec: spes Pollucis non fuit quidem omnis inanis, sed tamen non faciem, quod vulnerat, Amyci ferire contigit, sed tantum pectus. Quem sensum quomodo sine fidiculis ex metaphorico *effeta* elicere possis, equidem non video. Effeta est, vel quae modo peperit, vel quae parere ob aetatem desit; neutrum huc quadrat. Haec scripseram, quum inciderem in Vestritii Spuriinae Od.

1, 13. ex edit. Wernsdorf. Vol. 3. poet. minor. p. 354. ubi *spes grauida*. Quae si non alia potest esse, nisi secunda multorum votorum, quid ni *effeta* contra queat esse, quae voti compos non sit, inanis, iurita? Sed nec hoc translationis emollit duritiem. Plures libri habent *effecta*, quod meliorem dat sensum, non perfecta fuit, euentum non habuit. Facillimum ad intellegendum esset, quod *Withofius* coniecit, *expleta*, i. e. tota expleta; sed libri non addicunt, nec facile dici possit, qui factum, ut librarii manus a tam luculenta lectione ad obscurissimam aberraret. — 301. *Hoc saeclor ille* (Amycus) *ecce iterum vacuas agit inconsulta temere* (vti 296.) *per auras*. — 303. *sentit Pollux rationis egentem, dat genibus iunctis latus*. Dare latus, vt iterum Cuperi p. 158. verbis utar, erat commentum pugilum, vt partem alteram corporis velut non tectam

eo consilio obiicerent, vt, quum aduersarius ictum iniiceret, eum effugerent, et inpetum facerent in effusum. Apollon. 2, 94. ὁ δ' ἄρχ' αὐτοῖο παρ' ἐκ γένυ γουνοῦ ἀμείβων κόψε. *effusum* statu deiectum *haud renuocare gradum*, consistere, conligere se *patitur*. — 306. *liber*, integer, pleno membrorum vsu gaudens, *crebros ictus congerit auerso a tergo*. — 307. *sonat omni vulnere vertex inclinis, ceditque malis*, caput inclinatum ad quemlibet ictum resonat, vulneribusque toties repetitis tandem cedere cogitur. — 308. *Iam tempora malae manant, sanguineaeque latent aures*, ita contusae sunt, vt prae sanguine vix conspici possint. — 309. *vitalia donec vincula, qua primo cernix committitur artu, soluit dextra grauis*, donec Pollux graui caesus os clauiculae, iugulare frangeret. — 311. *labentem propulit, sternit, ac super insistens Pollux, ego missus, ortus, natus Amyclis vrbe Laconiae, et Iovis filius mirantibus umbris ad inferos si veneris, narra mirantibus, te potuisse vinci, sic et mentori noscere sepulcro*, (non Amyci, sed Pollucis) inter alios mei olim sepulcri titulos nomen etiam tuum, a me deuicti, legetur.

317. *Haec Amycum tandem manus arguit ausi, poenas sumit ob tot caedes perpetratas, perpetuam inuentam et magni sperantem tempora patris, immortalitatem*. — 320. *tenditur porrectus longe iacet ille ingens hominum paucor, tot hominibus diu terribilis, aruaque late occupat, annosi veluti si decidat pars Erycis, vel totus Athos*. Vti omnino proceros homines montibus comparare poetae solent, ita Valerius in primis amat. — 323. Ipse lacon expleri nequit, *ora longo cominus obtutu mirans tenet, diu contemplans mutus adstat et stupens hominis molem*. — 326. *arma ferre caestus exsuere iuuat socios fessasque adtollere palmas, brachia fatigata leuare*. Adclamant: *vera Iovis, vera o Iovis proles, iucunda repetitio, ad dicia magis firmanda*. O magnanimis inlustribus, quae tam egregios pugiles, heroas emittant, *memoranda palaeisris Taygeta* (mons Laconiae, hic neutrali forma, sc. ὄρεν, iuga; supra 4, 229. Taygetus) *et primi felix labor ille magisiri, quanto honori est tantus discipulus primo inuentus magistro!* — 331. *siderea pulcra* (v. supra 190. et alibi) *de fronte cruores ire vident, nec sanguine territus Pollux, quod forte non decuisset, auerso siccabat vulnere caesin, abstergit*. De toto hoc Pollucis cum Amyco certamine praeter Apollonium Lib. 1. ab initio conferri meretur Theocritus Idyll. 22.

333. *Castor ramis et viridi lauro, ramis laureis, caput excelsum, ut his ipsis ramis excellius existeret, et arma et tempora ornat, respiciensque navem. has frondes, inquit, in patriam refer, his ornata maria percurrere, Argo! — 338. perfusi sacri placati gurgitis amne.* Non singularis hic fluvius intellegendus, sed mare omnino, cuius aquis lustrare se et expiare debebant ad Neptunum, cuius filius a se esset occisus, placandum. — 340. *Frondebis foliisque substratis accumulant liba dapisque vina et cibos; exsortia sine sorte, terga praecipunt anie alios adignant pecudum Polluci; qui toto tempore mensae laetus onat; gaudet, sibi plaudit laude virum sciorum, nunc vatis Orpheï honoro, honorifico carmine, victori geminans cratera parenti, Iovi patri, cuius numini victoriam adceptam referebat, larga libavit vina.*

344. *Iamque dies, aurora, auraeque venti fauentes vocant de abitu admonent, altum petunt, et quidem per Bosporum, ubi Bosporus eructat amnes, vndas omnino. —*

346. *Illos, Nile, tuis nondum Dea gentibus Io transierat fluctus, unde haec data nonina ponto.* Sensus est: Io, de qua paullo post, antequam ab Aegyptiis pro Dea, Iudis nomine, coleretur, ista freta transierat, quae postea ab ea in bouem mutata nomen adcepere.

348. Satis longo et alieno loco posito, eleganti tamen episodio *Orphea* inducit poeta canentem *fata Ius*. *Oeagri de sanguine vates*, *Oeagri* filius *Orphens*, *admonita* invocata *genetrice*, *Musa Calliope*, refert *Inachidos*, *Inachi* filiae, *Ius vias*, errores per multas terras, et *exfilia iuvencae emensae pelagus*, intentisque cupide audientibus *Argonautis*, canit: *Videre priores olim viuentes saepe Iovem ad Iasiae virginis Ius*, (sequitur hic *Valerius* eos, qui *Iasum* patrem virgini dant, neq. tamen sibi constat, quum paullo ante *Inachidem* nominasset, paullo post *Inachiam*) *blandos amores descendere furtim e coelo*. Sentit Ius dolos, curaque iniqui suspicione *adversa* aethere desiluit; *dominam*, nam *Argos* *Iunoni* dicata, unde *Argiua* in numis et titulis, *Lyrceia tellus*, *Argolis*, (Nonnulli habent *Lynceia*, quod et defendit *Brunckius* ad *Apollon*. 1, 125. haud recte. *Callimachus* apud *Steph. Byzant.* ed. *Ernest.* p. 426. *Λύρκειον, ὄρος Ἀργολος*, nec aliter *Strabo* *Lib.* 9. §. 7. *T.* 3. ed. *Tzschuck.* p. 219. et *Ovid. Metam.* 1, 598.) *antraque depressae tremuerunt conscia culpae*, rebus enim inanimatorum tribuit sensum timoris poeta, quod in societatem venissent

amoris furtivi. Locum simillimum vide 3, 584. — 357. *quum pellex*, blanda, quae pellicit, Iuno nempe, (sic pellex ap. Virgil. Aen. 2, 90.) *ora iuvencae Inachiae trepida subit*, propius ad eam adcedit *sponte Dei*, Iove permittente. — 359. *renidenti* sublannante (v. supra 234.) *vultu cohibens fuspiria*. — 360. *Mox ita adorta*, inportunis precibus adit Iovem, *ditibus Argis*, fertilissimis, vti Horat. Od. 1, 7. urbem istius regionis primariam, Mycenae, diuites adpellat, *prima referentem cornua Phoebe*s qualia nouae lunae solent esse. — 362. *carae nuptae mihi*, tantopere, vnice a te dilectae scilicet vxori non denegabis. — Maximae ea mihi curae erit, et pascua maxime opima et fontes pulcerrimos ipsi eligam. — 364. *qua fraude*, legere possis *qua fronte*, suadente Dorvillio ad Charit. p. 611. ed. Lips. — 365. *Quos inuentos*, excogitados a Iunone *timuisset Iupiter astus?* — 366. Iam vero *muneris potens*, voti compos, Argum custodem adponit, cui inscia somni lumina non aliter lucent vertice, *quam si Lyda*, hae enim texturae artifices habebantur, *sparsa ostro telas maculauerit*, insertis hinc inde stellulis purpureis distinxerit. — 370. *monstris horrida lustra*, feris horribiles sylvas. — 371. *multa morantem*, saepe consistentem conantemque emittere *preces inclusaque pectora*, quae, quantumvis vellet, promere tamen non posset, verba. Ovid. Met. 1, 637. conataque queri mugitus edidit. — 374. *Fleuit Amynone* — *Messeides vndae* — *Hyperia*. Omnes fontes in Peloponneso. — 379. *quos*, quam limosos (Ovid. 1, 634.) *ore lacus*, quae, quam vilia *pabula carpsit*, quam diuersa ab iis, quae Iuno promiserat, *quoties cadentes*, pulcros *armos exhorruit*, Graecismus: quoties armi, humeri eius cohorrescebant *verbere*, plagis, quas Argus infligebat, infligere saltem minabatur. — *audentemque mori*, (nam qui potest mori, non potest cogi) *valles in imas egit Argus*, et arbitrio durus crudelis seruauit *herili*, dominae Iunonis. — 384. Subito *caua* (ornans epitheton) *fistula sonuit Arcadio ritu*, imperiumque patris Iouis *celerans* promte et alacriter exsequutus *Cyllenius Mercurius ales aduenit*, aduolat. *Quo hinc diuersus abis?* Argum videns *viam* nihilo minus persequentem, cur ita properas? ait, *heu respice cantus*, dulce tibi aliquid canam, et primo languentiâ tantum somno lumina cuncta *notat*, videt, deinde vero somno victa, *dulcesque sequentia somnos*. Et celerem mediis in cantibus *exigit harpen*. *Harpe* falcatus ensis, (Ovid. Met.

1, 717.) *exigere* vero summa vi adigere, gladio aliquem traicere. Ovid. Metam. 5, 171. *exactum viribus enssem*. Virgil. Aen. 10, 815. *exigit enssem per medium*, et *exigere hasta* noster infra 6, 670.

391. Iamque *refecta Iovi*, in laetitiam Iovis pristinae formae restituta *ibat agris Io*, sibi ipsa plaudens, superba incedebat, *victrix Iuonis*. Sed admodum breue gaudium! Cum *facibus spirisque* serpentum (Virgil. Aen. 12, 847.) et *Tartareo vulatu Tisiphonen* Furiam videt: ac primo *visu vestigia* figit subistit, et in *miseræ* rursus *bouis ora* recurrit, subito resumit formam iuuencae, *nec memor*, dubia, qua valle, aut quo vertice, monte *se fisset*. — 397. In errore, dum fugiens vagatur, ad *Inachios* patris etiam defertur ad vndas, sed nec pater, nec Nymphae tentant adcedere, a prima quantum mutata iuuenca moerore et erroribus confectam. — 400. Ergo iterum *ceu Styga dilectum* fugit caput patris, donec ad mare peruenit, *absistunt*, retro cedunt *fluctus*, et *alta gnara futuri maria* Aegyptum adluentia, mox futuram eam Deam *Isidem*, Lunam praevidentia, *dant pauidae viam*; ipsa traiecit, *procul fulgens celsis cornibus*, ac *palearia*, armos, pectora sustinet vnda summa. — 407. *Asi Erebi virgo*, Tisiphone ditem *Memphim* Aegyptum *volat praecipere*, incitat penas, vt occupet, praeueniat, et *Pharia venientem pellere*, arcere terra. — 409. *Contra Nilus adest*, praesto est auxilium latus, et *toto gurgite torrens*, omnibus aquis suis, torrentis instar, Tisiphonen agit, atque *imis inludit*, magna vi proiicit *harenis*, *Ditis Plutonis opem ac saevi numina regni*, quidquid Deorum inferorum esset, *inclamantem*. Frustra: *adparent*, circumiacent *sparsae faces*, *disiecta longe verbera flagella* et *abruptis excussi crinibus hydri*. — 414. *Nec Iovis interea cessat manus*, auxilium, curamque *fatetur*, tonando caram tibi Io esse declarat, atque ipsa *Iuno pauet imperium Iovis*. — 416. *Haec procul Io spectat ab arce poli*, coelo, (2, 94. 3, 481.) iam *Divis addita*, iamque *aspide cincta comas* (Aspis, serpens minor, sed veneni praesentissimi, vti plurimum Aegyptiorum Deorum, ita in primis Isidis capiti fuit ornamento. Ovid. Metam. 9, 687. *inerant lunaria fronti cornua plenaque somniferi serpens peregrina veneni*. cf. eiusd. Amor. 2. Eleg. 13. Aelian. hist. animal. 10, 31. et omnino Iablonskium in Pantheo Aegypt. P. 1. p. 108.) et *ouanti persona sistrum*, laeta, pulsat sistrum, instrumentum musicum, vel crepita-

culum, duobus vel pluribus bacillis transuersis instructum, cuius formam gemmae, numi aliaque monimenta antiqua referunt, qualia multa aere expressa sistit Bened. Bachinus de listris Trai. ad Rhen. 1696. 4. — 419. *Bosporon hinc veteres errantis nomine Divae vulgauere*, hinc factum, ut maiores in honorem Deae, iuuencae forma vagatae, freto isti Bospori nomen darent. — 420. *iuuet nostros nunc ipsa labores*, nam et nauigationibus praeesse credebatur, unde et Pelagia dicta.

422. Hactenus Orpheus. Interea venti fauerant Argonautis, et postera aurora iter non cassae noctis retexit, ea nocte magnum maris spatium emensos esse adparuit, vident *Thynnaea Bithyniae litora, fatidici vatis* cf. v. 445. *poenis horrentia Phinei*. (In historia Phinei admodum variant mythologi, quaeque Valerius noster in sequentibus de eo narrat, ea vno conspectu dedi in Indice, quem vide.) — 426. *Dira Deum a Diis inmissa lues, summoque in aevo*, extrema senectute. — 427. *Non extorrem, exsulem tantum, nec tantum lucis egentem caecum, Harpyiae etiam Typhonides filiae Typhonis persequuntur*. Alii Thaumantis et Electrae filias fuisse perhibent, uti Apollodorus, ad quem vide omnino Heynium p. 25. et ad Virgil. Aen. Excursu 7. Has Harpyias dicit poeta iram Tonantis per adpositionem, quibus utebatur Iupiter ad iram explendam, ministras habebat poenarum, (*magnas sibi legit in iras* infra 521.) — 429. *depopulant, consumunt, macilentum me faciunt, ipsoque dapes praedantur ab ore*. Apollon. 2, 223. *στένωρός μοι ἀφαρπάζουσιν ἐδάδην*. — 430. *Talia prodigia et tales poenas*, i. e. tam prodigiosas poenas. — 434. *primas baculo defertur ad undas*, scipione nixus ad litora tendit. Vitis magis coloribus vacillante gressu incedentem pingit caecum senem Apollonius 2, 198. *βάντρω σκηπτόμενος, ξιννοῖς ποσὶν ἤε θύραξ, τοίχους ἀμυφών, τρέψε δ' ἄψα νισσομένοιο ἀδρανὴ γῆρα*. — 435. *oculos inanes facultate priuatos videndi, tenuem spirans animam, vix spiritum ducens, anhelans prae infirmitate corporis*. — 439. *Novi, inquit, via inffos qua (facilius quo) ferat, quo tendatis, et quo iubente; ac vestri (rebar sic, sic enim computabam tempora) proxima quaeque legens, considerans, mecum reputans, quae vobis hucusque addiderint, novi, quantum Lemnos traxerit, detinuerit, novi infelicem ad Cyzicum, supremam in Bebrycio litore pugnam; iam propior, iamque hoc animam solaminis mulcens, quo*

propius vos adcedere sensi, eo maiori spe atque solatio inpletus sum. — 444. *Cretus Agenore*, filius Agenoris, Phoenicum regis, in cuius stirpe exponenda, ut verbis utar Heynii ad Apollodor. p. 525. "incredibilis est narrationis diuersitas, in qua componenda frustra quis laboret." Valerius sequitur Apollonium 2, 178. infra etiam *Tyrum* vocat *paternam* v. 611. idemque habet vnus e Scholiastis ad Eùrip. Phoenissas v. 3. nec aliter Nonnus Dionys. 3, 294. p. 64. ed. Falkenburg. — 445. *aut mea quod vates insedit Apollo pectora*, quod vaticinandi arte polleam. cf. 1, 207. *totus Dei*, 5, 673. *Deum, quem pectore toto ian: tenet.* — 447. Nihil adinet, nunc enarrare quam diuersis casibus terrarum orbem pererranerim, *amissas domos*, cur in exilium actus, *aut dulcia lumina*, cur caecus sim, 449. *serum est ex ordine ingemere fatis consuetis*. Sic ordines verba, et sensum habebis: nihil adinet, totam priorum, quibus adfueui sentim, malorum seriem inter lacrymas enarrare; immo audite, quae nunc vel maxime me praemunt, nempe 450. *Harpyiae mea pabula seruant*, obseruant, iis insidiantur. — 453. *Celaeno* primas agens inter eas, Apollon. 2, 178 sq. Virgil. Aen. 3, 211 sq. quem omnino ob oculos habuit noster in toto loco. — 455. *saecuit odor*, ita grauis atque foedus est, ut ferri vix possit. Apollonius 2, 229. *πνεῖ τότῃς μυδάσεν τῆς καὶ οὐ τλητὸν μένος ὀδυῆς* — *parque mihi monstrisque fames*, nec ego, nec Harpyiae ipsae famam sitimque expellere possumus, nam Celaeno non me tantum, sed miseras etiam prohibet sorores, uti est infra v. 499. — *spreuere quod omnes pollueruntque manus*, non ministrorum, quod Pius vult, sed ipsorum monstrorum, (cf. v. 495. et Virgil. 217. brachia adeo humana habuisse et pedes narrat Natalis Comes ex Isacio Tzetze p. m. 719.) *quodque unguibus excidit atris.* — 458. *has mihi fert in luce moras*, facit, ut viuere pergam, *nec rumpere fata*, alias rumpere, abrumpere vitam, *licet*, tam miseram vitam voluntaria morte nequeo finire, *trahitur victu crudelis egestas*, tam misero tenui, vili inuitus tamen traho vitam per diram famem. — 462. *Aquilonia proles non externa mihi*; scio, vobiscum adesse Boreae filios, *Calain et Zeten*, mihi adfines, quorum soror *Cleopatra* olim mihi coniux fuit. Apollon. 2, 239. — 465. Ad nomen sororis *Actaeae* Atticae, matrem enim habebant Orythiam, Erechthei filiam, *profiliunt fratres.* — 468. *Phoebi comes vates*, amicus, minister Phoebi. Sic *ἱεράκωντες Μουσῶν*

apud Graecos de poetis. cf. inpr. Wyttenbach ad Plutarch. de fera numinis vindicta p. 81. et Casaubonus de satir. poesi ed. Rambach. p. 9. — 479. *miseris festina senectus*, ante tempus fiunt deformes. — 471. *est tibi praesto nostra voluntas, si non ira Deum, vel si placabilis vrguet*, nisi superiorum iram contraxeris, vel si expiari ea aliquo modo possit. — 474. *Te, ait, iniusti, quae nunc premis, ira Tonantis, ante precor*, ante omnia te ipsum, Iupiter, qui mihi irasceris, inploro. Offendere possit in ore precantis, quod *iniusti* encomio ornet eum, ad quem dirigit preces; sed hoc tantum vult, Iovem inmerito, acerbius iusto enim puniisse. cf. paullo post 478 — 481. satis poenarum tibi dedi, et diu, *nostrae tandem iam parce senectae*. — 476. *vesira voluntas quo, imenes, sine pace Deum*, quid vos proliceretis sine permissione Deorum, nisi Deos habeam propitios? Non faenus tyrannus sceleratusque fui, sed intemperantia linguae me perdidit, *loquax fata mentemque Iovis et abdita consilia prodideram*, vaticinandi arte mihi data futura hominibus praedixeram, sed bona mente, *miserans hominum genus*. — 482. *media inter dicta dum vaticinarer, oculis captus sum*, — *iam tandem cessere irae, nec casus, sed ipse volens Deus*, ipsa Iovis propitia voluntas ab alto mari vel coelo nostris vos adpulit oris.

485. Sic ait, et omnes ad miserationem compulit calamitatibus suis enarrandis. — 488. *simul aequora, simul astra seruant*, vnde Harpyias adfore timebant. — 490. *pal-lentia primae ora senis fugere manus*, primae manus sunt digiti, prae terrore torpescentes, vt ori admonere eos non posset. — 493. *fragrat acerbis odor* (cf. v. 455.) *patrii-que expirat Avernii halitus*. Avernium patrium noli mirari, nam Valerius Typhonem, quem in Tartaro poenas luere fabulatores narrant, Harpyiarum patrem facit v. 428. et 516. Virgil. A. 3, 215. *nec saevior vlla pestis et ira Deum Stygiis sese extulit vndis*. Ad eamdem originem referendum, quod paullo post eadem dicuntur *Cocytiae nubes*, turbinis, procellae instar, per aera ruentes, quae nubis significatio est etiam 3, 500. — 494. *unum omnes incessere planctibus alarum* Virgil. 226. magnis quatiunt clangoribus alas. — 496. *ipso ferens fastidia visu. Tum sola, pavimenta conluvie atque inlisis stramina, stragulas vestes mensis foeda rigant*. Fastidiosa profecto haec sunt, sed praecedentes habet epicos et ipsos poetas Homerum et Vir-

gillum. cf. omnino Heynium Exc. 16. ad Virgil. 3. — 499. *saquit utrimque fames*, cf. supra v. 456.

501. *Iam insurgunt Aquilonia proles*, Calais et Zetes, genitor Boreas *simul impuglit alas*, alati etiam sunt 527. *Hosce nouo turbata lues foedae rapinae*, vel ipsae Harpyiae, *labiae rapinae faucibus*, *mox alta petunt*, auolant. *stant litore fixi Haemonidae*, Argonautae, *atque oculis palantia*, passim fugientia *monstra sequuntur*. — 506. Sublimis est, quae sequitur, Velsvii. montis descriptio: *vbi prorupti*, e cuius cratere prorumpunt flammae, (cf. ad 6, 637.) *tonuit*, grauissimum edit sonum, *quum forte Vesevi Hesperiae letalis apex*, Italiae vrbes haud raro euertens; *vix dum ignea hyems*, vix coepit ignium intus furentium vis aestuare, (Statius Sylv. 3, 73. *flammea diri montis hyems*) *montem torfit*, totum concutit, *iamque Eoas cinis induit vrbes*, cinere atque fauillis longe remotae Orientis vrbes consperguntur et quasi vestiuntur. Sic infra 666. *imber puppin acquore vestit*. — 510. *turbine sic rapido*, eodem celeri impetu Harpyiae populos atque aequora longe *transabeunt*; vox rarior, qua tamen et Virgilius vtitur Aen. 9, 431. — 512. *Iamque ad Ionii metas*, ad Ionium vsque mare tendunt, atque *intima saxa insulas scopulosas*, quas magni Strophadas nunc incolae (adcolae) ponti adpellat, vbi Aeneas postea temporis eas obfendit. Virgil. Aen. 3, 210 sq. — 514. *Tantum terrarum marisque spatium emensae fessas se sentiunt*, leti propioris metu *anhelant*, *trepidant*, alas tam agiles antea et citas mouere vix possunt, *humili tantum timidoque volatu Typhona patrem inplorant clamore nefando horribili*. — 517. *Extulit adsurgens noctem*, nubem atram pater, *imaeque summis miscuit*, turbine confundere omnia velle videtur, et mediis vox exaudita tenebris: *Iam satis huc pepulisse Deas*; (satis honorificum nomen terhis scilicet filiabus dat pietas paterna) *cur tenditis*, *pergitis saeuire in famulas Iouis*, (alias canes; Apollon. 2, 289. *κύες Διός*) *quas, fulmina quamquam Aegidaque ille gerens, magnas sibi legit in iras*, quamquam per se ipse terribilis et fulmine et aegide, eas tamen adhibere dignatur, ministerio earum vti solet, si quos graui exemplo velit punire. — 522. Nunc quoque *Agenoris tectis*, Phinei domo *decedere imperat* idem Iupiter, (ministrante Iride Apollon. 2, 286.) *adnoscent monitus, iussaequae recedunt*. — 504. *Mox tamen et vobis similis fuga*, *quum premet arcus letifer Herculis*, cuius

ſagittis in inſula Teno perierunt. — 525. *Harpyiae numquam noua pabula quaerent.* Suſpecta haec habet Heinfius, quod Aeneam ſociosque poſtea tamen infeſtauerint. — 526. *donec erunt diuinæ meritaē mortalibus irae.* Hunc vero verſum ſpurium putat Burmannus, qui neque Latinus lit, et a monacho quodam ex loco, communi de vin- dicta diuina adſutus videatur. Ego vero vtrumque verſum Valerii eſſe, et cohaerere optime omnia contēderim, ſi vna vocula mutata legas: *numquam non pro numquam noua.* Tum recte cuncta procedunt: Harpyiae ſemper habebunt pabula parata, *donec* (quādiu, cf. 3, 414.) iras diuinas in ſe excitabunt mortales. Nec video, quid obfenderit faſtidioſam Burmanni aurem; forteſſe *meritaē irae* paſſine ſantaē: ſed ſi poenae meritaē rectē dicuntur, quidni irae, quae nihil aliud h. l. ſunt, quam poenae, eodem gaudeant iure? cf. 2, 99. 7, 454. Temperare mihi non potui, quin in textum: reciperem tam facilem tamque mani- feſtam emendationem.

527. *Haefit vterque Calais et Zetes polo, dubiisque clanguit alis,* (cf. dubium arcum 1, 401.) ipſi languidi vo- lando, dubitabant tamen, Typhonis monitis parerent, an Harpyias vltius perſequerentur; *mox victores voti com- potes agmina ſociae puppis* (melius cum Heinfio *pubis*) *repetunt.*

529. Interea Argonautae Iovi ſacra nouant, (cf. 1, 774. 3, 423.) iram eius expiaturi, cuius ſamulas perſequenti eſſent, *tum vina toris, menſis epulasque turbatas reponunt.* Ipſe Phineus, *ceu dulcis imagine ſomni lactus,* tamquam ex iucundo ſomnio expergeſactus, vix oculis fideſ, (Apollon. 2, 306. *ὅθω τ' ἐν οὐσίπασσι θεῶν ἐλκυει*) *ad oblitae Cereris ſuſpirat honores,* munera Cereris, panem, diu non guſta- tum cupide adpetit, *adnoſcit Bacchi latices,* vinum ge- nuinum, *adnoſcit et vndam,* aquam nunc puram atque natinam bibere ſe intellegit, et nona non *pauidae ſecurae miratur gaudia menſae.* — 535. Genio igitur indulgēt, *reclinis ſtratis, et pace,* ſecuritate fruens, *ac longae du- cens obliuia poenae,* largiter ſe inuitat vino, quae diurnae calamitatis memoriam omnem abſtergeret.

537. Ita laetum compellat Iaſon: *Vota perfectæ tibi,* quae optaueras, tibi perſicimus, *nunc me quoque curis tui eripias.* — 540. *non numine vano, ſine numine praefidio- que Deorum tantum aequor adorti tendimus, ipſa Iovis optima proles, Pallaſ, Iovi praeprimis dilecta, nauem in-*

stituit, sociosque dedit Saturnia Iuno reges, heroas. — 544. Fidere mens seil caeca, per se nihil intelligens, futuri nescia, nequit — nec vates sat iam mihi Mopsus et Idmon, nec his tantam, quantam tibi inesse suspicor vaticinandi peritiam.

548. *Vittas laurumque capessit Phineus* (locus similis 3. 424. tempora tum vittis et subplice castus olivæ implicat) *numina nota Apollinis, cuius adflatum, ut vates, saepe erat expertus, cicens inuocans. — 551. tam largus honor, insignis gravitas, tam mira, quæ in senem vix caderet, senectæ maiestas infusa; vigor novus auxerat artus, qui modo incurvus prae moestitia inceperat, iam procerior repente factus videbatur. — 553. terras fama ventura per omnes cuius nomen per totum terrarum orbem inclarescet, ipse ultro Pelias ad sidera tollit, qui tibi vel maxime cupit nocere, ipse, alia omnia cogitans, viam tibi ad nominis immortalitatem aperiet, demens, dum sperat, non timet, non credit, te Phryxi profugi vellus unquam reportaturum. — 557. possum quas reddere grates, hoc enim solum, quo gratum tibi animum possum declarare, fata tibi futura exponam — te propter, tui amore fandi mihi Iupiter auctor, fata tibi tua nuntiare permittit.*

561. Nunc totum iter enarrat. Sic Circe Ulyssi Homer. Od. 12. 37 sq. et Helenus Aeneae fata navigationis Aen. 3. 343 sq. praenuntiat. Phinei nostri vaticinia non minus copiose, quam Valerius exposuit Apollonius 2. 317 sq. *Hinc iter ad Ponti caput, initium, errantesque Cyaneas: furor his concurrere furibundae concurrunt, necdum vllas videre rates, nondum ausa est navis transitum, cominus actae, violenter inuicem inlissae, sua saxa cantesque premunt.* Pindarus Pyth. 4. 370. *σύνδρομοι πέτραι, διδυμοὶ γὰρ ἔσαν ζωὴ, κυλινδρόσπονδόν τε κρηπνότεραν ἢ βαρυδούπων ἀνέμων στήλες.* Plura dabit Index. — 564. *quum vincula mundi ima labant, quum terrarum orbis ex imis fundamentis erui videtur, et vrbes tectaque terrae motibus concutuntur, illae nihil inde patiuntur, quoniam semper mobiles in superficie natant aquarum, illae redeunt, illae aequore certant. — 570. per altum tam periculosum maris locum tenditis, unde procul venti et volucres, illi, ne vis eorum frangatur, hae, ne conlidantur, timentes, unde pater ipse maris Neptunus pauidas detorquet habenas curru declinat, ne propius adcedat.* Sic eleganter auxit periculum

poeta, quod ne Deus quidem audeat subire! — 572. *si qua brevis scopulis fuerit mora*, si paullulum quiescant, *fuga tunc medio properanda recursu*, tum illo temporis breuissimo momento, ubi cautes recellerunt, propere *vitamini* ad transeundum. — 574. *vix repetunt celeres Cyaneae primae terrae confinia*, ad proxima terrae continetis litora sese receptorum, *ianque alio clamore nono sonitu ruunt*, *omnisque tenetur vix sentit pontus*, et anceps fluctuans errat cum *infestis montibus* Symplegadam se invicem semper infestantium. cf. infra 659. — 577. *Verum animo redit in memoriam reuoco sortem Divum*, oraculum, *essatum Deorum*. — 581. *rapidi quum scelerint*, constiterint, non amplius mobiles vagentur *montes*. — 587. *Verum inter medias dabitur sic currere cautes*, certe *digna manus*, *vacuumque exhibis in aequor*. Locus intricatior, quem ad expediendum optime facere videtur coniectura *Heinsii*, pro *sic* reponentis *scio*. Si porro, quod meum commentum est, verba certe *digna manus* parentheses signis includas, omnia erunt expedita: inter medias dabitur, scio, currere cautes, (certe *digna manus*) tu tunique loci egregii tali fortuna digni, *vacuumque liberum*, apertum, late patens *exibis in aequor*.

589. Proxima, Cyaneis superatis, sunt *regna Lyci*, regis Mariandynorum, (infra 737.) *remeat qui victor ab oris Bebryciis*, cf. 748 sq. — 591. *hic lecto comitum de robore si quem perculerit vicina lues, ne desce*, animum ne despondeas. Quoniam triste aliquid praenuntiat, obscurius loquitur, minusque dicit, quam nosset. Si quem, quasi de vno, sed duos morbus abscondit, Idmonem 5, 2. et Tiphyn v. 15. et *perculerit* anceps est, duplicemque admittit sensum vel morbi, vel mortis. — 594. *Illic pestiferas aquas subter iuga concaua sub antra*, voragines montium torquet, vi rapit alter *Acheron*, non minus terribilis, quam *Italus ille*, *vasioque hictu exundat fumeus*, tanta vi propellit undas, vi fumum emittant, qualem in catarractis licet observare, et *saena sequitur caligine campus*, (Loco sequitur manu Marklandus Ep. crit. p. 34. *tegatur*. Nil opus! sequitur est: post hunc situs est, subest, eum excipit.) *lingue grauem graue olentem flumini*. — 599. *Quid tibi nubifera surgentem rupe altissimum in nubes erectum montem*, (cf. 8, 214.) *Carambin*, promontorium Paphlagoniae, *quid memorem*, quas *Iris fluvius torqueat* (vehementiam designat) *aquas et Ancon*. Ancon

proprie est Latinorum cubitus, deinde Geographi transferunt ad loca, quae cubiti instar in mare procurrunt. Ita et h. l. est portus ad ostium Iris fluvii, ubi litus tenni terrae tractu in mare procurrrens incurruatur. vide *Mannert's Geogr. Th. 6. Heft 2. S. 446.* Apollonius 2, 369. *πρωτόρρωτος μέγας καὶ ὑπερποχὸς ἀγῶν ἐξανάχε. πλῆς.* Ammianus Marcell. 12. 8. habet etiam *portum Aconem*, (culpa librariorum pro Ancone). Haud recte igitur Valerius pro fluvio habuit, nec satis diligenter inspexit Apollonium, cuius male intellecti exemplum habuimus supra in Eury-
menis 2, 14. Infra 5, 121. ubi expectari poterat, totus Ancon omissus est. — 601. Proxima *Thermodon* 5, 121. *secat arua.* — 602. *Inclyta Amazonidum* 5, 124. *magnoque exorta Gradiuo Marte gens; nec femineas crede caternas, sed qualis, sed* (bis repetitum *sed* intendit orationem) *quanta viris insultat* contemptum eos habet *Euyo* (nomen Graecum *Bellouae*) *Divaque innuba*, semper virgo, *Pallas*, *Gorgonei gestatrix monstri*, capitis *Medusae*. — 607. *Iudo velitans cum turma superbo pulvereis exsultat equis.* Omnia hic bene delecta: mirifice tibi placent Amazones, quod incitatis, ut pulnerem conligant, equis volitare per campos possint; *ululataque tellus*, graniter resonans *intremitt*, et pugnas mota pater Mars *incitat hasta*. — 611. *Gens Chalybum*, (cf. 5, 141 sq.) *duris patiens cui cultus in aruis*, quibus lapidosus ager tennem victum praebet, et *tonat adflicta*, malleis percussa *semper domus ignea massa* — *hospitii quis nulla fides*, omnes *ἄενοι*, caute igitur, et limite recto et aura aequali navis transcurrat, nec umquam devertat.

616. Sic demum ad *Phasi* pervenies, *ubi iam castra Scythiae fraternaue surgit Erinys*, bellum iam nunc inter fratres Aetam et Persem conflatum est. — 620. *Forsetiam*, hoc non tam aperte promittit, *optatam dabitur contingere pellem*, sed *te non animis, robori animi, nec solis viribus corporis aequum credere; saepe acri potior prudentia dextra*, (nullum numen abest, si sit prudentia *Juvenal. 10, 365. vis consilii expert mole ruit sua Horat. Orl. 3, 4, 65.) quam tulerit, obtulerit Deus, adripe opem.* Apud Apollonium 2, 424. Venerem Phineus praedicat fore, cuius auxilio reditum sibi paraturi sint Argonautae; Valerius autem Medeam potius in mente videtur habuisse, cuius artibus magis, quam sua ipsius virtute inpetraturum Iasonem, quod vellet, praevideat vates, sed edicere ab in-

cola Deo prohibetur, *ultima enim*, sic pergit, *promere fata nefas: sileo et precor.*

626. Tum subita refides socios, in litore adhuc defides formidine praecipitat, alacres facit, properare iubet ad nauem, ut fata praedicta prosequantur, rumpitque moras tempusque timendi, ut ne otio diutius indulgerent, utque tempus omne excluderet, quo de instantibus periculis possent cogitare.

628. Ipse Phineus gradiens, utcumque caecus poterat, viros prosequitur. — decus o Boreae filii patre digni! — 631. me Pangaea, Thraciae montis (v. 1, 597. 598.) super rursus iuga, meque paterna stare Tyro (v. supra 494.) dulcesque iterum mihi surgere soles, visum merecepturum esse reor. — 634. date tangere vultus: dem, finite, amplexus, propiusque adcedite dextrae. Et haec ad caecum referenda. — 636. Dixerat, abscedunt terris, et litora condunt, post se relinquunt, ex oculis amittunt.

637. Omnibus extemplo saeva sub imagine rupes Cyaneae, omnes occupantur una imagine Symplegadam, et laboris mox instantis. — 639. stant, immobilia rigent, silent ora metu, nec fessa recedunt lumina diuersas circum fernantibus undas, haud desinunt oculos ad omnes aequoris partes conuertere. — 640. quum procul audiri sonitus insanaeque saxa, sonitus inhumanum, furibundorum saxorum, saxa tamen ipsa nondum conspecta, sed fiderei poli pars praecipitata profundo in mare visa est. — 643. dumque oculus instant, remos impellunt, ferre fugam, fugere (inuitata, sed Valerio et alibi 7, 597. 8, 5. vltata loquendi formula) maria ante ratem vident, (hactenus bene! nam discedentibus Cyaneis obcupare vacuum spatium properabant) maria ipsa repente diffugere, (quae modo dixerat, grauius efferre voluisse videtur poeta verbis ipsa et repente, sed tautologiae maculam voci diffugere, vix abstergas. Cuius loco si, quod nonnulli suaserunt, dissiicere, vel, quod ego aliquando opinabar, disfluere ponas, nil magno-pere proficias, totumque locum in iis habendum puto, cui, uti aliis, poeta, si diutius vixisset, emendatricem manum adhibiturus fuisset.) aduersosque, quos ante oculos iam habebant, discedere montes. — 646. Omnibus et gelida rapti manibus exciderunt formidine remi; Apollon. 2, 577. τὸν δ' ἐλαυντ' ἐχει τρομας; obpositum infra 675. rediere viris manus. — 647. Ipse Iason per arma, armamenta, transira volans, et per iuga summa carinae, mox proram,

mox puppim, hortatur subplex, cf. 8, 285. nomine quemque premens vrguens: Vbi nunc promissa superba ingentesque minae (bóno h.l. sensu, vti apud Horat. Serm. 2, 3, 9. vultus multa et praeclara minantis.) — 654. corripit abiecti, paullisper remoti, surgere iussi remumque locumque Phaleri. — 656. Vnda laborantes praeceps rotat, ac fuga ponti obuia, quamquam omnes vires intenderent, vehementia tamen ante se Cyaneas versus fugientis aequoris vertice quali abripiuntur. Iam vero miscentur, concluduntur rupes, iamque (quid si cumque?) aequore toto iuga inlisa remittunt, vix conlissae retrahunt cacumina, quo sit, vt toti aequori liberum cursum transitumque aperiant. — 659. Bis fragor infestas cautes (subintellege: cautibus) aduersaque saxi saxa dedit, bis magno cum fragore inimicorum instar commissae erant Cyaneae, flamma expresso fulsit in imbrè, ex ipsis cautibus elisis ignis inlustrat nubes. — 661 — 664. Comparatio cum tonitru instituta satis trita est, nihilque habet singularis difficultatis, eadem tamen bis dicta et hic inuenies. — 665. haud secus impleuit pontum fragor; effluit imber spumeus, spumantes defluunt cautibus illectus, (cf. omnino Virgil. Aen. 1, 113 — 115.) et magno aequore, magna vi, multitudine aquarum procul, quamquam remotam puppim vestit. (induit urbem cinis supra 509.) — 667. Aduertere Dei defixaque numina ponto inretortis prospexere oculis, quid scopulis praeclusa, impedita ratis, quid dura laboriosa inuentus expediat, pendet magnis fauor ortus ab ausis, sanent quidem tantum opus adgressis, ipsi tamen fere dubitant de felici subcessu. — 670. Prima coruscanti signum dedit Aegide virgo, fulmineam iaculata facent; caue, coruscanti Aegide signum dedit iungas, immo vero coruscanti Aeg. virgo est periphrasis Palladis eadem, quae supra 605. Diva Gorgonei gestatrix monstri; signum vero dedit fulminea face fulmine, concedente Iove. (cf. Virgil. Aen. 1, 42. Aeschyli Eumen. 825. omninoque, quae adscripsimus 1, 116. et 372.) — 671. vixdum ardua cautes (Singul. pro Plur.) cesserat, illa fulminea fax tenui luce per concita saxa (1, 4.) fugit, rediere viris animique manusque, nonnum animis manibusque robur adcedere sentiunt, vt videre viam a fulmine monstratam et inlustratam. — 674. Sequor, o quicumque Deorum ades, vel fallor, nisi me fallit sententia, ait Iason, et praeceps ruit, et fumo se condidit atro, nebulis atque tenebris. — 677. Coeperat hinc cedens

abductis montibus vnda ferre ratem, scopulis recedentibus defederunt aquae, nauemque propulerunt, pelagoque dies obcurrere aperto, ita vt nunc e tenebris ad alteram maris partem possent prospicere. — 679. Sed neque permissis, remissis, laxatis iam fundere rector, gubernator habenis vela, nec eniti remis pote, nec velis omnibus expansis, nec remorum impulsu omnium angustias poterat superare — iam super Cyaneae adsunt, denuo reuersurae, premit umbra ratem, iam vmbra sua cingunt denuo nauem, scopulique feruntur cominus, in eo sunt, vt rursus conlidantur.

682. *Sed en Deae ex machina! Iuno et Pallas ex aethere insiliunt pariter scopulos, alterum nata, alterum noniux Iouis coerces, reprimi, vt valido qui robore tauros sub iuga et inuito, reluctante cornu detorquet in ilia, vi detrahit in terram, vt caput ventrem spectet.*

686. *Inde, velut mixtis Vulcanius ardor, mons ignivomus arenis versat aquas, fluctuque coacto, in vnum conlecto angitur, comprimitur, et clausum scopulos super effluit redundat aequor, sic scopuli fremunt.*

689. *Contra omnes tenui discrimine, parum aberat, quin ipsi comprimerentur, remis pergere iter. Saxa sed extremis tamen increpuere magno cum sonitu inciderunt corymbis, [Graece ἀφλάστοιο ἀκρὰ κόρυμβας. Homer. Il. 9, 241. Apollon. 2, 603. vtrumque iungit ἀφλάστοιο ἀκρὰ κόρυμβας. Latini etiam aplustria. Erant autem prominentia et incurua ornamenta in puppibus nauium, quibus etiam lintea ad explorandos ventos (Windfahne) adfixa. v. Eöttiger's archaeologisches Museum. Heft 1. S. 23.] parsque deprensa iugis transtris, nefas! tam parum reuerenter habebant saxa nauem originis diuinæ, nam cetera coelo debita, inniolabilis, Olympo destinata 1, 4. cf. omnino Claudianum de bello Getico 1-30.*

694. *Conclamant anxii Minyae, fugit ipse nouissimus in extrema nauis parte, puppi stans Tiphys, et e mediis ruinis decidentibus saxorum fragmentis sequitur freta rapta, quantum potest celerrime in altum properat. — 697. nigrantia litora, promontorium, nigrum dictum, Ἀκρὴν μέλαιναν Apollon. 2, 651. longinqui exirent in mare se exonerarent flumina Rhebae (hodie Riva). Apollon. 2, 349. et 650. ponit nigrantia litora post Rhebam. Quid? si vno eodemque loco ponenda sint, vt Rhebas prope promontorium in mare effluerit?*

700. Tunc demum animum conlegere, *discussa*, posita *quales formidine Averni Tartari Hercules Theseusque comes pallentia*, Orci modo relictis horrore pleni *iungunt oscula, vix primis amplexi luminis oris*. Haec vulgata lectio, cuius sensus esset: vix supernas adtigerant regiones, quum sese amplecterentur. Sed hoc durius, et, quod recte monet Cel. Beckius l. l. p. 267. "si esset *amplexi sese*, hoc iam latet in *quod iungere oscula*, praeterea comparisonis ratio requirit, ut commemoretur temporis momentum, quo periculum euaferint." Suadente igitur praestantiss. hoc viro et praeuentibus Codicibus quibusdam, (cf. et 1, 676. ubi *limina portae patriae amplecti*) *primas oras* in textum recipere nullus dubitavi. Ceterum de Theseo magna narrationis varietas. Nonnulli, Statius Theb. 5, 432. Hyginus Fab. 14. et Apollodorus 1, 9. 16. inter ipsos Argonautas referunt. Apollonius 1, 101. et alii tum in orco cum Pirithoo desedisse dicunt, cui et noster 2, 193. adfentiri videtur: hoc loco nostro ab Hercule liberatus inducitur. Sed utrobique non historicum agere voluit Valerius, sed ex concessa poetis licentia, nulla temporis habita ratione, ad ornandam comparatione orationem mythologia usus est.

704. *Heu quis, quantus datur isie Deorum sorte, voluntate, imperio labor nobis. Serum ut quamvis veniamus, fac sero nos venire ad amnem Phasidis, et mites faciles ita sint, ut dent vellera Colchi*, unde per hos montes iterum fuga? — 707. *Talia, tales querelas fundit Iason, nescius, imperio Iovis fixos, immobiles, aeternumque reuinctos, vinctos*; (Ovid. Met. 15, 339. *quae nunc inmotae perstant ventisque resistunt*. Pindarus Pyth. 4, 372. antea viuas, tum mortuas esse dicit) *id fati certa nam lege manebat*, si qua navis viam sibi per eas aperuisset. — 711. *freta longis inperua saeculis* 1, 1. *ad subitam subito*, tam inopinato visam stupere ratem, *Pontique iacentis late patentis omne solum aequor* (Fläche) *regesque regna patent*, oculis subiiciuntur, *gentesque repostae*, longius remotae et hucusque incognitae.

714. Amplitudo Ponti describitur, comparatione cum aliis maribus instituta. *Non alibi effusis cesserunt longius undis litora*, pictura satis suavis, nam quo longius litora distant, eo latius fit flumen vel mare interfluens. — 715. *nec tantas quamvis Tyrrhenus, Tyrrhenum mare, et Aegan, Aegaeum* 1, 629. *voluat aquas, geminis et desunt*

Syrtibus undae. Syrtis pars pro toto mediterraneo mari. Nihil aliud voluit Valerius, quam hoc: Quamvis Tyrrenum mare et Aegaeum magnas voluant aquas, non tantas tamen volunt, quantas Pontus Euxinus. Totius loci difficultas inest voci *quamvis*, quam difficultatem tollere eo conati sunt nonnulli, ut aliam vocem substituerent. Sic Clerquius van Iever Obss. sel. Lugd. Bat. 1767. p. 53. coniecit *gurges*, quod tamen, ut a scriptura codicum nimis recedens, recte quidem repudiavit popularis eius *Adr. van Dorp* Obss. Trai. ad Rhenum 1769. p. 81. dubito tamen, an admittendus sit, quem reponere mauult, *amnis* (Tyrrenus, nempe Tiberis), nam non de fluminibus, sed maribus sermo est. Harlessius in nota huic loco subiecta ita expedire voluit, ut nec resolveret in *et non*, quae posterior vocula cum *tantas* coniungenda sit, post *tantas* porro subintellexeret *quantas*, sensumque hunc eliceret: *nullum mare est tam periculosum*, (de periculo tamen hic nondum cogitandum esse putauerim, sed de sola amplitudine, et nimis premere *re voluere* vir Celeb. videtur) *quam Pontus Euxinus, etiam quamvis non tantas voluat aquas siue maris fluctus, quantas mare Tyrrenum et Aegaeum, et quamvis nullae ibi sint Syrtes.* Hactenus Harlessius, cuius censuram Beckius l. l. p. 267. dedit hanc: "Unicus esse potest, quem elicit Harl., sensus, si concessime intellegas, ut iungatur *quamvis voluat*, sed quomodo possit subintellegi *quantas*, non video. Alterum quidem *tantas* in comparationibus omitti posse notum est. Videtur legendum esse *voluit*, hoc sensu: Nec *tantas aquas voluit* aliud mare, *quamvis Tyrrenum*, nec ipsum Tyrrenum aut Aegaeum mare; et *Syrtibus*, mediterraneo mari *desunt undae* ad Pontum Euxinum comparatis, h. e. minus habent aquarum, minores fluctus tollunt." — Nuper Slothouwer in Act. literar. Rheno-Traiect. Vol. 3. p. 175. pro *quamvis* mauult *quantus*, nec Tyrrenus quantus, i. e. totus quantus, et Aegan voluet tantas aquas. — Tandem nuperime Cl. Jacobs in Animadv. ad Anthol. Vol. 2. P. 2. p. 307. et in Miscell. philol. p. 78. pro *tantas* reponere suadet *iunctas*, i. e. "si Italia et Graecia demerlis mare Tyrrenum et Aegaeum iungatur. Hinc adparet, quid in sequenti hemistichio desideretur. Fac poetam scripsisse: *et desunt Syrtibus ACTAE*, et sensum habebis perspicuum. Tyrreno mari et Aegaeo, quae maria iuncta a Ponto Euxino superari ait poeta, etiam Syrtes addit, maiorem et mino-

rem, quas satis longo spatio diremtas fuisse constat. — Hoc itaque voluit poeta: si litora, quae Syrtes dirimunt, tollantur et utraque duobus illis maribus adiiciatur." — Ego vero in hac coena dubia — ἐπέχω.

717. Pergit Valerius aliam causam amplitudinis Ponti Euxini adferre. Nam *super* (aduerbial.) praeterea quod per se magnam aquarum molem complectatur, *huc* in eum *vastos tellus quoque congerit amnes*. — 718. *non memorem, quas opes* (diuitias Ovid. Amor. 3, 6, 94. Sil. Ital. 1, 606.) *addat Histri Danubii gemini*, (vel quod, antequam in mare effluit, in duo brachia diuiditur, vnde geminum flexum Danubii dixit Noster 8, 377. vel quod binominis esset, vti Ovid. ex Ponto 1, 8. 11. nominat, nempe propius ad fontes *Danubius*, ab Illyrico vsque ad ostia *Ister*) *septem exitus*, ostia, cf. 8, 185. in quorum numero noster sequitur Strabonem, nam alii quinque vel sex numerant. v. Mannert T. 4. p. 219 sq. — 719. *quas Tanais* (Don) *flavusque Lyces*, vna cum Iri in Pontum fluens. v. Mannert T. 6. P. 2. p. 444. hodie verisimiliter *Kalmius*. v. Idem T. 4. p. 251. — *Hypanis* (Bog) *Melasque*, pro quo libri habent *Nomas*, vel *Novas*; fortasse *Boas*, quod nomen incolae dederunt fluuiio maiori, Graecis *Acampsis* dicto. v. Mannert 6, 2, 364. — 720. *quantos sinus Maeotica aequora*, palus Maeotis *laxant*, aperiunt. — 721. *sic flumineo agmine*, tot fluuiis dulcem aquam aduehentibus, *vim frangit amari salis*, diluitur amaritudo, et minuitur salsus sapor, maribus aliis proprius, — *hinc Boreae cedens glacialibus auris*, hinc ventis gelidis patet, *et exorta facilis concreescere bruma*, ingruente hyeme facile gelu constringitur. — 724. *Vtque vel inmotos glacie duratos Vrsae rigor septemtrionale frigus inuenit amnes*, vel *freta versa vadis*, maria fluctibus inmensis agitata: *sic per omnem hyemem vnda aut iacet campo* in campum glaciale porrecta, *aut tumido riget ardua fluctu*, ad montium altitudinem fluctus erigit; *atque hac Europam curuis anfractibus angit*, adluit, premit, *hac Asiam, Scythicum specie sinuatus in arcum*. cf. Ammian. Marcell. 22, 8. p. 253. ed. Ernest. — 729. *Illae umbrosae semper stant*, incubant aequore nubes, *et non certa dies*, rara et brevis coeli serenitas: *nec primo verno sole profundum soluitur*, mare glacie liberatur et navigabile fit, *aut vernis quum lux aequata tenebris*, aequinoctio vernali, *sed redit tandem in sua litora extremo Tauro*, quum sol tauri signum coeleste transierit.

733. Veniunt ad oras *Mariandynorum* Argonautae. *Echion* terras regemque exquirat, dicta, mandata ferens, quod fecerat supra 134. et postea faciet. — 736. nominis *Haemonii viros*, *Theſſalos*, si unquam fama est, audiuerit rex, subiisse litora, det litora fessis, naue[m] permittat adpellere. — 738. *Aesoniden* omnemque turbam trahit, ita hospitalis, ut non *Iasonem* solum, sed comites omnes non tam inuitet, quam cogat in regia tecta, modo *Bebryciis* praefixa *tropaeis*, spoliis ornata. — 741. *Haud temere est*, non sorte fortuna factum, sed fato, voluntate Divum. — 744. *Certa fides animis*, idem quibus incidit hostis, amicitiam facilius ineunt fideliusque seruant, qui eundem habent hostem. — 745. tanto orbe, tam remota regione — sensimus, notanter de magna calamitate, damno viurpatur, *Jaueis frater Otreus mihi fusus caestu harenis*. v. supra 161. — 747. *Ultor ego*, hanc fratris caedem ulturus, illuc cunctis in armis, omni regni mei vi bellica excita aduersus ira aderam, quum vos mediis fretis contenta, intentata, rapida, properantia vela ferebant. — 749. in sanie taboque, putrescentem cruentumque vidimus. cf. 1, 816. 2, 212. — 751. nec vobis inuideo, quod in conficiendo tyranno me occupaueritis, nec tam laetarer, si mea ipſius manu cecidiſſet, quam lege quod obcidit ultus ipſe ſua, quod eodem certamine, ad quod prouocauerat alios, ipſe obcubuerit. — 755. Ad haec *Iason*: *Enus ergo in montibus ignis?* in castris itaque tuis noctu incenſi ignes erant, *tuas acies medio de gurgite ex alto mari vidi?* Hic tibi *Pollux*, inuiſo iratiſſimo cui pectore ſoluit poenas. — 759. Ille *Lycus virum circa mirantia lumina voluit*, non ſine magna admiratione *Pollucem* luſtrat. — 761. *Communes*, communiter, vocant ſuperos, gratias agunt, quorum eruta liberata tyranno nutu *Bebrycia*; et votis pariter praedaeque fruuntur, laetantur et felici euentu et ſpoliis deportatis.

IN LIBRUM V.

1. Postero die morbis fatisque rapacibus morbo subito conripitur, mox letali, *Idmon*, extremi ſibi tum non inſcius aeuſi, quem ut vatem et augurem mors prope inſtans non latuerat. (Ab apro occiſum narrant *Apollonius* et *Hyginus*.) — 4. *Verà*. Sollemnis vox de oraculis, auguriis cet. euentum habentibus. v. *Medebach Wakker Amoenit. lit.*

c. 3. p. 18. — 6. *velamina* (vestes) *caelata*, quod verbum non de metallis tantum vsurpatur, in quibus signae prominent, sed de aliis etiam assabre factis operibus; h. l. sunt acu picta, aureis filis distincta, ideoque non leuia, sed superficie aspera. Erant enim eadem *velamina*, quae *Dolionius rex*, *Cyzicus*, olim *Iasoni* dono dederat, v. supra 3, 10, 11. vbi, quia hic *caelata*, dicuntur *vestes*, quas *Clite picto variauerat auro*. De labore acu pingendi, quo feminae priscae tempus fallere solebant, vide omnino *Cel. Lenzii Geschichte der Weiber des heroischen Zeitalters* S. 38. — 8. *Lycus dat humum sedemque*, locum sepulcri — *fleus arma reuellit* transtris, vt rogo inponantur, *Mopsus*. — 10. *Robora portant arae*, rogo exstruendo. cf. 2, 599. — 12. *dies simul et suus* fato sibi destinatus mortis dies admonet omnes.

13. *Inter extrema munera dum iusta adhuc facerent* *Idmoni*, *Tiphys* etiam, quem *curfus penes imperiumque carinae*, gubernator, violenta morte abripitur. — 17. *Arripotens Apollo*, *ἄρξοφόρος, ἄρξόρης*, arcitenens *Virgil. Aen.* 3, 75. al. *aduerte* (nisi malis cum *Burmanno auerte*) hoc, pater, hoc nobis *refoue caput*, fanitati restituas. (*Apollo salutaris*.) — 20. *omnis labor nunc pendet ab manibus* tam periti gubernatoris *vnus*. (*Vnus*, quamquam sua natura Pluralem respuere videatur, huic tamen etiam addi posse, ipse *Cicero* sua comprobat auctoritate.) — 21. *nec debita fata mouebant*, non potuerunt efficere, vt, quod fato destinatum esset, mutaretur. cf. 3, 461. — 22. *Qualem praecipiti grauidum iam sorte*, (nimis quaesite dictum pro morti praematurae propinquum) *natorum flet parua* (parvorum) *manus, trepidique precantur, duret, diutius viuat* (paullo post *supereffe*) *vt inualidis et adhuc genitoris egenis*. Mollis et adfectus plena comparatio! — 27. *ille recens oculis intervalat*, memoria modo sepulti *Idmonis* renouatur. — 28. *clamore morantur*, conclamatione experiuntur, an forte fugientem animam possint retinere, de quo more vide *Kirchmannum* de funeribus 1, 13. — 31. *crescit donis, vestibus*, (v. 30. muneribus) aliisque, quae vel mortuis cara fuissent, vel deplorantibus in pretio essent, *feralis aceruns, rogas*. — 32. *Vt vero amplexus fessi rupere supremos*, fatigati tandem oscula inprimere deliere, tunc ipsa cremari ratis visa, medioque viros deponere, mergere ponto. — 35. Non tulit *Aesonides*, geminis *flagrantia cernens corpora cara rogis, sed pectore*

ductor ab imo talia voce gemit. Burmannianus codex habet *Aesonius*, rectius sine dubio, quoniam, si *Aesonides* retineas, *ductor* otiosus esse videri possit. Magis adhuc placeret Friesemannus, qui *ducta pectore ab imo talia voce* manult, si libri in tali verborum transpositione addicerent. — 39. *Bina, nefas!* (eheu!) *finiera mihi surgunt in tuto litore*, non in hostili regione, sed placidis terris, vii v. 72. — 40. *magna adeo comitum numerosaque pubes?* num tam multi numero sumus, vt hanc talem iacturam aequo animo ferre queamus? aut socios *rapit atra dies*, mors praematura, aut *ipse relinquo* (sic se ipse adculat Herculis neglecti) *fontibus*, maleuolis (Statius Theb. 1, 610. *qui te, mea gaudia, fontes exstinxere Dii?*) *impulsus Furiis?* — 42. Et quantos perdidimus viros! *ubi Tiphys*, gubernator? *ubi Idmon fata canens*, vates et augur? *ubi monstriferae par ille nouercae?* Hercules, qui aliud post aliud nouercali odio a Iunone inmissum monstrum feliciter tamen debellauit, ita vt ipsa Inno apud Senecam Herc. fur. 41. fateatur: *minor labor est Herculi, iussa exsequi, quam mihi iubere.* — 44. Pergit Iason interrogando, quod facimus adfectu pleni. *sine te, Thespiade, Tiphys*, nos *vlla mouebimus remis* agitabimus aequora? — 46. *Pleiadum globos*, quoniam septem vnum sidus conficiunt, (glomerabile sidus ap. Manilium 4, 523. *densae Pleiades* (Gruppe) infra 414.) et *agentes nautarum duces noctibus Arcatos.* — 47. *Cui digno, tecum comparando Minyas caromque*, quae tantae tibi curae erat, *ratem, cui sidera, seruandum coelum tradis?* — 48. *Carpere securas quis iam iubet Aesona noctes?* faciat, vt secure dormiat pater mens. — 50. *admotis nimium mens anxia Colchis*, eo magis sollicita, quo propius ab Colchis absumus, *heu quantum Phasis, quantum Aea recessit!* (Metaphora sumta ab iis, qui, quum portum in oculis habeant, denuo in altum proiiciuntur) quam fero saltem nunc eo perueniemus. — 52. *Nunc quoque, si tenui superant in imagine curae*, si manibus post mortem aliquis sensus est et cura rerum terrestrium, *adsis umbra venturi praescia coeli rectoremque mouens*, tua siderum coelique vicissitudinum peritia adiuna subcessorem tuam. — 55. *sola, separata, diuersis rogis cremata videt, virorum ossa flammis labentibus*, in cineres confidentibus, sed *caras*, ait, *humus non diuidet umbras reliquias, nec separe separata conteget urna, sed simul, vna inclusas.* — 60. *reliquias socii de-*

fletaque nomina miscent, cineres vtriusque vna reponunt vna, eidemque vnae vtriusque nomen inscribunt.

63. Gubernatoris munus nunc ambiunt Ancaeus, Nauplius, Erginus. — 64. *Erginum fato, effato, voce monente vocat ipsa* sibi eligit *quercus fatidica*, Argo (cf. 1, 2. et 102.) et *ad tonsas*, remorum officium *rediere victi*, qui repulsam tulerant, *magistri*. (Apollon. Rhod. 2, 898. Ancaeo gubernaculum tradit.) — 67. *Ac ille Erginus, velut taurus, cui gregis cessit regia potestas, honos ducendi (regnans taurus Statio Theb. 6, 596.) fertur ouans, incedit superbus; primo laetus sic tempore rector ingreditur cursus*, statim ab initio secundis ventis usus est. — 70. *dat candida certam nox Helicen*, tam serena nox fuit, ut vrsa maior tutam nauigationem promitteret. — 71. *Iam prora fretum commouerat, secuerat, intrauerat, et iam puppe sedens placidas demiserat ancora terras*. Obfendit Burmannum, quod puppi ancora detur, quam semper de prora proiecerint veteres. Fortasse tamen Valerius non ad priscam illam Argonautarum, sed suam respexit aetatem, qua de puppi aequae ac prora iactas esse ancoras docet locus N. T. Act. Apost. 27, 29. 30. quem adduxit vir doctus (Iortin) in Miscell. Obsl. T. 4. p. 171. *placidas terras*, quae tam amice eos exceperant.

73. *Inde, premente, vela inflante, secundo Noto tristes Acherusidos vndas*, de quibus vide 4, 595. *praeteriit, et festa vulgatum*, inclytum nocte *Lyaei Callichoron*, fluvium Paphlagoniae, ad quem Bacchus ex India redux quieuit. cf. Ammian. 22, 8. *His enim Bacchus in vndis Eoo sanguine*, in bellis proeliisque in Orientis regionibus adperso rorantes madentes *abluit thyrsos*, hastas hederis intertextas. (Virgil. Ecl. 5, 31. foliis lentas intexere mollibus hastas.) — 77. *Illum post acies rubrique nouissima claustra aequoris*, post bella ad extremos vsque Orientis fines, mare Indicum, prolata, *hic resides intermissos* (v. ad 3, 540.) *thiasos*, saltationes, choreas renouantem, *hic aera, tympana mouentem pulsantem, vdaque vino leuiter conspersa pampinea nectentem cornua* (cf. 1, 726. 2, 272.) *vitta*, (alias mitra, vti 2, 271.) *meministis aquae*. — 80. *Boeotia qualem Thyas et infelix cuperet vidisse Cithaeron*. Hic igitur ad Callichoron mitis atque placidus fuit Bacchus; longe alium experta est Boeotia Thyas, Agave, quae filium, Thebanorum regem Penthea, Bacchi sacra contemnentem,

furore acta cum aliis Maenadibus in monte Boeotiae Cithaerone membratim discerpserat. cf. 1, 726.

80. *Fama improba*, laboriosa semper, numquam otiosa volat, celerrime penetrat ad extremos manes ad inferos, et magnis natorum laudibus inplet. — 84. *venturam coelo fatis melioribus Argo*, — 85. *addita iamque fretis repetens freta, iamque ferentes Cyaneas*. Versum 84. *venturam* etc. vncis, vt spurium, inclusit Burmannus, et vnus tantum alteriusue codicis auctoritate ille nititur. Sunt etiam, qui versum 83. eiectum malint, et vtrumque fateor abesse posse. Sed nihil forsan mouendum, immo interpretatione iuuandus locus. Cohæret nempe cum v. 71. vbi Argo ad Acherusias vndas venisse narratur. Huc igitur fama v. 82. ad inferos nuntiat, eosque magnis natorum laudibus inplet, res a filiis nepotibusque superstitibus præclare gestas enumerat, *repetens*, in memoriam renouans, *venturam coelo*, mox adfore in terris superis, (nam sic *coelum* sæpe vsurpatur, et de re adspectabili sermonem esse suadent v. 86. *adtollere vultus* et v. 89. *spectacula*) *fatis melioribus*, cui Dii ipsi faueant, *Argo*, nec vana sese olim nuntiasse, *addita iam fretis freta*, plura iam maria eam traiecisse, *iamque ferentes Cyaneas*, Symplegadas eam tulisse, tolerasse, concessisse transitum. Possis etiam *repetens* de fama loquaci adcipere, quae, non semel narrasse res nouas contenta, pluribus, quicumque audire velint, easdem obtrudit; priorem tamen illum sensum praetulerim: ad quem eruendum ponticulis aliquot vsus me esse ipse sentio, sed meliora nunc non habeo.

86. *Ardent avidos spectandi cupidos adtollere vultus* (ii) quos pietas, amor erga natos, vel tangit adhuc quos aemula virtus, si qua locum adhuc apud inferos habet laudum aemulatio. — 88. *Fata*, quae manes prohibent inferis excedere, vel vultum ad coelum extollere, *inmota manent*, mutari non possunt; *unum*, qui litore in illo conditus, sepultus erat, sed Styga nondum transierat, *ad carae natorum mittunt spectacula turbae*. — 90. *It Sthenelus*, cui hanc veniam a Proserpina datam esse narrat Apollonius 2, 911. *qualem*, ea ipsa forma, qua *Mquortia* vidit *Amazon*, qua comes Herculis in bellum contra Amazonas iuerat, *cumque suis comitem Alcides vt condidit armis*, iisque ipsis armis, quibuscum Hercules eum terrae mandauerat. — 91. *talis igitur ab aequorei aggere busti*, tumulo ad litus adgesto *consurgens emicuit*, subito adparuit,

fulsere undae, lux inlustravit mare, *sol magnus ut orbem tolleret*, haud secus ac si sol oriretur, *aut nubem quateret polus*, fulgur excuteretur nubibus. — 94. *atque eadem vixdum visa viris*, vix adparnerat hoc ostentum, *atra nox protenus abstulit umbra*, evanescit, noctisque redeunt tenebrae. — 96. *Ille dolens repetit altum Chaos ad inferos* regreditur tristis. (Chaos hoc sensu supra aliquoties 1, 831. 2, 86. cet.) *Omnia*, hoc ostentum *dum stupet Mopsus*, tumulum *adspicit procul in prima aëta litore*, unde conligit, manes aliquos adparuisse, *obnubensque caput*, velato capite, quod sacra facientibus in usu fuisse norunt omnes, *cineri dat vina vocato*, manibus euocatis vina libat. — 99. *carmina quin etiam visos placantia*, quae placarent *manes Odrysius*, Thrax Orpheus *dum rite mouet*, mixtoque *sinantem perculit ore lyram*, ad lyram canit (carmen agit est 1, 783. et 4, 87. quem locum in primis conferas velim) *nomenque reliquit harenis*. Obscurius dictum. Possit esse, adscripsit nomen tumulo. Veri tamen est similis, Valerium sequutum esse Apollonium, qui Orpheam narrat lyram suam Apollini dedicasse, unde loco illi nomen Lyrae haeserit.

102. His ita a Mopso et Orpheo peractis, *altius in ventos recipit ratis*, quod sensum vix fundat. Cuius loco quum amicissimus nuper Herelius Ep. crit. p. 70. coniecisset *rediit*; similemque adduxisset locum infra v. 712: *protenus in proram rediit ratis*, Ruhnkenius autem ad Vellei. Paterc. Lib. 2, 70. 2. hanc coniecturam comprobaverit, in honorem duumvirorum praestantium in contextum recepi *rediit*, hoc sensu: litore relicto altum vocantibus ventis repetiit, *ac fugit omne Crobiali*, urbis Paphlagoniae, *latus*. cf. Apollon. 2, 942. *et fatis tibi, Tiphys*, negatum Parthenium, fluvium eiusdem tractus, *ante alios Triuiæ Dianae qui creditur amnis fidus*, carus, cuius adcolae Deam in primis colebant, *et Inopi materna gratior vnda*, ipso Inopo, insulae Deli natalis suae flumine, (cf. Callimachum hymn. in Dian. 171. in Delum 206.) *gratior*. — 106. *Mox etiam Cromnae iuga*, castellum in monte situm, *Cytoronque*, montem et urbem Paphlagoniae (Apollon. 2, 942. *Ὀλγύρα*, syluosam) *pallentem*, ob magnam ibi crescentis buxi copiam, (Virgil. Ge. 2, 437. et iuvat *vndantem buxo* spectare Cytoron) *pallorem autem buxo tribuere solent* poetae v. c. Ovid. Metam. 4, 134. *ora buxo pallidiora*. cf. eumd. 11, 417. — 107. *teque cita*, properante *carina penitus condunt*, post se relinquunt *Erythia*. Magna

scriptoribus antiquis in huius loci nomine varietas. Valerii codices omnes in *Erythia* consentiunt. Fuerunt vero scopuli istius regionis ita dicti, ad quos seriori aetate celebris vrbs Amastris est condita.

108. *Iamque reducebat noctem polus, alta Carambis, promontorium, (hodie Cap Pisello) raditur, praeteritur, legitur, et magnae pelago tremit umbra Sinopes.* Egregia pictura, cuius veritatem in arboribus aliisque aquae imminentibus videre est, quorum imago ob tremulam aquam tremere ipsa videtur. Vberius hoc pingentem vide Aufonium Mosella 190 sq. — 110. Haec *Sinope*, Milesiorum colonia, magnae olim famae vrbs et totius Ponti Euxini emporium celeberrimum, v. in primis Mannert Tomo 6. Fasc. 3. p. 11. *opima, diues Assyrios Lencosyriae amplexa sinus, Nympha prius, Asopi fluvii filia, coelicolis inmota procis, quae ipsorum Deorum amorem repudiavit, nec solus Halys, Deus fluviiatilis, nec solus Apollo fraude eius deceptus, quae blandos adeo Iovis luserat ignes.* Apollonius 2, 948. Ζεὺς ὑποσχέσῃσι δολωθεῖς, suis ipsius promissis elusus: nam quum, quidquid vellet, petendi arbitrium Sinopae dedisset, haec perpetuam petiit virginitatem. De Haly et Apolline pari fraude circumventis vide eundem Apollonium.

114. *Casu benigno factum, ut in hac vrbe novi Argonautis comites adcederent, Autolycus, Phlogius et Deileon, socii antea Herculis. Vagus hos ibi fixerat error, post longos errores sedem ibi collocaverant.* — 119. *nova dux adcedere gaudet nomina* (de personis saepius noster) *desertos et iam sibi currere remos numerum remigum his subpleri.*

121. *Transit Halys, maximus minoris Asiae fluvius, in Pontum se exonerans, (hodie Turcis Kifil Irmak, Mannert 6, 2. 452.) longisque fluens anfractibus Iris, (nunc Lirio) post Halyn maximus. Mannert ibid. p. 444.* — 122. *faeuque medio sale murmura voluens, inpetum aquarum, ubi mari se immiscuerit, diu retinens* (Orpheus 735. βάλλον ἐπ' αἰγιαλὸν θινὰς ἀλιυρίας ἔλκον, pro quo Slothouwer l. l. recte, ni fallimur vterque, ὄλκον) *Thermodon, hodie Terme* (Mannert p. 442.) *Gradiuo Marti sacer, et spoliis ditissimus annis, quod quomodo intellegendum sit, docent statim sequentia: equos et secures, arma hostibus derepta votas ex voto ei iniiciunt ex bello per Caspia claustra, a meridie Caspii maris sita, redeunt Amazones, vera propago sanguinis, est ollis genitor Deus, verae sanguinolenti patris*

filiae. Quid? si incisum post *sanguinis* tollas, vt ad Deum referatur (Deum sanguinis) vel interpunctione retenta *sanguinis* bis sumas? — 127. *Hinc*, ab hac Amazonum sede *magis alta Ilæmonidae Argonautae petiere*, et monitus non temnere Phinei 4, 602 sq.

129. *Iason* interea a comitibus nouis, vt Herculis cum Amazonibus pugnas narrent, petit. — 132. *vestras memorate manus*, quid vos ipsi strenua manu feceritis. — *Aegro corde*, ob deliderium Hercules audit *syluas*, currus (non adeo stricte sumendi, nam equis decertasse Amazonas novimus, vide 4, 608. currus tamen etiam Euryalæ datur 6, 370.) *bellique labores*, pericula *virginei*, exciderit equo moribunda *frenis quæ prima remissus*. — 138. *vtque securigeras stimulauerit Ira*, Bellona, Enyo 4, 604. *vt sleturus pater Mars*, quantus *duce in ipsa*, Antiopen dicunt, *terror*, qui *furor in signis*, (clypeis galeisque terribiles addebant formas, quibus et ipsis timorem iniicere hostibus volebant) *quo baltens arserit*, splenduerit *auro*.

141. *Nocte sub extrema*, aurora iam adpropinquante *clausis telluris ab antris subterraneis peruigil*, per noctem, qua alii omnes dormirent, continuatus *Chalybum malleos vibrantium labor*; *arma fatigant*, repetitis ictibus vexant ferrum, donec, quam volunt, formam induerit. Sic saepe poetae *res ipsas fatigatas* ponunt. Virgil. Aen. 8, 94. *olli remigio noctemque diemque fatigant*, noster infra 602. *diem noctemque Marte fatigare*. 3, 21. *fatigare syluas*, 2, 110. *sama fatigat terras* — 143. *ruricolæ, Gradive*, *tui terræ tibi sacræ incolæ: sonat illa creatrix prima manus belli in omnes terras crudelis*, primi fuerunt Chalybes, (in quo tamen non omnes consentiunt,) qui arma procuderent, quæ tantam stragem in orbe terrarum ediderunt, *nam prius quam dura cubilia venas ferri ignoti aruerent*, indagarent, *ensesque darent*, *ocuderent*, *odia aegra*, debilia, infirma. *sine armis errabant*, *iræque inopes in-expletæ*, et *seguis lenta Erinnyis*, vindictæ cupido. Ter idem dicit luxurians poeta, simplicius Horat. Serm. 1, 3, 100. *glandem atque cubilia propter Vnguibus et pugnis*, *dein fustibus*, atque ita porro *Pugnabant armis*, quæ post *fabricauerat usus*.

148. *Inde Genetaei rupem Iovis*, promontorium ad fluvium Genetum, vbi templum Iovis Xenii. Apollon. 2, 1011. *Γενηταίου Διὸς ἄκη*. Mannert 6, 2. 393. *hinc Tibarenum virides lacus*, arboribus cinctos *post terga dant*, *vbi seta*

mulier puerpera partu soluto, infante in lucem edito maritum *deside mitra ligat*, in lecto otiose decumbentem mitra ornat, et fouet cibus corroborantibus, quasi aegrotum recreet. Sumsit Valerius ex Apollonio 2, 1013. αὐτοὶ μὲν (ἄνδρες) στενάζουσιν ἐνὶ λεχέεσσι πεσόντες κράτα θησάμενοι, καὶ δ' εὖ κοινοῦσιν ἐδώδῃ ἄνδρας ἢ δὲ λοστρά λεχῶνα τοῖσι πένονται. Idem narrat de incolis Cyni (Corficae) insulae Diodor. Sic. Lib. 5. c. 14. T. 3. p. 279. ed. Bip. de Cantabris Strabo Lib. 3. p. 440. ed. Siebenkees. — 151. Vos quoque non notae vela carinae, naudem, qualem numquam viderant, mirati Miosyni, aliis Mossynoeci (in ligneis aedibus habitantes a μόσσον ed. οἶκος Apollon. 2, 1017. δούρατέους πύργους ναϊετάουσι. Mannert 6, 2. 427. — vos et stabulis ab altis in montibus habitantes Macrones, Mannert 6, 2. 397. et 418. Byzeres vagi, nomadicam vitam agentes. Mannert ib. p. 397. Philyraeque a nomine dicta litora, quae cornu pepulit Saturnus equino, Philyres, nomen trahentes a Philyra, Nympha, Oceani filia, ex qua Saturnus in equum conuersus Chironem Centaurum suscepit. *Pepulit litora*, ad istas oras venit. cf. Apollon. 2, 1231 sq.

155. Ultimus inde finis et Caucasus saeuum Promethei cubile. Ille dies forte etiam Herculem in has regiones tulerat Titania fata morantem, Promethei malis finem inpositurum. — 158. iamque aspera, rupes nisu, magna cum contentione conuellens Hercules, veteris cum strage pruinæ, ita vt, quae montem diu incrustauerant, niues deuoluerentur. Vincula prensa manu saxis adduxerat imis post se traxerat, arduus cacumen montis ascendens, et laeui grauior pede, toto corporis pondere laeno pede innixus, vt reliquis membris eo fortius ad vincula saxis euellenda vteretur. cf. Virgil. Aen. 7, 689. et ibi Heynii Excurs. 8. p. 153. — 162. summo pariter cum monte sequuntæ incubuere trabes, montis cacumen simul cum abreptis arboribus suis procubuit, prostratum est, abductaque flumina ponto, ita vt effluxus in mare impediretur, vt alueum mutarent. — 166. Horruit immensum Ponti latus, tota Ponti Euxini Asiatica pars, horruit omnis Armeniae praetentus Hiber, tota Iberia ante Armeniam sita, penitusque recusso, commoto, retro acto aequore Cyaneas Minyae timuere relictas, adhuc exsistere atque conlidi credebant. — 169. Tum gemitu, stridore, sonitu propiore chalybs, chalybea, ferrea vincula Promethei (sic recte Maserius explicuit, nam quae hic narrantur, vno eodemque loco facta —

chalybs sonans — *rupis labor* — Titan vociferans; Chalybum vero natio iam remotior) *denfusque labor*, creber, repetitus gemitus *montis reuulsis rupibus*, quod magnam sui partem euullis saxis abreptam sibi videret, (epica audacia!) *et graue Titan* Prometheus *vociferans*, *fixos scopulis dum vellitur artus* (Graeca dicendi ratio pro: dum artus scopulis adfixos euelli sibi sentiret.) — 170. Argonautae rei ignari — quis enim Herculem in montibus illis esse suspicaretur? *quis dimissa vota retentet*, spem Heraculis recuperandi dudum abiectam denuo concipere ausus fuisset? — pergebant in itinere. — 174. *tantum mirantur ab alto discussa effusa niue sterni, simul ingentem moribundae desuper umbram alitis*, moles vulturis fatis aucta, qui ex aere decidens latam umbram proiiceret, *aurasque atris rorantes imbribus*, sanguine nempe vulturis ab Hercule confixi. Nimis certe poetice, et ultra fidem, ait Burmannus. Sed vix aliter explicari possit.

178. *Sol occidens propius flammabat aquas*, Oceanum, *extremaque lux vespere coeperat* diu optatos Colchos ostendere. — 180. *magnus ubi aduersum spumanti rapido* (4, 616.) *Phasis in aequor oro ruit*. — *Cuncti pariter loca debita*, fato sibi destinata, metam laborum noscunt, *signaque commemorant emensasque ordine gentes*, quas praeternauigandas praedixerat Phineus 4, 561 sq. *dantque ratem fluuiio*, intrant. — 183. *simul aethere plena corusco*, lucida nube circumfusa *Pallas, et alipedum* (cf. v. 612.) *equorum iuga currum Iuno sistit*. Virique Deae equos curribus iunctos dant poetae: *Iunoni* Homer. Il. 5, 720. Virgil. Aen. 1, 17. *Minervae* Callimachus in Pall. v. 2. Horat. Od. 1, 15, 12. cet.

185. Ac dum prima Iason subit ostia *gravi pulsu*, remis concitatis, *populeos flexas*, populos, arbores, in orbem confitas, *tumalumque*, monimentum *medio aggere cognati* videt *Phrixi*, quem iuxta Pario candido, (nil amplius, nam Argonautarum aetate Parii marmoris statuem in Colchide quis quaerat?) *marmore, marmorea statua*, quae et ipsa Argonautarum aetate recentior, *sit soror Helle*, hinc *saeculae formidine moesta nouercae*, inde *maris*, cuius Helles facies ita erat ab artifice efficta, ut altero oculo obliquo videret retro, an forte nouerca persequeretur, altero timorem maris proderet vultu, *pecudique arieti timens inponere palmas*, manus. Geminam huic Helles imagunculam vide supra 1, 282. 290.

191. Sistere hic iubet Iason, *ceu Pagasas*, Thessaliam, patriumque intrauerit annem. Ipse graui *patera sacri libamina Bacchi*, (vinum manibus defunctorum libatum aliquoties iam propinauit antea Valerius) *umbram Phrixi* euocat. — 195. *Per genus*, cognationem, *atque pares tecum mihi labores*, eadem, quae tibi subeunda, pericula, precor, *orsa*, coepta regas. — 197. *Tot freta, tot dure properantia sidera passis*, *Phrixe, faue*. Varia tentarunt ad lucem huic loco adfundendam interpretes, asterisco adeo; vt vix genuinum, notarunt. Mallem ipse Valerius mentem dilucidius exposuisset; nescio tamen, an tolerabilis existat sensus, si ita explices: *tot freta, tot dure properantia sidera*, grauiter, inclementer et subito ingruentes tempestates *passis* mihi et sociis *faue*. Freta et sidera pro tempestatibus sic poetis solita iungi, pluribus probat exemplis Gronovius Obsl. 3, 15. p. 427. ed. Platner.

199. *Tu quoque nunc, tumulto inani*, cenotaphio nequidquam, nam viuus adhuc, *condita, Diva maris*, Helle, *adue*, numeroque *adcede tuorum*, comitem te dare velis cognatis. — 201. *Quando egomet per te rursus*, per fretum, quod a te nomen traxit, Hellespontum *vehar?* *quando aurea vellera Seston* (quis vero non nouerit urbem ad Hellespontum e regione Abydi sitam?) *et infanctos*, in quibus tu periisti, *fluctus adnoscent?* — 203. *Vos etiam syluae*, vos *Colchidos hospitis*, hospitio me excipientis *orae*, vos *syluestria et ruralia numina*, *pandite*, edicite, *monstrate, diues*, aurea *ubi pellis micet*, splendeat *arbore sacra*, in luco Martis.

205. Nunc et Phasim sibi conciliaturus gratum animum promittit. *Tunc tibi, Phasi, proles Iovis secundi*, (Varia commenti sunt interpretes. Miror, quod nemini in mentem venerit: *multorum liberorum parentis*; adsensum saltem, quamquam non sine suspirio, Iuno praeberet: sed quum epicae dignitati non satis adcommodatus esset talis iocus, optimum forsitan est: omnium rerum auctoris) *orte*, qui fontem habes *niuali axe*, sub frigido septemtrionali coelo *Arcados Deae*, Callistus a Iove adamatae, deinde *Vrsae* nomine inter astra receptae, *fluvio modo quieto*, leni, placido *Palladium*, quam Pallas ipsa fouet, (Palladia pinus 1, 457.) *ratem*, nec *dona*, nec *arae* deerunt in patria mea, *veneranda effigies* te manet, *quam magnus eadem amplitudine qua Enipeus*, Thessaliae, *et quantum pater Inachus*, totius Graeciae celeberrimus fluvius *iacet antro*

aurato. Antra omnino Diis marinis assignantur. Ovid. Metam. 2, 268. *Ipsum quoque Nerea fama est Doridaque et natas tepidis latuisse sub antris.* Ceterum auratum antrum nimis liberale, nisi de monumento fluvii ad ripas exstructo intellegere velis, in quo fluviiatilis Deus urnae nixus ad limen antri ornati recumbens conspiceretur.

211. *Dixerat, atque illi* (παρέλκει, vt saepe Dativi pronominum, vel potius redundare tantum videtur; h. l. subest haec notio: ita felix fuit, contigit ei, vt cet.) *sine dextra* magistri, sponte, non dirigente gubernatore *protenus in proram rediit ratis os pontumque tuens*, convertit se, vt prora ad Phasidis ostia et mare spectaret, *omino certo*, quod Iasoni certum laetumque omen erat, fore, vt aliquando reuheretur, *vt promittis, utque vocas, reuehamur.*

216. *Arma*, si forte adcolae hostile quid moliantur, *iubet depromere socios Iason*, deinde *vinum*, quod casus firmet in omnes, quo animum erigant obfirmantque adversus omnem timorem; *rapta Ceres*, cibos cito parant, longoque ordine in viridi confident ripa.

218. Iam vero, laboribus in mari superatis, Iasonem poeta in continenti pericula subitum canere suscipiens, in auxilium denuo vocat Musam. *Incipe nunc alios cantus, Dea, visaque vobis*, tibi et reliquis Musis (hunc saltum a Singulari ad Pluralem faciunt et alii poetae, Virgil. Aen. 9, 525. *Vos, a Calliope, precor, adspirato canenti.* cf. infra 6, 34. conl. 41.) *Thessalici da, memora bella ducis.* —

220. *Ventum ad furias, insanos amores, infandaque, nefanda foedera natae*, aduersus patrem conspirantis, et *horrenda trepidam sub virgine puppim*, cohorrescentem ad ingressum virginis veneficae, quam scelestam si veheret, metuebat ipsa iram Deorum, vti Ioniae prophetae comites. cf. Horat. Od. 3, 2. 26. *vetabo sub iisdem sit trabibus, fragilemque mecum soluat phaselum.*

223. Ante vero, quam haec adgrediar, *infidi Soligenae*, perfidi Aeetae *doli astusque* narrandi sunt, *falli a Iasone, relinquere a Medea meriti.* — 225. *Inde canens*, altius repetens: *Phrixus senior iam fata laborati aevi compleverat laboriosam et aerumnarum plenam vitam exegerat*, mortuus erat senex *ab* (remotus ab, non ipsa in) *vrbe*, (melius tamen, quod vult Burmannus, *in vrbe*, vti Apollon. 2, 1151. γῆραιος Φρίξος ἐν Αἰλίῳ ὄρεισι.) — 227. *Illius extremo sub funere magno aries*, qui Phrixum et Hellen vexerat, *adparuit astro.* v. Herrmann Handbuch

der Mythol. Th. 3. S. 277 ff. — 229. at vellera Martis in umbra, luco, ipse Phrixus monimentum periculi reliquerat, ardenti quercum complexa metallo, aureo splendore ex arbore suspensa. Metallum sic saepe ponunt simpliciter pro auro. v. Lucanum 9, 364. — 233. Effigie vasta — ingenti voce. Sic defunctorum manes specie maiores in somniis sistunt poetae. — 236. oblata generum mox prole petisti, filiam Chalciope in matrimonium dedisti, ex quo adparet, Valerium non sequutum eorum sententiam, qui Phrixum ab Aeeta interfectum traderent. cf. ad 1, 44. — 237. Tunc tibi regnorum labes luctusque supersunt, magno numero grauesque imminent, rapta quum vellera fuerint soporato luco, dracone, luci custode, in somnum dato. — 239. Praeterea quae nunc infernae Dianae Hecatae sacra sacerdos Medea castios (Hecates enim sacerdos debebat esse innupta virgo, Apollon. 3, 640. ἄμυς παρθένη μέλει, vbi Brunckius in notis prouocat ad Callimachi Lavacr. Pall. 34.) fert ducit choros, quemcumque procorum pacta sponsa petat, sibi eligat, maneat regnis ne virgo paternis, extraneus, peregrinus illi sit sponsus, qui secum abducatur, patriae, si maneat, si populari nubat, pestem. — 242. Admonere porrigere manu fatalia terga, vellus aureum visus, tum falso per insomnium tantum adparente splendore fulgor ab auro. aureus per summa tecti cubiculi currebat laquearia, lacunar (Täfelwerk). Eamdem imaginunculam, sed elegantius expressam ad animum Medae inconstantem adcommodat Apollon. 3, 756 sq. ex Apollonio Virgil. Aen. 8, 19: et Silius Ital. 7, 143. Sicut aquae splendor, radiatus lampade solis, Disultat per tecta, vaga sub imagine vibrans Luminis, et tremula laquearia verberat umbra.

245. Membra toris rapit ille, subito se proripit lecto, patriumque precatur Numen et Eoo surgentes litore currus, Solem ex Oceano iam prodeuntem. Haec tibi, Varie tentant Heinsius et Burmannus. Cel. Jacobs in Misc. philol. p. 80. epitheton solis latere suspicatur, ideoque lucide suadet reponi, nec obesse putat statim sequens omnituens, poetas enim, praesertim in precibus, epitheta solere cumulare. — 247. omnituens, vox rarior, quam praeter Nostrum solus Lucretius habet, alii plerumque cuncta videns — sparge tua lumina, vndique circumspicias, sen nostra manus, ciues, siue externa peregrinorum dolos molitur, struit opertos, clandestinos. — 251. Tu quoque,

sacrata rutilant cui vellera quereu, (in partes trahit Deum, cuius ipsius res maxime ageretur) *excubias, Gradive, tene, age, praesentia-luco arma tubaeque sonent, vox et tua noctibus exstet*. Burmannus *noctibus* explicat per *noctu*, et *exstet* per *superet*, ipsa arma nempe tubaeque. Mihi vero *noctibus* cum Heinlio suspectum videtur, locoque eius scripserim *montibus exstet*, exposuerim autem: longe audiatur. Ceterum omnia Marti tumultuanti apta: arma — tubae — vox inmanis.

254. Vix ea dixerat, *quum anguis Caucaeseis montibus labfus, haud sine mente Dei*, non forte, sed a Deo inmissus, *spiris refusis, diffusis, in longum extensis implicuit nemus, Graiumque procul respexit ad orbem*. Omen profecto malum!

257. Ergo omnes Aetes minas *praedictaque, praenuntiata* a Phrixo pericula *prohibere, arcere inuigilat, plena necdum inuenta*, nondum viro matura *thalamis Albani regis admittur*, desponsatur Medea. Albania hodie Schirwan.

261. *Territat urbem ante monens semper Deus*, Dii omnino, nec de singulari aliquo Deo hic cogitandum, et *data feri signa mali*. Animo Valerii obuerfatus esse videtur Virgil. Aen. 5, 524. *sera terrifici cecinerunt omina vates*, (vbi v. Heynium) sed non eadem temporis ratio; nam proxime instabat malum a Iasone; ergo *feri* est omnino *futuri*. v. Gronov. Obsl. p. 115. — 262. *reddi iubet vellus exitiale sacerdos, et Haemoniis terris Thessaliae infaustum mittere*. Quid discriminis *exitiale* inter et *infaustum*? Fortasse *infaustum* iungendum *Haemoniis terris* hoc sensu: Vbicumque hoc vellus est, exitium adfert; quo si liberemur, bene nobis! Sponte cedamus Thessalis. — 264. *Contra Sole satus rex Aetes negat, nec vulgi ciuium cura tyranno, dum sua sit modo tuta salus*. Digna tyranno oratio! — 266. Tunc *ordine regi proximus, secundus a rege, et frater materno sanguine, vterinus Perses* increpare virum; *sequitur duce turba reperto*, ciues iam diu turbidi regique suo infesti cupide ducem diu desideratum sequuti sunt. — 270. Rex *praecipitat, dispellit patres, Senatum, ipsum quoque Persea, talibus ausis spem sibi iam rerum imperii capessendi vulgi lenitate ferentem*. Spem sibi ferere. — exquisita, inusitata aliis translatione, in qua tamen fere omnes consentiunt codices; pauci praeferunt *ferentem*, quo tamen nihil admodum lucreris. Inuenta mihi bene metaphora videtur: semina quasi iecit, e lon-

ginkuo viam sibi praemuniit ad imperium suo tempore sibi vindicandum — *ense petit, fortasse ferit* ob sequentia *crudelia signa*, cf. 6, 75. *rapit inde fugam* celerrime fugit *Perfes, crudelia signa vulnera gerens ostentans, omnemque quatit*, excitat rumoribus *Arcton*. — 274. *magis cum milibus, quidni multis?* Et hoc singulare, ferri tamen potest, si memineris, numeros et quantitates et alias permutari. Quoties occurrit *ingens pecunia* pro multa? (cf. Propert. 1, 5. 10. *at tibi curarum millia quanta dabit cet. v. omnino* Ouwens. noctes Haganas p. 498.) — 275. *prima proelia frustratus*, primus in urbem inpetus quum male cessisset, *Marte remisso*, per inducias istas *debitus*, fatis destinatus *Acacis Iason* adpulit oris.

279. Iam nox ingruit, quod non noua quidem effert ratione poeta, sed iucunda et apta iis, quae sequuntur. Nempe nox *hominum duros labores miserata* cf. 7, 142. *retulorat fessis optata silentia* et quietem, non item *Iunoni* et *summi Iouis virgini filiae Palladi*, quae ambae intima secum consilia et sollicitudines sociabant. — 283. *Virgo prior: Cernis, bis fumendum: cernis Colchos, cernis proelia*, quo bello nunc ii premantur; quibus addimur armis? vtri parti adcedemus, vtram fouebimus? — 287. Cui Iuno: *dimitte metus, ne proelia forte hinc tibi grata negem*, noli timere, ne disuadeam bella, quibus tantopere delectaris, occasionemque tibi praereptam velim virtutis bellicae etiam hic exserendae; immo vero *manet ingens aegida tuam, manet meos iam sudor equos*. (cf. Horat. Od. 1, 15, 9. 10. *Eheu, quantus equis, quantus adest viris sudor!*) De curru Iunonis vide supra 184. — 289. *stat pectore fixum Aetae sociare manus*, scio perfida quidem eius corda, sed tum alia orsa consilia mouebo. — 293. *sint, precor, haec*, ita vero facias, ait Pallas, *tua namque mihi comitanda potestas*, tibi Deae maiori atque potentiori obsequendum, liceat vt dummodo liceat *Graecis reddere terris Aesonum caput Iasonem*, et puppim, quam ipsae struximus, *iactatam* per maria *tandem coelo nostro componere*. Hoc vltimum bene delectum, obpositum quippe *iactatae* naui.

297. *Talia tunc superi Deae pro laude hominum vt Argonautis rerum gloriose gerendarum campum aperirent, mouebant animo*. Longe alia Argonautarum fuit conditio, quibus *tristior numquam tantoque metu nox egesta* (cf. 8, 453. *vbi querelis egeritur dies*) traducta. — 301. *Cuncta*

adhuc ambigua et pendentia dubia rerum summa. (cf. supra v. 19. *cardo rerum summus*, quod idem est.) — 303. Praecipue Aesoniden incerta mens varios per aestus rapit undantem fluctuantem curis. Copia verborum idem prope significantium locus laborat: *incerta — aestus — undans — ac multa nouantem*, inconstantem, vix consilium ceperat, quum aliud in mentem veniret. — 305. Qualiter quum Iupiter *Pliadas mouens*, Pluuius ac Fulgerator, *coruscat*, fulgurat, *mixtumque sonoris* tonitrus imbrem, *horriferae niuem grandinem canis* albescentibus, spumantibus, *vbi tollitur omnis campus aquis*, aut *sanguinei magna ostia belli*, sc. mouens, quod ex antecedentibus repetendum, aut *altos duris fatorum gentibus ortus* (mouens). Haec ego, fateor, non exputo. Vir doctus, Iortinus in Miscell. Obfl. T. 4. p. 174. hunc versiculum nostrum spurium (quod vix crediderim, nam aut v. 308. requirit aliud aut) vel loco suo motum esse putat. (Vbique quaesivi, nec tamen inueni locum, vbi aptari commode possit.) Burmannus *altos* interpretatur reconditos, profundos, altius repetitos. (Quod nescio, an altius repetitum et contortum possit videri.) Pius iam olim inuenisse narrat in quibusdam libris *alios*, i. e. diuersos ab ordine causarum solitarum. Quam explicationem vti meam nolim facere, ita *alios* tamen adridet, qua lux aliqua tenebricoso loco inferri posse videtur; aliqua, inquam, nam plura sunt, in quibus caecutiam. *Ortus fatorum* subobscore dicti, et *duris gentibus* quid faciam, nescio. Duras gentes noui quidem esse, quibus natura non fauet, vitae necessitates non nisi magno labore sibi parantes, aetatem misere trahentes; quae tamen omnia huc non quadrant. In mentem igitur venit, ita versum constituere: aut (mouens) *alios duos fatorum gentibus ortus*, hac sententia: Qualiter Iupiter fulgura, imbres, grandinem cet. aut cruenta bella inmittit, aut *alias duras* (plures editiones habent *diris*, ergo *diras*, quod melius esset) calamitates oriri gentibus iubet. Totus locus is est, cui Valerius, si per aetatem licuisset, vti aliam omnino formam atque colorem daturus, ita comparisonem Iasonis cum Ioue, egregiam illam quidem et ornatam, hic tamen non satis aptam atque congruam fuisset animaduersurus. Quid enim? Vti Iupiter tonat, fulgurat, bella atque calamitates inmittit, sic Iason — curis agitur; quae, quaeso, in his est similitudo? Sed redeo in viam. — 310. Sic tum diuersis hinc, atque hinc

molibus (non motibus, vti volunt nonnulli, quod facilius quidem, sed minus poeticum esset) pondere curarum *anceps pectora dux crebro gemitu*, quem non infra dignitatem heroum esse veteres existimauerunt, (vide Homer. II. 21, 272 sq.) *quatit, optat et alium*, sollemni epitheto, iucundum, beneficium *iam iubar*, solis ortum, *et certi tandem discriminis horas*, quibus, quid vel expectandum sibi, vel timendum esset, cognosceret. — 313. *Tunc ad ora virum* (ad viros) *defixa solo coetuque silenti intenta* conuersus, *quod veterum*, inquit, *horruit aetas*, quod, qui ante nos vixerunt, ausi non sunt, id nos perfecimus, *adsumus en, tantumque fretis enauimus orbem*, tantam per tot maria emensi sumus viam. — 317. *Nec pelagi nos mille viae sefellerunt*, pericula experti sumus maris nobis praenuntiata, *nec fama sefellit*, verum esse deprehendimus, Aeten his in terris regnare, qui velleris aurei dominus est. — 319. *Ergo ubi lux altum sparget mare*, (Virgilii Aen. 4, 384. *et iam prima nouo spargebat lumine terras*. Homerus II. 8, 1. 24, 695. et alibi: ἦώς ἐλδντο πᾶσαν ἐπ' αἴαν) petenda nobis vrbs est. — 321. *Adnuet rex ipse*, sponte, quae petimus, *reor, spero, neque inexorabile*, quod precibus concedere nequeat nostris, (*exorabile carmen* est 1, 783.) *sin vero*, (posteriori syllaba conrepta, non sine exemplo, rectius *forte*) *respuerit, abnuerit, iam nunc animos firmate, quaque via*, modo atque ratione ad patriam vellera referamus — *stet procū et absit*, (tautologia, quam tamen et Ovidius habet Amor. 3, 14.) *in rebus arctis*, periculo premente *pudor*, reuerentia; necessitas enim caret lege. — 326. *Tum forte petit, legit nouem e sociis*, qui in urbem comitentur, et via proxima per Circes campum ad regem omnes contendunt.

Iam vero peruenimus ad eum carminis nostri locum, vbi Medea partes agere praecipuas incipit. Haud dubie vero hac maxime in parte feliciter elaborasse poeta censendus est, tam veris viuidisque coloribus muliebre depinxit ingenium, ita ad naturam adcommode exponit, quam vim habeant sensus, quibus nimis indulserimus, pugnam virtutem inter et cupidinem, et quo delabi femina, semel amabili illa simplicitate vitaeque innocentia deposita, semel exluto pudore, possit.

330. Medea igitur *forte Deum variis per noctem monstis*, somniis, quae Dii ipsi inmiserauerant, terribilibus agitata, *rapta toris lecto* se proripuit *ad primi Phoebe*, primae

aurorae *iubar placabile*, (nam tristitia somnia procurasse veteres eo inuenimus, ut Soli ea narrarent et auerruncanda committerent. v. Euripidem Iphig. in Tauris 42. 43. Sophoclem Electra 431. Virgil. Aen. 8, 68.) et *ad flumina horrendas noctes*, noctis terriculamenta *lustrantia* abluentia, auferentia *ibat*. — 334. Somnia ipsa narrantur, et ita quidem, ut, quae Medeam fata manerent, eo deinceps ordine praeuntenantur, quem poeta sibi in carmine sequi proposuerat, morte tamen praeventus exsequi omnem non potuit. — 336. *Visa pauens Hecates castis excedere lucis*, Hecates sacerdotium ponere, eoque virginitati renuntiare, *piique patris ora petere*, a cuius tamen amplexibus prohibet *pontus arduus* circumfusus; *frater* (Absyrtus) *insequitur*, *ipsa pueros*, e Iasone susceptos, (cf. infra 456 sq.) nihil eorum lacrymis mota, interficit. — 340. *seque tremendum spargere* defendi potest, magis tamen placet Wakefield ad Lucret. 3, 198. *seque, tremendum! spargere* cet. — *mox tamen lumina rumpit fletu*, flet ipsa. Sic *ῥῆξι οὐρανῶν* ap. Philostratum Icon. 2, 9.

342. *His minis turbata* Phalidem petit *aequali* eiusdem aetatis *Scythidum* virginum *comitante caterua*, qualis *Proserpina* *choros ducit per florea iuga verni Hymetti*, in monte Attico, verno tempore quum maxime viridi, amoeno, *aut Sicula sub rupe Henna*, ubi olim rapta erat, *hinc*, in Attica, *Pallados*, *hinc*, in Sicilia, *Dianae carae gressibus iuncta, altior*, procerior, *ac nulla comitum certante*, prius quam a Plutone rapta *palluit*, et *viso pulsus decor omnis Averno*, pallorem traxit apud inferos, ubi omnia pallent. — 349. Talis et *in vittis*, vittis ornata, *geminæ cum lumine taedae*, duabus facibus, quibus vel ad lustrationem uti vellet, in qua ignem etiam et sulphur adhibere solebant, vel in honorem Hecates, quam eandem fuisse cum Diana norunt omnes. Vti vero Dianae, quatenus inter superos venatrix versatur, faces praeferunt Nymphae, (v. infra 380.) et ipsa utraque manu facem ferens sistitur in numis, (qualem adtulit Spanhem. ad Callimachum p. 169.) ita eidem, quatenus est inferorum Dea, Medea sacerdos faces praetulisse putauerim; — talis igitur Colchis erat, *nondum miseros exosa parentes*, dum pietatem in parentes nondum deposuisset.

351. *Vt prima*, ut primum *ab extremi fluminis undis*, a portu, in quem fluuius descendit, *ab ostiis tacito, lento*, timidiusculo *passu procedere* videt viros, *substitit, et moesto*

nutricem adfata timore. En virginalis anxietas, quae timet, vbi nihil timendum! *quae manus* (timor auget numerum; non nisi decem erant) *certo ceu me petat agmine,* me, me quaerunt fortasse rapturi piratae, *mater,* mollius pro nutrix! *aduenit haud armis, haud umquam cognita cultu,* habitu armisque, qualia numquam videre memini. Locum igitur tutum circumspicimus.

357. *Audit grandaeva custos virginei pudoris Henioche, cultus cui primi aevi, iuuentutis cultura, educatio, cura tradita.* Noli timere, *externo iam flammea murice cerno tegmina,* purpureas vestes lucidissimi, vigentis coloris, *iam vittas frondemque inbellis,* pacem praeferentis petentisque oliuae, cf. 3, 424. *Graius adest.* Graeci sunt, quos vides, *Graio sic cuncta simillima Phrixo,* quem olim cognouerat.

362. Iuno contra Iasonem suum, vti Venus Aeneam Virgil. Aen. 1, 589. *cuius robur longissima cura magnique edere consumferant, debilitarant saltem labores, male noua, amplitudine, dignitate, et roseae florentis perfudit lace, iuventae.* Iam reliquos pulcritudine insignes Argonautas, *Talaum. Ampyciden* Mopsum, *astroque comantes,* quo vel ad sidereum os 4, 190. (cf. Spanhem. ad Callimach. p. 630 sq.) vel ad flammulam capiti a Iove additam 1, 569-572. respicitur, *Tyndaridas, Castorem et Pollucem, ipse Iason egregio supereminet ore.* — 369. *Non secus auctumno,* cuius initium ad Sirii ortum referebant veteres, (vide Varronem de R. R. 1, 28. *auctumni canis* infra 6, 607.) *quam quum magis asperat,* auget ignes Solis Sirius, *et quum nox accenditur* inlustratur *saeuo auro,* mala portendente splendore, *luciferas crinita faces* Graeco more, lucidos radios crinium instar emittens Cometes, (fundus Sirii est apud Homerum Il. 22, 26-30. Cometae iam iunxerat Virgil. Aen. 10, 272. vbi v. Heynium, iunxit iterum Noster 6, 607. 608.) — 371. *hebet,* minus splendet, obscuratur *Arcas* Bootes et *ingens Iupiter,* sidus Iovis, *ast illum tanto gliscere coelo ardorem magis magisque intendere nollet ager, nec vellet calidis iam fontibus amnes.* Et haec comparatio nimis quaesita.

374. *Regina, regia virgo Medea, quamquam pauebat,* (hoc auget poeta: *pavor — adtonito ore — silentem — exanimat*) *mirata tamen, paululumque reductis passibus insolito stupuit duce.* (Haud inepte Friesemannus: *insolito stupet in duce.*)

376. Nec minus Iason haeret in vna defixus. — 380. Dianam, si Dea es, conspiciere mihi videor, *Dianae has ego credo faces*, (v. supra 349. et Virgil. Aen. 1, 327 sq.) *renodatam pharetris* dissoluta ab humeris pharetra, *remisso arcu*, ac pace fruentem, a venatu otiantem, *ad sua Caucasaeas producunt*, longo ordine deducunt, comitantur *Nymphae*. — 383. *Si domus in terris*, si mortalis es, *felix prole parens*, multoque adhuc *felictor olim ille*, qui tulerit uxorem te ducere cui contingeret, *longis*, quod precor, *et te sibi iunxerit annis*. — 386. *Sed fer opem, regina*, peregre huc adsumus, *Graecorum procures*, aditum nobis pares ad huius terrae regem, *ac tu prima doce sandi tempusque* opportunum, *modumque ordinem legemque* in his terris regem salutandi visitatam. — 390. *Nam mihi Deus te dedit*, Deo, quicumque ille sit, adceptum refero, quod te habeam obuiam, *in te animos*, spem atque fiduciam, *sed et omnia nostra repono*, tibi me meaque omnia committo.

392. Dixit, et stetit *operiens trepidam*, timidiusculam, non habentem, quid illico responderet. *Illa sic orsa vicissim*, et ita quidem respondet, vt breuiter et vrbaniissime et amabili cum simplicitate, quid Iasoni agendum sit, enuntiet. *Quem petis Aeeten, genitor meus*. Ad quaestionem Iasonis, quae ipsa esset, Dea an regina, non recta respondet, sed modestius patrem nominat — *ipsaque iuxta* in propinquo sunt *moenia*, si biuios possis *discernere calles*, et hoc officiosum: breuissimam monstrat viam, non tamen se comitem obfert, ipsam (vti nec Nausicaa apud Homerum Odyss. 7, 260. Vlysses comitatur) sed pedissequam addit, sollicita, ne via breuiori aberret, et in castra hostilia incidat. — 398. Ipsa vero ad Phasidem pergit, *terrificaeque Nocti Hecatae* ad auertenda mala somnii omina *subplex sacra mouet*, facit, (cf. 3, 232. 540.) *sed inrita*, euentum speratum non habitura.

400. Iason *samula duce* *urguet iter*, sed aere septus, nebula tenui v. 466. inuolutus a Iunone, (cf. Virgil. Aen. 1, 410.) *ne prior Aetae nuntius adsit*. Iamque erat in media vrbe, *quum comes ita*: — 404. *Phoebe genitoris*, quem rex noster patrem veneratur *ad aras*, templum *uentum*, huc iam se de more *paternis adytis*, interioribus templi penetralibus v. 455. *rex feret*, hic *procures audit*, senatum habet, *populosque precantes adloquii facilis* (praesens pater admonet) *aequi*. Sic vulgata, quae tamen non satis placet, Obscendant in primis duo Adiectiva *facilis* —

aequi sine copula τῷ *adloquii* iuncta. Cui incommodo medelam adferri posse putem, si parenthesin post *aequi* demum claudas, hoc sensu: rex audit ciues precantes placido ore, facilis ad concedendum, quod petitur, *nam praesens pater* sol omnituens v. 248. *admonet aequi*, iustitiae aequitatisque rationem habere. Si quis tamen ita velit: *Adloquii aequi facilis*, i. e. adloquium ad aequum, nisi iniusti quid postulent ciues, facilis; non admodum refragantem me habebit, immo facilem, aequum.

408. Iason igitur cum comitibus properat ad istud templum *non aliter*, non minori cum veneratione, quam si Solem ipsum adirent, *verasque ipsas aeterni luminis arces*, palatium, quod pulcherrime describit Ovid. Metam. 2: ab initio: *Tale iubar per tecta micat; stat ferreus Atlas* in atrio? Apollon. 3, 215. ἐν προμολαῖς; quem omnino magnificentiam aulae Solis, aliter tamen, pingentem conferas velim. De toto loco Heynius Exc. 15. ad Virgillii Aen. 1. consulatur, qui v. 411. in *fastigio* templi, v. 417-465. in *foribus* expressas historias apud Colchos fuisse existimat, addito tamen hoc iudicio: "Sapienter quidem hoc Valerius, sed idem in operis summa infelix; non enim adparet, quorsum ista descriptio anaglyphi inserta sit." Ceterum non in valuis tantum templorum, sed in clypeis etiam, poculis, vestibis cet. res a maioribus gestas fuisse expressas, notum est. — 411. *Stat* igitur *ferreus*, firmus, inuicto robore *Atlas Oceano*, *genibusque tumens* *infringitur vnda*, fluctus franguntur ad genna, adluunt ea. — 413. *At medii per terga senis*, supra caput *rapit* concito cursu *ipse Sol nitentes*, pulcros *equos*, *curuo diem subtexit* expandit *Olympo*. (Desumptum ex Virgil. Aen. 3, 582. *coelum subtexere fumo*, vbi Heynius *subtexere* explicat *subfundere*.) — 415. *Pone*, paullo inferius, *rota breuiore curru*, arctiori spatio decurrente *soror Diana*, *Luna*, *densaeque condensatae in globum*, (v. supra 46.) *Pliades, et madidis rorant e crinibus ignes*. Longe melius aptiusque, quod suadet Heinsius, *imbres*.

417. *Nec minus hic* (mel. cum Heinso *hinc*) *varia dux laetus imagine* in varias areolas distincta *templi ad geminas fert ora fores*, valuas biformes, *cunabula gentis Colchidos hic ortusque tuens*, fata istius regionis ex vltima aetate repetita, nempe *ut I. prima Sesostris*, (cf. Apollon. 4, 272-281.) famosus ille rex Aegypti, totius fere tum cogniti terrarum orbis expugnator, *intulerit bella Getis, ut clado*

suorum *territus* post cladem a Scythis adceptam, (in quo Valerius sequutus est Herodotum 2, 10. et alios post hunc, v. c. Iustinum 2, 3. cf. omnino Bochartum Phaleg 4, 31. et Gesner. ad Orphea 751.) *hos* milites suos a clade superstitēs partim *Thebas* Aegyptiacas *patriumque reducat ad amnem Nilum*, *hos* partim *Phasidis* inponat agris colonos, *Colchosque vocari imperet*; illi, cum rege in patrium regressi *Arfinoen* petunt. Huius nominis urbem in Aegypto Argonautarum aetate nondum exstitisse, manifestum est. Quo factum, vt, qui notis inlustrarunt Valerium, varia excogitarent atque substituerent nomina, quae huic loco aptiora viderentur; Heinsius: *ast Meroen illi*; Burmannus *at Siron*, quo nomine Nilus aliquando obcurrit. Quibus adde Wesselingium Prohabb. p. 66. qui *at Sirbonem* lacum, Aegypti versus Palaestinam terminum, mauult. Ego vero nil muto. Anachronismi, vt aliis poetis, v. c. Virgilio Aen. 6, 366. *portus Velini*, sic et Nostro condonandi, nec sola haec est, quam sibi indulsit, temporum anticipatio, sed, vt alias taceam, infra 7, 118. vbi de eadem Aegypto sermo est, *Lagea naualia* commemorat, quae ad Alexandri M. tempora referenda. — Illi igitur *Arfinoen tepidaeque requirunt otia laeta Phari* insulae, *pinguemque sine imbribus annum vberem messem sine pluuiis*, quae rariores in Aegypto sunt. — 425. *Et* (melius, ni fallor, *hi*, vt obponantur praecedentibus illis) *iam Sarmaticis bracis femoralibus permutant carbasa*, tenues, linteas vestes. Alia tamen in mentem venit ratio textus, qui sic non satis placet, interpungendi. Fortasse Valerius scripserat: *Et iam Sarmaticis permutat carbasa bracis barbarus*, ita vt *barbarus* non ad sequentem *Phasin*, vt vulgata habet, pertineat, sed praecedentem Aegyptium. Sed video, Pium iam olim et Maferium et Bononiensem idem voluisse, ideoque recepi. Ceterum Colchos a conditoribus Aegyptiis lini conficiendi artem didicisse, et in peregrinas terras euexisse tradunt, Herodotus 2, 104. et Strabo 11, 762.

426. II. *Phasis* Deus fluuiatilis *Aean* virginem regiam, quae vrbi Aeae nomen dedit, *in patriis montibus venantem, sectatur amore furens: pauidas* (ipsa pauida) *iacit illa pharetras, iam deficit currendo lassā, ac volucris vnda celeri suo flumine victam Deus adligat, amplectitur.*

430. Sequitur area tertia. III. *Flebant populeae* in arbores populos (alii alnos) mutatae *Phaethonta sorores, ater et globus* corpus ambusti Phaethontis conglobatum, *in*

annuem Eridani trepidum tanto commotum pondere ibat, decidebat; At iuga vix Tethys, Dea marina, sparsumque reconligit axem partes currus disfractas, vix reconligit, mulcendo mitigat Pyroenta, Solis equum (vnus pro quatuor positus) formidantem patrios dolores, iram ob amisum filium conceptam.

434. IV. *Aurea quin etiam praefaga Mulciber Vulcanus, artifex arte vellera venturosque olim postero tempore caelarat Achivos. Texitur, construitur pinus Pagasea, Thesfalica. — 436. Eadem Dea Pallas remos flectit et habenas (vela?) ipsa subit operas, labores, nudaque vocat agmina dextra. — 439. Exoritur Notus secundus, fauens, et toto ratis vna (nam prima erat) profundo ceruitur. Odrysio Orphei carmine gaudebant, adrectis auribus ludebant circa nauem phoecae, delphines et aliae marinae belluae. — 441. Adparent trepidi Colchi clamantemque parentem procul linquens regina, filia regis. Has imaginulas per plures areolas dispersas fuisse, manifestum est.*

443. V. *Urbs erat hic contra, e regione (Pendant) gemino circumflua ponto, bimaribus Corinthus, vbi secundas cum Creusa nuptias celebrauit, ludus vbi et cantus, laeta omnia, laetaeque in nocte iugales, sponsa in thalamum deducta, regalique toro laetus gener Iason, quod ei Creon, Corinthi rex, filiam collocasset; ille priorem coniungem Medeam deferit, et vltices spectant a culmine triclinii, lacunatis Dirae, Eumenides. — 447. Descit, animi deliquium patitur coniux Medea turbata, proturbata, thalamo sibi debito eiecta a pellice, et, postquam omnes secum tacite dequesta, vehementer quæsta erat labores, pro Iasone susceptos, aerumnas, pallam, vestem talarem, et gemmiferæ domum exitiale coronæ parat, (Eurip. Medea 949. πέπλον καὶ στέφος χρυσήλατον) — et iam rutilis conrepta venenis Creusa implicat igne domos, non ipsa tantum, sed pater etiam et totum palatium conflagrat. Valerius eos sequitur, qui peruncta fuisse illa dona tradunt naphtha, quæ, simulac sole vel alio igne tangitur, ignem statim concipit.*

452. *Hæc tum iam olim miracula, mira atque portentosa struxerat caelauerat Colchis ignipotens Vulcanus, nondum illo tempore noscentibus, quis labor, quid hæc tam dira sibi vellent, quæ femina esset, aligeris anguibz auras secans, quod Medeam fecisse mythologi narrant, caedemadens filiorum e Iasone conceptorum; odere tamen, visusque reflectunt, auertunt, non sine horrore adspiciunt,*

456. *Quin idem Minyas operum defixerat error*, obscuritas adtraxerat, quum rex *penetralia* intraret, cum eo filius *Abfyrthus*, primis in annis, florens iuuenis *dignus auo Sole*, quemque *infontem meliora manerent*, meliori sorte dignus, quam quae ei postea temporis obtigit. — 460. *tum gener Stirus, Albanis qui aduenerat oris*, filius regis Albanorum, nuptias cum *Medea* acturus, *distulerant sed bella toros*, nuptias. — 461. *tum Phrontis et Argus Aeolidae, fraterque Melas et Cytisorus, filii Phrixi e Chalciope suscepti*, ad Aeolum genus referentes. vide Tab. genealog. I. — 464. *post alii, quos Titania tellus, Soli dicata, Colchis praecipuo honore patres, senatores legerat, motique, excitati ad instantia proelia reges, duces.*

466. *Admonet hic socios, nebulamque* (noli mutare in *nebula*, nam et alia eiusmodi verba, *exire, excedere cet.* et quantum et sextum adsciscunt casum) *erumpit, sideris ora ferens, pulcritudine insignis, noua lux obfusa Cytacis, Colchis, in templo Solis congregatis, nouus tamen splendor adcessisse videtur.* (audacius dictum!) *Conueniunt, rogitant, iterum iterumque exquirunt.* — 469. *postquam primis dietis inhiantia agmina, cupide exspectantia, quid Iason dicturus esset, propius tulit tyranno miranti orsa.* Sic ordines, velim, verba, hoc sensu: propius adcedens haec verba facit ad regem, audax facinus mirantem.

472 — 519. Oratio ipsa Iasonis modestiam miscet gravitati. *Rex Hyperionide*, fili Solis, quem ipsi *coelicolae* Dii dignum habuere, ad quem tot *per freta primam mitterent nauem, si Phrixus* gener nuper tuus, *nostro salus orbe*, popularis noster, de Thessalis Graecisve tibi narrauit, en tales adsumus. Ipse egomet cognatus Phrixi; *ambobus Cretheus et Aeolus auctor*: (de Aeolo recte, de Cretheo non item, quod non tam iactantiae Iasonis ipsius, quam liberiorum incuriaetribuendum. Valerio suum sibi restituisse videtur Burmannus ita: *Nempe mihi Cretheus, ambobus at Aeolus auctor.*) — 479. *Neptunoque.* Hic vero remotior est, Aesonis nempe, patris Iasonis, quodammodo vitricus. *Salmonis Nympha* est Tyro, Salmonei filia, mater Peliae. Pindarus Pyth. 4, 242. vbi Pelias Τυροῦς ἐρασιπλοκάμου γενεή. vide Tabb. geneal. Omnino poetae, vbi formosissimas antiquitatis feminas enumerant, haud facile eam omitunt. Vide v. c. Ovidium Heroid. 19, 131. et Propertium 2, 21, 51. — 480. *nec enses, nec arae paternae*, non timor patris, qui me, vt Phrixum Athamas, ad aras vellet

iugulare, nec tua nomina, famam, quamquam Graecis notissimam, sequi sponte; nam quis non iussus, nisi alius imperio coactus, tot monstra, pericula maris, Cyaneosque intrare fragores andeat? — 484. Immo Pelias, sceptrum tui tuto sub numine (sic posui cum Dorvillio ad Charitonem p. 573. ed. Lips. pro nomine) Phoebi maxima sorte tenens, cui omnium, quotquot a sole inlustrantur, amplissimum contigit regnum, cuius imperio parent tot creantia Divos oppida, tot Deorum incunabula, tot vigili pulcherrima flumina cornu: (Cornua fluminum pro fluminibus ipsis, sed cur vigil? Quod si sensum habet, non alius is esse potest, quam quem Clar. Lenzius excogitavit: aquam vivam et perennem habentia. Possis tamen etiam cum Heinsio reponere viridi, sylvis et pratis cincto.) — 487. Ille meum imperiis urget caput, vitae periculis me exponit, suus ut magnum rex spargit, modo in hanc, modo in illam terram mittit Herculem Sthenelo satus Eurystheus. — 489. Tamen aspera uterque perpetimur iuga, nec melior parere recuso, nec ego me meliorem Hercule puto, cui ipsius Iovis filio si talia perpetienda fuerint, cur ego recusem? — 491. Hic igitur Pelias auratae pecudis exuvias Aeoliae pecudis aurum 7, 54. perferre iubet. Haud timeo, me displiciturum tibi, qui haec Peliae iussa exsequenda susceperim, immo tibi gratia nostri sit, precor, meritique locus, gratiam spero habebis mihi, et in merito pones, quod te alium, quam quem Pelias speratque cupitque, promisi, non tam inimicem, quam ille te putat, credidi, et meliora tuae mihi foedera dextrae, te foedus amicitiae mecum initurum. — 496. Si petere hoc saevi statuissem sanguine belli, vi et armis, Ossa Pindusque, Thessaliae montes, naues dabant quotque milites ante sequuti reges duces nec audacem Bacchum (audax Liber Horat. Od. 1, 12.) nec Persea plures, quam me. — 499. Sed me nuda fides, fiducia tui, sanctique potentia iusti, persuasio, tantum apud te valiturum iustitiae atque aequitatis amorem, et medii sociatrix gratia Phrixi, memoriam Phrixi conciliaturam tuam mihi amicitiam, filiique eius, tui nepotes ex eadem mecum stirpe orti. — 502. Nec tamen aut Phrygios reges, aut Bebryciae arua spernendus non sine laude adii, seu fraude quis petiuit, ut Amycus, seu honore, ut Phineus et Lycus meos, me comitesque, sua cuique reddita dona (vox h. l. ambigua) pro merito quemque tractavi, Deumque nos genus (magnum Deum natos 1, 1.) atque ratem sensere

Minervae. — 506. *Vix tandem*, multis exantlatis laboribus, diu exoptatam Colchida adtigimus, *qualemque dabat te fama, videmus.* — 509. Possem equidem dicere, non aliena me petere, quum aureum vellus terris nostris, unde ad vos pervenit, debeatur, malo tamen precibus uti, *atque ea crede Phrixo dari.* — 512. Tandem haud leue pondus orationi addit — *munera.* *Munera victum per aequor in tot periculis maris vix servata adcipe: Taenarii, Laconici chlamydem, paludamentum de sanguine aheni, purpura tinctam, frenaque et adcinctum distinctum gemmis ensem.* (Acute Clar. Iacobs in Miscell. philol. p. 81. *adensum* i. e. *splendentem.*) *Hoc, hic ensis (δακτυλῶς) patrium decus, haec (chlamys) materni texta laboris, his (frenis) Lapithes adsuerat vltus est eques.* — 516. *Da iungere dextram, pignus amicitiae, da Scythicas sociare domos* (3, 14. *manibus datis iunxere penates*) foedus hospitii mutui ineamus; *sciat effera regis ira mei, audiat Pelias meus, quem, quam mitem atque placidum te Caucasus in axe horrifero sub coelo frigido sortitus, atque tuis quantum mitescat habenis, quantum proficiant te imperante in animorum cultura ciues.*

520. *Talibus orantem vultu grauis illo minaci iam dudum premit.* Sic scripsi pro *fremet*. Idem senserat Heinsius, eam ob causam, quod paullo post idem *fremet* sequatur. Recte; sed plura sunt, quae eliminandam eam vocem iubeant. Et primo quidem non video, quomodo *fremere* possit Adculativo personae summa sine duritie addi; deinde nondum iam iram exserit Aeetes, quod repugnaret statim sequentibus *furtis opertis* et comparationi *ab unda silente defumtae*; denique omnia, quae deinceps narrantur, *secum agit Aeetes*; nam v. 535. *demum Iasoni* respondet. *Talibus dietis orantem vultu grauis ille minaci ad seueritatem composito et austero premit, territat, et furiis ignescit opertis, ardet animus ira, quam tamen comprimit, dissimulat; ceu tumet atque ino sub gurgite concipit austros unda silens, fluuius alias lenis subterraneis ventis in fluctus adtollitur, trahit ex alto imo pectore sic barbaras iras; —* 523. *Et nunc* (ob, propter) *ausa viri, nunc sua prodita Graecis regna fremit, ira aestuat; facili sibi mente, tam amice, beneuole olim exceptum Phrixum dolet, et Scythiae periisse timores, contemni, nihili nunc haberi Scythiam, gentibus olim timendam.* — 527. *Nunc quassat, concutit caput, ac iuuenis spes ridet tacite secum inanes, quod vel-*

lera poscat ab angue, a dracone, tam diro custode. — 529. *Vrit*, angit et antiquae memorem vox praescia sortis, oraculum, cuius memor iam videre sibi videbatur, cur *Fortuna sinul*, vno eodemque tempore hinc *Perseu*, hinc *Thessalicam ratem* moueret, contra se excitaret, num debitus finis, fatum sibi destinatum haec agat, saeuaeque petant iam vellera *Parcae*.

533. *Interea*, quoniam belli cura prior, potior, fingit, format dolose, dissimilanter fera pectora placidis dictis ad verba placida, et sic respondet tandem Iasoni: Mallem alio tempore huc venissetis, grauis iam me adsidet hostis (infrequentior τὸν ἀσπίδου quarto casui iuncti vsus) frater castris me urget, (scepri sic omnibus una cupido). Voce omnibus tacite et oblique comprehendit ipsos Argonautas, in quo praeferendus Valerius Apollonio, qui aperte hoc iisdem exprobat 3, 375. et 597. — 539. *Quare age, cognatas*, cognatum enim te antea professus es, *defende terras*, nec rerum fortiter gerendarum occasionem dimittas. — 541. *namque virum fortem trahit ipso chalybs*, ferrum, enlis; non eget adhortatione, quem strenua manus ad pugnas rapit. Ad verbum expressa ex Homero Odyss. 16, 294. et 19, 13. αὐτὸς γὰρ ἐφέλκεται ἄνδρα σίδηρος, quae ad aliam rem adcommoauit Iuuenalis 9, 37. ἐφέλκεται ἄνδρα κλυαίος, vbi vide Cel. Ruperti. — 541. *tum victor*, quando victoriam a fratre tecum reportauero, *tum* (non odiosa, quod Burmannus vult, sed emphatica et huic loco aptissima eiusdem verbi repetitio) *meritis*, nam nunc temere petis, *vellera, nec sola*, aliis additis donis *dabo*. — 547. *Centra inscius astus* dolum insidiasque regis subesse non suspicatus Iason excipit, respondet ita, vt facturum se Iquidem, quod rex velit, inuitum tamen ostendat: *Ergo nec hic labor deerat*, et quali non satis per maria passus essem, *additus iste dies*, quo ad noua pericula provocor? Sit ita: *veniant super* (praeter) *haec bella quoque fato meo*, si fatum ita velit. — 546. *Non hunc parua mihi cuede luet* dolorem, *quasque dedit, luet ille moras*. Haec secum, saltem non audiente rege, dixisse existimandus est Iason; grauiter luet rex Aeetes hunc mihi inpositum laborem, grauiter luet, quas mihi obiiicit moras. *Tum Castora mittit ad socios*.

549. Ast illos mora longa curis impleuerat. *Ac simul vt* (vsitatus simul ac, auribus vero consuluit poeta, ne bis, poneret ac) medio campo conspexerant Castora, cre-

brior incussit percussit mentem pauor, o Iovis fili, fare, fare (vix exspectare possunt) *omnes vno ore exclamant, an patriam spes vlla videndi.*

553. Respondet Castor: *Nec ferus rex, inmitis, ut fama ferebat, nec vellus negat, sed bello pressus auxilium implorat nostrum; Iason igitur adcelerare omnes per me iubet, nec naui timeatis, longo nam tuta recessu puppis, et obposita e regione* (mel. forsan *adposita*, propinqua) *fluuius defenditur vrbe.*

559. Haud mora, profiliunt, quos *nec Rhipaea iuventus, Scythae, quos nec Iberi, nec tota Aurora, orientalis plaga suis pharetris sustineat, stetit explicito prius agmine pubes, experti, si (an) tela artusque sequantur, officia faciant, an, quas remis diu adplicuissent dextras, ad arma sequaces adhuc habeant.* — 564. *incita aura, ventus cristas quatit, mouet; variis floret, iucundum adspectum praebet via discolor armis.* — 566. *Qualis ab Oceano oriens chorus stellarum aethera nitidum vestit, qualibus adsurgens nox aurea cingitur astris.* Alteruter horum versuum abesse poterat, et acute Bulaeus coniicit, si poetae sint, secundis adhibitis curis, vter esset melior altero, eum electurum fuisse. Burmannus in posteriori editione *noctem auream* exponit *lunam*, cui tamen contrariatur hoc, quod Luna sit vna, Argonautae autem plures.

568. Illos Aeetes moestus iratusque miratur, temere, cupide, inconsulto *adsumtos belli comites, nec talia mallet robora viros fortes, quam medios hostem subiisse penates.* — 571. *Interea laeto patitur non recusat conuiuia vultu laetitiam praeferente similatam, et iuxta adcumbentem Iasonem magno cratere laceffit, ad bibendum prouocat, nunc sibi monstrantem natos Iovis Castora et Pollucem, oraque iuxta Aeacidum, Pelea et Telamonem, nunc ingentis Calydonis alumnos, Tydea et Meleagrum.* — 575. *Audit et Herculem nefando, infausto errore relictum, desectosque duces, Idmona et Tiphyn, terraeque marisque labores.*

577. Iason vicissim petit a rege, *ut tantis concita furoribus arma, occasionem tam grauis belli, et amicos ordine reges, duces* (Homeri *νοσπᾶντες*) *vel regulos vicinos enumeret.* — 579. *Asteriscum, ut suspectus, praefixum habet, sine causa.* Heinsius conrigit: *quis procul ille, humerum nodis cui baltheus asper subligat;* Burmannus locum nondum perfanatum existimat, quem ego integerrima sanitate gaudere video. *Quis procul ille virum (virorum) nobis*

(admirationem exprimit et cupiditatem noscendi hominem) quem balteus asper subligat, distincto bullis aureis balteo cinctus, et siricto adducto, ad sagittas mittendas parato stat proximus armiger arcu, ceu pugnam paret, et positas (paret) confundere, proturbare mensas. — 582. Contra flammigeri proles Perseia Solis Aeeies, mos huic est, continuis in promptu semper habere arma, semper meminisse pharetrae, numquam manibus eam deponere. — 585. amnigenam Choasphem, nomen habentem a fluvio Choaspe. v. Tibullum 4, 1. 140. Omnino enim, Virgilio praeunte, nomina militum, in primis ducum depugnantium, ab urbibus, insulis, populis, fluviis regionum, in quibus nati erant, desumpta. Sic in sequentibus a fluminibus denominati Odrussa 595. Iaxartes 597. Rhyndacus 3, 35. conl. 6, 220. — 586. bellatoris, ferocis equi potantem cerne cruores, equimulgum, nec tamen inmissis (Cic. ad Div. 10, 30. immittere equum 6, 303. admissis, vbi v. not.) laxatis hic segnior ibit habenis, alacer eques. — 588. horrida i. q. paullo ante aspera, cui variae figurae intextae, signis chlamys, et multa spirat coma flexilis, in cirros conlecta aura, odoribus. Croceos sic illius omnis iactat eques odores, vinctis sic est coma culta manipulis, peditibus; non ipse solum odoratos habet capillos, sed totius exercitus, totius adeo gentis hic mos est; sed nec sperne virum, tamquam mollem et effeminatum, et comitis diffide capillis, tamquam hominis inbellis. — 594. spoliis tigridis, pelle detracta, exuviis. Ille profundo incumbens mero (digito monstrat) cupide vinum hauriens a fundo, amorì bibens, ita vt ne guttula quidem remaneat. — 595. videsne alta comantem pectora, carnosia pectora hirsutum, et ingenti turbantem pocula barba (lepida hyperbole!) — 597. Hic et Iaxarten stupet hospes Iason dictis acerbis inmodicum linguaque grauem, linguae dicaci non temperantem, rixosum, cui nulla (hoc Heinſius mutare iubet in multa, ob sequens non. Nil opus est.) minanti irato, non superum Deorum, non praesentis reuerentia belli, vbi amicis parcere, iram in hostes potius profundere deberet. — 600. Non frustra magna superbo dicta volant, non inanis est iactator, vocem paria arma sequuntur, manu non minus, quam lingua promptus est; Marte diem noctemque fatigat, (v. supra 142.) atque vbi Rhipaea Scythica bruma flumina stupuerunt, exquisite, pro glacie constringi coeperunt, (Commode laudat Burmannus Plinium H. N.

14, 21. "Vini natura non gelascit, alias, ad frigus *stupens* tantum.") iam *pauidi cum prole, vxoribus et liberis Getae, iam peruigil excubiis positus Medus et obpositus eum expectat*, eius aduentum timet *Hiberia clausiris*, portis, angustis montium aditibus. — 607. Si memorare velim, prius *humentem roscidam lux aurora soluerit*, disiecerit *umbram*, noctem. Ornate pro: Sol prius oriretur. — 608. *Cras acies videbis et ducum regna, populos dissona*. Possis proprie sumere: qui diuersis linguis, dialectis saltem vtuntur, malim tamen ampliori sensu omnino discrepantia, diuersa, praesertim variis armorum generibus, quae in sequentibus enumerantur, nempe 609. *saxiferae surgat quibus imber habenae*, qui lapides imbris instar e fundis iaciunt, *quae iaculo gens leui apta, quae picta* (pictis) *pharetris*. — 612. *Vide et Euryalen*, Amazonum reginam, *alipedi celeri pulsantem proculcantem corpora curru*, quibus *exultat Mavortia* heroina *turmis equestribus*, et *quantum elata securi bipenni valeat peltata*, minori clypeo *latus sinistram munita, cara mihi et veras inter non vltima* (Λιτότης) prima, aequae saltem *cara ac naturales natae*, Chalciope et Medea. — 616. Tum vero Aetees libat *occiduo parenti Soli*, reliqui suis quisque Diis, vt in proelio adiuent.

619. Prius vero, quam ista in terris proelia committit poeta, velitationem verborum praemittit in Olympo exortam. *Ecce Gradivus* veniens a *Getis*, nam gentes ad septemtrionem habitantes Martem in primis coluisse notum est, *ingentem per Arctoa aequora trahens nubem tempestatem*, videt Argonautas, videt *ambitum*, audit adpellatum de vellere tradendo regem vellusque iam promissum. *Citus ad summi stellantia patris tecta ruit cum inpetu, questuque Iovem testatur obtestatur acerbo*: (cf. Virgil. Aen. 10, 16 sq. vbi Venus et Iuno coram Iove altercantur.) *Quae studiis, factionibus quies? iam mutua diu exitia*, nos Dii odia et inimicitias exitiales exercemus inuicem, et quare? *in solos hominum honores*, vt hominibus faueamus. *Teque, mi pater, ea cuncta inuiant*, miror, te his delectari posse, *rabidam* (Martiale encomium!) *qui Pallada coelo non abigis, neque femineis*, (contemtim) *ius obuiis ausis*, auctoritate tua ea non reprimis. — 629. *Non queror*, nam leue est, *exstructa quod vexerit ipsa carina*, adeo se abiecerit, vt manum ipsa rati remisque admoueret, *veheretque sperantem, inani*

spe inpletum Iasonem, vellera auertere. — 634. Non opus auxilio Colchis vestro, aut foedere vestro, quotquot Dii Deaque adestis, et Persen simul et Argonautas deposcimus hostes, virosque solus in me inscipio. — 636. Quin age (iam se conuertit orator ad Palladem ipsam) edic, cur tot gentes coeant in proelia? quid tuus Iason? (oratio abrupta, et cumulatim interrogationibus, quod facere solemus ira commoti) imus nos, et protenus quidem imus, et armis decernimus? — 639. Vel tu sola tacitis inopina tenebris polo labere, etiamsi furtim nebulis inuoluta in terram descendas, quantus ibi Deus, mecum tibi rem esse, experiere, nec illas adfiteris impune trabes, male tibi cedit, si ad lucum, templum meum, deprehendere. — 641. An Martia templa intemeranda minus, ideo violare liceat, quod mihi tacitis, silens, quietus locus, quod rudis agger, ara ex cespitiibus adgesta, et sola, solitaria, remota colimur si gentibus umbra, sylua, quod non tam magnifica templa habeam, quam alii Dii? — 644. Est amor et rerum cunctis tutela suarum, sum quisque, etiamsi non adeo magni pretii sit, amare solet et tueri. Et tibi, magne pater, terris donaria certant. Caue statuas hypallagen, ut dicere voluerit poeta, terrae donariis certant. Longe suauior magisque poetica est prosopopoeia: ipsa donaria certant, quod maxime placeat, adceptum sit Iovi. Est honor his meis etiam suus. — 646. Anne ego clara Mycenae culmina, templum Iunonis Argivae, virgineas praeder si Cecropis arces Palladi Athenis consecratas, iam coniux, iam (iucunda repetitio) te gemitu, nec gemitu solum, sed et lacrymis tenebit filiola querens? metuant ergo, nec talia poscant. Fallor, an eum verborum delectum habere voluit poeta, ut gemitus et poscant ad Iunonem, cui ut matri parcere Mars voluerit, lacrymae autem et metuant ad Palladem referenda sint? Sed hoc est argutari.

65c. Iam contra insurgit Pallas. Non tulit haec animis, quin longa silentia (os enim diu tenere, feminis, uti olim audiui, difficile est) rumperet, intridens strepitum minasque Gradivi. Non tibi Bistonidae, Thraeces, non Lapithae, quibus haec fera murmura, (rectius iurgia, quod Heinlius vult, murmuribus enim obstant praecedentes strepitus.) sed Pallas, quod grauius, quam si dixisset: Ego. — neque ego aegide digna, nec vocer ulterius proles Iovis, excidat iste ni tibi corde tumor, nisi hanc tibi superbiam iactantiamque excutiam; lituos mox armaque

faxo oderis, abicias, et primis bellis, proximo quoque proelio adiman tua nomina, gloriam bellicam. Satis diferte ac confidenter!

Hactenus ad Martem, nunc ad adfidentes Deos dirigit orationem. 657. *Quin simili matrem demens grauitate sequutus: Digna quidem, monstrum superis quae tale creauit.* Haeserat in hoc loco Burmannus, et grauitate sequutum vix se intellegere fassus. Quum vero lingua grauem, qui obcurrit v. 598, ipse excitauerit Burmannus, cui addi potest 4. 3., non video, cur Substantium *grauitas* tantopere offenderit, quae nihil aliud est, quam verborum immodestia (Grobheit). Nec *sequi* pro *persequi* insolitum; sic Ovid. Metam. 2, 498. *sequi feras.* In posteriori versiculo erat, vbi haererem ipse, qui primo intuitu persuadere mihi non possem, Palladem Iunoni eo tempore, quo operam ambae in Iasone adiuuando consocialleut, (nam alias non semper amicas fuisse memineram) dicere, quod illa nollet audire, voluisse. Sed sana omnia, si ita locum interpreteris: Non me solam, sed matrem adeo demens criminibus onerauit: *digna quidem*, nil aliud meruit, (lepidus iocus!) quae talis filii mater exstiterit, *quae tali monstro* Olympum ornauerit.

659. Pergit Pallas vtriusque et suam et Iunonis causam agere. *Quod tamen adgressae scelus, si iuuenem, qui dira iussa et maria nondum nota, et inpavidus quidem, tamque magno animo subibat, iuuius, et magnis aliquam spem mouimus ausis?* Haec eo pertinere videntur, vt Ioui se Iunonemque purgare velit Pallas, quod iura eius inuadere voluisse dixerat Gradivus 628. Noli vero tale aliquid, mi care pater, credere; nil nisi *spem mouimus*, et aliquam tantum. — 663. *An nullas praeferre, prius tentare preces, nec foedera regis sequi petere debuimus?* Haec spectant ad insidias fallaces, quas obiecerat Mars v. 631. *caeca, inconsulte, temere sed cuncta impellere pugna, omnia statim miscere debuimus?* Sic *Thraces agunt, sic turbidus iste.* — 666. Cuperem etiam nunc sine bellis rem componi, *da vellera, rector Iupiter! et medio nos cernemuri*, statim altum petemus. — 668. *Quod sin Mars abnegat solus, ibimus indecores, pudefactae, fassaque quae nequeam?* Sic *fenina*. Ita vulgata, sed ita nullo sensu, vt pro conclamato et desperato locum habeant interpretes omnes, quos fefellisse in primis videtur, quod *sic fenina* seorsim lumerent, et intellegerent ita: Hic finem fecit

loquendi Pallas. Mihi vero secus videtur, vnamque locus propositionem continere, si tamen aliter interpungere, vnamque literulam mutare liceat. Fac igitur mecum, mi lector, periculum, incidas post *fassa*que, interrogationis notam reicias post *femina*, et *et sic* mutes in *sim*; tum vero habebis: *Fassa*que, *quae nequeam, sim femina?* hoc sensu: quae dixerim, addixerim, promiserim, nequeam perficere, *femina* quippe debilis, (vt respiciatur ad femineos ansus v. 628.) quae Dea tantum *sim*, non Deus. Veniam, spero, inpetrabo a lectoribus, quod huic meo commento locum dederim in contexto. Sic saltem locus habebit aliquem sensum, qui plane nullus erat in vulgata.

669. Mars iterum coeperat insurgere, sed Iupiter coecet: *Quid vesane fremis? quum peccatum satis rixis atque contentionibus, tunc ad mea iura venitis*, vt lites vestras arbiter componam. Faciatis, quod lubet, per me licet, *habent quoniam sua fata furores*, luatis poenas, quae tales furores sequuntur. — 678. Tum conuertit se ad vxorem et filiam, sed placidius: non inuehitur, sed *monet*: *Sit Perseu pepulisse satis*, cuius fata futura haec eruat: Nunc quidem victas dabit manus, Iasonis in primis virtute coactus; vt primum tamen Argo in patriam redierit, folio Aeeten deturbabit, eundem vero *post longa senectae exsilia*, post longam eamque inopem in vita priuata transactam senectutem, (*heu magnis quantum licet in pia satis!*) *nata iuuat*, regnum restituet. Haec lectio praeunte Gronovio Obsl. p. 770. in textum recepta a Burmanno; quae quum admodum contorta videatur, *quantum licet satis in pia* i. e. officia pietatis, equidem malim Bentleio ad Horatii Epp. 2, 1. 16. eatenus adcedere, vt cum codicibus scribam *quantumlibet in pia*, aliter tamen explicem. Bentleius enim: *Medea magnis satis nata erat*; ego vero, parentheseos signis deletis, sic: *Quantumlibet in pia*, quamquam Iasonis amore abrepta patrem olim prodidisset, *post magna fata* tamen eundem iunabit, *Gruiusque nepos Medeus*, Aegei et Medeae. (repudiata enim a Iasone Medea Athenarum regi Aegeo nupserat, Diodor. Sicul. 4, 55. 56. Iustin. 2, 6.) *in regnum reponet*.

691. His dictis *insaurat mensam*, ad nectar et ambrosiam denuo redit Iupiter, et iam sideream noctem demittit Olympo. — 691. *Tunc adsuetus adesi Musarum cohors Phlegraeas reddere pugnas*, ad hymnum canendum in victoriam Iovis a Gigantibus olim reportatam, *et citharae*

pulsator Apollo, Musis concinens, fertque grauem Phrygius circum cratera minister, Ganymedes. — 696. Surgitur in somnos, seque ad sua limina, domos, regiam Iovis cingentes, flectunt. cf. omnino Homeri Il. 1. ad finem.

IN LIBRVM VI.

1. Somno se dederant Dii Deaeque omnes; *at vigil, peruigil iisdem ardet furiis nihil remiserat ab ira vehementi Gradivus, nec inuenit, dubius est, quae castra sequatur, utri pugnantium parti adcedat. — 3. ire placet, praesensque tueri, (rectius praesentem vel tueri Infinit. pro Imperfecto?) sternere si (an) Minyas magnoque rependere luctu regis pacta queat, magnam calamitatem inferre, quod cum rege eiusmodi pacta inierint. — 6. Impulit hinc currus, incitavit equos, monstrum inreuocabile, lanceam ingentem, quae semel emissa reuocari non potest, concutiens, Scythiaeque super tentoria, castra sistit.*

14. *Consiliis dum nox vacat alta mouendis, noctis silentio interea usus erat Perses ad consilia capienda, tandem legatos mittere placet, mandata edocet adfari Minyas. Sensus facilis, latinitas perplexior. Varia excogitarunt commentatores, ut locum ad usum loquendi conformarent, in quibus maxime placuit, quod amiciss. Müllerus Cizensis suo exemplari adscripserat: adferri Minyis. Forfan tamen ab ipso usu loquendi non discelleris, si adfari diuidas, ita: edocet mandata fari (essari) ad Minyas. Locum similem inuenisse mihi videbar apud Ciceronem de Offic. 3, 16. ubi adigere arbitrum est pro agere, cogere ad arbitrum — fraudemque, de fraude tyranni ut moneant, quinam error hinc ex partibus Persae animos auerterit, abalienauerit, quum tamen Perses eo ipso, quod vellus Argonautis tradendum suasset, iram Aeetae et bellum in se concitauerit. — 23. Aeetae fidem non esse loco, fluxam, instabilem.*

26. *Dum haec Perses ad Iasonem ferri mandata iubet, aureus effulsit campis rubor, vel aurorae, vel Martis curru aduenientis fulgor, armaque non concussa, et acres tubae non inflatae strepuere sponte; Mars saeuus ab altis equis, curru Hostis io! conclamat, agite, ite, propinquat. Deproperat verba, uti mos est, ubi periculum est in mora. Sil. Ital. 4, 98. Arma, viri, rapite arma, viri, — 30. fundit in aequora, planitiem.*

33. Prius quam ipsam describit pugnam Valerius, ad exemplum Homeri in Catalogo navium et Virgilii Aen. 7. duces utriusque partis gentesque enumerat, in quarum nominibus tamen non Argonautarum semper aetatem, sed ferioiem sequitur. *Musa mone, doce* 1, 5. — 36. *nec numero memorem, memorare possim, nec nomine cunctas mille vel ora mouens.* Homerus Il. 2, 489. non nisi decem linguas decemque ora, Virgilius Aen. 6, 625. et Ovidius Metam. 8, 532. centum, Noster mille adeo sibi non subfecturas linguas fatetur. — 37. *neque enim plaga gentibus vlla ditior, nulla regio tot paruas numerat nationes,* (teste enim Strabone 11. p. 761. ed. Almelov. in solis Caucaliis montibus septuaginta, vel, si aliis credere fas sit, trecentae gentes dicuntur habitasse. Idem confirmant nuperi peregrinatores, v. c. *Güldenstädt* 1, 458 sq. et *Reineggs* 1, 33 sq.) *aeterno quamquam Maeotia pubes Marte cadat, perpetuis bellis minuatur, pingui nunquam tamen vberē defit,* ob multitudinem incolarum non deest, quod septemtrionales regiones, quas astronomice circumscribit poeta: *quod geminas Arctos magnūque anguem impleat,* damnum celeriter resarciat. Monitos tamen lectores velim, Valerium latissimo sensu Scythiam sumxisse, nec ordinem sequi semper regionum, uti quaeque vicinitate alteram excipit, sed magnos subiinde facere saltus.

42. Primus est *Anausis, Alanorum et Heniochorum* (hodie Abchassii et Lazii) rex, iratus, quod prae Albanorum regis filio, Stiro, generum se adspersus esset Aeetes. At bonus ille Anausis nescius erat, *quanti monstri Medae thalamos adscendere arserit,* tantopere concupierit, atque urbes maneat qui error *Achivas,* quam cruenta spectacula praebitura Graecis esset Medea, *gratior ipse Deis,* cui melius Dii, quam sibi ipse consulebat, *orbaque beatior aula,* felicior, quam si voti compos thalami talem lociam adceperisset.

48. *Colaxes, dux Bisaltarum, Thracum,* ad Strymonem fluvium habitantium, *filius Iovis,* qui iuxta viridem *Myracen Tibisenaque ostia* eum progenuit. In his fluviis variant libri. Quod si vero Tibilus (Ammiano 17, 3. Tibissus) is est, quem hodie *Theis* adpellamus, pro *Myracen* malim, prae-euntibus pluribus codicibus, *Maracen* (*Marosch*) qui in Tibiscum se exonerat, — *semifcro, dignum, fas est si credere, captus corpore, nec Nymphae* Horae v. 58. *geminos exhorruit angues.* Tacent inter-

pretes, sed semiferum in eo constitit, vt in duos angues desineret virgo formosa superne. De hoc virginis monstro, quae tamen non ex Iove, sed ex Hercule primos Scythiae conditores pepererit, vide Herodotum 4, 9. — 53. *Cuncta phalanx insigne Iovis gestat, nempe tegmina, scuta caelata*, in quibus caelati essent *dispersi trifidis ardoribus ignes, fulmina*. (tela Iovis trifidula Ovid. Amor. 2, 5. 52. supra 2, 500.) *nec primus radios, miles Romane, corusci fulminis* (alia periphrasis) *et rutilas scutis diffunderis alas*. *Diffunderis* eodem Graecismo, quo v. 53. *caelata*, sed paullo duriori: diffusi radii per scuta tua. Facilius *diffunderis*, nec abluunt libri. Ceterum alata fulmina in clypeis militum Romanorum antiquis numisque vbique obuia, nec facile erit, qui legionem fulminatricem ignoret, de qua scriptores historiae ecclesiasticae olim fabulabantur. — 57. *Insuper auratos conlegerat iunxerat in fibula ipse dracones, matris Horae specimen* (e Virgilio Aen. 12, 164. *solis aui specimen*) in documentum ortus sui a Nympha in dracones delineante: *linguisque aduersus utrimque congruit, et tereti serpens dat vulnera geminae*, ita apte elaborati erant sibi obpositi serpentes, vt mediam, quae paludamentum contineret, gemmam mordere dentibus viderentur. cf. supra 3, 190. et ibi adscripta.

60. *Auchus Cimmerias ostentat opes, cui candidus olim, inde a nativitate, natale decus, crinis est*, nam toti populo communis iste color et in honore est, — *dat longior aetas iam spatium triplici percurrans tempora nodo*, aetate iam proejectior capillos longiores in triplicem nodum conlegerat, *demittit sacro a vertice*, non enim rex solum, sed sacerdos etiam erat more prisco, *geminas vittas*.

65. *Daraps grauior, tardior, non fatis valens corpore, de vulnere Achæemoniae pugnae*, in pugna contra Persas adcepto, *misit in arma Dathin*, circum quem Martia acies est *Gangaridum*, *potaque Gerys quos efferat* (ab efferare) *vnda*, feri adcolae Geryos fluvii, *quique lacum cinxere Bicen*. Paludem *Bycen* et, qui in eam sese effundit, fluvium *Gerrhum* noui, inueniesque ad Istrum Chersonesi Tauricae; *Gangaridae* suspecti, nam huius nominis populus Indiae intra Gangem nimis distat: Strabo 11, 347. habet *Gargaridas*. Recte, nam eodem loco Strabo p. 356. et urbem *Darapsum*, vnde Daraps Noster nomen habet, commemorat.

69. *Phrixus* fortasse *Chrixus*; Heinhus. *Acesua*, ab Acesino fluvio ad Panticapaenum in Taurica, Plin. Hist. nat. 4, 26. *mouet ducit lacus infauſto omine agmina fatidicae ceruae*, quae qualis ſit, et cur *fatidicae* nomine veniat, fateor me ignorare. Poſſit quidem *Diana ſacua* v. 71. aliquem inducere eo, vt de Iphigenia cogitari poſſe credat, quam pro Dea cultam Scythiſ ſuiſſe narrat ipſe Herodotus 4, 103. ſed repugnat temporum ratio, et, quae de Agamemnonis filia tradunt Tragici, nullam noſtro adfundunt lucem loco, cuius fundus fabella videtur fuiſſe Scythica. Fortaſſe rex quidam vel dux eorum ceruam Dianae ſacram conſecerat, cuius imago aurea ad Deam placandam pro ſigno militari v. 72. fuit. Aliam difficultatem, quae premere locum viſa eſt nonnullis, deſumtam illam a cornibus v. 71. quibus ceruae carent, non moror, videturque Valerius ſemineum ſexum conſulto poſuiſſe, in quo rariuſ quidem, nonnumquam tamen cornua indagatores naturae obſeruauerunt. cf. Ruperti ad Sil. Ital. 3, 39. in var. lectt. et Heynium ad Apollodor. p. 349.

74. *Syenes*, quem Perſes *in pia fratris Aeetae vulnera* (cf. 5, 272.) *praetentans* (inſolitum pro monſtrans) *excitauerat ſubplex*, adduxit *Hylaeam gentem*. *Hylaea* non tam genus fuit, quam regio, arboribus diues, quo nomine iam olim laudauerat Herodotus lib. 4, 19. 76. Poeta noſter non contentus multitudinem arborum celebrare, addit etiam proceritatem altitudinemque, eamque ita auget, vt ſagittas cacumina non adtigiffe, ſed fatigatas quali in medio volatu deciſiſſe dicat. cf. Virgil. Ge. 2, 123. 124. et Plin. Hist. nat. 7, 2.

79. *Cyris*. Interpretes vel urbem, vel fluuium, vel ducem volunt. Equidem ducem malim ob additum *Titanium*, de quo tamen et ipſo cognomine nihil habeo dicere. *Hyrcaui* vix locum tueri poſſe videntur, praefertim quum v. 114. iterum obcurrant. Latet fortaſſe fluuius *Hypanidis* vel *Hypacyris*, et ex *antris* a poeta memoratiſ Troglodytaſ adcolas fuiſſe conligere non ſine cauſa poſſiſ.

80. *Coraletae*, ſi tamen ſana lectio eſt, nomadicam vitam agentes, *plauſtris ad proelia cunctas traxere manus*, *ibi* in hiſ plauſtriſ *eſt iis ſutilis e pellibus conſuta domus*, et *crudo*, non ſubacto et mollito, ſed pilis ſetiſque horrido *reſidens ſub vellere coniux*, et *puer e primo temone pronuſ pendens*, (cf. Propert. 4, 8. 21. et Phaedri Fabb. 3, 6. 5.) *torquensque cateiaſ*. Cateia eſt proprie haſta Teutonica,

obcurrit etiam apud Virgil. Aen. 7, 741. vbi v. Heynium. cf. et Silium Ital. 3, 272. et ibi Ruperti. Vitam Scytharum nomadicam desumisse videtur poeta ex Herodoto 4, 46.

84. *Linguitur abreptus pelago*, qui praeceps, rapidus in mare defluit *Tyra* (Dniester) *linguitur*, desertus ab incolis, in bellum proficiscentibus mons *Ambenus et gelidis pollens Ophiusa venenis*. Haec vrbs ad Tyran fluviam sita abundabat serpentibus, vnde et Graecum nomen. cf. Mannert 4, 234.

86. *Sindi*, ad Hypanin (Kuban) habitantes, *degeneres*, non qui degenerassent, a virtute maiorum discessissent, sed ignobiles, viles, quo sensu etiam ap. Virgil. Aen. 4, 13. *ruunt, glomerantque turmas*, equis vecti in bella procedunt, *paterno crimine* (ob crimen patrum) *nunc etiam metuentes verbera*. Nempe, quum Scythae belli causa aliquando diutius abfuissent, iamque reuertentes obviam sibi venire viderent, qui et vxorum interea et facultatum potiti essent, servos, vi quidem et armis initio cogere in ordinem eos voluere; quibus quum nihil profecissent, fustibus et flagellis rem agere coeperunt, quo facto reliquiae non caesorum servorum in hanc regionem concesserant. vide Herodot. 4, 3. Iustin. 2, 5. Ammian. 22, 8.

88. *Phalces* dux infra 245. *aeratam nubem*, multitudinem, vt saepe, (melius tamen, quod Burmannus suadet, *pubem*) *agit aequore*, per campum, *densique conferto ordine* incedentes *levant vexilla Coralli, barbaricae quis signa rotae*. Vti spolia ab hostibus capta (haec enim sunt, quae *barbarica* adpellat poeta) omnino in templis servabant veteres, (Virgil. Aen. 2, 504. *barbarico postes auro, spoliisque superbi*, cf. eundem 7, 183-186. et ibi Heynium,) ita et *currus*, (Sil. Ital. 1, 618. *in foribus sacris primoque in limine templi captivi currus*, Iuvenal. 10, 135. *curtum temone iugum*, ipse Noster 1, 837. *galeis rotisque praetexta domus*). Forſan igitur rotas curribus exemptas pro signis Scythae habuerunt, quod non magis mirum videri potest, quam *cerua* v. 70. et, qui sequuntur, *fues*, et *Iovis columnae*, quae omnia a nostris militibus signis longe discrepant. — 90. *ferrata dorso forma suum*. Sues igitur, quibus pro fetis aculeos ferreos addiderant? Ferarum imagines vti omnino priscis signa militaria fuisse scimus, ita in primis de Germanis testatur Tacitus Hist. 4, 22. et Germ. 7. Romani adeo *aprum* in vexillis habuere, v. Plin. H. N. 10, 4. Sext. Pomp. Festum. p. 356.

ed. Dacer. cf. libellum *Io. Phil. Cassel* de porco in vexillis Magdeb. 1748. Sed quum Scythae, teste Herodoto 4, 63. fines auersarentur, et ne alerent quidem, Maferio, qui de hystricibus exponit, adcesserim. — 91. *truncaeque Iovis simulacra columnae*. Non Martem solum, quamquam hunc in primis, sed Iovem etiam a Scythis cultum esse, idem narrat Herodotus 4, 59. simulacra igitur eius vel protomas truncis arborum inpositas pro signis fuisse verisimile fit. — 92. *proelia nec rauco curant incendere cornu*, non tubis lituisque excitant suos ad certamen ineundum, sed res a maioribus gestas decantant, *veterum laudes, viris hortamina*, quibus se ad eandem laudem impellant.

95. *Ast vbi Sidonicas inter pedes aequat habenas; Illinc iuratos secum trahit Aea Baternas*. Locus obscurissimus, in quo explicando valde defudarunt interpretes, nihil tamen profecerunt. Et primum quidem Heinſio *ast vbi* non satis apte respondere videtur sequenti *illinc*, quapropter maunlt vel *hinc*, vel *post*; deinde, quum Strabo lib. 7. c. 16. Sidonas Bastarnarum partem fuisse tradat, idem vir olim doctissimus, ne eundem populum Valerius bis posuisse videretur (quod tamen nihil me mouet, quum vnus gentis plures nationes in eodem exercitu possint militiam agere) pro *Sidonicas* coniecerat *Effedonicas*, et sub voce *inter* nomen aliquod gentis delitescere suspicatus erat, in quo adſtipulantem habuit Burmannum. Mihi igitur, praesertim v. 750. comparanti, talem inuenisse gentem olim videbar, legebamque pro *inter* — *Iber*, quam tamen coniecturam postea vna deleni litura, partim, quod primam syllabam in *Iberis* vbique conreptam deprehendi, partim, quod Iberi seorsim. occurrunt v. 120. Variis, quibus faciliorem loco sensum dari posse opinarer, excogitatis, tandem vna litera mutata: *Est pro Ast*, omnia, vti iacent, seruari posse credidi. *Est vbi*, i. e. *hinc*, (habes igitur, quod obponatur *et illinc*) *Sidonicas inter pedes aequat habenas* (est vbi inter S. habenas pedes aequat) hoc sensu: pari peditum equitumque numero in bellum inerunt Sidones. *Aequare* eodem sensu est infra 160. Meliora nunc non habeo. — Nec minus ineditus est v. 96. *Illinc iuratos secum trahit Aea Baternas*. Quid enim? Aea quum Colchorum sit, non Scytharum, de quibus hic sermo, ciuitas, *secum* nullo modo ferri potest, lubensque adcedo auctoritati Valesiani codicis et editionis Bononiensis, legentium: *iuratos* IN SE (quod idem orae exemplaris sui

adscriptis Reinesius) i. e. Aea, rex Aeetes iniuria fratri inlata effecit, ut Baternae in eum coniurarent, et infesta manu regiam eius peterent. Eundem sensum haberes, si propius ad scripturam vulgatam legeres: *sibi contrahit*; sed et hoc durum. — 97. *quos crudi mora corticis armat*, scutum ex arboris cortice, quod moretur tela, nec ad corpus penetrare patitur. (Sic *loricae morae* Virgil. 10, 485. *aeris morae* Sil. Ital. 5, 319.) *aequaue nec ferro breuior nec rumpia ligno*. Rumpia in telis numeratur a Gellio Noct. Attic. 10, 21. estque, uti locus noster docet, hastarum genus, quarum et pars lignea, et ferrea cuspis eadem apud omnes erat longitudine.

99. Sequuntur adcolae fluminum Scythicorum quorundam, *Noae, Alazonis, Tarae, Evarchi*. *Nec procul albentes, nudas, puras, sine insignibus parmas, scuta gemina ferit aclyde*, duobus iaculis. Bina spicula habet Virgil. A. 7, 687. ex quo 7, 730. et ipsam aclydem mutuatus sine dubio est Valerius. Heynius ibi per iaculum amenatum, loro aptatum exponit. Est etiam ap. Silium Ital. 3, 163. et 8, 550. ubi v. Ruperti. — 100. *hiberni qui terga Noae* (est etiam ap. Herodotum 4, 49.) *gelidumque securi eruit et tota non audit Alazona ripa*. Alazon, hodie Alafan, est Albaniae fluvius. v. Strabo 11, 344. Plin. H. N. 6, 10. Mannert 4, 428. Hoc, nisi fallor, vult poeta: adcolas istorum fluminum, glacie per hyemem ad infum usque fundum ita constrictorum, ut per totam ripam delabentium sonitus audiri possit nullus, securibus excidere solere glaciei segmenta, e quibus potum sibi parent liquefactis. De frigore in plaga septemtrionali vide omnino Virgil. Ge. 3, 351. it. Ovidium Trist. 3, 10, 23. et alibi. — 102. *Quosque Taras* (Tyras esse non potest, qui supra iamiam v. 84. memoratus est) sine dubio *Torus*, quem Colchidis fluvium habet Strabo lib. 11. *niueumque perpetuum epitheton olorum ferax Evarchus*, de quo adposite laudat locum Etymologici Magni Burmannus: Φασὶ δὲ καὶ ποταμὸν τινα παρὰ τὴν Σινάπην Εὐάρχον ὑπὸ τῶν Ἀργοναυτῶν προσηγορεῖσθαι, ἀφ' οὗ πρῶτον ἔπιον, ὡς φησὶν Εὐφορίων. Ἦι οἱ Εὐάρχοιο Φέρς κλέος ἀμφὶ ῥέεθρον. — Vnum me adhuc in hoc loco vellicat, quod non satis liqueat, unde *τὸ quosque* v. 102. pendeat; nam ad *quos* v. 97. referri vix potest, nisi versus transpositos suoque loco motos velis, ita ut noster statim ponatur post v. 98. *quosque* sc. *armat*, armatos mittit Taras. — et Euarchus.

103. *Ariasmennum*, regulum Scytharum, *ingentem* ob proceritatem corporis, *molem belli*, intellexerim de eo, quod haud leue momentum adferret, vtri parti adcederet, *lateque ferentem undique falcatos deserta per aequora currus*, qui curribus suis tam late prostrauit hostes, vt nullus per campos superstes conspiceretur. cf. infra v. 387. — 106. *Insequitur Drancaea phalanx clausirisque portis Caspiis profusi Caspiadae, quis non segnius* (sic ordines verba) *turba canum ad lituos acres*, grauiter sonantes *exsilit*, *pugnasque capeffit heriles*, in pugnae societatem venit cum dominis. *Inde*, quo fit, vt *par mortis honos* contingat, *tumulisque recepti inter positus virum*, locum obtineant mortui inter sepulcra hominum. (Vix alibi reperias *positus* sic vsurpatos, sed sensus alius esse non potest, et amat talia Valerius, v. c. *inceptus* v. 124.) *Nam pectora ferro terribilesque innexa inbas*, pectora et cernices ferreis laminis collaribusque aduersus sagittas gladiosque munita *ruit agmine nigro latratuque cohors: quanto sonat horrida Ditis ianua*, Cerberi latratu, *vel superas Hecates comitatus ad auras*. Sumunt interpretes de Furiis, quae tamen non magis huc vocandae sunt, quam ap. Virgil. Aen. 6, 257. vbi canes inferi Hecaten comitantes intelligendi, iubente Heynio.

114. Ab *Hyrcanis*, vrbe Thraciae Hyrcania? (v. *Stephanum* de Urbibus) agmina duxit *Varus sacer*, vates, quos multos Scythiam habuisse narrat Herodotus 4, 67. *eum Scythiae iam tertia viderat aetas*, quod senectutem viri indicat, et ad Homeri Nestora adumbratum est, *magnanimos Minyas cauentem* qui Argonautarum aduentum praedixerat. *Illius monitis spondentibus*, victoriam certam promittentibus, *et dites Indi, et centumgeminae ἐκχρουπύλου Lagea noualia Thebes in Aegypto*. Lagea noualia debentur Gronovio Obfl. lib. 1. c. 18. (nam ante eum libri habebant *naualia*) per *πρόληψιν* a Ptolemaeo Lagi filio sic dicta. *Arua Lagi* sunt ap. Lucanum 8, 443. — 119. *totaque Panchaia*, pars Arabiae Troglodyticae pro tota Arabia *Rhipaeo triumpho ad triumphum in Scythia rapta*, excita. In his vero tam longe remotis regionibus Burmannus putat respici ad victorias, quas Scythae olim ad Aegyptum vltimusque protulisse iactabant. v. Iustin. 2, 3.

120. *Discolor*, non de colore faciei, sed varietate vestium armorumque adcipiendum, *hastatas effundit Iberia* (hodie Georgia, Russis Grusinia) *turmas*. — 121.

Raptor amorum, pignerum amoris, infantium, puellarum, coniugum. (Sic infra v. 268. *nostrosque feret qui victor amores.*) et *expertes canentis lazyges aeni*, voluntaria morte cauitiem praeuenterentes. *Namque ubi iam vires aliae*, non eadem, quae antea, *notosque refutat arcus*, recusat, non potest tendi ab eo, qui hucusque tetenderat, et *inceptus*, conamina vibrandi iam *lancea temnit heriles*. — 125. *Magnanimis fortibus mos ductus* (ab) *avis*, *haud segnia* (segniter) *mortis iura pati*, moriendi necessitatem sponte subire, sed filiis ipsi se tradunt ense conficiendos, *rumpuntque moras*, sine mora, illico, et pater et filius res suas agunt, *ambo miseri animis et fortibus actis*, miseri patres, qui haec animis concipere, miseri filii, qui desideria patrum explere sustinent.

129. Adfunt porro *Micelae*, crinibus odoratis, *Cessaei*, *Arimaspi*, vnoculi (nam Scythica lingua *arima* est vnus, et *spu* oculus. v. Herodotus 4, 27.) *ignotis insontes metallis*, vitiis nondum inquinati, quae debentur metallis, melius latentibus. — 132. *Auchates doctus*, peritua *vaga vincula*, laqueos per aerem *patulo gyro* per apertum campum equitans *spargere*, et *extremas* in vltima acie constitutas *turmas* hostium *laqueis adducere*, in terram detrahere, vt retiarii in spectaculis Romanorum. cf. Herodot. 7, 85. Pausanias 1, 21. et Beckmanns *kleine Anmerk.* Stück 1. S. 1 ff.

134. Nec silendus *Thyrfaeta*, *tympana gestans cinctusque vagis fluitantibus post terga pellibus ferarum exnuis*, et *nexas viridans floribus hastas*, viridibus floribus, hederis in primis thyrfos ornans. *Fama, ducem, Iovis et Cadmi*, cuius filia Semele, de sanguine Bacchum hac, sic armata manu, exercitu *felicia regna, thuriferos Sabaeos*, (Virgil. Ge. 1, 57. India mittit ebur, molles sua *thura Sabaei*) hac *Arabas fudisse*: mox *Hebri vada quum rumperet*, Hebrum fluuium superasset, *Thyrfaetas gelida liquisse sub Arcto*, tamquam coloniam, vti Sesostris 1, 422. Aegyptios suos Phasidis inposuit agris. *Illis omnis adhuc veterum tenor*, a maioribus traditos mores retinuerunt, et *sacer aeris pulsus*, tympana v. 134. et *Eoae memoratrix tibia pugnæ*, quae bella in Oriente olim gesta in memoriam reuocaret. Conferas velim omnino supra 5, 74-80.

143. Incolae montis *Eumedae* (al. Emodae) *Exomatae*, iidem, qui aliis *Iaxamatae*, — *Torini* — *Satarchae*. *Torinis mellis honos*, apes alunt, et mellificio viuunt. Sic

saepe honos de largo prouentu agrorum, de anni tempe-
statum pulcritudine cet. Satarchen *ditant sua mulctra*,
pecunariam agunt. — Exomatas venatus alit, optimosque
in toto septemtrione equos pascunt, *abeunt transeunt Hy-*
pantiu, fragilemque per undam, glacie tenui vix ad-
strictam (*perfidum glacie flumen* eodem sensu habet poe-
ticae elocutionis amans Florus 3, 4.) *tigridis aut saeuae*
profugi, Exomatae nempe, celeriter redeuntes, *cum prole*
catulis raptis leaenae (cf. 1, 491.) *moesiaeque mater stupet*
aggere ripae suspectae, non audent catulis orbatae ma-
tres tam lubrica, periculosa vestigia sequi.

150. *Centores — Choatrae*. Centoras *dubios, medios*,
qui neutri sese parti adiungere maluissent, *impulit tamen*
Phrixei velleris ardor, et Choatras, quibus in *superos*
saeuus (posteriori syllaba producta, quod sibi aliquando
permittunt poetae in caesura.) *honor*, qui victimis huma-
nis Deos placabant, quibus *artes monstificae*, magicae,
prodigiosae, *nunc vere nouo compefcere frondes*, foliorum
in arboribus prouentum magicis artibus inpediunt, *nunc*
subitam trepidis Maeotin soluere plausiris, per Maeotin
glacie citius expectatione liberatam currus agunt tanta
cum audacia, vt ipsi currus timeant, ne mergantur. —

155. *Maximus Stygia*, magica arte venit *Coasties*, quem
tamen non tam amor pugnæ, quam fama *Cytaeae* (Col-
chicae) *virginis sollicitat et paribus spirans Medea ve-*
nensis, (*spirans* Ablativo iunctum, vt supra 129. et *redo-*
lere 4, 15.) non minus quam ipse herbas odoratas et alia
veneficia tractans. In tam famosae veneficae notitiam
venire ita cupiebat, vt de incantationibus nunc non co-
gitaret, vt manes non enocaret, *gaudet Averno palus*
nocte quieta, vt Charonti somno indulgere permetteret,
gaudet nocte quieta portitor, vt Lunam non deuocaret
aethere, *gaudet tuto veniens Latonia coelo*.

160. Vltimi nominantur *Ballonoti — Moesi — Sar-*
matae. *Ballonoti* geminis aequantes cornibus alas ex
vtraque parte aciei eodem numero cornua tegentes. —
Moesus comitum celer mutator equorum, vna voce de-
sultor, qui ex vno in alterum transiliebat equum. Locus
de his desultoribus classicus est apud Manilium 5, 85 sq. —
et ingentis frenator Sarmata conti, longam grauemque
hastam perite moderans.

163. Sic igitur enumeratis, qui a Scytharum et Persae
partibus stabant, populis, multitudinem et strepitum tot

millium variis exornat comparationibus. *Non tot ab extremo aequore*, nam quo latius est longiusque mare, eo plures altioresque existunt fluctus, *fluctus agit Boreas*; — *nec sic tanta vi fratribus aliis ventis respondet*, aduersum spirat — *aut is apud fluuios volucrum sonus*, clangor, clamor inconditus, (est ex Homero Il. 2. 459.) *lymphata miscet millia*, nullo ordine inter se confusa hominum millia, eaque pugnandi cupidine furibunda, *quot foliis, quot floribus incipit annus*. Sollemnis ad multitudinem exprimendam comparatio, desumpta a foliis vel vere procrescen-
tibus, (de quibus praeter Homerum Il. 2, 468. Pindarus Pyth. 9, 82. ὅσσα τὸ χθὼν ἤρινά φύλλ' ἀναπέμπει) vel autumno decidentibus, (de his vide Virgil. Aen. 6, 309. et qui ibi ab Heynio laudantur). — 168. *Ipsae rotis plaustrorum gemit*, (quod de rebus inanimatis dicitur omnibus, quae premuntur, in quibus elaboratur; sic 3, 164. *robur gemit adactis cuneis*) *intus*, non in superficie tantum tactus *ager, tremebundaque pulsu equorum, ungularum nutat humus, quatit ut sacro quum fulmine Phlegram Iupiter* in certamine contra Gigantes, *atque imis Typhona reuerberat aruis* surgere conantem iterum iterumque reprimat.

171. Iam ad alterum, Colchorum exercitum progreditur poeta. *Prima tenent patriis Aetiae armis Ablyrtus filius, et gener destinatus Stirus, ingentesque inter sua millia*, quae quisque ducebat, *reges, duces, reguli*. At *Iasonem Graeci sui iuuabant et ipsa*, quae multis millibus potior esset, *Pallas, aegide terrifica, quam nec Dea lassat habendo*, tractando, (*lassare* h. l. eodem sensu, quo alias *fatigare* de rebus, quibus crebro et cum contentione vitimur) ergo nunc nondum vibrat, *nec pater horrentem colubris vultuque tremendam Gorgoneo, Medusae capite*. Quid *pater*, in quo tamen nihil variant libri, hic sibi velit, equidem non video. Scripsit sine dubio Valerius *quatit*, vel propius ad scripturam *quater*, quod iungas sequentibus; *tempus erat*. — *nec tempus adhuc semineces ostendere crines*, qui non alii esse possunt, nisi iidem Medusae caput cingentes angues, sed cur *semineces*? Haud inepte ad sensum Friesemannus coniicit *saxificos*, quod tamen a vestigiis scripturae nimium recedit. *Semineces* si retineas, explicari forsan possint pallentes, marcidi; *ἡμιθνήτες* — *primasque sinit concurrere pugnas*, nunc nil nisi committit pugnantes, Aegida promit demum infra v. 396. qui locus omnino lucem adfert nostro.

178. Tanto vero actius incendunt proelium *Mavors* pater, quod nomen Diis adponere omnino amat Noster, et mala leti gaudia (*Mordlust*) *Tisiphone*que caput per nubila tollens, ut undique conspici possit, *mediaque altissima pugna*. — 181. Nec abest *Fuga*, quasi Dea, nondum tamen clara (ut Graecor. *ὄψλος*) nondum certa, dubia adhuc, quibus sese mentibus addat, utri exercitui fugiendi partes adtribuat, quorum animos formidine impleat, ut primi fugam capebant.

182 — 188. His versibus diram poeta in uniuersum imaginem pingit et proelii ipsius, et campi, in quo pugnatur. *Vbi consertis iunxere frementia telis agmina*, magna conclamatione ad manus ventum est, *virque virum galeis adflavit adactis*, ita implicantur, ut leui ventulo motis galearum cristis faciem sibi innicem tangerent. — 186. *Voluit rotundas ager galeas et thorax egerit imbres sanguineos*, emicat sanguis copiosissimus. — 187. *Hinc*, ex hac parte *barbarici glomerantur ouatus*, condensantur onantes (sic fremitus coire v. 232.) *hinc* ex altera parte *gemitus mixtaeque virum cum puluere vitae*. Audacius et hic abstractum pro concreto, pro viris adhuc quidem spirantibus, sed ita grauiter vulneratis, ut surgere non possent.

189 — 426. Singularia nunc certamina describenda sibi sumit Valerius, in quo varia pugnae et mortis genera, nisi eadem, qua Ovidius in pugna Centaurorum et Lapitharum Lib. 12. ingenii vbertate, satis tamen probabiliter prosequitur.

189. *Caspian* Scythia *Monesen*. *Aeacum*, Colchum conrepto crimine abstulit, proripuit, hunc pariter simul *Colchi Grai*que iaculis petunt: *rapit ille necem*, eo celerius conficit hostem, *praedamque relinquit*, spolia tamen detrudere non potest. *Nec sociis iam cura viri*, mortem vlciscendi tempus non est.

191. *Carex* Colchus *Dypsanta* et *Strymona* vulnera spargentem obscura ex insidiis, qui plures iam iam lapidibus e fundo proiectis vulnerauerat, *deiecit*, conficit. v. paullo post 218. 1, 191. 2, 330. (*deiecit leto* Virgil. Aen. 10, 319. nec ipsi prosaici respuunt, vide Nepotem Thra-sy-b. 3, 1.) *iamque latet*, nihil eius conspici potest, ita proculcatus protritrusque erat equis et curribus.

196. *Melas* filius *Phrixi* 5, 462. et *Hidasmerus*. *Leuis abies* hasta cf. v. 236. *elufit utrumque*, aberrauit, neuter

hostem feriit, prior occupat aere citato, ense promptior
ima cassidis, infimam galeam ad occipitium.

200. *Mixta perit virtus*, fortissimi ex vtraque parte
cadunt, ita tamen, vt singulorum facta non possent dignosci
prae turba et tumultu, vti recte exponit Burmannus, —
dum sibila respicit cuspidis, per aera aduolantem cum
sibilo hastam.

203 — 218. Res a *Castore* aduersus *Gelum et Medorem*
gestae enarrantur admodum iucunde. *Viderat Hyrcanos*
paribus equis discurrere, pater armento quos diues ab
omni nutrierat. Burmannus iungit *diues ab armento*, i. e.
armenti, quamquam rariorem istam constructionem ipse
fatetur. Malim igitur *Pio* adcedere, qui coniungit *nutrie-*
rat ab omni armento, scil. separatos ad militiam, cui ex-
plicationi et *to omni* videtur fauere, et quae sequuntur:
fatis viam monstrarat iniquis, eo ipso bonis illis anima-
libus, nil tale merentibus, male consulnerat. — 206. *Castor*
igitur *candore notato*, equi enim isti albi erant, eiusdem
igitur coloris, quo *Cyllarus* suus, quem domi reliquerat
1, 426. *simul hastam in Gelam iacit alipedemque; constitit*
excusso victor duce. Ex iis est locus, quos Valerius, si
per fata licuisset, aliter fuisset adornaturus; nam quomo-
documque exponas, noue et incommode dicta nonnulla
inuenies. Quod si interpunctionem vulgarem post *alipe-*
demque retineas, incommodum exoritur inde, quod equum
non vellet ferire *Castor*, quo viuo vti mallet. Sin autem
colon ponas post *iacit*, iungasque suadente Burmanno
alipodem constitit, tum vero *constitit* actiue sumtum pro
constituit, quod et ipsum non satis aptum, inusitatum
esset. Vossius: *constitit excusso vector* i. e. equus *duce*,
quod probabile videri possit ideo, quod *excute* sollempne
et fere perpetuum verbum sit de equo, fessorem deiciente,
et *vectoris* vocabulum bis poeta de ariete Helles vsur-
pauerit 1, 282. 425. Magis adridet Heinsius, cui subfra-
gatur Beckius p. 269. pro *constitit* legens *insilit*; fortasse
tamen non omnino contemnendum, propius quippe ad
literarum ductus adcedens *conripit*, celeriterprehendit,
vti *conripit enses* 7, 148. Vtcumque sit, ipse *Iupiter* gau-
sus est, *risitque ab alta nube filium*, cni, quum pedes
antea depugnasset, equitem nunc agere contigerat. —
211. Tum vero *furens luctu* ob amissam fratrem, *visuque*,
quod *Castora* fratris equo vectum contra se venire con-
spiceret, *Medores superos precatur: Hunc* (s. nunc) si ita

lubet, adeo me caeso fratri reddite comitem; primus cadat impius, infidus equus, qui contra me venit captiuoque terga ministrat, praebet nouo fessori. — 217. Sed eum prior hasta deiicit, occupat Phaleri Actaei, Atheniensis, Argonautae; ad socias sonipes equus, non Castoris, sed Medoris citus effugit alius.

219 — 241. Nec his fortiter gestis contentus Castor caedit plures. Quis tibi, Rhyndace, fatales Amyclas Oebaliamque manum (vtrumque spectat ad Laconicam, vnde Castor oriundus) metuisset, tot montibus inter diuiso totidemque fretis. Inter hic casui positum et aduerbialiter usurpatum est Graecum μετὰ, totusque locus fere ad verbum ex Homero Il. 1, 156. desumptus: Μάλα πολλὰ μετὰ Οὐρανὸν τε σκιδέντα, θάλασσαν τε ἤχρησσαν. — 221. clari Taulantii alumnus semideae genetrice Tages. Quis hic Tages sit, lubens fateor me ignorare. Tagen noui, Etruscae disciplinae auctorem, ex Cicetone de Divinat. 2, 21. Tyrrenum vatem Columellae 10, 345. vbi v. Schneider in Indice ad scriptt. rei rust. h. v. Sed quid Tyrreno cum Scythis? Plura omnino ducum Scythicorum hoc in proelio decertantium nomina effinxit Valerius, et notabilia de iis narrauit, quae vel ipse excogitaui, vel e fontibus hausi nunc deperditis. Nec Taulantem noui, quamquam Taulantii, i. e. Illyrii a Taulante, Illyrii filio, bene noti sunt: nec magis, quod genetrici semideae nomen fuerit, dicere habeo. — Quae sequuntur v. 223. cui plurima syluis peruigilat materna soror, cultusque laborat, non minori premuntur obscuritate, quam vt remoueret, ita locum refinxit Heinſius: cui plurima telis peruigilat nocturna soror. Ingeniose quidem, (ingeniosius adeo, quod amiciss. Müllerus suo exemplari adscripserat, filis) vt multa huius poetarum sospitatoris eximii, et ad intellegendum facilius, sed audacius iusto. Rarior est quidem is syluae vſus, vt de singulis arborum generibus earumque prouentibus dicatur; vide Broukhufium ad Propert. 1, 14. 5. et Gesner. Theſ. h. v. Similis adeo locus est Nostri infra v. 649. vbi Heinſius itidem telam, sed sine causa, reposuit. Vide, quae ibi notauimus. Nocturna porro, quam manult Heinſius, soror de ita sedula, vt in matronali opere pernox adeo sit, placet, fateor, et sic saepe occurrit in laudibus feminarum, sed non adeo necessaria mutatio, et noctis notionem iamiam inuoluit τὸ peruigilat. Burmannus in syluis fortasse nomen aliquod proprium latere coniecit. Egovero

totum locum inmutatum reliquerim, malimque, vt verbis vtat Dorvillii ad Charitonem p. 410. ed. Lipf. "intricatus interpretari, quam emendare ita, vt etiam difficultates remaneant." Quum igitur poeta Tageti matrem det *semi-deam* (Nympham) soror eius et ipsa talis fuiffe credenda est. (*Dryas?*) Possit itaque *syluis* i. q. *in syluis* esse, namque praepositiones crebro omittere poetis sollemne est, vel *syluae* h. l. de materia ad texendum in syluis obuia, lino in primis, quod suadere sequentia *candentis carbasa lini* videntur, intellegendae. Totus itaque loci sensus meo qualicumque iudicio hic est: cui plurima, adidue et diligenter, *syluis* in syluis, vel lino, bombyci cet. *peruigilat* pernox operam dederat *materna soror*, matertera, quae sororum filiis etiam nunc in amoris signum acu tunicas pingere solent. Sed haec omnia scripsi timidiuscule. — 225. Nil tamen inuant pulchrae illae vestes Tagetem, *tennia candentis carbasa lini*. Saepe apud veteres obcurrunt, vbi de Aegyptiis sermo est, nec hic alieno loco sunt, quum Colchi, coloni quippe Aegyptiorum, (v. supra 5. 419.) linteas vestes in priscae originis memoriam retinuerint. — *Non aura depicta chlamys*, paludamentum (Virgil. Aen. 3, 483. *picturatae auri subtemine vestes*) — *non flaua galeri*, galeae vel pilei caesaries, crista, (Virgil. Aen. 7, 688. *fuluos lupi de pelle galeros tegmen habet capiti*) — *pictoque subtemine braciae*, e panno, cuius stamini diuersi coloris fila essent intertextae. De braciis Sarmatarum vide supra 5, 425.

228. *Iamque nouus eques* Castor stupefacta per agmina hostium vadit, incedit alacriter, *densaque spargens hastilia dextra*. Vt versus sibi constet, iungenda quidem casu sexto *densa dextra*, ita tamen, poetarum more, vt densi notio non ad dextram, sed ad hastilia referenda sit; — *spargens*, modo hunc modo illum hostem inuadit lancea, *fulmineumque ensen*, cornuscantem (cf. Virgil. Aen. 4, 580. 9, 442. et supra 3, 119. *prae-fulgurat ensen*) *ingerit proturbans*, prae se agens. — 232. *coiere fremitus virorum semiferi*, i. e. frementes viri, vti supra 187. *ouatus* et *gemitus* glomerati. — 233. *riget his lorica molli tractabilis lenta catena*, id. quoque tegmen equis cataphractariis inde dictis, de quibus vide Tacitum Hist. 1, 79. 5. vbi sermo de Sarmatis, *et abies*, lancea, hasta v. paullo ante 197. *patillo* post 243. *quercus*, *obnixae* sustentata, adiuta *genu*, *porrecta per armos et caput equi ingentem campis hosti-*

libus umbram fert, in quo tamen ingenio nimis poeta indulget, *vaditque ista hasta virum vi, vadit equorum*, h. e. viris equisque cum inpetu inruentibus robur ei adcedit, *docilis* (poet. de re inanimata) *relegi docilisque relinqui*, manum equitis promte sequebatur, ut et retrahi, erat enim amentata, et in hostis corpore fixa relinqui posset, *atque iterum medios non altior ire per hostes*. Hoc obscurius. Burmannus explicat: non in eandem, qua iacula, altitudinem torquetur; quod nihili est. Heinssii mihi placet coniectura: *non tardior*. — 239. *Orbis hos rapidis, gyris celeribus, mollique, leni per aequora anfractu lenioris equi deludit anhelos*, ut viri equique ilia ducant, *immemoresque mori, de morte non cogitantes, securi*.

241. Sed non eadem, qua Castor, fortuna pugnabant alii e Colchorum exercitu. *Campesius inpecta adacta quereu hasta latus inter et ilia tollitur*, equo excutitur, *ac mediam moriens descendit in hastam*, pronus cadit in hastam aduersarii. Alii poetae sic induere hastam. Ovid. Metam. 12, 340. *ilia induit fractae orno*. Virgil. Aen. 10, 681. *mucrone se induere*.

245. *Oebasus*, dux Colchicus, *submisso poplite Phalcan* Scytham, qui tamen et ipse v. 554. conficitur, enasisse ratus, laeuum per *luminis orbem oculum transigitur*, *tenebrae liquuntur vulnere malae*, ossa sub oculis dissoluuntur, comminuuntur.

248. Contra autem *Sibotes geminis thoracibus*, duplicatae loricae *fidens*, *gladio ferit vltima teli*, hastae ab aduersario *Ambeno* missae nequidquam: iam *cuspis inest*, quam tamen defractam nil curat Ambenus, et alium, *Otreum* *trunco ligno*, lanceae fragmento medium subit, inuadit.

252. *Taxes* Scythia *Hypanin* Colchum, cognominem fluuiio, quod saepe fit in his terris, uti modo *Ambenus* et montis v. 85. et ducis nomen est, *vehit proripit, atque remissum*, debilitatum, viribus defectum *pone trahit et cursibus exsistit*, dum currit, retrahit hastam; dumque *recollectam* (relegere sic 237.) rursus locat ad genua (v. 236.) pugnam continuaturus, *Lacon* (sine dubio Castor vel Pollux) *inruit vltro*, prior occupat (prior et vltro iunguntur 2, 124.) *et adhuc inuadit inermem*, prius quam hastam suo loco reponeret.

256. *Onchea* Scytham *aduerso conto*, lancea in aduersarium directa *praeceps* in genua procidens equus inpulit, excussit, *nequidquam totis reuocantem viribus armos*,

equum prolapsum frustra conatum erigere. *In latus ad- cedit* (melius, visitatus saltem *adsedit*, inclinatur) *aquus, adcedit et ipse frigidus*, mortuus, *rorat procul ultima cuspis* defracta sanguine ipsius madida longius proiiciunt. — 261. *Qualem populeae fidentem nexibus umbrae*, densis frondibus arboris tutum se putantem *auem summi deducat ab arbore rami*, ab alta, in aerem porrecta arbore, *ante manu tacita cui plurima crevit harundo*. Hoc aucupum commentum, quo calamos calamis, quorum summus visco erat oblitus, ita adiungerent, vel infigerent, ut paulatim ad arboris excrescerent altitudinem. saepius memoratur a veteribus. v. Tibull. 2, 5. 30. Propert. 2, 15. 24. Martial. 14, 2. 18. Petron. 40. et 109. in primis huc facit Silius Ital. 7, 674. “Vt qui viscato populatus arundine lucos, Dum nemoris celsi procera cacumina sensim Substructa certat tacitus contingere meta, Sublimem calamo sequitur crescente volucrem.” — *Illā avis dolis viscoque conrepta sequaci tenaci, inplorat ramos*, docte, in auxilium vocat, arborem repetere contendit, *atque irrita con- cecat alas*. Comparatio ista per se considerata haud inue- nusta est, cum praecedentibus tamen nullo, vel tenuissimo filo cohaeret.

265. Pugna Stirum inter et Anausin. Medae nuptias utrosque ambientes, illam iuuentutis Albanorum princi- pem, hunc Alanorum regem, (v. 43. et 3, 497.) describitur. *Parte alia, nam fors ita iunxit*, casu sibi inimicem oblatis sunt, *infestis armis Stirus adest, laetus virum aemulum cognoscit Anausin*. (Virum admodum friget, malim igitur cum Heinio viri, ut iungatur laeto: *Vergnügt, seinen Mann zu treffen*. Sic supra 3, 659. *laetus opum pacisque*.) Et prior, ultro, non exspectans alterius orationem: *En cuius thalamis Aetia virgo dicta addicta manet, nostros- que feret qui victor amores*. Ironice dictum. Non: (feres) inuitoque gener mutabere patri, non tu, sed alius gener quaerendus erit. — 271. Stirus fugit saucius, atque datum leto non sperat Anausin, nec videt, a se quidem non interfectum esse scit, nescit tamen, cur tam subito evanuerit. Sed reapse erat morti proximus Anausis, falsus tamen in eo, quod Stirum a se letaliter vulneratum opinaretur, qua opinione ductus ironiam illi rependit: *ad soceros pactae- que coniugis sinus amplexus fugis*, vulnus referens, quod nullo Medea sustineat cohibere, sanguinem sistere pro- fluentem queat (*sustentare* eodem sensu ap. Sil. Ital. 9, 174.)

veneno. Dixerat, *extremus quum lumina conripit error*. Recte error, (non horror, quod aliis placuit) de caligine morientis oculis obscura, quae facit, ut, quae oculis obuersantur, non amplius clara atque distincta adpareant.

279 — 385. Res a *Gesandro*, lazygum rege, praeclare gestae pluribus enarrantur. *Hinc*, hac morte *Anausis animos acies auget*, exasperatur exercitus, magnoque doloris turbine, inpetu, nimio dolore perturbatum (*turbo* est in vocabulis, quae *Valerius* amat) *Gesandrum Mavors rapit*, qui lazygas, ciues suos, morantes increpat, et *stricto ense sic vrguet*: — 282. Ad intellegendam acerbam, quae sequitur, obiurgationem in memoriam reuocandus est apud lazygas receptus mos, ut senes non sua morte morerentur, sed filiis sese interficiendos committerent. v. supra 122. Rex igitur increpat ignauos: *Nempe* (quae vocula itidem ut *scilicet* in ironia solet adhiberi) *omnes cecidere senes, nempe omnis ademptus pater*. Quae foeda senectus, quam dispar ab patrum senectute, quae ignauia conripuit. *Aut mecum ite — aut caris obcumbite natis*, filiorum manibus interficiamini. — 287. *Inruit, et patrias coeptis ferus aduocat umbras*, manes patris prouocat, ut pugnae testes adlint: *Sancte Vorapte pater*, nam manes priscis pro numinibus erant, *tua pectora, animum, fortitudinem subgere da nato: si tibi fata tarda turpesque moras peroso*, si tibi, quem nimis longae vitae taedium cepisset, non *segnius ipsi paruimus* si promte tibi manum olim intuli, *paruique viam* hanc gentis nostrae disciplinam consuetudinemque parentes interficiendi, *didicere nepotes*, si et ego eandem (inpiam) pietatem a filiis mihi meis contingere opto. — 292. *Auditur Erebo*, preces ad inferos pertingunt, *et Furiis ardens quatit arma paternis*, incitatus, actus hastam vibrat.

294. Primus, quem obuiam haberet, fuit *Aquites*, indigenis *sacratu aquis*, h. e. quod ipse addit poeta, *magni sacerdos Phasidis*, *Arctois errans in armis*, per campum, ubi pugna iam conferetur. Sacerdotes proeliis se immiscientes etiam ap. Virgil. Aen. 7, 750. 10, 537. 11, 768. et ibi Heynium. Sil. Ital. 2, 150. et ibi Ruperti. *Populeus cui frondis honor, sertum, conspectaque, περιβλεπτα*, insignia tempora glauco. (est color viridis albo mixtus, (*grünlich*) Virgil. Ge. 2, 13. *glauca canentia fronde salicta*, et supra 3, 436.) *nectuntur ramo, te, Cyrne*, (hoc filio nomen erat) parentis, monitorum patris inmemorem,

duae laeuae cupiens abducere pugnae. — 301. *Vociferans belli diuersa,* vtramque et popularium et hostium aciem, hostes enim non excludendos esse suadet praecedens *inpune, iterum peragrat.* — 303. *Obprimit, improvisus adest ferus Gefander admissis laxatis habenis.* (Sic *admisso passu* Ovid. *Metam.* 1, 532. *equum admittere* Liv. 2, 19. *inmissis habenis* Noster 5, 587. 8, 139.) *Ille intrita sacra, vittas, vel aliud, quod manibus teneret, sacerdotii absigne, tetendit, et per hanc, inquit, canitiem oro, genitor tibi si manet, si pater tibi adhuc in viuis est, compesce minas, et sicubi* — (adde incideris,) *nato parce meo.* — 307. *Contra sic victor armatus inermi respondet: Genitor, quem turpi senecta durare superstitem esse opinaris, ipse hac mea obeumbere dextra maluit, atque ultro segnes abrumperе metas.* (cf. supra 290. *turpes moras.*) — 311. *Et tibi si pietas nati, si dextra fuisset, si dextra filii pia exstitisset, officium fecisset, haud precibus tereres, inutiliter consumeres medii tempora belli, vbi pugnandum, non precandum est, praeda futura canum.* Sarcasmus priscis sollemnis, vel ex Homero notus, apud quem omnino, uti Cel. cuius favore laetor Gurliit *Animadv. spec.* 1. p. 35. observat, heroes antiqui, si *unum locum* exceperis, acerbe inludere occisis solent. — 313. *Iuveni fors pulchrior omni; Et certare manu decet, et carere sepulcro.* Obscurus locus Burmanno visus, quod idem et mihi addidit. Burmannum obfendunt priora: *iuveni omni*, quae tamen sic satis bene explices: *iuvenum mors omnino laetior et magis decora.* Ego vero ultima expedire non possum: *carnisse sepulcro*, quo si carent, idem patiuntur, quod Gefander patri antea minatur, ut praeda fiant canum. Sed nec hoc durius videatur, si Scytham memineris loqui. Nam, quod aliis cultioribus nationibus erat curae, ut ne post mortem insepulti abiicerentur, de eo Scythae non erant solliciti. — 315. *Ille moriens Deos coelumque Deos in coelis, superos precatur, ne tam inmanis hostis filio obuiam fieret.*

317 — 384. Hoc occiso, Gefander in *Canthum* incidit Argonautam, quem poeta ita adloquitur: *Te quoque, Canthe, tui non inscia funeri, Argo* (v. supra 1, 451.) *flevit, ab inuita* (Prosopopoeia, ut praecedens *inscia*) *dolente rapientem tela carina.* — 320. *Non longa dies, proxime instabat tempus, ut capta videres vellera et Euboicis patrios de montibus ignes, ut in patriam redux ignes in Euboeae*

promontorio Caphareo in xsum nauigantium adcenſos vi-
deres. — 322. *Illum vbi congreſſu ſubiit*, obpreſſit *Gesan-*
der iniquo, ideo, quod Canthus, nondum ad pugnam com-
poſitus, arma tantum e navi comportaret. — Quae ſequi-
tur vitae Scytharum deſcriptio non inueniſta eſt et ad
veritatem expreſſa, eam tamen ob cauſam non ſuo loco
poſita exiſtimanda, quod ira percitus et in ipſo pugnandi
actu tam longam ſermocinationem Geſander habuiſſe vix
eſt credendus. *Territat his: Tu, qui faciles hominumque*
putaſti has domos. (*Domos* bis ſumas, faciles domos, et
hominum domos. Qui putaſti faciles, commodas, hoſpi-
tales inuenire, et hominum, qui tamen ſemiſeri ſumus).
Alium hic miſer adſpicias annum, anni tempeſtates, coe-
lum, aeris temperiem, *altricemque niuem*, quaſi pro patria
tellure niuem dicit, vti Geſner Theſ. v. *Altrix* recte ex-
ponit, *feſtinaque taedia vitae*, quò fit, vt filios noſtros
ipli, vt nos interficiant, oramus. — 326. *Non leuibus* (con-
tentim) *remis brachia componimus*, nec opus nobis ven-
tos exſpectare ferentes, ſecundos; *imus equis*, qua vel
medio riget aequore Pontus, glacie adſtrictus, vel tumida
frenit Hiſter aqua, ne reformidamus aeſtuantem Danu-
bium equitando traicere. *nec moenia vrbes placent*; feror
liber Arctois in aruiſ euncta tenens mecum (hoc adum-
bratum ex Virgil. Ge. 3, 343. quem locum omnino conſuli
iubet Heynius.) *omnis amor iacturaque plauſtri ſola*, iu-
cunda cum breuiate dictum: omnes diuitiae in plauſtris;
quae ſi perdimus, leue tamen damnum eſt; *nec hac lon-*
gum, diu victor potiere rapina. — 334. *Mitte Aſiae*, mitte
Argolicis mandata colonis, nuntiarì inbeas popularibus
tuis, *ne trepident*, ſuperbe dictum; hoc enim vult dicere;
poſſim equidem arma mea facile ad illas regiones trans-
ferre, ſed non lubet; *numquam has hyemes perpetuas*,
haec ſaxa, Martis agros, (cf. ſupra 5, 641.) Marti ſacros,
bellis idoneos, *vbi iam ſaeuo*, frigido amne durauimus
progeniem natosque rudes, recens natos. cf. Virgil. Aen.
9, 604. *Durum a ſtirpe genus*, natos ad ſtamina primum
deſerimus, ſaeuoque gelu duramus et vndis. — 337. *vbi*
copia leti tanta viris, vbi terrarum tot viris fortibus mor-
tem obpetendi occaſiones praebentur? *talemque hanc ad-*
cipe dextram, talem me eſſe, ſtatim experieris. — 340.
Dixit, et *Edonis ventis* (Thraciae animae Horat. Od.
4, 12. 2.) nutritum exquiſite pro celerius factum, incita-
tum, (eſt autem Homerì ἀνεμὸρφεὶς ἔγχεος Il. 11, 256.

πῦμα 15, 615.) *missile concitat: it medium per pectus, et horrida nexu aera, per loricam catenulis munitam.* cf. supra v. 233. *letifer chalybs, lancea.*

342. *Trepidus, anxius super aduolat Idas, Oenides, Meleager, Menoetius, et qui Bebrycio propius, remeanit ab hospite victor,* Pollucem puta, qui post propiorem cum Amyco conflictum victor discesserat. — 345. *Vt vero ingentem Telamon procul extulit orbem,* in altum sublato clypeo procul aduolauit, *ceu septus in arcto* (in arcta mole 1, 357. cinctus a venatoribus) *dat catulos post terga leo,* reuocat vagantes, et pone se cedere iubet. Totum locum aperte mutuatus est Valerius ex Homero, ubi de Patroclo caeso pugnat Ajax. Il. 17, 128 sq. Αἶας δ' ἐγγύθεν ἦλθε, Φέρων σάκος ἤτορ πύργον — εἰστέκει ὥς τις τε λέων περὶ οἷσι τέκεσσιν, ὃ ῥα τε νῆπι ἄγοντι συναντήσονται ἐν ὕλῃ ἄνδρες ἐπακτῆρες etc. — 347. *Sic cominus hastam Aeacides Telamon gressumque tenet, gradum sistit, hoc solum spectans, vt se tueatur, septeno validam circumfert tegmine molem.* Magnitudinem hoc auget et firmitatem clypei. Septemplex clypeus est infra 367.

350. *Nec minus hinc, ex altera parte urget Scythiae manus, quisque sibi Graio poenam, vindictam de corpore poscens.* Sic poenam poscere ap. Virgil. Aen. 2, 72. Livius 4, 19. "id poenae hostibus redditum." — *medio in corpore confertur pugna,* ita cominus confligebant, vt certatim alter alterum a cadauere deliceret. *Magno veluti quum turbine sese ipsius Aeoliae frangunt in limine venti, quem pelago rabies, quem nubila, quemque sequatur ille dies.* Vitii non vnus, obscuritatis saltem arguit hunc locum Burmannus, cui nec *Aeolia*, nec *in limine*, nec *ille dies* placent. Ego vero, quae mea est interpretandi vel leuitas, vel facilitas, omnia, ne literula quidem mutata, intellegere mihi videor. Quidni enim Aeoliam, quam absolute sic positam, pro regione, vnde venti emittantur ab Aeolo, apud veteres sese negat inuenisse Burmannus, oblitus tamen Virgilii, quem Valerio obuersatum omnino mihi persuadeo, Aen. 1, 52. et ipsius Nostri 1, 576. — quidni, inquam, Aeoliam, totam nempe insulam pro antro (Aeoliam portam ipse Noster habet 1, 654.) carceribusque, quibus ibi conclusos tenebat ventos Aeolus, ponere poetam voluisse credamus? *Euboea* deinde, quam Aeoliae loco substituere mauult Batauvus Criticus, nihil profeteris ad

lucem loco adfundendam; immo vero obscuritas augetur eo, quod tum non nisi contorte exponere possis, quid sibi velit in limine *Euboeae*. Denique ille dies nullum sensum facere eidem videtur, malitque legere mille vices; quod quam parum necessarium sit, statim adparebit. Ego igitur, qui mihi legem scripsi eam, ut non nisi proprio, quod aiunt, Marte, eruto utcumque sensu, notas Harlebianae editioni subiectas inspicerem, mentem poetae percepisse sic recte mihi videbar: Magno cum strepitu venti in ipsius Aeolii antri limine ad clathros (claustra Virgil. l. c. p. 52.) frangunt sese, premunt, vrguent, alter alterum proturbat, de eo decertantes, quem pelagi rabies, quem nubila, quemque sequatur ille dies, h. e. cui hoc die pareant, obtemperant, cedant maria et nubila, cui concedatur maria in fluctus tollendi nubesque cogendi potestas, vel, quod idem est, qui hoc die per maria et aerem dominetur. — 356. *obnixi virum sic cominus haeret pugna*, ita pertinaciter sibi inuicem obnituntur. — 358. Aliam subnectit comparationem poeta: *Vt bouis exuuias* (bene monet Burmannus, exuuias epico carmine digniores esse, quam pellis, vel corium) *multo qui frangere, emollire oliuo (oleo) dat famulis: tendunt*, in longitudinem trahunt illi, tractuque vicissim taurea terga domant, mitigant, pingui fluit vngvine, luto oliuae tellus. Totus locus expressus ex Homeri Iliade 17, 389. cuius verba ex Stolbergii interpretatione adscripsi: *Wie wenn eines Stieres Fell, das mit Oele getränkt ward, Auszuspannen übergiebt dem Gesinde der Landmann; Viele stellen sich rund umher von allen Seiten Ziehend; die Feuchtigkeit dringet heraus und das Fett, so er darauf goß; Ziehet hinein, wenn das Fell von allen Seiten gespannt wird.* — 361. *raptata limite in arcto breui spatio membra viri meant, commeant, e manu in manum migrant.* — 364. *Telamon medium corpus rapit, Gefander tenet ardens cupide et firmiter, colla et galeae molles habenas* (galeae nexus ac vincula 7, 626.) lora lenta et facile cedentia, galea tamen *dextram fefellit, innuito excidit, soloque lapsa insonuit.* Iterum in clypei septemplex orbem Telamonis arietat, (trisyllab.) inpetum facit, non secus ac aries, quo ad pulsanda moenia utebantur, et *Canthum* (nihil enim aliud cogitat) *sequitur Canthumque reposcit*, quem tamen Argonautae cum lociis a tergo rapiunt, et in *Euryales* Amazonis curru locant. Fuere, qui curru Amazonis obfende-

rentur, quae non nisi equis pugnasse tradantur, sed et alii currus habent, v. c. Statius Theb. 12, 524.

370. Aduolat ipsa *Euryale*, ac simul plures *Haemonidae* Argonautae, omnes ruunt in *Gelandrum*, qui, quum et cum feminis rem sibi fore videret, hoc sibi dedecori esse clamat: *Heu pudor! contra has etiam bellabimus?* et *Lycen* ferit ad confine papillae, haud procul a mamma; inde *Thoen*, qua pelta vacat, vbi clypeus deficit, corpus non tēgit; iamque ibat in *Harpen*, vix dum prima leui ducentem cornua neruo, quae tum prima arcum tendendi experimenta dabat, et *Henippen* inlabentis, conlabentis, prōni equi tendentem adducentem frena. Sic ordinatus versus; alterisco notatus, non incommodum sensum dat. Nomina harum Amazonum ficta, Harpe tamen est etiam apud Silium Ital. 2, 117. — 378. Quum regina grauem nodis auroque, aureis nodis bullisque securim congeminans, bis repetito ictu (*duplicatam* securim vide supra 1, 140. qui locus omnino est nostro simillimus; *congeminata* est etiam apud Virgil. Aen. 11, 698.) *partem capitis galeaeque ferinae* e corio confectae dissipat, disiicit. Ille diu coniectis subscit par est hastis, quibus grauior ob molem cuspidum clypeo infixarum, nutuque inclinatione et vacillatione corporis cadens exterruit *Idam* Argonautam, cui cadens adhuc fuit terribilis. — 383. Tunc ruit, vt montis latus, aut vt machina muri, turris, quae scopulis, saxis ingentibus e tormentis missis, trabibusque, arietibus, confectaque flammis, malleolis procubuit tamen (mel. tandem) atque ingentem propulit urbem, magnam muri vrbsque partem secum rapit. cf. Silium Ital. 1, 362 sq.

385—426. Alius Scytharum dux, *Ariasmenus* in pugnam procedit, curribus falcatis instructus, quibus tandem ipse conciditur. Sua et proelia ratus posci, saeua diffundit sociorum iuga, currus in latitudinem extendit, protenus rapturus ab agmine, temere sibi persuadens, se statim primoque inpetu ordines turbaturum Graecorum et Colchorum. — 390. Non secus, ac si Iupiter nouum diluuium orbi terrarum inmitteret, quod ornatum ab effectu: *qualiter exosus Pyrrhae genus*, aetate eius viuentes, (seculum Pyrrhae Horat. Od. 1, 2.) *Iupiter aequora rursus atque omnes fluuiorum fundat habenas* (translatio audacior!) vt, qui altissimi habentur montes, aquis obruantur, ardua *Parnasi iuga lateant*, piniger *Othrys* Thraciae cesserit, et *mersis decrescant rupibus Alpes*. Non iniucunde va-

riat elocutionem Valerius: obruuntur — latent — cedunt — decrefcunt. — Hoc vltimum in primis naturae adcommodatum; quo altius enim adfurgunt aquae, eo magis minuitur montium altitudo. (Aufonius Mofella 146. 147. magna furgunt aequora, vicinique timent decrefcere montes. cf. fupra 2, 6. vbi, quo longius Argo per altum procedit, eo minores adparent in Pelio monte orni, donec fuperficiem maris aequare e longinquo viderentur). — 394. *Tali diluui* (hoc reprehendit Dorvilius ad Chariton. p. 552. ed. Lipf. eam ob caufam, quod propria et metaphorica locutio mifceatur in ea ipfa re, in qua iam inftituta fuiffet comparatio; hoc enim idem efle, ac fi dixiffet: quali diluui, tali diluui; fecundo loco igitur poneudum fuiffe *tali inpetu*, vel fimile aliquid. Recte, fed tota comparatio claudicat, et merito a I. C. G. Ernefti in Comment. 2. de elocutionis poetarum latinor. vett. luxurie p. 90. in iis numeratur, quae a rebus nimium difsimilibus fint petitae. “Vt aliqua, fic ait, fimilitudo elfet, ipfe poeta addit: *diluui tali, talibus excidiis*. Sed iam illud profecto contortum eft et frigidum, quod excidium diluuium dicit. Nempe antea de Ariafmeno dixerat: *faena diffundit focium iuga*. Haec fola *diffundendi* notio caufa fuiffe videtur, cur de diluuii imagine cogitaret.”

396. Iam vero, quum tam grane Argonautis fuis periculum inmineret, Pallas ipfa in proelium redit, tantumque terrorum iniicit equis, vt currus falcati in ipfos dominos inruerent, ipfeque Ariafmenus difsecaretur. *Aegidatum primum* (cf. fupra v. 176.) *Pallas caputque Medusae*, cuius terribilem formam circumferibendo auget poeta: *fpiram Medusae tercentum faevis fqualentem hydri* — *fustulit*, ita tamen, vt foli equi viderent. — 398. *Pavor*, (vt perfonae confideratus, vti etiam paullo poft *Discordia*, quae Pavori etiam iungitur 2, 204.) *occupat equos*, vt vectores excutiant, *diramque retorquet in focios non fpon te luem*, efficit pavor, vt equi inuiti atque mfcii cladem agitatoribus fuis inferrent. *Tunc enfibus vncis* falcibus implicat *Discordia*, et *trepid*os (fic *trepida* puppis 5, 221. *trepida* plaufta 6, 155.) *lacerat currus*. — 402. Hoc inluftatur comparatione a bellis Romanorum ciuilibus defumta. *Romanas veluti legiones Tifiphone mouet regesque*, duces omnino, quo fenfu faepe apud Noftrom habuimus; nihil amplius. Nimis docte de regnum olim adfectantibus Caefare et Pompeio Burmannus, de Galba,

Othone et Vitellio. Casaubonus explicare videntur; — *quorum agmina pilis, hastilibus illis breuibus, ferrea cuspide munitis, quibus plerasque Romani victorias debebant, et aquilis vtrisque micant, eademque Parentis* (sic typis exprimi iussi litera maiuscula, ut sit pro Patria Roma, suadente Friefemannio p. 112.) *rura colunt; idem Tiberis infelix lectos ex omnibus agris, omnes adcolas suos misit non ad haec ciuilia proelia.* (Adumbratum ex Virgil. Aen. 4, 646. enseque recludit Dardanium, non hos quaesitum munus in usus). — 407. Sic igitur *Scythas modo, paullo ante concordēs externaque fata petentes, non nisi de hostibus caedendis cogitantes Palladii a Pallade immissi rapuere metus; sic in sua* (suorum) *versi funera axes, currus concurrunt dominis renocantibus, quidquid clamarent retroque vertere cuperent vectores.* — 410. *Non tam foeda ad speciem virum agmina Laurentibus terris eiecere,* (sollemnis vox de naufragis) *Noti, nec Libyco talis imago* (in) *litore, quum fractas inuoluunt aequora puppes, fragmina nauium per fluctus voluuntur.* — 413. *Hinc biuges equorum, hinc heriles aurigarum artus tenduntur, omnes et viri et equi vires intendunt, ut contra nitantur, quos radii rotae falcatae, quos frena, duriori e corio confecta, secant, non dissecant, sed vulnerant, cutem laedunt, trahiturque trahiturque* (verborum sic actiua et passiua iuncta saepe ap. Ovidium obuia, cf. infra 7, 594.) *currus caede, sanguine madens, atque in puluere regum, ducum viscera nunc aliis, aliis nunc curribus haerent.* Ater puluis h. l. est cruore tinctus, uti ap. Virgil. Aen. 2, 272. *aterque cruento puluere.* — 417. *Haud vsquam Colchorum animi sunt, exserere se possunt, neque cura, nil opus est cauere tela, sed misera in peste, mutua caede implicitos et reuinctos confodiunt, ac forma necis non altera, non alia, eadem ubique surgit, ob oculos venit, — quam ubi venator non Umbro venatico cane ex Umbria, (Umbria hians Virgil. Aen. 12, 754. Seneca Thyeste Act. 3, 498 sq.) edaci, (epitheton ornans, nam venatici omnes edaces, nec erat, cur mallet Vossius sagacem.) non penna petit.* Pennam intellegit Burmannus telum, sagittam. Quidni vero de funiculo, linea, plumis intexta, quam *formidinem* adpellabant venatores, quaque cerni territi in retia aguntur, cf. Ovid. Metam. 15, 475. pinnis includere ceruos. Virgil. Ge. 3, 372. in primis Aen. 12, 750. — *haerentes, sic pergit Valerius 421. sed cornibus altis inuenit, et caeca confixos excipit ira.*

Et hic inpetrare a me non possum, Burmanno ut adcedam, qui *haerentes* ceruos arborum ramis implicitos, et *caecam iram* de inpetu venatoris ex-obculto, qui cerno inexpectatus sit, explicat. Ego autem Valerium puto cogitasse de ceruis libidine aestuantibus decertantibusque de femina, quos suis ipsorum cornibus implicitos venator invenit, et *caeca ira*, furore, qui facit, ut nihil eorum, quae circa se sunt, videant vel audiant, *constrictos excipit*, obprimit. — 423. Ariasmenus ita est audax, ut *recollectis armis* ex hac equorum et curruum turba se vellet propere, *sed acies curvae falcis*, falces acutae *secant undique*, partunturque rotis, curribus, ut caput forte ab hoc brachia ab illo, pedes a tertio curru exciperentur. — 425. *atque inde furentia raptus in iuga Circaeos tetigit non amplius agros*, non rediit in proelium. Haec admodum elumbia et frigida.

427. Pugnīs grauibz non tam finem hic facit poeta, quam induciās, nam paullo post redintegrata videbimus certamina. Iam vero in eo est, ut Iunonem listat animum Medae Iasonis amore inbuentem. *Talia certatim Argonautae et Cytaei Colchi miscebant funera*, quidquid hostium obcurreret, caedebant, *quum Iuno regina* (v. 430.) Iasoni suo his omnibus nec vellus, nec reditum in patriam parari videns, *extremam molitur opem*, omnes sibi vires intendendas existimat, prius quam rex perfidus *feras* diu dissimilatas tandem *aperiat iras*. — 433. *Increpat et faeuīs Vulcānum filium querelis, cuius flammiferos tauros videt Tartaream proflantes noctem*. Lulum verborum poeta an sectatus sit in obponendis sibi inuicem *flamma et nocte*, nescio; hoc scio, Tartaream noctem nil nisi mortem significare posse. — 436. *Haec* (Burmannus malit *rex*, quod ut magis perspicuam reddere orationem non eo infitias, nihil tamen necesse est, si *rex* e v. 432. repetas. *Haec* ego retulerim ad monstra, et in sequentibus post *ante diem* interpunctionem mutarim, ut *ante diem* iungendum sit *rex* iubeat, nempe rex). *Haec etenim Minyas ne iungere Marte peracto monstra satis iubeat Cadmei dentibus hydri ante diem, timet*, quae sic recte ad meam sententiam procedunt: *Haec monstra*, tauros igniuomos, *ne rex proelio peracto iubeat ante diem, citius, quam* (Iuno) vellet, aratro iungere, et semina spargere Cadmei draconis dentes, timet Iuno, et varias circumspicit artes. Sola animo Medea subit, nocturnis qua nulla potentior aris, Hecates sacris

nocturnis, magicis. — 441. Hanc Medae artem amplifi-
cat poeta: *Illius ad fremitus, murmura magica*, (sic recte
Burmannus) *sparsosque per ania sola et deserta loca su-*
cos sidera fixa paucis timent, ne coelo denocentur. —
mutat agros fluviorumque vias, ut agri undis mergantur,
fluvii alio alveo incedant; *suus adligat igni cuncta sopor*.
Haec non vno modo possunt exponi; ego quidem cum
sequentibus: *recoquit fessos aetate parentes* cohaerere ar-
bitror, hoc sensu: omnes, quos arte sua in vitam revocare
promittit, sopori datos et in aenum coniectos senes reco-
quit, quod reapse ita eam fecisse notum ex Ovidio Metam.
7, 160 sq. quem omnino consuluisse non poenitebit. —
445. *datque alias sine lege colus*, (Colus, an colos scribas,
perinde est.) fata vitaeque terminos hominibus a Parcis
praestitutos mutat pro lubitu. *Hanc maxima terrificis*
modis famosissima incantatrix Circe mirata, hanc advena
Phrixus, quamvis Atraciao lunam spumare veneno sciret,
et Haemoniis agigaret cantibus umbras. Et Atracia et
Haemonia Thessaliae sunt nomina — quamquam igitur
Phrixus Thessalus patriae suae artes bene noverat, quibus
feminae Lunam ad iram ita excitarent, ut spuma in terram
herbasque roris instar deflueret, quam veneficae luna per-
nocte Ovid. Met. 7, 268. conligerent. cf. *sanguineam*
Lunae iram infra 7, 330. et 8, 83. Virgil. Aen. 4, 513.
messas ad Lunam pubentes herbas, et Lucani 6, 669. *lu-*
nare viris. — 449. hanc itaque virginem *opibus magicis*
et virginitate, quia Dianae erat sacerdos, quae inlibatae
debebat esse pudicitiae, (cf. 5, 240. fert *castos* Medea
choros) *tremendam*, Iuno Iasoni suo *sociam auxiliatricem*
dare constituit. — 451. *Non aliam tauris videt et nascenti-*
tibus armis, armatis viris e terra procrepantibus quippe
parem: medio quam si flet in agmine flammæ, nullum
mente nefas, nullos horrescere visus. Locus salebrosus,
varie tentatus ab interpretibus. Mihi obfendiculo est vo-
cula *quam*, cuius loco, subfragante non vno codice, ponere
quae et *horrescere* pro Infinitivo, quem vocant, historico
sumere liceat; reliqua mihi saltem satis plana videntur:
quae si flammis undique virgeatur, involuatur, uti est
7, 74. mente tamen inmota nec nefas, damnum a flammis,
cf. 3, 284. nec adspectum taurorum igniferorum horrescit.
Visum pro adpectu, pro rebus, quas videmus, saepius
Noster adhibet, v. c. infra 549. 7, 121. etc. non igitur erat,
quod mutari nonnulli vellent in *ausus*. — 454. *Quid si*

his omnibus caecus amor saeviusque adcesserit ignis, vehementer amor, virgini hucusque incognitus?

455. Ad consilium hoc suum persequendum Veneris opem sibi implorandam rata, (Virgilius etiam Iunonem habet cum Venere agentem Aen. 4, 89 sq.) *thalamos eius semperque recentia fertis floribusque tecta petit*. Deos nempe Deasque singulas domos in Olympo habuisse, iam supra monuimus ad finem libri 4. Ovid. Metam. 1, 172. *Deorum atria nobilium*. Veneris palatium Vulcani coniugis opus erat. Apollon. 3, 36. μέγα δῶμα Κύπριδος, ὃ ἅ τ' εἰ δαίμην πόσις ἀμφιγυήεις, ὁππότε μιν ταπρῶτα παρὰ Διὸς ἴγαν ἄκοιτιν. Laudat post Pium Burmannus Claudianum etiam Epithal. Honorii v. 50 sq. qui, quamquam non domunculam Veneris in Olympo, sed antrum in insula Cypro describit, tamen ita vivis omnia coloribus pingit, ut ab describendo vix temperem. — 456. *qua iam dudum e longinquo visa profilit altis Diva toris*, honoris causa obuiam currit, *volucrumque exercitus omnis Amorum*. Praeter Cupidinem illum, Veneris filium, multi alii eiusmodi pueruli alati in comitatu Deae erant, de quibus Claudianus loco modo laudato v. 71. “mille pharetrati ludunt in margine fratres Ore pares, similes habitu, gens mollis Amorum. Hos Nymphae pariunt, illum Venus aurea solum edidit.” quae tamen *omnium* Cupidinum mater nominatur infra 7, 171. cf. Manso Versuche S. 350. — 458. *Ac prior Saturnia subplex et placidis verbis* (quibus non semper *usa* est) *adgreditur, veros metuens aperire timores, curas, sollicitudines*. — 462. *Durus* (vox ambigua, quae et in laudem, et in vituperium trahi potest, ad labores obdurus, vel pertinax) *ut, ex quo Tirynthius Hercules Argolicis exfulat oris*, (callide suam huius exilii culpam reticet) *mens mihi non eadem Iovis, nullus honor thalamis, nec flammæ in nocte priores*, me coniugem minus amat, frigidiore sunt amplexus. (ingenua profecto simplicitas! sed matronae eiusmodi calamitates in sinum sibi innicem dicuntur effundere). — 465. *Da, precor, artificis blanda adspiramina formae* artificiose elaboratum cingulum, quod cuique, qui gestat, amorem inspirat, *ornatus tuos, terra coeloque potentes*. Adumbrata omnia ex Homero, qui omnino conferendus Il. 14, 197-214. Est autem illi *artifex forma ἰμᾶς ποικίλος* — *blanda adspiramina θελητήρια* — *terra coeloque potentes δαμνᾶ ἀθανάτους, ἡδὲ θνητοὺς ἀνθρώπους*.

467. *Sensit Diva dolos, iam pridem sponte requirens* cupiens genus omne excindere Phoebe, bene memor proterviae, qua furtivos amores suos Vulcano prodiderat, risuique totius Olympi exposuerat. cf. Barthium ad Statii Theb. 5, 59. *tūm vero optatis potitur*, hanc diu expectatam occasionem adripuit, *dedit acre periculosum decus, secundaque monstros*, malis fere incredibilibus, *cingula*, quorum vis egregie exponitur a) negative, *quibus non pietas, amor in parentes, aut custodia famae, aut pudor* (Ehrgefühl, Bescheidenheit) — b) positive, *at contra levis*, inconsiderata et festina *cupido adflatusque mali insidiosi sermones, blanditiae, dulcisque labantibus error*, imaginata amoris dulcedine ad peccandum facilis propensio, *et metus et demens alieni cura pericli*, cura et sollicitudo de amati vel amatae periculis, quod Medae addidit in Iafone.

478. Hoc igitur cingulo (*arcana venena* adpellat poeta) induta Iuno latae pergit ad Medeam, *Chalciopen sororem et sono vocis et forma imitata*. *Fulsit ab inuitae*, quamquam splendorem Deae dissimulare vellet, *lumen procul*, pauorque et horror ingens Medeam percellit. — 481. *Ergo nescis, Argonautas huc ignotis fluctibus*, per maria nondum antea tentata, aduenisse, foedusque cum patre pepigisse? *At cetera muros turba matronarum et virginum tenet*, quod facere solebant in proeliis ad ipsa moenia, uti notum ex Homero Il. 3, 150 sq. cf. Ovid. Met. 8, 19. 20. *fruiturque virorum coelestibus armis*, voluptatem capit ex egregiorum adspectu heroum. *Tales quando tibi cernere reges*, sc. licebit, continget? — 488. *Illa nihil contra*. Iuno enim, non expectato responso, secum abripit in muros hanc tantam celeritatem admirantem. — 490. *Ducitur ad moenia summa nescia mali futuri et falsae commissa sorori*. Commissa pendet ab *nescia*, more Graeco, pro inscia, se commissam esse. cf. Virgil. Aen. 2, 377. *sensit delapsus in hostes*. Sic infra 7, 145. *adnoscit raptata*. — 492. *Lilia velut alba per vernos colores lucent praecipue*, prae aliis splendent vernis floribus, *quibus (liliis) vita brevis* (quod verbum bis etiam Horatius adhibet. de rosis Od. 1, 46. 2, 1. 13.) *totusque parumper* per exiguum tempus *florēt honor, vigor atque pulchritudo durat, fuscis* atras nubes cogentibus *iam Notus imminet alis*, excutere minatur flores. *Fuscae alae et alibi Noto* tribuuntur: supra 1, 611. *est nocti concolor*.

495. Hanc Medae instantem sortem ipsa deplorat He-
cate. *Deferis, heu, nostrum nemus aequalesque cateruas,*
comites virgines eiusdem aetatis, cf. 7, 181. *Ah misera,*
haud sponte, non iniussa tamen abibis ad Graecas vrbes,
neque te, mea cura, quam tantopere amo, relinquam, de-
seram, semper tibi adero. — 500. *Magna fugae docu-*
menta dabis, mirae res atque inauditae fugam tuam ce-
lebrem reddent, *spernere nec usquam mendaci captiua*
viro, noli metuere, ne negligi te atque repudiari a coniuge
perfido passura sim, immo vero *magistram Deam,* domi-
nam me sentiet, et *raptu, pudendo turpi famulae,* sacer-
dotis me dolere.

503. Medea comite murorum extrema turrim conscen-
dit luno, *defixaeque oculis deorsum versis horrent,* quales
instanti nimborum frigore imminentem tempestatem prae-
sentientes *aves subcedunt ramis, haerentque pauore,* pa-
vidae arborum frondes densas petunt. — 507. Depugnan-
tes inuicem gentes nominantur: *Getae, Iliberi, Dran-*
caei, Geloni. *Semineces duplicesque* Burmannus expli-
cat vulneribus incuruatos, vti ap. Ovid. Metam. 6, 293.
duplicata vulnere caeco est. Virgil. Aen. 11, 645. 12, 927.
vbi *duplicatus poples,* i. e. inflexus. (Heyne). Possis
etiam simplicius de coaceruata ex vtraque parte caesorum
strue intellegere, quod suadere videtur sequens *congeries;*
sed illud doctius. — *misero luctamine,* vt se in pedes
iterum erigant, *versant saeuam congeriem.* — 512. Du-
bium diu proelium est et anceps, modo hi, modo illi
victores sibi videntur. Hoc ita effertur: *Victores Geloni*
patrium Paeani congeminant, semel iterumque cantu
laeto victoriam celebrant, canunt *ἠνιμνιον.* *eadem redeunt*
mox gaudia victis, qua (vbi) *Deus et melior belli respexit*
iterum fauere visa est, *imago* adspectus. Hanc esse poetae
mentem, vix dubitandum, vtinam dilucidius expromississet!
Heinsius etiam obfendit, conicitque pro *imago* *Enyo*
i. e. Bellona. Acute, vti plerumque, sed tum esset belli
Bellona.

515. Iam ad singularia praecedit Valerius certamina,
eaque tam graua, vt Musam ad ea canenda in auxilium
vocet. — 517. *Abfyrus,* Aeetae filius, occasionem dedit
hisce pugnis. *Curru Solis,* aui sui *coruscus* incedebat,
cuius *vibrantem* (rectius *vibratam,* sed sic solet noster:
vide 2, 67. vbi *vibrat ensis*) *cominus hastam cernere, nec*
galeam gentes potuere minantem (recte: nec aliter 7, 577.

galeas enim ferarum simulacris terribiliores facere solebant; non erat igitur, cur *micantem* legi mallet Hein-
sius.) — 520. Sed terga vertunt, *magnisque fugam clamoribus augment*, intendunt, faciunt, ut effusius omnes fugiant. *Proterit impulsu*, proculcat vehementi inpetu agmina, *corporaue atris puluere* (v. supra 415.) *sternit equis*, gemitusque premit *spirantis acerui*, finem facit gemitibus exspirantium, qui diu mortem exoptauerant.

524. *Nec leuior*, non mitior, aequae terribilis comitatur Aron; v. supra 5, 591. *cuius discolor chlamys*, paludamentum acu *barbarica ardet*, figuris acu, pro more illius regionis, pictis splendet, coruscat, *super arma squalentesque aere*, fulco colore *lacertos*, *tremefactaque inflata*, fluitans *vento inplet*, totum tegit equum a tergo. *Qualis roseis it Lucifer alis*. Nescio, quid addiderit commentatoribus, ut de equo Luciferi hic cogitarent omnes, variisque coniecturis non inlustrarent locum, sed obscurarent. Tota comparatio non ad proxime praecedentem equum, cuius non nisi obiter fit mentio, sed ad ipsum spectat Aronem. Hic chlamyde aurata haud secus incedit, ac *alis roseis aurorae* quippe anteambulo (v. omnino *Voss mythol. Briefe* 2, 9.) *Lucifer*, quem *Venus inlustrari gaudet producere coelo*, (quod expressum e Virgil. Aen. 8, 190. quem Venus ante alios astrorum diligit ignes. Apud Claudian. de raptu Proserp. 121. Venus eundem nominat suum. adde Silium Ital. 7, 639. Oceani renouatus Lucifer vnda laudatur Veneri). — 529. At non inde procul *inglorius Armes*, non bello strenuus, sed *fraude noua*, commento singulari *stabula et greges furtis inultis* inpune adhuc *depopulare solitus*: *frontem enim cornibus auxit*, capiti praefixit, ut procerior videretur, *hispidus*, horridus, pallis capillis, *inque Dei latuit terrore Lycae*, (a monte Arcadiae Lycae, non Lyceo) Panis personam induit, ut Panicum, quem vocant, obusis terrorem incuteret. — 534. Hac igitur facie hostes aliquamdiu deceptos quum tenuisset, *ignotaque formidine* terriculamento insolito in proelium procederet, Aron, *pavidos*, inquit, nunc putas *magistros pecudum*, pastores, et *solidum petiisse pecus*, non *pascua*, non *seps* hic tibi, *nocturnis mitte*, permitte, *serua haec simulacra rapinis*, ac Deum mihi *finge*, (εἰσωνικῶς) Deus quoque *consere dextram*, nec Deum ego timeo. — 540. Tum vero *intenta planta*, in digitos pedum paullulum erectus *adiutum missile*, hastae maiorem vim roburque

maius addidit, et *labfis villis*, quibus se inuoluerat pelli-
bus, *patuerunt magna, lata vulnera*.

542. Nec minus fortiter res suas agit *Phrxi Aetia*
proles, nepos ex filia Chalciopae, Argus. v. supra 5, 461.
ac se modo laeta, iucunda, de quo laetarentur, *Cytaeis*
Colchis, modo cognatis ostentat Achivis Argonautis.
Atque hos (cur hoc, quum de vno sit sermo? Sed respici-
tur et ad alterum Phrxi filium, Melan, qui iam antea non
sine laude pugnaverat; v. supra 196.) *vtumque igitur gau-*
dens videt Iason laudibus in ipsis, in ipso actu rerum,
quas agerent praeclare. *Macte, ait, o nostrum genus, et*
iam certa, nec opina Aeoliae domus propago, gratulor et
vobis et mihi, tam fortes habenti cognatos: *fat magna*
laborum dona, praemia fero, satis hoc visu quaecumque
rependo, quae pertuli mala, facile hoc tali gaudio pensan-
tur. — 550. His dictis *emicat Argus in Sueten* (Schrader
in Observatt. p. 79. mauult *Seuthen*, quod nomen qui-
busdam Thraciae regibus fuisse constat. v. Cary Hist. des
Rois de Thrace Par. 1752. 4. p. 8. 10. 27. 47.) *magnique*
in fata ad mortem inferendam *Ceramni*, hunc *poplite*
caeso, inciso *deicit*, sternit, *illum aperit lato per pectus*
hiatu (Virgil. Aen. 11, 666. cuius apertum aduersi longa
transuerberat abiete pectus). Nec his contentus Argus
vtumque, *et Zacorum et Phalcen ab equis ingenti aruo*
porrigit (τῶνδεῖς Homer. Il. 16, 485. ἐκτάδην κείμενος
Alciphron 3, 22. et alibi) vt magnum campi spatium ob-
cuparent, *peditem pedes haurit*, confodit *Amastrum*. *San-*
guinis ille globos v. 573. ingentem sanguinis vndam; *effu-*
saeque viscera gestat, trahit, vel manu reprimere intra
ventrem voluit, Homer. Il. 20, 417. νεφέλη δέ μιν αὐφενά-
λυψε πυκνὴν, προτὶ οἱ δ' ἔλαβ' ἔντερ' αὖ χερσὶ λισθεῖς, et *cassa*
inrita ira frendens sublabitur, procidit.

557. *Dat Calais Brisanta neci, semperque propinquas*
venali comitantem sanguine pugnas Rhipaea, qui non nisi
mercenarius et praemio adcepto in proeliorum communio-
nem veniebat. *Centum nempe lecta bouum corpora*, egre-
gios, magnos pinguesque boues *bellator* (nescio, quid ad-
ciderit Burimanno, qui in *bellatore*, vel in *his* ille aliud
nomen proprium latere autumat. Omnia referenda ad
vnum Rhipaea, vitam pro equis vendentem. Mihi vero
crudelis, et omnino v. 561. et 562. frigidiusculi videntur)
pactus erat, *centumque equos*, *his ille animam lucemque*
rependit, vitam aequiparat *crudelis* in se ipsum; *tandem*

dulces iam cassus (mel. fessus) in auras respicit, et coelum nulla gaza reparabile.

563. *Labitur et Peucron, crines per tempora coerula,* erat enim Nymphae marinae filius, *intortos crispas, fortasse tamen intonsos, harundine materna velatus.* Mater *Maeotis* obitum eius deplorat, *natumque deliderans vocat,* iam non per ripas, per curua stagna, paludis Maeotidos anfractus volantem, nec in medio truncantem marmore, glacie constricta palude ceruos.

569. *Eurytus Argonauta Exomatas agit aequore campi.* *Nestoris hastae immoritur* (i. q. supra 244. mediam moriens descendit in hastam) *Helix primaevus,* in flore iuventutis constitutus, *nec reddita cara nutrimenta patri,* qui fructus educationis sollicitae videt perire. — 572. *At,* ne tamen sine aliqua clade discederent Colchi, *Latagum Zatenque Daraps* adgreditur. Hoc nomen vix sanum esse crediderim eam ob causam, quod supra 66. Daraps ob vulnus in proelio aduersus Persas adcepto huic bello non interfuisse, sed Dathin ducem suum misisse dicitur. Quid si igitur hunc Dathin et hic reponas? — Daraps itaque vel *Dathis illum Latagum exigit hasta;* (supra 4, 390. similis est locus, ubi tamen casus quartus: *exigit harpen.* Vtrumque exquisitè pro traiecit, interfecit) *hunc Zaten fugat.* Hoc ita intellegendum: Zates non expectato Darapis inpetu fugit, quum Latagi in pectore videret hastam prominere, multumque eum sanguinis profundere, *sanguinis vndam.*

575. Antequam Iasonem ipsum in pugnam producat, quid Medea interea secum egerit, enarrat poeta. Singula dum proelia lustrat, et partim ipsa *densa in caligine,* nubibus puluere coactis, duces adnoscit, partim a *Iunone magistra* nomina illorum cupit edoceri, *conspicit Aesonium caput Iasonem* prae aliis eminentem, et *conspicit longo,* amor enim acuit oculos, totaque in eo occupata est, *huc simul acres oculos sensusque animumque fauentem refert.* — 581. *Nunc quo se raperet,* in quos inpetum factururus, *nunc quo diuersus abiret,* alio loco manus conferaturus esset, *ante videns,* coniiciens, suspicans, *quot equos vnus, quot arma funderet,* lanceas hostium frangeret, *quam densis,* crebro repetitis *hastis viros sterneret orantes,* eo adigit, vt de vita subplicentur. — 584. *Quaque iterum tacito sparsit vaga lumina vultu,* si quando oculos alio circumtulit, sed tacito, non ita cupido, fugitiuo vultu,

animi adfectu vultu expresse, aut fratris Absyrti quaerens, aut pacti coniugis, sponsi Stiri arma, res ab utroque fortiter gestas, saevius ibi miserae solusque obcurrit Iason. Iunxerim saevum miserae, hoc sensu: solum spectat eum, qui tamen mox ipsi tot curarum atque periculorum causa futurus sit. — 587. Tunc his germanam, simulatam a Iunone adgreditur dictis, ceu nescia, quasi non nosset Iasonem, optime autem noverat: quis, precor, hic, quem iam dudum tueor, quemque ipsa vides? — 590. Contra Iuno aspera, crudelis satis, quae animum virginis perturbatum magis instigaret, ac diris fraudibus virgneret, haec reddit, respondet ita, ut Iasonis laudes callide augeat. Ipsum Aesonidem cernis, laudandum eum 1) ob susceptum tanti periculi iter, aequore tanto per tot maria, debita cognationis iure vellera Phrygi repetit. 2) ob nobilitatem generis: nec nunc laude prior generis, nec sanguinis usquam. Si qua generis et sanguinis differentia quaerenda sit, quod tamen non adeo necessarium esse videtur, adcederem Harlesio, qui ita: nemo inter pugnautes maiore laude generis ortusque nobilitatus et celebris est, nemo arctiori necessitudinis vinculo nobis iunctus. 3) Ob pulcritudinem: Minyas inter proceresque Cytaeos, Colchos emicat effulgens. 4) Ob fortitudinem: quantis insultat acervis! quot hostium per strages victor incedit! — 597. Tandem incendit eo, ut talis viri usum dicat brevem futurum esse, mox vela dabit, Thessaliae opes Thessaliam repetiturus. Quod ut bonis aibus faciat, optes mecum. Fruere igitur eius adspectu, dum licet.

602. At vero, ut Medeam Iuno dictis, ita Iasonem Marte secundo, felici certaminum, quae hucusque inierat, euentu impulit, atque novas egit sub pectora vires. Ora saeva, dirus vultus sub excelso iam dudum vertice coniuncta micuerat, cursuque ardescit, acrius intendit cursum, nec tibi, Perse, nec tibi, virgo, iubae Achivae cristae in galea laetabile sidus adparet, tristitia potius portendit. Acer ut auctumni canis Sirius, et cometae ab Iove vocati, in aethere conlocati ad regna iniusta fatales, tyrannis perniciem minitantes. Eadem comparatio est supra 5, 369.

609. Nec sua Crethiden, Iasonem (v. Tab. genealog.) latuit Dea, sensit eam sibi adesse, fanere, ac se super agmina tollit, tantum eminet, quantus ubi ipse gelu magnoque incanuit imbre, pruina, quod suadet rō incanuit, Caucasus, et summas abiit hibernus in Arctos, nivium

mole ad sidera vsque procrefcit. — 613. Luxuriat poeta comparationum frequentia (trium intra decem versiculos) et coloribus. Tunc vero *stabulis qualis leo* (cf. in primis Virgil. Aen. 9, 339 sq.) *saecit opimis*, in quibus multae pecudes, *luxurians spargitque famem*, diuidit, non in vno explet, *mutatque cruores*, caedes, ita vt. mox hoc, mox illud animal inuadat. (Sic *mutat hostem* Sil. Ital. 5, 286.) Exquisitius et insolentius dicta, quae tamen quodammodo illustrantur versu sequenti, vbi *non in vna parte ad spargit, non in vna caede ad mutat cruores* referre voluisse poeta videtur. *Modo saeuo ense, modo infesta rarefcunt cuspide pugnae*, gladio hastaque hostium sensim numerum sibi minuit. — 618. *undantem crinibus* est vel de densis crinibus, caesarie intellegendum, vt *undans* idem sit, quod abundans, vti 1, 539. et 3, 117. vel, quod verius, de cincinnis leniter circa ceruicem fluitantibus. — 620. *vastiis voluendum mittit harenis*, amplo et arenoso campo vt se volutet.

621. Iam vero in grauiorem incidit aduersarium Iason, ipsius Iouis filium *Colaxen*, qui iam *sua fata complebat*, terminum vitae a Parcis (cf. v. 644.) constitutum adtigerat, quem terminum ne Iupiter quidem ipse poterat proferre. — 624. *Heu mihi!* sic secum Iupiter, quot mihi audiendae essent a Diis reliquis querelae, si filium meum morti vellem subducere, summamque meam in eo potentiam declarare! *Frater Neptunus adhuc Amyci filii moeret nece, cunctaque Divum turba fremunt*, tumultuantur, mecum altercantur. *Quin habeat sua quemque dies mortis*. Sic 5, 12. dies suus admonet omnes. — 629. Sic fatus, *supremos misero honores congerit*, hoc concedit, vt non nisi rebus fortissime gestis obcumbat, vel, vti Valerius ipse addit, *animis moriturum ingentibus inplet*. — 630. *Ille volat campis, velut hiberno ab arcu imber*, postquam in coelo Iris adparuit (imbrifer arcus Tibullo 1, 4. 44.) *proruptus*, prorumpens, (proruptam audaciam habet ipse Cicero pro Rosc. Amer. c. 24. proruptum mare Virgil. Aen. 1, 246. proruptum pelagus Sil. 3, 51. proruptum Veseuum Noster 4, 507.) *agens scopulos, laxa, nemorumque operumque ruinas*, arbores excisas, magnorum aedificiorum ruderata, trabes cet. — *donec ab ingenti bacchatus* (venti in primis poetis saepe bacchantur) *vertice montis frangitur*, vim sensim amittit, *inque nouum paullatim deficit amnem*, ita languescit, vt in tenuem fluuium abeat. — 636. Talis

igitur extremo aeuo ante obitum proles Iouis emicat, nec saucius, et equo amisso remittit a pugnando, pedes excipit hasta Tydrum Phasiadem, filium Caucaſi ad Phasidem fluuium natum, vnde cognomen traxit; ferebant, auferiebant cadauer parentes, famulum sacerdotem Phalidis intonso nequidquam crine, alere enim capillos solebant sacerdotio destinati.

644. Iamque aliis instabat atrox Colaxes, quum diua iniqua saeua Parca supremas rumpit colus, filum abscindit, victorque aduenit Iason. Excipit hunc saeua voce Colaxes: Vos miseri, huc venistis saturare, ad saturandos Scythiae canes Scythiaeque volucres. His minis nihil tritius. v. supra hoc ipſo libro v. 313. Scythia haud inepte his posita, idem enim verbum repetere ira alioque adfectu commoti solemus. Saxumque prehensum, illius et dextrae gestamen et illius aeni. Perplacet, ob breuitatem in primis: saxum, quod nonnisi talis vir heroicae illius aetatis loco mouere et tollere potuisset. Adumbratum ex Homero Il. 5, 304. vbi Diomedes *χερμάδιον λάβε χειρὶ — Τυδείδης, μέγα ἔργον, ὃ οὐ δύο γ' ἄνδρες φέροιεν, οἷοι νῦν βροτοὶ εἶσιν.* cf. eundem Homerum Il. 12, 445. et ex eo Virgil. Aen. 12, 896. et, qui enervēs suae aetatis homines pingit, Iuvenalem Sat. 15, 65. non hunc lapidem, quales et Turnus et Ajax, vel quo Tydides percussit pondere coxam Aeneae; sed quem valeant emittere dextrae illis dissimiles et nostro tempore natae. cf. Ovid. Met. 3, 60. — 650. Concussa molitur hoc saxum humo, viribus intentis e terra eruit, nec tamen ferit, quem vult, regia Iuno flexit ad ignotum Moneſi, vnus ex multis, infletumque quem nemo desideraret, caput. *ἀνομωπτόν ἄνδρα* Aeschylus Choeph. 428. — 652. Praeceptus ille, Colaxes, ruit, Aesoniae vulnus fatale, letale hastae per clypeum, per pectus abit; aduolat Iason, mortemque cadentis acerbat, acerbiores facit insultando, sarcasmis. Exemplum aliud vide supra 4, 314.

656. Spargitur hinc, ad alios properans, miserisque venit iam notus, testes enim fuerant rerum modo fortiter gestarum, Alanis.

657. At regina Medea, neque enim Deus Cupido amonet ignem facem v. 673. virum persequitur oculis ardentibus: Et iam laeta imagine pugnae minus praesentis animum conligit, quod remotius videt proelium, castigatque metus, et quas alit inscia curas, ipsa se reprehendit, quod tam sollicita sit de viro peregrino, ipsa se celare amorem vult,

quem sentit reapse, oriturque levis adeo suspicio de comite Ina, *respiciens, an vera soror, nec credere falsos audet atrox vultus*, non diu alit suspicionem, qua tamen iniuriam fortasse facere possit sorori, *eademque in gaudia labitur*, vultum denuo explicat, et *saevae trahitur dulcedine flammae*, pernicioso, quo tamen incunde adscitur, amore abripi se patitur, qui a paruo initio sensim ad incredibilem vehementiam progreditur. Hoc inlustratur comparatione a ventis desumpta. Ac *velut ante comas extrema singularum arborum folia ac summa cacumina sylvae*, totius sylvae extremitates *lenibus adludit flabris lenis Ausier* (mollia omnia et apte delecta verba ad tenues ventorum flatus exprimendos, in primis *adludit*, iocatur quasi. Eandem imagunculam inuenies ap. Senecam Thyeste 156. ac tremens adludit patulis arbor hiatibus). — *Protenus inmanem miserae sensere carinae*, mox infesta et inmensa ventorum vis ita augetur, vt naues mergat — *talis ad extremos agitur Medea furores*, eo amentiae progreditur, vt extra se posita, quid agat, nesciat. — 668. *Interdum blandae derepta monilia* (cingulum, cestum Veneris, qui non semper pectus cingebat, sed baltei etiam ad instar ab humeris versus femina descendebat. Iacobs Animadv. ad Anthol. Vol. 2. P. 3. p. 309.) *Diuae contrectat*, ludendo tangit primum, *miseroque deinde aptat flagrantia collo*; *quaque vbi cumque dedit teneros aurum furiale nocinum per artus, deficit*, extra se ponitur, *Deae gestamina reddit*; *turbata*, animo emota non gemmis, non leui metallo, *sed facibus, sed mole ponderosis flammis, sagittis ardentibus Dei Cupidinis, quem toto pectore iam tenet*; *extremus roseo pudor errat in ore*, qui genarum antea decor fuerat perpetuus, iam inconstans vagatur, leuiter tingit malas, mox omnis euanescet. Pictura elegans! — 675. iam amorem non intus et in pectore continet, sed communicat cum simulata sorore sollicitudinem, an fidem seruaturus sit pater Iasoni, cui tantum debeat: *Dis melioribus, inpenso fauentibus Graecus hospes contigit patri*, et quam exiguae supersunt belli reliquiae! *quantis sese, et quidem pro ignota gente non tam exponit, quam sponte obicit periculis!*

679. Haec ita loquentem medio in sermone relinquit Iuno iam *incepti potens fraudisque secura*, voti compos, et de dolo consilii subcessu certa. cf. *promissi potens* Virgil. Aen. 7, 541. *iussi potens* Ovid. Metam. 4, 509.

681. *Inminet* proho corpore conspicua *a celsis muris* *audentius*, *impudentius improba*, *ardens*, nihil aliud cogitans *virgo*, *nec ablatam sequitur in urbem sororem*, *nec quaerit*, ne desiderat quidem. At quoniam *viris armisque* premi Iasonem videt suum, *quumque omnis in unum imber* *uit saxorum et hastarum*, *toties saxis pulsatur et hastis*, ipsa sibi vulnerari videtur.

686. *Prima* (aduerbial. pro *primum* vti 1, 1. et sequenti versu *alta* pro *altius*) horruit ad *Lexanoris* sagittam, quae tamen non feriit, sed *altius Iasonis caput transuolans Caicum* percussit, qui nuptias nuper celebrauerat, quod ad miserationis adfectum adcommodate ita effert poeta: *coniux miseranda Caico* *linguitur*, et *primo domus imperfecta cubili*. Est ex Homero Il. 2, 701. ὁδὸς ἡμιτελής (Protesilai). ἡμιτελής Ἰάλαμος Anthol. Graeca Iacobs Vol. 2. p. 172. *Frustra inceptam domum* adpellat Catullus Epigr. 68, 75. vbi vide Cl. Doering. *Sterilem domum* Propert. 4, 11. 62. Cf. Ruperti ad Tac. Ann. 1, 3, 2.

690. *Myraces*, legatus regis Parthorum *Eois ab oris* ex Oriente venerat, vt donis oblati *foedera non inrita* firma atque certa cum Colchis et rege Aeeta iungeret. Huic fato destinatum erat, vt *procul* e remota patria hoc ipso tempore in Colchida veniret, ac pugnae temere se immisceret; *simul armiger ibat semiuir* (contentim, cf. 8, 347.) Ipado, eunuchus. *Ipsae Myraces, pharetratis residens ad frena tapetis*, currum regens, cuius sedes pretiosis stragulis vestita multisque sagittis circumdata erat. (mel. fortasse *pharetratus*.) *Nunc leuis*, celeriter *infecta curru* adoriens *procurrit in agmina*, nunc *fuga mentita* similata *conuersas* retro *spargit sagittas*, more Parthorum. (Fuga ipsa satis audacter sagittas spargens inducitur.) — 699. *At viridem gemmis smaragdis in primis*, et *Eoae siamine syluae* (Heinsius hoc vltimum mutare voluit in *tela*, vti supra 623. quod necesse non est, iudice Dorvillio ad Chariton. p. 533. ed. Lips. Porro Eoam sylvam de bombycina idem intellegit Heinsius, contradicente tamen Ezech. Spanhemio, qui de bysso explicat, de vsu et praest. numismatum T. 1. p. 454. quem omnino de hoc loco consule, nam et tiamam, cuius hic mentio fit, descripsit, numisque aliquot inlustravit) — *subligat nempe extrema patrum* (nil muta: est enim et Mascul. et Feminin. etiam Graecis ὁ τιάρας et ἡ τιάρα. v. Scholia in Platonem nuper e schedis Ruhnkenii edita p. 185.) *cervicibus*

tiaram. — Non eadem forma fuit tiaris: Phrygia erat planior, nec ita ampla, et sine loris; Persica (Parthica) autem turrita magis, et ultra ceruicem protenta. — 701. *Insignis manicis*, quae ad luxum Orientis pertinent, Romae signum mollitiae erant; *insignis acinace dextro*, in dextro latere, secus ac nostri homines. — *inproba* (quo verbo omnia, quae nimia sunt, vehementia, pertinacia cet. exprimuntur) quae modum pedis excedunt, *tegmina barbara plantae*, pedis, calcei procurrunt. — 703. *Nec latuere diu spolia illa Syenen*, gentis Hylaeae ducem. v. supra v. 74. *per leuem*, tenuem, et multo murice purpura *maculatam tigrim*, fortasse ad pellem tigridis per se maculosam respicitur, quae maculae tamen purpureis laciniis auctae erant. *concita cuspis sagitta abit*; *subitos ex ore cruores* (os non placet. Quod si enim cum Pio sumas, tigridis caput in cono fuisse, tiarae illa superinducta esse debuit, quod vix credibile; nec ex cono tantum sanguinis effluxisse videtur, quantum in sequentibus narrat poeta) *saucia tigris hiat*, (hiare actiue sumtum rarius, apud Propertium tamen Eleg. 2, 31. 6. obcurrit) *vitamque effundit herilem*. Et hoc audacius dictum, nihil enim aliud esse potest, quam sanguinem emittit domini, qui ea esset indutus. — 708. Quae sequuntur, ad verbum paene desumpta sunt ex Homero Il. 17, 51 sq. *Sanguine tunc atro chlamys ignea* viuidioris purpurae, et *gravidae* vnguentis *comae maduere*, (δέοντρο κόμαι) *quas flore Sabaeo*, nardo vel myrrha *mater nutrierat* inunxerat inde a iuuentute, *liquidoque auro*, in fila ducto, vel in tennes laminas tracto *signauerat*, *distinxerat*; (πλοχοὶ δ' οἱ χρυσοῦ τε καὶ ἀργύρου ἐσφηνωντο) *qualem si quis aquis* (ἀναβέβρυχεν ὕδωρ) *et fertilis ubere*, vbertate terrae, (vbere glebae est ap. Virgil. Aen. 1, 531.) *educat, ac ventis oleam* (ἔρνος ἐριθιλήες ἐλαίης) *felicibus inplet*, ita conlocat, vt ventis, Favonio in primis, pateat. Varro de re rust. 1, 24. (πνοιῖαι δονέουσι παντοίων ἀνέμων) *iamque videt primam tenero de vertice frondem*; (βρῦνι ἄνθει λευκῷ) *quum subito inmissis praeceps aquilonia nimbis venit hyems* (ἐλθὼν δ' ἐξαπληγὴς αὖεμος σὺν καλῶντι πολλῇ) *magnaue euulsum tendit harena* (βόθρου τ' ἐξέστρεψε καὶ ἐξετάνυσ' ἐπὶ γαίῃ).

718. Myraces iste Syenis sagitta ante ipsius virginis ora cadit, sed non magis illa mouetur, aequo animo fert, *vnus aegra metu*, de vno Iafone suo sollicita, quam rebus praeclare ab Argonautis quibusdam gestis, qui *tempestate*

pari eodem inpetu versis incubuere turmis, fugientes hostes persequuntur.

725. *Perfes, hanc suorum fugam conspiciens, coelum questibus inplet. Vos superi augurio inani in errorem me duxistis, ut Scythas in patriam excitarem meam. Tu, Iupiter, promiseras, fratrem iniustitiae mihi poenas daturum, promiseras Graecorum auxilium. Scilicet! — 733. Saeua quidem lucis miseris mora, longioris vitae taedet infelices, hunc tamen fata diem dent, quo fallat Achivos sic meritos* (deest subiectum, quod vocant, nempe rex Aetes. Aptius tamen *leges qui, sc. dies*) *quoque videam Iasonem tantos flentem dolentem sine honore, digna remuneratione labores.*

737. *Dixerat, et pectus suis euerberat armis; hoc voluisse videtur Valerius: ense feriit clypeum, quod facere in proelium procedentes Scythae soliti, (v. supra hoc libro v. 99.) forsan tamen aliam posuerat vocem poeta, nam armis intra quatuor versiculos his positum non satis placet. — galeam fletu et singultibus inplet, secum dolet, dolorem tamen galea tegit, et iam in eo est, ut in medios hostes se praecipitet. — 740. Ni prior aduersis Pallas vidisset ab armis, ex obposita acie Aetae et Argonautarum, quibus aderat, et secum: Ruit in funera, mortem Perfes, quem tamen ipse Iupiter fratri subcessorem destinavit. Vereor, ne nostra fraude dolo maligno peremtum increpet Iupiter, et culpam hanc magno terrore gravissimis verbis rependat, ulciscatur. — 745. Haec dicens atro amictu induta nebulam diffundit, hastasque in virum coniectas a capite eius arcet. Ille turbine, procella, sed clementi, leni super socias gentes erigitur, in altum extollitur, paullumque leui raptatus in aethra, aethere, quae eadem forma supra 1, 156. per magnum aeris spatium abductus, tandem in extremas pugnae oras, ultimam aciem delatus, ubi Iber ferus, ignavus, tardus ad proelia, Effe-doniaeque phalanges Marte carent, cum aliis non in communionem veniunt pugnae, solisque induant clamoribus agmen, non nisi bellico clamore sociorum virtutem excitant.*

752. *Tandem nox ingruit, astriferas profert mortalibus umbras, cadit, desinit belli fragor, tumultus; Medea muris descendit, longum timorem perpessa, mox ad maiorem, ad instar Bacchae, reditura furorem. Ut fera, saeva Nyctelii* (Orpheus Hymno 51, 4. *νύκτερος*. Virg. Ge. 4, 521.

nocturnus. Ovid. Metam. 4, 15. inter plura Bacchi cognomina et hoc habet) *Bacchi* cui sacra noctu peragebantur, *per sacra*, dum sacra fiunt, *resistunt*, cessant aliquantisper a furore, *mox rapuere Deum*, imaginem, statuam eius circumferendam. cf. Euripidis Bacchas, *iamiam in quodcumque scelus paratae Thyades*, haud alio remeat *Medea tumultu*, animi perturbatione. — 758. Atque inter Argonautas patrisque duces *Iasona semper adnoscit* non aberrante oculo, sed *inexpletis curis*; nihil a cura, amore, sollicitudine remittens. *Armaque, quique caua* (epitheton ornans) *de casside galea supereſt vultus*, exiguum illam faciei partem, quam galea non tegit, facile *adnoscit*. Heinſius conrigit: *quodque vultus* (Genit.). Recte, nam *adnoscit* Adcuſatinum neceſſario requirit; breuius tamen adhuc deſungi poſſis, ſi legas *vultum*.

IN LIBRVM VII.

1 — 25. Medea noctem inſomnem tranſigens ipſa quidem amorem in Iafona ſibi fatetur, eundem tamen animo excutere tentat eo, quod, qua ratione uſu eius et conſuetudine in poſterum fruatur, non videt.

1. In fine ſuperioris libri veſpera pugnas diremerat, iam ipſa nox ingruit, *ſoli veniens non mitis triftis amanti*. — 4. *cunctatis extremo in limine plantis*. Satis amplas notas adſcripſerunt interpretes, quibus carere facile me poſſe credidi, ſi, quae poeta narrare omiſſiſſet, ſubplerem. • Nempe veriſimile mihi viſum, Abſyrtum, regis filium, cum Iafone ceteriſque heroibus palatium regis laetum victoriae nuntium adferentes intralle, omnesque lautis exceptos epulis fuiſſe, quibus et interfuerat Medea, (nam poſtero die itidem adfuit v. 78.) quae, quum ſera tandem nocte diſcedendum eſſet, in limine tamen coenaculi paullulum conſtitit, et ſemel adhuc *ad ſua gaudia reſpexit*. — 5. *Conſcigit aegra toros*, thalamum, et *mens incenſa tenebris*. De oxymoro, ſpero, h. l. non cogitavit poeta, quamquam infra v. 73. *tenebras flammasque* et v. 560. *ardentes tenebras* iungit; nil niſi hoc voluit: per ſilentium noctis, ubi rebus externis ſenſus non turbantur, animus virginis magis intentus ad rem, quae ipſi curae eſſet. — 6. *Vertere varios queſius*, variare, non vno modo ſecum ipſa queri. — 7. *nec pereat quo ſcire malo, tandemque fateri auſa ſibi*. Hoc Ovidius, quem omnino huc conferre haud

poenitebit Metam. 7, 12. de eadem Medea: *mirum, nisi hoc est, aut aliquid certe simile huic, quod amare vocatur.* — 9. 10. *Quo sic pervigil usque ipsa volens errore trahor?* qui fit, ut noctes, quotquot eunt, lubens tanta animi inconstantia transigam? *Non haec, non ita inquieta fui ante tuos vultus, ante quam te conspexi.* — 12. *Quos (vultus) cur tam demens iterum iterumque recorder?* cur semper oculis tamquam praesentes obuersantur? *Quid in hospite solo mens mihi?* (Ovid. v. 21. quid in hospite, regia virgo, vrëris?) *Vellera adcipiat, quae sola petit, quaeque una laborum causa viro.* Non mea causa huc venit, fortasse plane nullam mei rationem habet, nil me curat. Fac vero ita esse, fieri tamen non potest, ut vmquam ad nos redeat, vel ut pater in Thessaliam iter suscipiat. — 18. *Felices periculorum eius comites* etc. In his omnibus dissimilantem animum muliebrem ad naturam expressit Valerius. Ita modesta est virgo, ut de se ipsa loqui nolle videatur. Non dicit: Ego numquam Thessaliam adibo, fortasse tamen pater, qui vtinam me itineris sociam adsumat! Porro non dicit: Mallem ipsa comes Iasoni esse redeunti in patriam, sed felices praedico, qui sunt. — 20. *Sed sic quoque talis abito, quamquam ita formosus iuuenis est, tamen ex animo sensim demittere adlaborabo.* — 21. *Tum iactata toro, nimiumque experta cubile* nimis diuturna ipsi nox visa, lectique impatientis videt tenui candescere limen Eoo (iucunda diluculi descriptio, cubiculum inlustrare incipientis). — 23. *Sed nec lux orta insonnem refecit amantem, nec pleno die ita recreatam se vidit, vii segetes, quae nimio solis aestu marciduae, et capita submittentes, iam tenui pluuia nouum vigorem conligunt, et rectae stant, languentes quas levis erigit imber aristas, nec uti nautae, quibus multos post labores secundi adspirant venti, grataque iam fessis descendunt flamina remis.*

26 — 31. Iam vero Iason denuo adeundum sibi regem putat. *At sua longarum Minyas iam cura viarum velleris aurei, cuius causa tot maria erant emensi, admonet, inque ipso nequidquam tempore regem laetitiae meritique petunt,* maxime obportunum tempus, frustra tamen, rati, quo laetum regi nuntium de victoria adtulissent, in qua reportanda ipsi tam insignem praestitissent operam. — 28. *Regem passus Iason vota prius captasque Deis adcedere praedas.* Locus subobscurus, quod verbum *adcen-*

dere nec votis nec praedis aptum satis videatur. Sed ad vota aliud verbum subintellegendum, reddere vel soluere; saepe enim Latini, poetae in primis, duobus vel pluribus substantiuis vnum iungunt verbum, quam figuram Zeugma Grammatici adpellant. Sic Tibullus 1, 4. 65. Viuet, dum robora tellus, dum coelum stellae, dum vehet amnis aquas, vbi rō vehit vltimo tantum proprie adcommodari potest. Praedas vero captas adendere nonnulli proprie adceperunt, nec aliquādo id factum negauerim; quid si vero ad eundem fere modum intellegi voluit poeta, quo Graeci dicunt θύειν γάμους, γυνέθλιαι etc. — vt nihil aliud intellegi voluerit, quam sacra facere Diis ob victoriam. — 30. Prominet, in pedum digitos se leuat Iason, atque oculos longe tenet, circumfert, aurea iam si (an) pellis adpareat, et oblati clarescant atria villis, adportari iussum a rege vellus splendorem sparsurum sit per palatium.

32 — 77. Alia tamen omnia manent Iasonem. Oratione regis excipitur inhumanitatis, superbiae, acerbitalis iniustitiaeque plena. Rex autem vultus ad seueritatem compositos vocesque iam ante paratas, quas praemeditatus, commentatus esset, aperit, promit, rumpitque moras, et sine mora in ipsa morantis nondum loquuti Iasonis profilit ora, cum inpetu in eum inuehitur, talique effunditur ira, ita tamque multis verbis indignationem effert. — 35. Quis furor, quisque mei tantus amor (ironia lepida) vos, orbe sato alio, (alieni orbis Ovid. l. l. v, 22.) mediis tot fluctibus per tot maria interiecta in has egit oras? — 37. Tu mihi prima malorum causa, Phrixæ: non te aequore mersum (oratio incompleta) vtinam merfus esses eodem, quo soror mari, vt felix, absque quo si esset Phrixo, nullos Graecos nossem ego. Et quae tu mihi narras, (cf. supra 5, 475 sq.) Pelian, Thessaliam, Cyaneas, Graeciam ficta omnia: (ad contemptum exprimendum ignorare similat, quae bene nota esse debebant) — quodnam hominum (et hoc contemptim) cerne genus? — 43. Quinquaginta Asiam (pudet heu! quanta vero inpudentia!) penetravit Iason (cum) exsulibus. Omnia ἐμφατικῶς. Asiam, tam amplam, tot incolarum millibus frequentem, penetravit adoriri sustinet Iason quidam, terrae filius, cum paucis, quinquaginta hominibus, iisque exsulibus, quos ipsa patria ciues inutiles eiecit? — 44. Neque ante alios Asiae reges sic spreuerit vna, vna, inquam, non tam naui, quam ratis, spoliū vt viuo, quod alias non nisi in proelio caesis

detrahi solet, *de rege reportet?* *Ipsum, ipsum me efferre obuiam*, quae postulat, meos pandere aperire lucos, non petat, sed imperet? — 48. *Age, praedo*, (iam conuitiari incipit) *cur non templis sacrata auellere dona*, donaria, ἀνὰ θήματα omnibus, atque ipsas gremiis abducere natas lubet? (at mox lubebit.) — 50. *Vobisne domos esse putem*, vobisne parentes (adrident, quos Burmannus parentum loco ponere suadet, *penates*, quae duo vocabula saepe solent in libris permutari; nec est, quod tautologiae specie obfendamus, sic enim et alibi v. c. 1, 721. *o domus, o freti nequidquam prole penates*, it. infra v. 109, *domum atque possies*) — quos sola ratis infandis rapinis pascit, qui piratica exercenda quaeritis victum, quos *saeva hyems pascit*, qui ipsis tempestatibus abutimini ad naufragos exspoliandos. Sic augentur obprobria: placido mari rapinis viuitis, pecora abigitis et homines, hyeme orta ex ipsis naufragis facitis quaestum. — 52. *et quos, credamus ut ipsi*, nam ipsi fatentur, *rex suus inlisit* (bene delectum grauius verbum *inlisit* sc. pelago, eiecit, exturbauit patria, nec erat, quod pro eo Marklandus mallet *inmisit*) *vetuitque reuerti*, perpetuo exilio damnauit. — 54. Quae sequuntur vsque ad v. 57. non tam ad Iasonem spectant, quam Pelian regem. Scilicet (quam ridiculum!) *Aeoliae pecūdis poteretur ut auro*. Sed ante *Caucasus meus descendet caesa umbra*, naues prius, ex Caucasi mei sylvis densis fabricatae, in mare demittentur, quibus ego praedas abigam e Thessalia, quam velleris aurei copiam ei faciam. *Haud ego cum vittis statui feralibus Hellen*, non video, cur a me repetat vellus rex vester, qui Hellen non ad aram sacrificandam duci iusserim. (cf. supra 1, 43. 2, 589.) — 58. *Si tamen persia non aliter*, nili adcepto vellere, *his cedere terris, ac latet una nescio quid plus puppe viris*, si scilicet praeter viros diuini nescio quid in naui vestra latet. Iuridet nempe Aeetes Iasonis, quam 5, 504. iactauerat, cum Diis cognationem. cf. paullo post v. 71. Apollon. 1, 402. *εἰ ἐρήνους ἐστὶν Ἰάσων γένος*. *huad morabor*, tu modo antea, quae inbebo, perficias. — 62. Est ad urbem campus Marti sacratu*s*, *horridus*, (Apollon. ib. 411. *στυφελήν*, quod scholiasta exponit *τρύχιστον*) *visum* *Apros*, et ardentes, ignem spirantes *tauri*, vomere presso, aratro iuncti, *me, me adeo cunctantes interdum adnoscere*, mihi ipsi vix parent. Senectus mea maiorem rabiem *luxurietque*, luxuriam ad rabiem vsque dedit. Iram taurorum

magis exornant Valerius quam Apollon. 3, 409 sq. — 67. *Subcede fortissime* (iron.) *meae laudi*, mihi, *et nostras recole*, qui diu quieuerunt, denuo ares, noues (cf. v. 77.) *agros*. (recolita terra Ovid. Met. 5, 647.) *Nec semina decurrunt*, et eadem quidem, quae ipse spargere solebam, *et messes, quas solus* (hoc obpositum sequentibus *Diis tuis*) *obibam*. Obleuius hoc innuit rex, non nominatis draconum dentibus, sperans quippe, haud parem fore tauris lafonem. — 70. *Consiliis ad deliberandum nox una satis, tecumque cumque Deis tuis*, quos iactas, *haec iussa retracta*, probe perpende: *ac si quid in isto robore*, quid, quid sit de tua navi, Diisque tuis, *praedicti venies in rura laboris*, ad modo inllos lubeundos labores. — 73. *Ipse incertus adhuc, tenebris noctis te statim flammisque tauro- rum inuolui velari, sublocari, an parumper durare; paululum temporis vitam te trahere velim, donec euerso vomere profcisso campo semina iacias, donec miles seminis hydri Cadmei exeat, armata manus ex dentibus draconis propulleet, et florescant pube nouales, flos iuuenum vigentium e fulcis modo actis, reculta terra procreseat*.

78 — 82. Quid ad haec Medea? *Prima fuit*, quae tam atrocia patris iussa miraretur. *Haesit*, vix auribus credit, *pallentia ad iuuenem refert ora*, metuque contremiscit, ne forte hospes temere audeat, *miserque putet, se posse* parem fore iniunctis laboribus.

83 — 102. Ipse lafon quodammodo exhorret, perfidiam regis increpat, nec tamen iussa recusat. *Perstrinxerat illum leuis horror, siabat defixus in ira*, oculis ad solum demissis tacita frendet ira *et moesta*, ideo, quod post tam felicem in proelio praestitam operam regem in vellere tradendo non amplius tergiversaturum esse sperauerat. Hoc illustratur a nautis, qui, quum prope abessent a portu, denuo in altum proiciuntur. Haec comparatio instituitur v. 83-86. sed mira est et lectionis et interpretationis varietas, quam enumerare et examinare, ab nostro consilio abhorret. Vnam Burmanni explicationem adtulisse subficiat, qui omnia de Italia adicipienda, Pharonque non Alexandri- nam illam, sed a Claudio Imperatore (Sueton. c. 10.) ad portum Ostiensem exstructam intellegendam esse censet. Mihi tamen id haud adridet, eam in primis ob causam, quod, quum duo nautae nominentur, duos portus in animo habuisse poeta videtur. Aegyptum itaque nolim excludi, totumque locum, ita tamen, vt *Ioniusue et clarusue legere*

liceat, sic intellexerim: Non ita stupet Etruscus gubernator, qui portum Tiberis, nec Ionium mare transnavigans, qui *Pharon claram serena arce*, ignibus conlustratam turrim *praeceps* plenis velis *subiit* prope adcessit, in eo fuit, vt intraret, *nusquam ostia Nili, nusquam Ausoniam Italiam videt, et* (melius at) *saevus adcedere videt Syrtis*, ad brevia illa arenosa Africae esse se reflatum. — 87. *Tum tamen infando, iniusto, crudeli tyranno quae det responsa, conligit, meditatur, secum reputat, et tandem obtutu confurgit ab alto, vultum hucusque defixum erigit.* — 91. *Quo versa fides? quos vesira volutant iussa dolos? quas nouas struis machinas, alium, alterum, nouum hic in Colchide Peliam, alia aequora periculi plenos labores cerno.* — 93. *Quin agite hoc caput, hanc vitam meam, me, non tu Pelia solum tuque Aeeta, sed omnes, quotquot in orbe terrarum estis, odiis imperiisque, iniustis mandatis vrguete, prosequamini, premite! quamquam mihi dextera, nec spes defuerit.* Sic vulgata, et ferri possit, si, quod saepe fit *quamquam* pro tamen positum, et negatiuum nec etiam ad priora trahas: *tamen mihi nec dextera, nec spes defuerit.* Sed nec hoc placet; faciliorem sensum habebis, si, quod olim Columbus voluit, pro *quamquam* reponas *numquam.* — 96. *Vnum oro, seu me illa suis seges obruat hastis, si me vnum tanta multitudo hostium e terra nascentium conficiat, hauriet aduerso seu crastinus ignis hiotu, tauri ignem e faucibus spirantes leto dent, nuntius hinc saeuas Peliae mittatur ad aures, certiore faciat inmanem tyrannum, spem, quam conceperat, fore, vt in mari pereamus, elusam esse, immo hic periisse viros, et me, si vlla fides, nisi in alium hic aequae inmanem tyrannum incidissem, in patriam potuisse redire.* His ita dictis *infida praeceps prorumpit ab aula.*

103 — 152. Varii animi motus, quibus exagitaretur Medea, admodum eleganter describuntur. cf. omnino Apollonius 3, 451 sq. *At trepida, anxia, et medios inter parentes, qui filiabus alias omnia sunt, deserta inops virgo filet,* ita tamen, vt oculos iam non diutius solo defixos habere posset, immo vero vultus moestos non posset non erigere, et ad fores, quibus Iason modo prodierat, flectere. Apollon. 3, 444. ἐπ' αὐτῇ δ' ὄμματα κούρη λοῦσα παρὰ λιπαρὴν σχοινίην θρῆστο καλύπτειν — 106. adhuc inuenit, contigit, vt conspiciat *abeuntem*, et discedens adeo pulchrior visus, *tales humeros, ea terga, robur atque omne virilis*

pulcritudinis genus indicantia relinquit. — 109. *Illa domum atque ipsos paullum procedere postes optat.* Haec Burmannus ita explicat, vt simul cum lasone domum et ianuam loco moneri et procedere optauerit Medea, ne amores e conspectu amitteret suos. Quae interpretatio, vti vsui *roû procedere*, quod sexto casui iungi solet, (nec aliter infra v. 306. *procedere tectis*) consentanea est, vix tamen a me impetrare possum, vt Medae tam ineptum adtribuere optatum existimem poetam voluisse. Malim igitur hanc verbi *procedere* cum quarto casu constructionem inter singularia Valerii, qualia plura, tribus in primis vltimis libris, obuia sunt, referre, et de ipsa Medea palatio egredi cupiente intellegere, quod et melius cohaerere videtur cum sequentibus: *et arduos tenet intra limina gressus*, h. e. quamquam cupiditate lasonem sequendi flagraret, pudore tamen victa ad ianuas substitit. — 111. Non secus ac olim *Io*, quae, quum ob furtiuam cum Ioue consuetudinem a Iunone, in vaccam mutata Argoque custodienda tradita esset, Iovis quidem iussu a Mercurio vigilantiae Argi subducta formam recepit humanam, sed denuo a Furiis, instigante Iunone per maria et terras exagitata tandem in Aegyptum peruenit. Haec si memineris, fusius ab ipso Valerio narrata supra 4, 351 sq., plana omnia erunt et aperta. *Vbi Io vaga extremas Nili sentit harenas, fertque refertque pedem*, dubia, quid agat, ex vna parte a Furiis ad prosequendum iter per maria adacta, *tumido quam cogit Erinys ire mari*, ex altera parte *Phariae vocant trans aequora matres*, inuitant, Deam Ildis nomine habiturae. Eodem igitur modo *Medea circuit, foribusque apertis inpendet* inretortis oculis moratur, *an melior*, mutata in melius mente, mitior *Alinyas reuocet pater*, oraque quaerens desiderans *hospitis* valde inquieta est. — 116. Sequitur elegantissimus locus, in quo praeclare res suas egisse poetam, et ad veritatem omnia expressisse mecum fatebuntur omnes, qui, quae hominum, muliercularum in primis, in magna animi perturbatione soleat esse agendi ratio, obseruauerint. Et primo quidem secum ipsa agit Medea, *solo, sola moeret cubili, sed defecta*, aegra animi; *aut venit in gremium carae sororis*, ad sorores enim in eiusmodi angustiis prae ceteris confugere solent puellae, sed non diu moratur, *refugit*. — 118. *Loqui*, animum aperire conata *filet*, rursusque *recedens*, quasi aliquid oblita, (cf. Apollon. 3, 645 et 681 sq.)

sermonem quidem incipit, nec tamen de se suoque dolore, sed *quaerit* de aduentu Phrixi olim in Colchida (sub Phrixi persona, suum cogitans Iasonem) *quaerit, ut aligeri Circen rapuere dracones*. Circe nimirum a Sole patre in Tyrreniam translata ibi nupsit Pico regi. v. infra 232. et Apollon. 3, 309-313. qui tamen non draconibus, uti Valerius noster, sed curru ipsius Solis eam abiisse narrat. Apollonius sequutus est Hesiodum, Valerius alios, de quo sententiarum dimortio vide *Voss mythol. Briefe* 2, 127. — Cl. Lenzius acute monet, Medeam hoc ex sorore quaesivisse, quoniam iam tum peregre abeundi consilium Circes exemplo animo eius infederit. — 120. Tum ad aegritudinem animi leuandam *comitum visu fruitur miseranda, inplerique nequit*. Hoc, praesertim ob praecedens *visu*, interpretari possis: *sie konnte sich nicht satt sehen*; sic *expleri nequit* Virgil. Aen. 8, 618. Rectius tamen fortasse de *animo* explices, qui expleri non potuit, non inuenit in coetu comitum, quod optauerat, leuamen, minutus est dolor, sed non omnis, et tantum ad breue tempus; *subitoque parentibus haeret blandior solito, et patriae circumfert oscula dextrae*. Exquisite *circumfert*, quod mihi admodum placet: repetitis osculis non vnam manuum patris partem premit. Non ita Heinsius, qui languorem atque frigus intulisse videtur, emendans vel *nunc obsert*, vel *rursum fert oscula*. — 124. *Sic adsueta toris puluinis et mensae dulcis herili*, adulans paratulus canis noua peste *rabieque futura*, morbi inpetum iam praesentientis *ante figam totos lustrat queribunda penates*, omnes perreperit angulos. Quod simile, quamquam puellas cum animalibus comparasse poetas veteres non ignoro, cur hic displiceat, nescio. Tanto magis placent, quae sequuntur 127. *Tandem etiam molli sese semel increpat ira*. Omnia hic bene delecta, nihil abundans: *tandem — increpat sese*, — sed *semel — increpat ira*, sed *molli*. *Pergis*, sic se ipsa reprehendit, *demens* in dementia, *teque illius angit imago curaque*, animo aegro obuersatur semper, *qui profuga forsan tenet alta carina*, iam dudum longe abiit, quique tantum abest, ut de me secum ducenda cogitauerit, *ut ne nomen quidem meum in patriam referat*. Quid autem mea tantopere intersit, *superetne labores a patre iussos, an cadat, pereat*, (haud perinde tamen sibi esse, statim prodit, addit enim:) *et tanto turbetur Graecia luctu?* dolendum nempe esse, si tam egregii iuuenis obitum tota

Graecia deploret. — 133. *Saltem, fata virum si iam in flore aetatis constitutum suprema ferebant, ipsi moriundum erat, iussus ad ignotos, non cognatos (hoc suadent sequentia: hac in urbe, et nostri de sanguine Phrixi) esset ire tyrannos.* — 136. *Namque et siderea, a matre enim Nephele ad Deos genus referebat, nostri de sanguine Phrixi cognatus dicitur, et raram vidi indoluisse sororem meam Chalciope, quae et ipsa Iasonem, cognatum mariti olim sui Phrixi, miserta est. Quod igitur licuit forori, quidni liceat mihi?* — 138. *Iason ipse miser ait, se non sponte ac temere maloque consilio, sed Peliae iussis actum huc venisse. At (sic enim legendum putaui pro Aut, nec refragantur Codices) redeat quocumque modo, omnia ego mouebo, ut redeat sospes ac victor ad anlam nostram, ut iterum videndi eum voluptas mihi contingat, ita tamen, ut me ipsa precari et machinari nesciat, (admodum placet, quod Lenzii, sagacitas manu, respiciat) atque meum non oderit ille parentem, vindictam sumat a patre. Hactenus satis bene, sensumque aliquem virginei pudoris pietatisque in parentem Medea retinet.* — 141. *Dixerat haec, stratoque graues, curis fessos proiecerat artus, si (an) veniat miserata quies, an forte lenaret miserans; (Prosopopoeia. Sic miserata hominum labores nox 5, 279.) quum ipse, qui aliis quietem dat, sopor saevior adeo turbat agitque: per somnum utrumque videt, et patrem et Iasonem subplices: illa noua formidine terri culamento rumpit somnos, externatur, cohortens expergiscitur, erigiturque toro; somno omni excusso modo Thessalicis raptata, raptari sibi visa per urbes, famulas adnoscit carosque penates; in Colchide se medias inter pedillequas videt.* — 147. *Haec aliter Orestes, qui, quum matrem Clytaemnestram occidisset, turbidus Poenis, Furiis (cf. 1, 797.) caecisque quos vnde venirent, nesciret paucioribus in furorem actus ense conripit, et saevae matris agmina, a Manibus matris inmissas Furias, quasi praesentes, ferit, ipsum angues, ipsum horridi quatuor ira flagelli, ipse inlania abreptus capita earum serpentibus cincta coram videre, scuticasque, quas mapibus gerebant, pati sibi visus, atque iterum infestae (Domin. Marius ad Ovid. Amor. 1, 7: 10. laudante Burmanno malit incestae, adulterae matris, haud male!) se feruere credit agens (agens pleonast. ut Graeci ἐχων. cf. 3, 40. 4, 111. Virgil. Aen. 1, 192.) caede Lacaenae, denuo interficere sibi visus*

matrem, Tyndarei ex Ledaë connubio legitimo filiam, falsaque opinata redit de strage Dearum Furiarum scissus, et in miseræ conlabitur ora, amplexus sororis Electrae.

153 — 170. Iuno denuo conuertit se ad Venerem, opem eius inploratura; Medeam enim videbat nutantem, vacillantem, incertam, nondum extremo parere furori, amoris summo. cf. 4, 667. — 156. ardor ille prior hebet, remissit, leuiorque pudori, procliuior ad pudorem, mensque obnixâ malo, obstitit adhuc malo, amoris furori. — 158. fuluo corusco Olympo: Sum memor, grato animo recordor, ut quam beneuole mecum partita laborem; sed nimis dura manet, nondum satis mollis atque obsequiosa est, conuersaque in iram et Furias dolet, non tam amor animum eius occupat, quam summa tristitia, ac decepta, spe potiundi Iasonis deiecta, me nunc reliquit, a me inspiratum amorem excutere velle videtur. — 162. I precor, atque istum, tam inconstantem, quo me consilium meum frustratur, amorem vince, euince, fac ut praeualeat, dominetur; patriis ut tandem euadere, (exquisitius quam excedere, est enim suo ipsius periculo domum patriam relinquere) tectis, ut tandem Iasonem meum casu periculo ab omni defendere audeat. — 165. Quin sacro, magico, quo freta, quo tam potens est, veneno illum adsiantem (et hoc exquisitè, excubias quasi agentem) anguem, et totis quidem noctibus, qui nemus omne suum, suae custodiae creditum, quique, respice porro, procul, e longinquo, (δαίμωνες, vide quaeso illic. Porro hoc sensu rarius, et Graeco more (τοῖσιν) usurpatum; est tamen etiam ap. Virgil. Aen. 6, 711.) aurea vellera tot spiris, tot ductibus, tot longis spiris, sinuosa volumina torquens, circum inplet, cingit vndique. — 169. Soluat, et in somnos ingenti soluat ab orno. Soluat bis repetitum h. l. non placet, et priori loco ponendum molliat, vel mulceat, suadente Burmanno, vel seruiat, quod maluit Herelius Ep. crit. p. 71. — 170. Haec, ut amorem denuo infundas, tibi nunc, Furiis atque ipsi Medae cetera mando, quae si semel inpetu amoris sese conreptam senserit, ipsa sponte res aget suas.

171 — 192. Venus adnuit Iunonis precibus, nihilque aliud postulat, quam ut Iasonem in luco Dianae adesse inbeat. Tum Venus aligerum Amorum mater (cf. 6, 457.) antea non tibi defui, quum ignota animum Medae contingere, praestringere cura adgressa es. Data cingula soli

nostra tibi, nulli alii vmquam concessa, quibus mota loco labefactaque (a gladiatoribus sumta translatione) turbata animo cessit, obliuiscere non potuit. — 176. Cunctantia poscunt pectora me dubiusque pudor, fluctuans inter amorem et pudorem animus. — 179. Tu face (fac) Iason citus, celeriter ad delubra Dianae veniat, sacras ubi fundere taedas, taedarum lumina multa sacris nocturnis Medea adhibere solet, et aequali dominam lustrare caterua, comitantibus aliis eiusdem aetatis virginibus Deam placare. (cf. 6, 497.) — 182. Nec te nunc Hecates subeat metus, haec enim suspectam habere Medeam coeperat 6, 495. ne forte consilium meum impedire conetur, quin audeat opto, continuo transibit amor a Medea ad ipsam Hecaten, cantuque trilingui (cui in mentem non veniat Virgiliana Aen. 4, 511. tergeminā Hecate, tria virginis ora Dianae?) ipsam flammiferos cogam compescere tauros, amplexumque Iasonis pati. Satis iocosa inrisio Hecates, quam ab amore omni abhorrentem, quamque amare nemo cuperet, eo adigere promittit Venus, ut, si contiliis obesse sustineat suis, tres adeo linguas commoneat, ut potiaturs Iasone. — 186. Volucrum tunc adspicit Irin, sc. Iuno, quae vix abesse potest, latetque fortasse in vocula tunc, uti recte coniicit Burmannus, festinamque iubet monitis parere Diones. (Dione proprie est mater Veneris, poetis tamen ipsa Venus hoc nomine venit). — 189. Protenus hinc Iris Argonautas, Venus Medeam petit, Iuno autem in Caucaaso monte confidet, spem inter metumque diuisa. Sic omnia sibi praeparauit poeta.

193 — 209. Veneris aduentum eminus adeo sentiens Medea cum Iasone absente, et secum ipsa loquitur. *Vix primas arces, palatii regii fastigia Venus obculata, Medae nondum visa prospexerat, nouus languor, desiderium virginis mentem perstringere incipit; ingeminant, ingeminantur (ut ap. Virgil. Aen. 4, 531. et alibi.) commotis questibus aestus, ipso dolore questibusque crescit amor. — 197. absenti nequidquam talia fatur: Si, utinam, tibi Thessalicis nunc si (sic ingeminare verba solemus in adfectu animi) tua sorto venenis, quibus multum valuisse Thessalas notum est, mater, et heu! si qua est (alte suspirat, Iasoni fortasse coniugem esse, cogitans) posset subcurrere coniux! — 200. Quidue tuos virgo possim nisi fieri labores? Pro quidue Aldina habet nam quid, facilius ad sensum, sed rō vō defendi etiam potest, si ita*

interpreteris: Vtinam vel mater, vel coniux iuuare te possint, vel ego adeo ipsa, sed virgo nil habeo, nisi lacrymas. — 201. *Hoc satis* (mallem *haud satis* cum Heinlio: sic enim, quae sequuntur, melius cohaerent) nempe *ipsa etiam casus spectare supremos cogar* comes sororis. Ergo hoc vult: Nec satis est, non permittetur mihi, domi mecum flere imminentia tibi pericula, sed soror, vt antea, coget testem oculatam esse. — 203. Iam secum ipsa loqui incipit: Et nunc ille neminem sua sorte moueri, neminem sui meminisse opinabitur, *cumque omnibus odit me quoque inmeritam*, quae vtinam sciret! tantopere et moueor, et memini, et amo. — 205. Subcurrere igitur nullo modo possum, faciam tamen, si licet, quod potero. *Illum ego, qui cinis vltimus* (pro cinerem vltimum, qui) *diris haeserit aruis*, per campum sparsus sit, *ossaque, quibus tauri saeuusque ignis* (ignis taurorum) *pepercerit, componam*, vox sollemnis de ossilegio et cinere in urna condendo. *Fas*, hoc saltem licebit, *tunc mihi manes dilexisse viri*, mortuum, *tumuloque has*, quas nunc sentio, *reddere*, vna condere, *curas*. Adhuc places, Medea!

210 — 236. Venus ipsum penetrale intrat, Circes specie adsumta Medae adfidet, dolosis verbis patriam relinquendi consilium adiunat, et ad summum amorem incendit. — 211. *Mutata Deam*, singulariter dictum pro forma, maiestate Deae positis, *mentitaque Circen Titanida*, Titanis, Solis filiam, Aeetae regis sororem. — 213. Medea, velut lenti fallatur imagine somni, quasi per insomnium inani specie decipiatur, *oculos incerta tenet*, ipsa nescit, an visu digna sint, quae videt, *paullatim* primo coniecit, mox *putat magni patris esse sororem*, *tum flebile gaudens* (elegans oxymoron, Homeri *δακρυβόν γυλάσασα* ll. 6, 484.) profiluit, saeuaeque ipsa obuiam fert oscula. — 217. *O tandem, vix tandem* (iucunda repetitio!) *reddita dura tuis*, quae in dolorem tuorum tamdiu afuisti. Quae te *biugis serpentibus* (cf. supra v. 120.) egit hinc fuga? quae mora, quis locus fuit gratior? — 220. *Ante et Thessalicae carinae petiere*, tantum temporis procul a nobis vixisti, vt interea Thessali, *perque tot infelix frustra vada*, maria venerit Iason. Recte ante me monuit Burmannus, Medeam properare, vt sermonem iniciat de Iasone, in quo eiusque periculis (*infelix — frustra venit*) tota esset. — 222. *Cetera rumpit*, plura loqui non passa est, *obcurritque* regerit Venus: Tu, primo sic loco positum *ἐναργῶς*, amoris habet

significationem, *tu nunc mihi causa viarum; sola pro solum, tantum*, nisi malis post *sola* incidere, ita ut ad priora referatur, sic: *tu mihi causa viarum sola, tuae venio iuventae*, tibi iuveni vsuque nondum peritae consultura veni, (*iam pridem ignava*). Haec parenthesis confessionem mihi continere videtur diuturnae absentiae: fateor, me nimis diu abfuisse, sed ignosce, quaeso, nunc tibi eo studiosius operam daturae. In hac explicatione dissentio ab interpretibus omnibus: *Pio*, qui *iuventae*, quod mihi Dativus est, pro Genitiuo sumi maluit, subintell. *causa*, quod durum; *Heinsio*, qui voluit *ignara*, quod vix sensum praebet; *Burmanno* denique, cui placuit *iam pridem gnara*, melius, sed sine causa. Si mecum pro excusatione sumas, optime quadrant sequentia: absenti ignosce, sed *cetera parce*, noli *queri*, neu me meliora sequatam argue, noli mihi vitio vertere, quod mitius, clementius coelum quaesierim, *reputemus* (*reputes*) consideres mecum beneficam Deorum institutionem, *hunc potius orbem omnibus animantibus hominibus communem Deosque crede communes*. Patriam inde, ideo *vocato* patria tibi sit, *qua*, vbi *redit itque dies*, totus, quaque ab oriente ad occidentem late patet, orbis terrarum. — 229. *Nec nos, o nata, malignus*, naturae amoenitatibus destitutus, inclemens *cluserit* quasi carcere *hoc uno semper sub frigore*, perpetua hyeme, vno eodemque tam frigido coelo *Phasis*. — 230. *Fas mihi non habiles*, aptos, qui non placerent, *fas et tibi linquere Colchos*. Astute firmat in animo Medae patriam relinquendi, a quo iam antea non abhorrnerat, consilium. Nec te poenitebit, vti me non poenituit, nam *Ausonii coniux ego regia Pici, Tusci domina maris*. Satis magniloqua in his est Circe: Mythologi enim Picum ab ea narrant adamatum quidem, sed, quod ipsam prae Nympha Canente spreuerit, ideo in anem huius nominis esse mutatum, vti fusius tradidit Ovidius Metam. 14, 333 sq. brevius Virgilius Aen. 7, 189. vbi vide Excurs. Heynii p. 113 et 141. Nec magis vere Tusci maris dominam se iactat, cuius imperium parva insula contineretur. — 234. *At tibi, miseranda, quales proci? Sauromatae nempe, cui vadis Hiberno*, in eius amplexus ventura es, *vel saevo, rudi, inculto noui coniux Gelono*, qui polygamiam amat.

237 — 253. Ad haec Medea Deae iam dudum spernere voces, non tulit ultra talium procorum mentionem. *Non ita me inmemorem magnae Perseidos cernis*. Quae ista

Perseis sit, mirum quantum discrepent Mythologi et interpretes. Equidem ipsam Circen intellexerim, scil. Perseae f. Perseidos filiam. vide Saxe Stemmata Tab. 1. et Heyne ad Apollodorum Tab. 9. (Apollonius 3, 478. Hecaten eam vult *Εκτρη Περσηίδα*, ergo auiam Medae.) Hoc igitur vult Medea: Noli credere, te amita dulcissima ita indignam me neptem fore, *ut infelix thalamos ego cogar, cogi possim, cogi me patiar in illos. I precor, apage! atque unum pro me dimitte timorem*, alia omnia pollice timere, quam ut talibus procis nubam. — 241. Sed longe aliud me vrit, *tuque*, potes enim, *his*, quae adfligunt animum *eripe curis*. Nulla quies animo, nullus sopor *ardua amanti*, quae magnum aliquod et difficile molior. Mentem repone emotam quasi, *redde diem noctemque mihi*, quas antea tam quiete transegi, *da prendere vestes tuas somniferas, ipsaque oculos componere ad quietem, claudere virga tua magica*. — 248. Sed et tu, mater, nil prodes mihi — *infesta cerno omnia, teque ipsam, cui viperei surgunt crines* — 251. Conlapsa, animi deliquium passa fleuit in iniquae fraudulentae Veneris sinus, et lignis apertis, quid in animo ageretur, prodidit.

254 — 291. Iam Venus ad rem propius accedit, ipsiusque Iasonis mentionem facit ficta oratione. *Occupat amplexu, furialia, exitialia, ad furorem impellentia figit oscula, permixtumque odiis, taedio patriae inspirat amorem*. — 256. *Variis moerentem vocibus ambit, ambagibus utitur, inque alio sermone tenet*, dolorem mox hac, mox illa oratione leuare velle videtur. Noli moerere, *quin*, immo vero audi, quae narrabo, *atque adtolle genas, oculos, vultum erige*. — 259. *Quum levis curru meo, ad te, tua enim solius causa huc veni v. 223. modo superis auris, aere laberer, forte ratem primo extremo litore cerno fugientem, vela, abitum parantem, (astute hoc fingit, quo magis Medeam incendat tempusque deliberandi praecidat) nauem, inquam, tam egregiam, qualem ego ex insula mea numquam dimitterem*. — 263. Ex hac igitur naui vnus prae ceteris ita pulcer, ut ipsa mirarer, aduolat, ratusque, me vnā esse comitum tuarum, ita adfatur: *Per tibi si quis morituri protenus horror, si quis humanitatis tibi sensus et commiseratio hominis est, qui in ipso mortis articulo versatur, (constructio talis τοῦ per in iurando et obtestando haud insolita; sic Virgil. Aen. 2, 142. per, si qua est, quae restet, fides, oro, miserere laborum) et quem*

non meritis, meritum videas obcurrere, obici monstis. — 268. Haec dominae tuae referas, illi has voces hasque manus tendo (hoc tendo proprie ad solas manus pertinet, sed amant poetae in primis vnum verbum duobus vel pluribus iungere substantiuis, quamquam vni tantum proprie aptum sit; omnino ob oculos habuisse videtur Valerius Virgil. Aen. 3, 176. tendo supinas ad coelum cum voce manus). — 271. *Ipsae, ego quas mecum per mille pericula traxi*, (grauiter dictum, non sine magno labore per diuersa maria mecum duxi) *defecere Deae*, defecuisse me videntur. Blanda admodum et adulatoria oratio: quod Deae non possunt, id potest regia tua virgo, haec mihi Dea erit. *Spes et via sola*, via sola, in qua spem pono salutis est, *quam ipsa dederit, si forte dabit*, nisi temere spero. *Ne vota repellat, ne mea*, (adfectus causa repetitum ne) *totque numero animas viros, atque haec nomina*, tam insignes viros seruet. — 276. Pergit persuadere exemplis superiorum temporum adlatis, nec sine delectu. Quum enim tum satis pia adhuc in patrem fratremque Medea esset, (vide v. 340.) feminas in memoriam reuocat, quarum vna patri, altera fratri mortis causae exstitissent, *Hippodamiam nempe et Ariadnen*. Illa patrem habuit Oenomaum, Elidis regem. Qui quum oraculo monitus esset a genero sibi cauere futuro, pluribus, qui filiae pulcerrimae nuptias ambirent, procia legem proposuerat hanc, vt, si curuli secum certamine contendissent, mors victos, victores filia maneret. Sic igitur tredecim, tot enim numerant Mythologi, generosis inuenibus interemtis, ad idem certamen subeundum adcessit Pelops, Tantali filius, cuius amore capta Hippodamia patris aurigam vel stabuli praefectum subornauit, vt clauum aliquem rota eximeret, quo factum, vt rex curru excussus paullo post obiret. His ita expositis, non est, quod, quos poeta memorat, *duros Pelopis labores, tot procorum ora iugulata, patriosque*, quos filia exhorruit, auerlata est axes, vterius explicem. Ariadnes autem, *Minotiae virginis* historia vel tironibus nota est, quae, quamquam non, quod Iasonem dicere iubet Valerius, *ipsa fratrem* Minotaurum neci dedit, causa tamen mortis facta est eo, quod Theseo filum traderet, quo duce Labyrinthum adire monstrumque illud biforme trucidare posset. His itaque exemplis ad imitandum propositis Iason pergit Medeam excitare: *Cur non fas sit et te hospitibus dignis* (quibus subcurratur) *subcurrere, et Aeaeos iubeas mitescere*

campos, vt purges a tot monstribus eos occupantibus; occidat morte aeterna, quae numquam postea renascatur, *Cadmeia seges*, nam dimidiam Cadmeorum dentium partem Aetiae Minerva dederat, (v. Apollon. 3, 1175. Apollodor. 1, 9. 23.) *et tauri viso hospite fumantes*, igniuomi. Wakefield ad Lucret. 3, 1004. emendat: *Te quoque et Aeaes fulcis* (nam scripti dant *subeas* pro *iubeas*) *mitescere campos*, vel potius: *Te quoque? En! Aeaes iubeas mitescere campos: Occidat aeterna tandem Cadmeia nocte* (non morte, nam haec vox statim redit v. 285. et mors poetis dicitur *nox*). *Iam seges cet.*, Haec igitur Wakef. pleraque acute. — 284. *Heu mihi!* vtinam viuus possim persolvere grates, attamen sciat, hoc, quod ipsa a saeva morte seruauit, corpus animamque ipsi me debere ac deuouere. — 286. *Miserabitur ergo? Dic, ait, an potius?* Abrumpit orationem, quod solemus animo commoti, *strictumque ruebat*, in eo erat, vt rueret *in ensen*. — 288. Ne vero manum sibi inferret, *promisi tuo nomine, ne falle, precor*, fac, vt stare me promissis sentiat: quamquam enim *ipsa mouerer adloquio casuque viri*, miseratione ducta prompta ipsa essem ad subcurrendum ei artibus meis, *te tamen passa rogari sum potius*, malui hoc cum tibi debere, *tu laude noua*, cuius nondum experimentum fecisti, *tu subplice digno dignior es*; (incunda eiusdem verbi repetitio; Iasoni non minus, quam Medae honorifica) *sat famae meis iam parta venenis*, ego annis prouectior satis laudis mihi magicis artibus conciliani.

292 — 299. Medea ad haec vehementissima commouetur ira. *Graui vultu diu audiuera, vix animos iram dextramque continens, quin ipsa loquentis iret, volaret in ora Deae: tanta pudor aestuat ira*, pudibunda exardescit, *verba cauens*, talia vel audire timuit, i. q. paullo post: diras cupit euadere voces. — *horror mollēs inuaserat annos*. Heinsius olim maluit *artus*; nollem factum! longe doctius magisque poeticum est *annos*. Adposuite laudat Burmannus *aetatem mollem* Ovid. Arte 1, 10. et *rudes annos* Quintilian. Instit. Orat. 1, 1. Erat nempe liberaliter educata Medea, quae, adhucdum miseratione magis, quam amore Iasonis ducta, ad exempla virginum, quae patres fratresque occidissent, propolita cohorrui. — 296. *Iamque toro, ceruicilibus infelix obstruit aures* — *prensa*, deprehensa, in angustias coacta *rupta condi tellure premique iam dudum cupit* (optatum sollemne in summo periculo versantium)

ac diras, quae patrem et fratrem et patriam prodere suaderent, euadere voces.

300 — 306. Venus pergit admonere, iubet sequi, tandem abit, ita tamen, ut portis palatii expectet in ipsis. Desertam igitur se videt Medea, ut olim Pentheus. —

301. *Ceu saeuus, iratus Bacchus in aula Echionia*, Thebana (cf. infra 544.) *Penthea, iniectis per roscida, vino madida cornua vinclis*, quoniam Pentheus vinculis eum tradiderat, deserit, effugit. (*Iniectis vinclis*, suadentibus ante eum Pio, Vossio, Heinsio et Burmanno, primus in textum recepit Harlesius; priores habent *infertis vittis*, quod nihili est). — 303. *Quum tenet ille Deum*, Deo se plenum, in furorem actum animaduertit, *pudibundaque tegmina matris*, habitum Bacchantium (Heinsius mauult *furibundaeque agmina matris*; nil opus!) *tympanaque, et subito miser adci-pit hastam mollem* thyrsus, quo non acuto illo quidem, ut ensis, sed obtuso, ad necem tamen a matre ignara eiusque comitibus verberari se sentiret. Bacchum in vincula coniectum a Pentheo poeta noster sine dubio sumit ex Euripidis Bacchis v. 503 — 518. quem eundem iisdem fere verbis expressit Horatius Epp. 1, 16, 73 sq. Necem Pentheo a matre inflictam more suo, id est, viuidis coloribus et ad miserationem commouendam apte pinxit Ovidius Metam. 3, 708 sq. — 305. *Haud aliter deserta paenet, tectisque negat procedere virgo*. Hactenus adhucdum fortem se gerit Medea; amat, miseratur Iasonem, miseranda ipsa magis, quam culpanda, quae ipsarum Dearum lenociniis labefactaretur. Videt adhuc meliora probatque, perflat in eo, ut domo nolit excedere; at vero

307 — 322. deteriora mox incipit sequi. Tanta est animi perturbatio, ut affectus tradat affectum, ut amorem inter et sensum pudoris mens fluctuet. *Contra saeuus*, vehementissimus amor, *contra periturus* indubiae morti traditus Iason, *et auditae crescunt in pectore voces*: ad quae modo obtinuerat aures verba, eorum tamen semina furtim in animum delabsa, radices sensim egere, et incrementa ceperunt. — 309. Videt, se peregrini hominis causa inpiam in patrem suaeque ipsius famae prodigam fore, et, quidquid Deorum Dearumve apud superos et inferos est, implorat; *pulsat humum*, quoniam infernalibus in-vocat numina. Sic vir doctus (Iortin) in Miscell. Obsf. Batavis Vol. 1. p. 160. ex Homero Il. 9, 568. γαῖαν πολυ-Φόρβην χερσὶν ἀλοῖα, κικλήσκουσ' Αἴδην καὶ ἑπαινήν Περσε-

Φόνειαν. — manibusque innumurat vncis, incuruatis, tacite secum loquitur, (arcanum murmur anhelans Sil. Ital. 15, 428.) noctis heram Ditemque ciens, subcurrere beare tandem diu afflictam morte velint, ipsumque simul demittere (recte recepit Harleſius e Bononiensi pro vulgato *dimittere*. Sic Virgil. Aen. 9, 527. 10, 662.) leto, quem propter furit, quo non inprecatur mortem Iasoni, sed est amoris significatio, vti Horatii illud Od. 3, 9. 24. *tecum vivere amem, tecum obeam libens*. — 315. *absentem saevissima, iratissima poscit Pelian*, optat praesentem habere, vt os inuadat. — 317. *Saepe suas misero promittere, addicere destinat*, statuit artes magicas, mox denegat, (dein negat Dorvil. ad Chariton. p. 570. ed. Lips.) atque vna potius decernit in ira. Quid sibi velit Valerius, facile est ad intellegendum: stat sententia, certa tandem est, suae Iasonem forti permittere; sed insolentior est verbi decernere constructio. — 319. *neque tam turpi semper, diutius amoris proclamatur*, clara voce pronuntiat, neque opem viresque, quibus valeat, ignoto, peregrino daturam. Sic toro recumbit, donec denuo vocari sibi videtur, ianuaeque cardines iterum opinatur moueri.

323 — 345. Mutat igitur subito mentem, opemque Iasoni ferre denuo constituit. Quum ergo numine quodam penitus vinci, totum animum impelli, obsideri sentiret, et abscisum excussum esse, euauisse, quidquid pudor ante monebat, tum thalami penetrabile interius conclaue petit, vbi herbas seruabat conditas, auxilia, quae maxima, praesentissima norat, pro rege, principe Haemoniae, Thessalicae carinae quaesitura. — 327. *procul magicis spirantia tecta venenis*, odores herbarum ex conclauis late sparsi sunt, oblata contra omnia, ob oculos habebat totum venenorum adparatum, quae Ponto, ex terris Ponto adiacentibus, quae Manibus eruit imis, e tumulis, sepulcris conlecta, et quae sanguineae Lunae distrinxit (mel. *destrinxit*, deterſit) ab ira, spumam nempe, quam Luna veneficarum carminibus, quibus coelo deduceretur, irata emittere, et in herbas et gramina effundere credebatur. Similis locus est Ovidii Amor. 2. 1. 23. *carmine sanguineae deducunt cornua lunae*. In longo eiusdem Medae medicaminum indice apud eundem Ovidium Metam. 7, 264 sq. sunt etiam *exceptae Luna pernocte pruinae*; vide et Nostrum supra 6, 447. *Atracio Lunam veneno spumantem*. — 331. Iam vero Iasoni suo potissimum profutura venena eliget. Minime vero. (cf. ad

totum locum Apollon. 3, 801 sq.) Laudabunt mecum omnes poetae commentum, quo honori Medae demuo consulit, sensumque pudoris, semel adhuc in animum eius iubet redire. Quid? si his venenis, ita loquentem inducit miserandam virginem, quid? si in me ipsam vtar? *Tunc sequeris, agas, facias quidquam, aut patiare pudendum, nefas, quum tibi tot mortes, tot herbae mortiferae, scelerisque breuissima tanti effugia, viae, quibus euitare possim, breuissimae?* — 333. *Haec dicens, qua non velocior vlla pestis erat* — Hoc recepi ex felicissima Dorvillii ad Chariton. p. 570, ed. Lipsl. coniectura; vulgata enim: *qua non velocius vlla pestiferam* — *lustrat*, defendi nullo modo potest, quum *pestiferam* non habeat, cui respondeat, substantivum; — sed talem *pestem*, efficacissimum, praesentissimum venenum *toto nequidquam lumine lustrat*, oculorum animique aciem intendit, sed frustra, dubia manet, *cunctaturque super*, diutius quaerit, *morituraque congligit iras*, quo diutius inmoratur herbarum lustrationi, eo maior voluntariae mortis inpetus fit. Sed praeualet mox vitae longioris amor. — 336. *O nimium iucunda dies vita, quam cara sub ipsa morte magis*, numquam gravior atque iucundior, quam quum propius absumus a morte. (Sed haec sunt verba poetae, non Medae.) — 337. *scetis et sese mirata furem est*, quae tam temere consilium cepit moriendi. Nunc ipsa Medea loquens induciur: *Occidis heu! sic igitur mori vis? primo potes hoc durare sub* (redundat, vt saepe) *aeuo*, in flore aetatis constituta hanc talem animo concipere cogitationem possis, et in ea persistere? — *nec lucis, vitae videris percipias vlla, nec iuuentae gaudia? nec dulces videris fratris pubescere malas*, qui solus mas est, quem amani hucusque, amare debui? *Et* (elegans conuersio, qua poeta ad Iasonem reuertere iubet Medeam) *si perstem in moriendi consilio, in vna duo moriemur, nescis morte tua perire simul Iasonem* (cf. Ovid. Metam. 2, 609. *duo nunc moriemur in vna*, et 3, 473. *anima moriemur in vna*) Iasonem inquam, quem nefas esset perire, est enim *primaevius*, aetate quum maxime floret, *qui te nunc inuocat vnam*, in te sola spem omnem atque fiduciam ponit, *qui rogat, quemque primum in litore nostro vidi*. — 344. 345. Iam vero oratio transilit ad patrem: *Cur tibi saltaces placuit contungere dextras? Tunc poteras* *iscis iuuenem non perdere monstris protenus? ipsa etiam, fateor, tunc ipsa volebam*. Post versum 344. codex regius

habet: *Aeta parens, si poscenti sua fulua negasses Vellera, si patrium vetuisses Phasim adire*, de quibus quid senserit praestantiss. Beckius in noua bibl. philol. Vol. 1. Fasc. 2. p. 169. hic adscribere liceat: "Duo versus, qui sunt in regio codice, nescio quomodo Burmannus pro Valerianis habere potuerit. — Sed ut iam scribitur, non constat oratio; requiritur enim Vocatiuus, ad quem dirigat orationem Medea, neque commode quis dixerit: *tunc poteras non perdere*. Legendum: *Tunc pater, atque istis*, ut iam docuit Balbus, nec abludit Cod. Carrionis." Hactenus Beckius, cuius sententia haec est, ut, interrogationis nota post *dextras* eiecta, et commate post *pater* posito, sic scribas: *Cur tibi fallaces placuit coniungere dextras tunc pater, atque* (cur placuit) *istis iuuenem non perdere monstres protenus?* Recepi igitur emendationem felicissimam. 346. *ipsa etiam. fateor, tunc ipsa volebam, voluissem*, dum erronem esse Iasonem et piratam opinarer, qui vellus tibi auertere vi vellet.

347 — 370. Nunc tota in Iasone denuo est Medea, quem antea auersata erat, Circen ipsam inplorat, et ad diligendas efficacissimas properat herbas. *Testor cara tuas, Circe Titania, voces*, obtestor, prouoco ad promissa tua (dixerat enim v. 223. *tu mihi causa viarum. — sola tuae venio iuuentae*) *tua me grandaeva, (grandaenae) fatigant*, totam occupant consilia, et monitis cedo minor, vel aetate, ut ad grandaeuam, vel prudentiam, ut ad consilium referatur. — 350. Rursus ad Haemonii iuuenis curamque metumque, amorem de iuvene sollicitum vertitur, propter hunc solum seu viuere gaudens siue mori, quodcumque velit, cum eo, prout ipsi placeret, et viuere et mori parata. *Maiora efficaciora carmina Hecaten, maiores vires praesentiora venena* sibi inmittere precatur, nec notis vulgaribus venenis contenta stabat, pro erat, sed cum *ἑκαπύλη* quadam, non stabat otiosa, sed cingitur sinu *ὑπὸ πτερῶν* Apollon. 3, 867. et qua sibi fida magis vis nulla, quo nullum potentius nosset venenum, *Prometheae florem de sanguine fibrae Caucasium*, in Caucaso monte e sanguine iecoris Promethei prognatum florem, *tonitru nutritaque gramina*, eundem florem inter tonitrua felicius procreascentem, promit ex arcula, quae gramina sacer vel Promethei Dei (v. 368.) vel beneficiis destinatus erior nives inter tristesque pruinas, per frigora, hyemes durat editque indurat et marcida facit; cum viscere, iecinore Promethei vultur adesto, depasisto

tollitur in aerem auolat *e scopulis*, et *rostro inrorat* conspergit *aperto*. Totus locus, mutatis tamen subinde coloribus, desumptus ex Apollonio 3, 851 sq. Luxuriatur poeta, et magum ipse videtur egisse, ita parum comprehendi nonnulla etiam in sequentibus possunt. (In mente tamen habuisse videtur *Colchicum auctumnale* (Herbst - Zeitlose, oder wilder Safran) Lenz.) — 360. *Idem sanguis nec longè finibus aevi*, diuturnitate temporis *languescit*, vim amittit, *immortale virens*, perennis, semper vicens, *idem stat contra fulmina*, quae nihil contra eum valent, et *in mediis florescunt ignibus herbae*, hoc fortasse non sine respectu ad tauros igniuomos, quorum flammæ istae herbae possent restringere. — 364. Prima Hecate *harpen*, falcem, cultrum *Stygiis fontibus*. *Styge duratam*, vt chalybis duritiem haberet, *intulit*, ad radicem eruendam admonit, et *validas*, admodum noxias, venenosas *scopulis effodit aristas*, canles cum floribus: *mox famulae monstrata seges*. Hecate hanc herbam monstrauerat Medae, *quae lampade Phoebes sub decima*, decimo post nouilunium die, vbi luna pernox, *iuga feta Caucaii*, his herbis abundantis *metit*, (adposite ad praecedentem segetem) *saecitque per omnes reliquias saniemque Dei*, vt quamque Medea radicem rescaret, ita per Sympathiam, quam vocant, Deus Prometheus in *exiguus exulcerati iecinoris reliquiis sensit dolorem*; *gemit inritus*, frustra *Colchidos Medae ora tuens*, quotiescumque videret: *totos tunc contrahit artus monte dolor*, prae dolore totum corpus horret, *cunctaeque tremunt resonant sub falce catena*.

371 — 399. Tandem domo excedit Medea. *Talibus infelix miserranda contra sua regna, patriam venenis induitur* (cingitur 355.) *instruitur, noctique tremens infertur opacae*, tenebris noctis se committit, meticulosa tamen. — 373. 374. Versiculi iucundissimi! *Dat dextram vocemque Venus*, dextraprehendit, en adsum tibi! *blandisque patientem adloquii* bono animo esse iubet, *iunctoque trahit*, lentam enim metus pudorque faciebant, *per moenia passu*. 375 — 381. Non minus suavis et ad naturae veritatem accommodata est comparatio Veneris cum aquila matre, quae fetus primum nido educit, et Medae cum aquila pullo, qui ad primum aeris experimentum faciendum a matre incitatur. *Qualis adhuc teneros supremum pullida fetus mater ab excelsa produxit in aera nido*. In priori versiculo N. Heinſius, qui omnino nodos haud raro quaerere

amat in scirpo, vel inuitis membranis pro *supremum* legi iubet *ubi primum*, quo tibicine opus non est. Illud *ubi*, quod desiderat Heinſius, eſt in *quabſ*, quod ſaepe ita pro *ſicut* in comparationibus uſurpari ſolet. Quod ſi igitur diſiecta poetae membra ita in ordinem cogas: *Qualis, ſicut mater pallida, ipſa meticuloſa* (non erat, quod Jorſſius in Miſc. Obſſ. 4, 100. reponi iuberet *callida*, ideo, quod Venus non potuerit dici *pallida*. Quidni vero? nondum enim tum certa animi Medae erat, *tremens adeo nominatur* v. 394.) *ſetus adhuc teneros ab nido exceſſo in aera ſupremum aethera produxit* (*ἄπλοτῶς* producere ſolet) *hortaturque ſequi breuibuſque inſurgere, ſe extollere pennis* — omnia habebis plana et perſpicua. — 378. Pulli ut primum latum et immenſum aethera ſibi apertum vident, (de anibꝯ nidum primum relinquentibuſ vide etiam Ovidium Arte amandi 3, 64.) horror eos inuadit, matreſque rogant, ut ad nidum redeant. — 380. Haud aliter *per moenia caecae, obſcurae, noctis tenebris inuolutae urbiſ incedens Medea domoſ ſilenteſ*, ſilentium per totam urbem dominans horret. — 382. *Hic iterum extremae ſed nequidquam in limine portae urbi� ſubſtitit, iterum ſletuſ animique ſoluti*, denuo lacrymaſ fundit, denuo animuſ emollitur, *paullumque hiſ voceibuſ haefit*, dubiam mentem expromiſit. — 385 — 387. Ipſe rogat auxiliumque meum inplorat Iason. *Labes non vlla pudoriſ, nulluſ amor ſcil. pudoriſ*. Nonne, niſi labem adſpergam pudori meo, ſaltem me eiꝯdem non ſatiſ amanteſ eſſe predam ſamaeque negligentem? *nec turpe viro ſeruire precanti*, ad primas preceſ dedere ſe atque emancipare? — 388. Venus nihil contra, *vocēſque abrumpit inanē*, ſermonem aliꝯ dirigit. — 389. *magico ſono*, inter cantuſ magicos et murmura, uti recte Burmannuſ, per noctiſ ſilentia incedit Medea, *monſtrataque coꝯdere vultu numina*. Voſſiuſ nil mutat, et monſtrata numina ſumit de ſtellis, quae, quum fulgere vix coepiſſent, mox poſt nubeſ receſſerint. Burmannuſ vult *lumina*, quod faciliuſ; longe feliciuſ tamen Dorviliuſ ad Charit. p. 205. *montana numina*, i. e. Oreadeſ, cui emendationi adſenſum ego cum Harleſio praebco. Nymphae montanae ad cantum magicum Medae abſcondebant ſe, *cumque ſuiſ auerti collibuſ amneſ*. Nil mutem, qui ſciam. carminibuſ magicis poetaſ reſ efficere vix credibileſ, ideoque flumina cum ipſiſ collibuſ, ripiſ, molibuſ loco mota aliaſ ſibi viaſ aperuiſſe; ſi quiſ

tamen cum Burmanno malit *vallibus*, i. e. alueis, vel cum Wakefieldio ad Lucret. 1, 1084. *subque suis*, nec me dis-sentientem admodum habebit. — 392. *Iam stabulis gregibusque*, armentis et pecudibus *pavor*, *strepitusque sepulcris inciderat*, ipsi manes excitatos se sollicitatosque sentiebant: *stupet ipsa graui nox tardior umbra*, vltra solitum se protrahi spissiorique caligine innoluta sibi videbatur. Cf. de his magicis Medae artibus Apollon. 3, 530 sq. — 394. *Iamque tremens* de euentu *anxia longe sequitur Venus*; vtque in syluam lucumque Hecates venerant, *subito ante oculos nondum speratus*, opinione citius emieuit, exquisitè pro profiluit, *viditque prior conterrita virgo*, ad conspectum cohorruit. — 398. *Atque hinc* (re-cepti praeunte Bononienſi et Heinſio pro *hic*, vt ſequenti inde respondeat) *se profugam voluceri Thaumantias Iris ala sustulit*, peractis Iunonis mandatis v. 188. relicto Iasone in Olympum rediit; *inde* ex altera parte *Venus dextrae dilabſa* clam eſtingit, ſubduxit ſe *tenenti*.

400 — 430. Sic ſola relicta Medea cum ſolo Iasone. Prius vero, quam ſermonem miſcentes inducit poeta, qui in vtriſque amantibus animi motus exſtiterint, admodum luxurianter non vna, ſed tribus inluſtrat comparationibus. *Obuius vt quum pavor*, terror Panicus obiectus *ſera ſub* (abundat) *nocte magiſtris paſtoribus* (cf. 6, 4:6.) *pecorique ſe inpingit*, (grauius, quam *inciderat*, paullo ante 393.) *qualesne profundum per Chaos*, regnum inferorum, ingenti iacens ore (1, 831.) *obcurrunt caecae*, quae corpora videntur habere, ſed non niſi ſimulacra ſunt corporum, vno verbo inanes *ſine vocibus ſilentes umbrae*; *haud ſecus* obuiam ſibi facti Iason et Medea, *iuxtaque ſubibant*, prope ex aduerſo ſtabant, *abietibus tacitis aut inmotis cypariſſis adſimiles*, *rapidus nondum quas miſcuit auster*. Ad verbum deſumpta ex Apollonio 3, 967. τὸ δ' ἄνεω καὶ ἀναυδοὶ ἐφῆσταν αἰλλήλοισιν, ἢ δρυσὶν, ἢ μακρῇσιν ἐσιδόμενοι ἐλάτῃσιν, αἶ τε παρ᾽ ἄσπον ἐκῆλοι ἐν οὐρεσὶν ἐρριζώνται νηνευμένη. — 407. Ergo, dum ſilentes demilloque vultu ita contra ſe ſtant, *noxque ſuum peragebat iter*, in eo erat, vt perageret, diesque prope inluceſcere incipiebat, iamiam Iasonem vultum erigere, *ſarique capit Medea priorem*. Bene conſulit pudori virginis poeta, qui loquendi cupidæ prioris tamen ſermocinationis partes non tribuit. — 410. Quam vt anxiam multasque fundentem lacrymas, *flagrantesque genas vidit, miſerumque*, qui miſericordiam moueret, (Ovidius aliquo-

ties Metam. 10, 411. noster infra 514. *aegrum pudorem, has tandem voces dedit, et solatus amantem est.* Solatus? At vero, quae sequitur oratio, nihil habet solatii, immo vero nil nisi querelas de iniquitate patris continet, nec ipsi adeo Medaeae parcat v. 518. *Fersne aliquam spem lucis?* Hebraismum fere redolet, de quo tamen Valerius non cogitavit: fortasse obuersatus est Cicero, qui pro lege Manilia c. 12. *lucem pro felicitate posuit*; veri tamen similis *vitam* noster voluit intellegi. — 415. *infando, iniquissimo, perfido parenti.* — 418. *sic te sub* (πράλκει, vt laepe) *teste*, te praesente, (adfuit enim; v. supra 103.) *remitti*, repudiari *fas me tuum*, qui tantopere te colo, amo? *iustas da vocibus aures*, aequis auribus aequoque animo audias. — 420. *Nec pater ille tuus tantis me obponere monstris, aut tales voluit me pendere poenas.* Sic vulgata. Burmannus exemplis aliis, vbi ille et ante permutantur, motus dubitat, annon scribendum sit: *nec pater ante tuus.* Ego vero non dubitavi in textum recipere. Vt primum, hoc vult Iason, patris tui copia mihi facta, egoque vellus ab eo petii, nihil aliud a me postulavit, quam vt in debellandis eum Scythis adinuarem. Adiuni strenue, nec sine iactura sodalium. An monstris me obiicere nunc vult, vbi iacet externa cuspide, hostili lancea *Canthus?* (6, 317.) *quodque meus vestris cecidit pro moenibus Iphis?* (Huius nulla fit mentio libro 6. in certamine cum Scythis, et forsan aliquot versiculi intercederunt. Libro tamen 1, 441. ei praedicatur mors in Scythica arena.) *aut Scythiae tanta inde ex altera parte manus scil. cecidit, quod repetendum ex praecedenti versu.* — 424. *Iussisset, iurare potuisset me abire perfidus*; iam vero *spem mihi promissam per quae discrimina rursus noua, et qua lege, quam duris conditionibus reddat, exsoluat, vides.* *Obcumbere tandem, si ita fata velint, possumus, idque sedet,* firmiter apud animum constitui (adde *magis*, vel *potius*, quod Latini haud raro, vti μάλλον Graeci, solent omittere) *quam non quaecumque subire patris iussa tui; numquam sine vellere abibo hinc ego,* (hoc ego h. l. haud exiguum grauitatem habet) *degenerem, ignaum, timidum nec me tu prima videbis.* Satis fortiter dicta, mallet magis blande, quod meo qualicumque iudicio eo poterat, vt renuntiare dicta patri Medaeae rogaret.

431 — 461. Medea ad haec respondet, tandemque herbas tradit Iasoni. *Tremens vt supplicis non tam verbis,*

quam vultu ora conticuisse viri videt, iamque et sua verba
 reposci, cupide exspectari, nec quibus incipiat demens,
 extra se posita, animo vehementer perturbata videt, ordine
 nec quo, quomodo tenus; quibus finibus verba contineret,
 prima cupiens (ita plenus animus erat) effundere voce
 omnia, sed nec prima pudor dat verba timent, ne vnum
 quidem verbulum prae pudore potuit proferre. Elegan-
 tissimus locus, cuius fundus est Apollonius 3, 1010. οὐδ'
 ἔχεν ὅττι πύροιθεν ἔπος προτιυθῆσταιτο, ἀλλ' αὐτοῖς μενέαιεν
 ἀολλέα πάντ' ἄγορεύσαι, quae more suo, nec infelicitè,
 hoc loco saltem, magis exornauit Valerius. — 436. Haeret,
 paullisper seruat silentium, et vix tandem adtollens lunina
 fatur: (et fatur egregie) Quid, cur vero, precor, in nostras
 venisti terras, Thessale, e terra tam remota? Vnde mei,
 quae femina sum, spes vlla tibi? cur non ipse tua, qui
 vir es et heros, virtute fretus iantos petiisti labores?
 Nempe, ita vero est, ego, ego inquam, si patriis timuisssem
 excedere tectis, occideras, actum de te erat, nempe, et pro-
 fecto hanc (δεικτικῶς, manu pectori inposita) animam
 meam, me fors funeris saena manebat, ego tibi non su-
 perstes, tecum moritura fuisssem. (Hanc animam ad Iaso-
 nem refert Burmannus eam ob causam, quod in primo
 adloquio Medea, a morte Iasonis suam pendere, non satis
 decore profiteri potuisse videatur. Quam sententiam pre-
 mit hoc, quod idem tum bis (cf. occideras v. 441) dixisse
 credenda sit Medea, nec absonum mihi videtur, virginem,
 quae iam antea, sibi saltem v. 311. falsa esset, se cum Ia-
 sone mori non recusare, quaeque iam in eo esset, vt her-
 bas venenatas traderet, simpliciter atque aperte animi sensa
 promere.) — 442. En ubi nunc Iuno, ubi Minerva tua?
 sola tibi quoniam adsum externae regina domus, peregrini
 regis filia. Nec adnoscunt me nunc sylvae Aetida, me,
 quam non nisi piam Hecates sacerdotem hucusque nove-
 rant, iam cum peregrino conloquentem. — 446. Sed victa
 sum satis tuis, tuo mortis periculo; cape munera subplexe
 tam vehementer petita, exoptata non mea, Maesius sub-
 plet: sed Deorum, aut verius Iasonis. Heinsius: non
 mea, sed Hecates. Quorum nihil ad palatum est qua-
 lecunque meum. Ego igitur malim iungere cum prae-
 cedentibus satis tuis victa, misericordia tui magis mota,
 quam animo obsequuta meo tibi dō munera ista. — 447.
 Pelias si iterum in alios casus aliasque immittet mittet,
 (nil amplius) vrbes, heu formae ne crede tuae. Hoc bene

inuentum: laudo pulcritudinem, sed vereor, ut umquam terrarum inuenias, quæ tantopere te amet, tanto suo periculo te velit adiungere. — 449. *Titania iamque gramina Promethei*, fusius supra descripta v. 356 sq. *Perſæasque Hecates* v. 353. 364. *sinu depromere e zona*, *ὑλτρὰ vires venena coeperat*, nondum in manus dederat, sed inter promendum ita pergit: Si quam tamen spem ponis in Diis, vel tua ipsius virtute, etiam nunc sine me infontem, misero dimitte parenti, ne inopia tui amore in parentem sim. — 456. *Dixerat, extemplo*, periculum enim erat in mora, quia diluculum adpropinquabat, quod *ἀστρονομικῶς* ita poeta effert: *nam iam* (sic enim lego pro *neque enim*, unde sensum commodum extricare non possum) *matura ruebant sidera*, matura nempe occasui, iam in eo erant, ut occiderent, (*cadentia sidera* Virgil. Aen. 2. 9.) *et extremum*, qui ultimus omnium, non nisi die instante, occidit, *subfixerat*, diutius remorata erat sc. Medea arte magica *axe ad polum Arcticum* (axis enim est septemtrio, qui Graecis *ἄρκτος* dicitur. Sic Servius ad Virgil. Ge. 3. 351. cf. infra v. 560.) — *extemplo igitur*, non sine gemitu tamen et multis lacrymis, inueni medicamina non secus, cumque iis patriam, famam, decus obicit, tradit. Ille manu subit,prehendit, Apollon. 3. 1014. *αὐτὰρ ὃ γ' αἰψὰ χερσὶν ὑπέδακτο γυγνῶς*, et vim conripit festinanter omnem, totam medicaminum copiam.

462—472. Iam vero Medea eo progressa, unde pedem referre non posset, arma Iasonis magicis artibus firmat atque corroborat, eumque medicaminum docet usum. *Vbi non reuocabilis umquam cessit ab ore pudor* (sententiam intexit poeta verissimam, utilissimam) *propiorque inpleuit*, conripuit Erinnys, non Furia, sed furor amoris, *carmina nunc totos voluit figitque per artus Aesonidae*, totum corpus, membra, ossa et medullas incantando corroborat, *totum septeno murmure fertur per clypeum*, septies, quo in numero vim aliquam inesse crediderunt, tenui voce clypeum per omnes partes consecrat, *grauioram reddit hastam*, pondus addit, *iamque sui tauris languent absentibus ignes*, tanta est carminum efficacia, ut eminus adeo vim exferant, ignesque taurorum absentium minui, deferuescere incipiant. — 467. *Nunc age et has cristas galeamque resume*, quam modo funerea tenuit Discordia dextra. Medea sine dubio galeam aliquantisper ponere Iasonem iusserat; cui quum vim discordiae indidisset,

reddit. Quod ipsa Discordia, quasi praefens, non ad-
spectabilis tamen, galeam manibus tractauerit, est fictio
poetica, non nimis premenda. Infra v. 632. ubi galea
vim suam exlerit, *Tartareo veneno infecta* dicitur. —
469. *Hanc iace per medias, quum verteris aequora*, campum
exaraueris, *messes*, segetem Cadmeam. — 470. *Ipse fremens*,
ira percitus *mirabitur, et me respiciet fortasse pater*,
suspectam habebit.

472 — 487. Alia nunc sollicitudo miserae animum pre-
mit Medae. Quid si, secum ait, Iason, beneficii in eum
conlati inmemor, me deserat? Mentem super alta ferebat
aequora, Argonautas sine se abire videt, *adripit dextram*
Iasonis, ac *submissa*, vultu demisso, *profatur*: (mollissima
est, quae sequitur, oratio) Sis memor mei, contra memor
ipsa manebo tui. Quando hinc aberis, dic, quaeso, *pro-*
fundi inmensi quod coeli spectabam latus? dic, quam coeli
plagam petiturus sic, ut eo semper vultum animumque
dirigam. *Sed te quoque tangat aliqua cura* (modestius
quam amor) *mei, quocumque loco, ubicumque terrarum*
sis, quoscumque per annos vitae tuae. Hunc te qualis
nunc sis, quam plena periculi praefens tua conditio sit,
meminisse velis, et nostra fateri munera, mihi salutem ad-
ceptam referre, servatum nec pudeat virginis arte. —
48. *At heu mihi! cur nullos stringunt tua lumina fletus,*
ne lacryulam quidem in genis tuis video oboriri. Qui
sensus tamen exculpi non possit, nisi cum Heinio ponas
nulli. Burmannus I. pro *stringunt* coniecerat *spargunt*,
Burmannus II. ad Anthol. T. I. p. 162. *fungunt*. Palmam
sine dubio praeripuit omnibus Ruhnkenius, qui sic re-
fingit: *cur nullo tinguntur lumina fletu?* v. Santenium ad
Propert. p. 915. — *Disimulas, te ipsum celare velle videris,*
me mox ab irato patre, et merito quidem meo, mortem
manere, animus tibi est in patria, *te contra felicia regna*
manent et coniux et natae, ego prodita, neglecta, deserta
obibo. Neo queror, sit ita, et pro te (tenerrimi amoris
testificatio!) *pro te lucem quoque, vitam adeo, et laeta*
quidem retinquam.

488 — 510. Ad haec non minus liberaliter et blande
respondet Iason, fidemque Medae perpetuam sanctissime
pollicetur. — 489. *Tacitis cantibus, magicis ipsum inscium*
flexerat, et simili mutuo adflarat amore. — 490. *Tunc*
Iasonem credis quidquam velle, in optatis habere, et vlla

pati sine te loca, adire, et laeto animo ibi vivere? — Redde tyranno patri, recipe ingratos atque exsue cantus, soluas incantamenta, viresque per ea datas resume. Quis mihi lucis, vitae amor, cur patriam renifere optem, si non et genitor, quem falso in viuis adhuc esse credebat, te conseruatricem meam primam, prius adeo quam me amplectitur, teque Graecia tuo, tibi debito vellere fulgentem gaudens spectat, et ad primos fluctus, primum litus procumbit, exspectabunda et gratulatura litus occupat. Apollon. 3, 995. *ἤδυνσσιν ἐφεζόμεναι γοάουσι.* et v. 1122. *τιμῆσσαι γυναιξὶ καὶ ἀνδράσιν, αἰδοῖν τε δεῖσσαι.* — 497. *Respice ad has voces, adtende, et numquam ex animo dimitte, et iam, precor, adue, coniux, en tibi dextram meam, tuque vicissim cedo tuam; numquam sine te vivere cupio, coniugio me tuo dignum habere velis. Per te, quae superis diuisque potentior imis, (admodum adulatorio!) perque haec, virgo, (hoc recepi pro vulgato ergo, praeunte Bononiensi, Heinio et Cupero Obsl. p. 283.) tuo redeuntia e nubibus, vt iterum conspiciantur (cf. v. 456.) sidera nutu, — per has nostri discriminis horas, quibus quummaxime pericula mihi instare video. Cuperus l. l. ex Scholiaste Apollonii 2, 257. monet, veteres primum per Deos, deinde per infortunia sua iurasse. — 501. Si ego vnquam vel meriti tui, vel noctis huius inmemor sim, tuque, quae mei amore et thronum, et patriam et parentes reliqueris, fidem fallere videas, tum me non tauros inuēt euasisse, tum me tectis tua turbet in ipsis flamma (respicere hic poetam ad incendium, quod Medea postea temporis Creusae et Creontis domui inmisit, recte obseruat Burmannus). — 509. Audiit, atque simul meritis periuria poenis despondet, poenas in antecessum meritis periuriis destināt, inflicturnque se certissime spondet Furor, questus semper vltus amantis, qui questus amantium de periuriis semper audit, perfidosque poenis persequitur.*

511 — 538. Medea, quum, quam terribilis sit velleris custos draco, Iasoni experimento facto ostendisset, tandem in urbem redit. *Perstant defixus eodem loco vterque, et nunc ora leuant audaci laeta inuenta, quoties iuuenili confidentia laetitiam prae se ferunt, ora simul toties dulces rapientia vultus,* Apollon. 3, 1018. *τῆς δ' ἀμαρτυρίας ὀφθαλμῶν ἠπρᾶζεν.* *deicit hinc vultus ager pudor, haec ipsa tamen laetitia sollicitudine et pudore interpellata est, ita vt limis tantum et obliquis oculis sese inuicem spectarent;*

mora dictis redditur, silentes iterum adstant, mox tamen rursus conterret Iasona virgo, nouum narrat ab ipso subeundum periculum. Adcipe, quis, quam dirus in Aeolio, Phrixi, Aeoli nepotis maneat te vellere custos. Nondum promissa peragi, nondum omnia dixi, quae tua causa factura sim. — 520. Auget periculum: Vix ego arte mea magica, quaeque eam me docuit, Hecate, vix tu tuique sodales fortitudine pares erimus draconi. — 522. Vtque virum doceat, quae monstra vincenda supersint, protenus inmensis recubantem anfractibus, spiris, ductibus v. 167. anguem turbat, lacessit, et Haemonii ducis Iasonis umbram obicit. — 525. Ille, quod haud alias facere consuevit, stetit in altum porrectus, et trepidantia torsit sibila, linguam celerrime motam, vibrantem et sibilantem, et postquam metu, timidus circum vellus se sursum prouoluerat, ita vt tota arbor cohorreret, tum demum obfensue, quod aiunt, agit, incipit inde sequi umbram, quam videret, et furit ore, dentibus per auras, sed vacuo, aera mandit. — 529. Admirabundus stupet Iason, frigidusque adstat ense stricto. Medea trahit, retrahit ridens, tandemque angue represso, coercito, mitigato, ait: Hunc tibi postremum parat, inmittet iratus pater. Heu miser, tantis iterum carpente sollicitandè periculis! — 534. Utinam videam te nullo, facili saltem labore ipsam caeruleis nexibus, spiris draconis squalentem obfuscatam arborem conscendere, ipsaque peruigilis calcare lumina monstri. Contingat vis deinde mori. (Vis non placet, quamquam Burmannus saepe idem notare, quod mox, statim, contendat. Bononiensis habet sic, quod rectius puto). — 537. Sic fata sub extremis umbris, aurora adpropinquante in moenia se retulit Medea.

539 — 555. Qui Iasonem ancoras soluisse longeque iam abesse crediderat Aeetes, pugnae contra paratum stare in campo eundem audit; tauros itaque stabulis emitti, et femina promi iubet. Iam puniceo Aurorae regem spes vana sub orbis extulerat, quantis undis nox una diremerit, quantum maris spatium fugiens vna nocte emensus esset Iason; liberne freto iam vultus aperto, an libere prospicere in altum possit, totumque mare sileat vt prius, (sic ordines verba) nullus remorum remigumque sonitus audiatur, nusquam nauigium adpareat, vti ante Argonautarum aduentum; dumque ea longe explorare queat, (queat? Librariis sine dubio debetur, non poetae. Pius iam olim pro eo conie-

cerat *parat*, eumque sequuntur Aldina, Engentina, Colini-
niana et Gryphiana. Quid si propius ad literarum ductum
scribas *meat*, in eo est, ut montem conscendat, vel litus
adeat?) *quum Echion Arcas* Argonauta, legatus a Iafone
missus, quo munere functum supra aliquoties habuimus
I, 440. 4, 134. et 734. Iasonem tauros in campo Martis
expectare nuntiaret. — 546. *En vocor, en ultro* — *en*
his repetitum ironicam habet admirationem: ita vero for-
tis est iuuenis, ut me provocet ipse, *spesque addidit ausa*,
obscurius dictum, quod, nisi corruptum sit, nihil aliud
significare potest, quam spes auxit ausa, ausa ausis addit. —
547. Rex, quasi aciem instruat, partes distribuit. *Vos*
mihî, tauri, primum aequora, planum solidumque campum
in glebas inuertite, convertite, comminuite, *nunc totas*
aperite, emittite et *voluite* alias post alias *flammas*; *exeat*,
procresecat *messis*, *leges Haemonio colono* (contemptim) *me-*
moranda, cuius, dum vivet, si vivet, numquam obliuiscer-
etur. *Tuque, nata, tuum draconem da*, obpone *parti Grae-*
corum, sodalibus circumstantibus, (cf. v. 557.) si forte opitu-
lari Iasoni suo audeant. *Ipsius solo adspectu pereant*;
quin vellera et ipsa terga mihî diros seruent infecta cruo-
res. Stellulam praefixerunt, et varia hariolati sunt com-
mentatores, quod idem et mihî liceat. Aliquem sensum
invenisse mihî visus sum, si ita interpretarer: *quin*, si ita
audaces sint Argonautae, ut cum dracone dimicare susti-
neant, *vellus aureum et ipsa terga*, draconis nempe *in-*
fecta conspersa *diros cruores*, hostium execrandorum, qui
rapere vellent, *seruent* memoriae causa, ut signa sint for-
titudinis, qua vellus suae custodiae traditum draco defen-
derit. Erat etiam, ubi *diris cruoribus* Medae venena
significari putarem, legeremque: *diri seruent inlaesa*
sc. vellera, ne rapiantur, *cruores*, ut rex pergat mandata
dare filiae, ut arte sua magica inungat et vellus et draco-
nem; sed audacius hoc esse ipse confiteor. — 553. *Fatur*,
hoc gratius hoc loco, quam *dixit*, habet enim notionem
inbentis, et *effusis* e stabulo *tauris inbet aequora paudi*,
planitiem aperiri. *Pars*, alii regis ministri *Echionii* Cad-
mei, Thebani (ab Echione, vno ex Cadmi comitibus.
cf. supra v. 301.) *dentis* Singul. pro Plurali *inmania* saeva
semina subeant, sinu vestium excipiant, (cf. supra v. 460.) —
pars, alii *aratri diri* (mallet *duri*, quod fere sol-
lemne est aratri apud poetas epitheton, praesertim quum
diri cruores modo v. 552. adfuerint) *portant graue robur*.

556 — 563. Iason interea sortem suam expectat intrepidus. *Pagasaë*, Thessala iuventus prosequuta stipat, maxima quisque dicta dedit, fortitudinem ducis iactat, vociferatur, conuitiatur (sic magnum sonantes 1, 162. magna dicta volant 5, 600.) — *fasnisque* periculi plenis procul discessit ab agris. — 559. *Fixerat ille gradus*, composuit se, intentus stetit, *totoque ex agmine solus stabat*, vt extremis desertus ab orbibus stellis axis, polus arcticus, (v. supra 457.) h. l. Arctos sidus, *Vrfa*, quem iam *lassa dies*, sol occidens, vt respiciatur ad lassos equos, nox ingruens, *austrique ardentis harenas*, nubes harenarum ventis excitatae australis plagae incolis ex oculis subducunt, aut quem *Rhipaeas ad arces* montes, in plaga septemtrionali, *exstantem*, paullulum temporis emicantem, conspicuum, mox tamen *rursus nix et coerulei Boreae ferus horror*, (cf. 1, 652.) nubes imbribus grauidae, a Borea coactae, *abstulit*, obscurauit. Feci, quod potui, vt, quem poeta animo informasse videretur, sensum eruere, sed mihi nondum per omnia factis feci. Nimis doctus subinde esse vult Valerius mens, quo fit, vt obscurior fiat et, dum nimis ornare rem, quam comparat, contendit, id, quocum comparisonem instituit, ex oculis amittat. Idem ei adcidit hoc loco, cuius posterior pars, qua ratione ad Iasonem commode adcommodari possit, non video. Gratiam habebunt lectores, quod Cel. Beckii l. l. p. 270. sententiam adscripserim. "Intricatus, ait, locus, et memorabilis ob diuersissimas explicationes, quarum vtramque et verba admittunt et contexta oratio. Dorvillii explicatio ad Chariton. p. 591. ed. Lips. vt sit a curru deserto ducta comparatio, vix placet, quod humilior imago futura esset, nec orbis videtur dici posse pro curru. Plus erit dignitatis, si de Arcto interpreteris. *Lassa dies* dictum esse deberet pro lumine deficiente ipsius stellae, vt sit sensus: quem tenebrae, puta nubes, aut, in australi terra, arenae concitatae obscurant, aut in septemtrionali plaga, niues. Quum austrum ardentem dixisset poeta, hoc ipsum ad obpositam coeli plagam transtulit animum, *exstantem* ornatus causa est adiectum, nec pre-mendum, quasi elatior sit septemtrionalis plaga. — (Sic tamen credidere veteres. Vide, quae ad Calpurn. Sic. Ecl. 1. 74. 75. *Notum iacentem, erectumque Boream* adnotauit Wernsdorf. Poet. min. Vol. 2. p. 85. W.) Sensus igitur est simpliciter, vt Arctos, quae deficientibus reliquis stellis sola destituta, arenis et niuib. obscuratur. Sed

latet adhuc aliquid in *lassa dies*; requirebatur hic noctis mentio."

564 — 572. Ruunt e stabulis tauri, qui, ut primum apparent, omnia undique conlustrant. Hoc poeta exornat per singulas partes: *subito longissima unda Phasidis ad-toniti*, Phasis per omnes, quamvis admodum extensas, ripas, *Caucasiaeque trabes*, arbores, sylvae, *omnisque Aetia tel-lus*, tota Colchis *fulsit, et ardentes stabula effudere tene-bras*. Mire dictum videri possit. Poeta si hoc voluit, ut stabula e tenebris suis igniuomos emiserint tauros, obscu-rius mentem exposuit. Fortasse tamen *ὄξύμωρον* sequutus, in qua figura sibi placuisse omnino videtur, si conseras huius libri v. 5. *tenebris incensa mens*, et paullo post 585. *frigidus ignis*. Optime, uti et Burmannus vidit, h. l. de fumosis flammis exponi potest, ut Apollonii *ἀιγυυόεντα καπνόν* 2, 133. et 3, 1290. imitari poeta voluerit. — 567. Hi tauri comparantur cum fulminibus propter ignes, cum ventis ob celeritatem. *Velut si quando ira Iovis, iratus, tonans Iupiter geminos ignes duo fulmina simul torisit mor-talibus*, (rubente dextra iaculatus Horat. Od. 1, 2.) *aut duo quum pariter carceribus suis emissi in aera euolant venti, sic uterque taurus clausis, stabulis euadit, proruit, et in-mani turbine inpetu proflat flammam arduam, erecto capite, atque atro, fumoso voluens incendia fluctu*. cf. Apollon. 3, 292. et Voss mythol. Briefe 1, 190.

573 — 575. Horruit Argoae legio ratis, horruit iam au-dax, qui modo virginis seruari cantibus Idas flebat, paullo ante indignatus erat, quod salutem non lacertis virilibus, sed muliebribus cantilenis adceptam referre deberet, et inuito maligno Medeam *prospexerat*, adspexerat *vultu*. Huius indignationis nullam in antecedentibus men-tionem fecit noster, Apollonius tamen non vno loco. 3, 556. 1169. 1251.

576 — 606. Ipsa pugna cum tauris narratur. *Non tulit Iason moras*, diutius continere se non potuit, *sesequae in-misit*, propius adcessit ad tauros *diuersos*, non vna, sed diuersis viis incedentes *dum videt*; et *errantem dextra ciet obuius ignem*, diuersis locis circumuagentibus, necdum videntibus, quo inpetum dirigant, tauris elata manu ipse pronocando insultat Iason. — 579. Ut tandem, qui prior *aduersi*, obuiam euntis Iasonis arma fulgentia *re-spexit*, constitit, et *tornio se luuino flexit, cunctatus paululum*, quod faciunt boves irati, in primis syluestres, *subito furit*.

Aequora irata, fluctus hyeme commoti non sic, eodem inpetu, eadem celeritate in scopulos ruunt, et fracta cedunt retro; bis fulmineis igneis se flatibus infert, obnubilque, obnubilat, fumo vaporibusque innoluit, sed Medea adspirare attingere flatu non sinit Iasonem, elypeoque inliditur ignis frigidus, vim amiserat, deferbuerat, et viso pallescit, alias rubicunda flamma veneno. Satis audacter dictum. — 587. *Incitat Iason dextram*, intendit, robur omne conligit, inque ardentia mittit cornua, deinde totis propendens viribus, toto corporis pondere haeret, ex cornibus se suspendit. cf. Cl. Boettiger im *Gothaischen Hofkalender* 1804. S. 40—54. *Taurus*, virum atque ipsam te, Medea, recusans (ingeniose Slothower p. 181. refutans, vti 6, 123. vulgatum tamen aequae bonum mouere nolui) robur domitori ab ipsa Medea additum nihili habens concutit, excutere cornibus contendit, contingitque adeo, vt ira conlecta obnitentem Iasonem aliquantisper humo eleuaret, et in aere pendentem cornibus portaret, sed iners, frustra; tandem residens, in genua procumbens, grauius mugire incipit, et fesso cornu victus descendere, procidere, qua notione est etiam 1, 686. 6, 244. — 593. Respiciens ad sodales Iason postulat vincula, ora caput tauri premit, trahiturque trahitque, (cf. 6, 414.) obnixus genu superat, ne resurgat, insiluit, toros cervicem sub iuga athena cogit. — 596. Alterum deinde turbida, de Iasone suo sollicita Medea taurum exornat, ferociam eius frangit, mansuetiorem facit, obfert, sistit ad pugnam lentum, tardiozem et minantem, sed timide minantem, iamque propinquant noctem implicat, caliginē tauri oculos obnubilat, vt Iasonem praetercurrat; tum vero fatiscens, fatigatus, quo maiori inpetu inrueret, eo grauiori lablu in terram procidit; quo facto desuper incumbit, insilit humeris eius Iason, atque suis defixum (vix commodum dat sensum, scripsitque forsan poeta defessum, vel, quod Burmannus coniecit, defectum) flatibus. — 603. *Suscitat ipse genu*, ad surgendum inpellet latus fodiendo, saenaque agit hasta, qua pro stimulo utebatur, vt pedes conriperet taurus in arando. — 604. Iasonem, taurorum victorem, comparat poeta cum primis equorum domitoribus Lapithis, imagunculam tamen nimio exornandi studio obscurauit. Non aliter, quam si (ex telluris hiatu terga recentis equi a Neptuno tridenti terram percutiente procreati, inuasit, celeriter conscendit, primumque inuasit habenis murmur, frenā iniecit, quid-

quid frenderet et recufaret equus, *et in summa Lapithos adparuit Ossa*, hunc enim montem et terras circumiacentes Lapithis assignant poetae.

607—621. *Ille Iason* (en alia comparatio!) velut fertilissima arua, *campos Libyes Africae* (cf. Libycas areas Horat. Od. 1, 1. et ibi Iani) Aegyptique, *pinguia Nili fertilis arua secat*, sic plena manu *semina spargere gaudet*, laetus atque confidens, *oneratque noualia bello*, terrae vomere proscissae inmittit materiem belli, semina, e quibus mox multi armati contra se inuicem depugnantes procrederent. Apte comparat Burmannus locum, e quo sine dubio profecit Valerius, Propertii 3, 9. *Colchis adamantina sub iuga tauros egit, et armigerâ proelia seuit humo*. cf. etiam infra 8, 138. *vbi complentur litora bello* — 610. In segete ista sensim crescente haud iniucunda vsus est gradatione poeta: Et primo quidem *ab ipso vomere* in ipso arandi opere *Martius clangor fusus*, audius est e longinquo, tum *ex omni sonuerunt cornua fulco*; porro *bellatrix*, viris armatis grauida *dum gleba quat*, moueri incipit, *pariterque creari armarique phalanx*, legiones proveniunt armis ab ipsa nativitate indutae, tandem *totis insurgere campis*, omnem complent planitiem. *Cessit*, recessit *paullulum heros ad socios*, non timore, sed *opperiens*, expectans, *vbi prima aduerso sibi daret agmina telus*, vbi primum pugnandi locum darent terrae filii. *Vt vero iam rura recedere dimoneri, findi summis cristis galearum, et infesta casside vibrantes* (intransitive, vti saepius ap. nostrum v. c. 2, 342. 6, 518.) *terras*, ipsas iam hostiles galeas splendorem e terris emittere videt, *aduolat*, atque imo *tellus qua proxima collo*, vbi capita tantum adhuc et colla exstarent, necdum humeri *videre diem*, emerfissent, *prior ense sequaci*, obsequioso, *facili* (Apollon. 3, 1388. ἀπὴν εὐχαιμένης) *aequat humo truncos*, prope terram demetit; *rutilum thoraca sequenti*, aut *primas a matre* terra porrectas *manus premit obuius ante*. Locum salebrosum facit *sequenti*, quod quum ob proxime praecedens *sequaci*, tum ob conlocationem non placet. Quod si tamen iungas verbo *premit*, tum ferri possit, hoc sensu: Colla amputat, prius quam humeri subcrederent, *sequenti* (sequentibus) qui *post hos* vel thoracem vel primas manus (digitos) protruderent, hos occupat, nec patitur ultra provenire. Possis etiam legere *ferenti* i. e. proferenti. Sed nil opus.

622. At vero aut illis, aut illis tot undique emergentibus millibus non magis subscit, parem se videt, quam olim Tirynthius Hercules, quum ad agmina hydrae dirae Lernaee defessus Palladios respicit ignes. Sunt, qui angues malint, aegida puta Palladis; nihil tamen mutandum. Hercules enim, quum sola amputatione nihil proficeret, igne adhibito, quominus capita subcrescerent, impediisse narratur a Mythographis. — 625. Ergo iterum ad socias, auxiliatrices conuertere (se) Medae artes, et galeae nodos ac vincula, lora, quibus mento adligata esset, dissipat, soluit quidem, cunctatur tamen, non proiicit illico, totique obcurrere bello conficere bellum ipse solus cupit, sed spes nulla datur; sic undique densant terrigenae iam signa duces, conferto agmine incedunt. Iamque omnes odere, ira excandescentes petunt virum. — 631. Tum vero amens, consilii inops discrimine tanto, galeam (Apollonius 3, 1363. et Ovidius Metam. 7, 139. non galeam, sed saxum coniecisse narrant) a Medea hos in usus incantatam (v. supra 469.) in medios torfit, magna vi proiecit; conuersae retro protenus hastae. — 635. Qualis vbi adtonitos, furore percitos annua ira moestae Matris (Mygdonius planctus infra 8, 239. cf. et 3, 20. 232.) annui dies festi in honorem Cybeles (Megalesia) et quidem dies eorum tertius (sanguen vel sanguinis dictus) quo Galli acutis, cultris brachia incidebant 3, 234. — vel exsectos lacerat Bellona comatos. Hoc spectat ad Bellonae sacerdotes (Bellonarios), quos Gallis iungi et apud alios deprehendimus. v. Iuvenal. 4, 123. 6, 511 sq. et ibi Ruperti. Lucan. 1, 565-567. Locus classicus de Bellonae sacris est ap. Tibull. 1, 6. 41. vbi v. Heynium. Exsectos nominat Noster et comatos, quod spades erant, et comam alebant, quum contra Iſidis sacerdotes (Iſiaci) maritati essent et calui. v. van Dalen Diss. antiquitatibus inferuientes p. 155. — Sic Medea cohortes adcoctas, ira ardentes implicat, et in sua, contra se ipsos, fratres, eiusdem matris omnes proelia agit. Omnis ibi Aesoniden sterni putat, quisque non fratrem, sed Iasonem ferire opinatur. Stupet Aeetes, ultro ipse furentes reuocare a mutua caede cupit, sed cuncta, coniuncta, coacervata iacent, nec quisquam primus ruit, aut super ullus linquitur, dici haud potuit, qui primus, qui ultimus ceciderit, atque hausit subito sua funera, filios suos mortuos (cf. Virgil. Aen. 6, 510. 9, 492.) tellus.

644. *Protenus in (ad) fluuium Phasidem fumantibus sanguine euolat armis Iason, qualis Getico de pulvere, proelio puluerulento Mavors intrat equis Hebrum vritque grauem sudoribus, facit, ut aquae sudore et Dei et equorum calefiant, tepescant saltem. — Aut niger fumio et fuligine pictus Cyclops ex antris, officina a rutili fulminis aestu, a cūdendis fulminibus adhuc aestuans furit, et respirat, ruit ad se refrigerandum in aequore Siculo. —* 649. Sic igitur Iason reuersus, sodalesque ouantes, laetantes amplexus est. Nec iam regem denuo precibus adire mendacem dignatur, nec, si ipse, qui antea promississet, ingerat ultro terga, vel inuito obtrudat aureum vellus, velit in pacem dextramque reuerti, denuo se fidei tam perfidi regis committere; ambo truces, ambo abscessere minantes, truci minantique vultu discedunt.

IN LIBRVM VIII.

i-13. Medea patris iram timens medicamina ex penetralibus promit, et ad Iasonem confugit. i. iam sua facta, quae perpetrasset, et inde sequutura mala pauentem Colchida omnes furiae minaeque, irae furibundae patris circa habent, obdident quali, vndique obpugnant. Heinsius pro circa habent mauult circum — agunt per Tmesin; nil opus, nam habere nostro saepius est pro tenere, continere et similibus. v. infra v. 98. et 5, 284. — 4. nec miserae terra vlla procul, nulla tam remota, quam non adire mallet potius, quam in patria remanere. — 5. ferre fugam, singularis dictio, eadem tamen et 4, 644. 7, 297. — 6. oscula dat vittis virgineis, omnino arculae muliebri. Apollon. 4, 26. κύσσε δ' ἐόν τε λέχος, καὶ διπλῶς αὐφορέσῃς σταδμους, καὶ τοίχων ἐπαφίσατο. — 8. crinemque genasque ante per antiqui carpsit vestigia sonni. Male habuit non vnum interpretem rō ante eam ob causam, quod ob statim sequens antiqui ingrata existat ομοφωνία; eius igitur loco Burmannus vngue, Slothouwer acta reponere maluerunt, sed retinui ego ante, quod respicere videtur antecedens fugit, antequam fugeret, toros adhuc semel amplexa, sed, dum dirum illud somnium 7, 334 sq. in memoriam renocat, horret, et summāe tristitiae sensu crinem genasque non tam lacerat, quod Burmanno visum, sed carpit, leniter inuadit. — 9. inpresso, presso. — 12. Non carior ille est, quem sequimur, non aequae amo

Iasonem, ac te, pater optime, in quo si mentiar, *tumidis simul obruar undis*, fluctus me cum ipso Iasone hauriant! — 15. *melior sit cetera proles*, magis pia, quae tibi honori et gaudio maiori sit, quam ego. — 16. Dixit, et *numquam spernenda*, maximi pretii, vtilissima *Haemonio marito coniugi Thessalo Iasoni medicamina cistis* (Orpheus 954. Apollon. 3, 801. *Φαρμακός*) *letiferis venena mortifera seruantibus condita prodit*, profert, promit. — 20. *Velut torto* (ornans epitheton!) *Furiarum flagello erecta*, incitata, exagitata *profilit*, non lecto, uti Burmanno videtur, nam ista nocte somno se dare nec voluit, nec potuit, sed palatio. — 21. Poeta Medeam comparat cum Inone, Athamantis coniuge, qui, quum a Iunone in furorem actus esset, uxorem pro Icaena habitam persequutus est: cuius iras, euitatura Furiis et ipsa agitata Ino, in sinu gerens filiolum Melicertam (nam alterum, Learchum, paullo ante Athamas conreptum saxo adliferat, v. supra 3, 68.) ad mare properauit, et cum ipso puerulo in mare se praecipitem dedit e scopulo; quae omnia vberius narrantem consule Ovidium Metam. 4, 416 sq. Iam vero plena omnia, obscurius tamen vltima v. 23. extulit poeta: *extremum coniux ferit inritus Isthmon*. Burmannus ita explicat, ut Athamantem ad extremam litoris oram substituisse, et furore inani, quod enaserit manibus coniux, pedibus pulsasse terram existimat. Mihi autem Valerius Athamantem ita prope Inus vestigiis insistentem videtur induxisse, ut ense sublato ipsam adhuc tangere atque ferire crederet, ictu tamen inani in extremum scopulum debaccharetur.

24—44. Iason in luco blandis verbis Medeam excipit: 25. *nemoris sacra nocte se tegebat*, abditus in umbra luci expectabat. *fiderea insigni, pulcetrina iuuenta*. De eodem Iasone 5, 467. *fideris ora ferens*, cf. 4, 190. — 27. Poeta Iasonem cum Endymione, is enim est *Latmius venator* a Latmo Cariae monte dictus, Medeam cum Luna, Diana confert, quae pudoris virginei diu tenacissima tandem dormientis Endymionis venustate abrepta ne intra osculum quidem constitit, si fides habenda Propertio 2, 15. cf. et Apollon. 4, 55. — 28. *residet*, quiescit, somno conreptus — *velatis cornibus Luna venit*, splendore suo, ne deprehenderetur, inminuto. Apollon. 4, 60. *σπορτήν ἐνὶ νυκτί*. De defectu, eclipsi Lunae possis intelligere, si sequareis Catullum 66, 5. vbi v. Cel. Döringium et Valkenaer. Epigramm. Callimachi fragmenta p. 66. — 30. *roseo honore, suauis*,

gratiosa, florente pulcritudine. cf. infra v. 237. *inplet nemus, talemque aequae pulcræ ac Dianæ expectat amantem* Medeam Iason. — 32. En noua comparatio! *De more columbae pauidæ, sollemnis vox de animalculis istis, quæ super supra se præpetis, de quibusque auibus carniuoris dicitur, ingenti umbra, auget magnitudinem auis, circumdata conclusa, inuoluta, in quemcumque, ut primum in oculos cadit, tremens, anxia hominem cadit, quod grauius et significantius, quam volat.* — 35. Haud secus Medea icta percussa timore graui mediam sese inmisit, toto corpore in amplexus eius ruit. — 37. Iason ita excipit: *O decus magnum in nostros penates ventura, insigne ornamentum genti nostræ adcessura. Sola haud indigna causa tantarum viarum reperta mihi.* Sic ordines verba. *Haud indigna* λιτότης, sensusque est: operæ profecto pretium erat, tam egregiæ virginis causa tam longinqua maria emetiri. *Iam nunc non vlla requiro, nil curo vellera,* quibus tu mihi longe potior es, *satis carinæ meæ vexisse,* reportare TE. — 41. At vero tot tantisque tuis meritis adde, potes enim, vellera, namque aurea (sic rescripti pro antea, quod nihili est; eademque correctio in mentem venerat Slothouwero p. 182.) *iussi terga referre sumus: socios ea gloria tangit, ad hos etiam pars laudis pertinet.* — 44. *primis subplex dedit oscula palmis,* nondum labiis inprimit oscula, sed manibus iisque primis, digitis. Satis modeste!

45—53. Medea tenerrimi amoris significatione totam se tradit atque committit Iasoni, fidei tamen datae eum admonet. — 47. *Non iam nunc regina, virgo regia, loquor; sceptris relictis, vota animi, te, mi Iason, sequor; serua profugæ, tua causa omnia relinquenti, quam dedisti fidem* 7, 497 sq. — 49. *Di nostris vocibus adsunt testes, audiunt præsentés, quæ loquimur, inuicem promittimus. Sidera et hæc te neque vident, sideribus enim et locum dedere in iure iurando.* v. Heyne ad Virgil. Aen. 2, 154. — *modo ne quis abactam a te repudiatamque huc referat me forte dies oculisque parentis irati ingerat,* obiciat. — 53. *Hoc te deprecor, hospes.* In hac hospitis adpellatione, qua sermonem finit Medea, perfidiæ quamdam atque leuitatis hospitibus solitæ suspicionem inuenisse sibi, nec inmerito, visus est Burmannus, Valeriumque existimat ob oculos habuisse Ovidii illud Heroid. 17, 191. *Certus in hospitibus non est amor, errat, ut ipsi.*

54—66. Vtrique iam interiorē ingressi lucum conspiciunt draconem. *Rapido passu*, cum inpetu, incitatore gradu *per devia furens*, de incantatione iam cogitans tollitur, abripitur, deproperat Medea. — 55. *Haeret comes Iason*. Maiorem vim habet *quā haeret*, quam simplex *est*: inest notio alicuius timoris. — 57. *vibrantes* intransitue. v. ad 7, 617. *saeva luce tenebras*, terribilis e noctis umbris oriens splendor. — 61. *fulgura vibrat* h. l. actue, torquet *crisis*, hunc splendorem emittit corona, massa carnea, quae multorum serpentium verticem tegit. cf. Apollon. 4, 139. qui terribilem draconis adspectum magis exorrat. — 62. *me pauens contra solam videt*, semper sollicitus de vellere praeter me neminem accedere propius patitur, *vocat vltro cristarum ista erectione*, et *blanda libilante poscit me pabula lingua*. — 64. Dic age, *utrum hostem* te mecum adcedentem *videnti exuias auferre velis*, certamen cum eo inire, vellusque eripere ipse sustineas, *an lumina somno mergimus*, an ego oculis adfundam soporem, ut moriuis similis iaceat. — 67. Ille *filet*, tacendo consentit, ut Medea soporem immittere malit, quae draconis iras tam terribiles modo descripserat, *tantus subiit animum eius ut virginis horror*.

68—78. Carmine igitur in soporem dat draconem Medea. *Manus crinemque caput intenderat asiris*, carmina barbarico pede, Scythica modulatione *fundens*, teque ciebat, *Somme pater*, quo nomine venit etiam Ovidio Metam. 11, 633. qui et aulam eius fufius pingit ibid. 590 sq. Hoc Patris nomine omnibus Diis communi plures ornat Valerius: Aeolum 1, 751. Apollinem 5, 18. Bacchum 2, 256. Tartarum 4, 258. Cf. Heyne ad Virgil. 1, 155. — *omnipotens Somne*. Homero Il. 14, 253. et Orpheo 1002. ἀνὰ πάντων τε θεῶν, πάντων τ' ἀνθρώπων. Apollon. 4, 146. θεῶν ὑπατον, summum Deum. Meleager Epigr. 88. ὁ καὶ Διὸς ὄμματα θέλων. — *te ab omni orbe voco*, mitte iam totum terrarum orbem, *inque vnum iubeo nunc ire draconem*, in hoc solo vim exeras tuam. — 72. Quae saepe *cornu tuo*, nam et hoc, a senioribus praesertim poetis, tribui somno videmus, v. c. Statio Theb. 2, 144. 6, 27. Sil. Ital. 10, 352. Hinc fit, ut *inriguus* (ὕγρως) et *liquidus* apud ipsum nostrum 4, 16. nominetur, et *inrorare* quietem, *inrigare* Virgil. Aen. 1, 692. *perfundere membra*, Graecis βεπρίσσει dicatur. Nec desunt antiquitatis monumenta, in quibus hoc cornu videre est. v. Lessing, *wie die Alten*

den Tod gebildet, in fronte libri, it. Tab. 5. et p. 45. Hoc igitur cornu *freta* Medea ait se, *nubila, fulmina, sidera domuisse*, quod, quum in has res omnes somnus proprie non cadat, non nimis premendum, sed mitigasse, deleniisse, vicisse tempore nocturno se haecce omnia proficitur. —

74. *Nunc age, maior, potentior ades fratrique simillime leto*, ita ut draconi non tam soporem inmittas, quam lethargum. De hac Somni et Mortis similitudine non est, quod pluribus dicam. cf. omnino praeter modo laudatum Lessingium libellum Cl. Doeringii de imagine somni L. 1783. 4. Liceat tamen adscribere locum Senecae Tragici elegantissimum Hercule furente 1065 sq. ubi Chorus iudem Somnum prouocat, ut Herculi se inmittat:

tuque, o domitor

Somme malorum, requies animi,

Pars humanae melior vitae,

Frater durae languide Mortis,

Veris miscens falsa, futuri

Certus et idem pessimus auctor:

Pater o rerum, portus vitae,

Lucis requies noctisque comes;

Qui par regi famuloque venis

Placidus seilum lenisque fouens;

Pavidum leti genus humanum

Cogis longam discere noctem,

Preme deuictum torpore graui.

75. Iam ad ipsum draconem conuertit orationem, vel potius cantum: Tempus est tandem, *te deflectere oculos ab hac velleris custodiendi cura*. Nihil metuas velleri, ego ipsa tuas vices subibo.

78. Draco *haud discedere fessus* lassitudine ab Aeolio auro (Phrixium metallum 5, 633. cf. et 7, 54.) *nec quieti, quamvis inuict, (f. lubet, quod Casp. Barthio iam in mentem venit) ora dare sustinet; primi tantum nube soporis percussus horret*. Nihil hic mutandum. Nubem soporis praeter Statium Theb. 10, 285. et Achill. 1, 250. a Burmanno laudatum habet etiam Claudianus de raptu Proserp. 1, 81. et de laude Stilich. 1, 309. ubi Gesnerus: Metaphorae huic et phantasiae poetarum occasionem dedit magistra natura. Turbantur et velut nube quadam obscurantur dormituriensium oculi. — Nec *percussus*, suadente Heinsio, in *perfusus*, vel cum Wakefieldio in delectu tra goed. p. 371. in *percussus* mutes; est enim, quod me

docuit Ill. Heynius ad Tibull. 1, 2, 3. ex Orpheo Argon. 36. et 540. γλυκερῷ βεβολημένος ὕπνῳ. — *et dulces excussit ab arbore somnos.* Facilius esset corpore, vel pectore, quod voluit Heintius, sed vulgatum servari potest, si ita exponas: somnum incessentem ab oculis defendere conatus est eo, ut corpus moueret, et ab arbore in terram serperet, quae explicatio firmatur v. 93. (humi) et 110. ubi draconem humi iacentem scandere Iasonem iubet Medea. — 83. *Spumare Tartareis venenis* Medea dicitur, quod non ita intellegendum, ut Pythiae in tripode sedentis more spumas ore praeulerit ipsa, sed active sumit *spumare* poeta, (vti coruscare 2, 228.) ad spumam usque miscuit venena. — 84. *cunctaque Lethaei quassare silentia rami perstat.* Et haec non vna obscuritate laborant. *Cuncta silentia*, satis audacter pro omni noctis horrore, omni vi soporifera, quae *Lethaeo ramo* inest; hunc iuniperi fuisse tradit Apollon. 4, 156. cui arbori grauem i. e. semniferam vim tribuit etiam Virgil. Ecl. 10, 76. *quassare*, versare et draconem inspergere *perstat.* Omnino, dum haec scriberet poeta, ob oculos habuit Virgil. Aen. 5, 854-856. *Ecce Deus ramum Lethaeo rore madentem Vique soporatum Stygia super utraque quassat Tempora, cunctantique mutantia lumina soluit.* Venusta haec omnia et perspicua, quae, dum pulcrius more aetatis suae efferre vellet, obscurauit Valerius. — 85. *aduerso cantu coram stans et canens luctantia lumina obruit,* obprimit, *omnem vim Stygiam magicam lingua manuque fatigat,* strenue versat medicamina canens, *ardentes donec sopor occupat iras,* oculos iratos. — 88. *Iamque altae erectae antea cecidere,* subsedere, languere coeperunt *cristae,* *nutatque coactum,* victum sopore *caput,* atque *ingens,* longa, lata *ceruix extra sua vellera* (est) a vellere sibi demandato humum versus porrecta. — 90. *Ceū resluens Padus, aut septem proiectus in amnes Nilus et Hesperium veniens Alpheos in orbem.* Haud parum desudarunt in hoc loco interpretes, qui, si verba spectes, nihil admodum difficultatis habet. Comparat nempe draconem porrectum cum tribus fluminis, quorum cuique addit participium: *resluens Padus, proiectus Nilus, veniens Alpheus.* Et *Padus* quidem *resluens* est exundans, ultra ripas effusus, nihil amplius. Lucano 4, 134. est *siagnans*, eodem sensu. cf. eiusdem Lucani 6, 272. — *Nilus proiectus*, quod grauius quam porrectus, ideo tamen non placet, quod eadem vox paullo

post v. 93. obcurrit, et *Alpheus veniens*, ex Elide, subter maria diu terrasque depressus, cum Arethusa deinde Siciliae fonte aquas confocians. v. Ovidii Met. 5, 494 - 497. et 573 sq. — His igitur adtributis omnibus magnitudinem fluviorum indicare voluit poeta. In verbis itaque nihil est obfendiculi. Sed vitium in se est, quod tenuissimo filo nectitur antecedentibus comparatio, et res magnitudine nimis diuersae, *ingens draconis ceruix*, magnique nominis fluvii inter se conferuntur. Sed, vti Burmannus et Ernestius Diss. 2. de elocutionis poetar. lat. luxurie p. 89. recte monuerunt, obuersatus Nostro est Apollonius 4, 151. qui draconem ait mille explicuisse orbes, non secus ac fluctus ater et furdus et admodum fremens in aequore magno se voluens; sic enim intellego Graeca: μήκυνς δὲ μυρία κύματα, Οἶον ὅτε βληχροῖσι κυλινδόραγον πελάγῃσσι, Κύμα μέλαν, καφόν τε καὶ ἄβρομον. Haec Valerius more imitatorum magis exornare et calamistris inurere sibi visus est. — 93. *Fusis circum circumfusus proiecta brachiis, humi strata amplexa est, seque ipsam, eo progressam, suumque simul crudelis inludens fleuit alumnium.* — 96. *Sacra ferens Hecataë, epulasque pabula tibi hianti, cupide adripianti — quam gravida graui mole iaces, quam segnis flatus, quam lente spiritum ducis, antea tam viuidum atque igneum.* — 99. *Miseret me tui, mi bone, sed praeclare tecum agi putes, quod vitae saltem pepercerim.* — 100. *Heu saeuum passure diem, quam tristis tibi orietur aurora, nulla tua sub umbra abs te obumbrata fulgentia dona donaria, ἀναθήματα, aureum vellus videbis.* — 102. *Cede Deo, fatis ita constitutum credas, inque aliis lucis senium nunc digere, alium tibi lucum quaere, vbi seniles annos ita transigas, vt a praesenti dolore animum diffundas, exhilares.* — 103. *inmemor mei, ne sis μνησικακός, vt per totum mare sibilis me prosequare tuis.* — 105. *Tu vero, Iason, dimitte, rumpe moras.* — *noxia, in pia in parentem, tauros eius compescui, terrigenas in fata dedi, opera mea factum, vt se inuicem ipsi caederent, fusum, prostratum draconis corpus, significantius quam draconem, molem enim exprimit, habes; iamque omne nefas, spero, peregi, tua gratia feci, quae facere non debebam.* — 110. *Aurigera arbor,* (talìa multa effingunt vocabula poetae, sed auriger taurus est etiam apud Ciceronem de Divinat. 2, 30. in oratione tamen ligata) — *per ipsum draconem scande; consilium periculi plenum, cui tamen statim obtemperat*

Iason, *dictis fidens* Medeae, quam post tot grauia perpetrata fallere se velle credere non poterat, et *aeream*, epitheton perpetuum arborum procerarum, *quamuis perfertur ad ornum*. In arbore dissentiant. Orpheus habet fagum, Apollonius, sibi non constans, modo fagum, modo quercum nominat. Nostro ornus est etiam 7, 535. — 114. *cuius adhuc rutilam seruabant brachia pellem; brachia sunt ingentes rami: memini tamen legere, arbori isti tropaeum quasi adfixum fuisse, ex quo vellus penderet. — similem nubibus adcensis, solis radiis conlustratis*. Apollon. 4, 125. *νεφέλη ἐναλίγκιον, ἢ τ' ἀνιόντος ἡελίου φλογερῆσιν ἐρσύθεται ἀντλυσσιν*, aut arcui coelesti, quod poetice ita effertur: *Thaumantias Iris veste reiecta ad promittitudinem celeritatemque, qua Iovis et Iunonis iussa perficeret, exprimentam labitur* (sollemnis vox de Diis in terram se conferentibus) *obuia*, vt e regione stet, aduersum habeat *Phoebum ardentem*, solis radios. — 117. *Conripit optatum decus*, celerrime adprehendit, quod tam diu adpetiuerat, tam longi itineris praemium, *extremumque laborem*, quod finem inponeret laboribus. — 118. Ipsa arbor per proso-poeiam haud inelegantem ornamenti per longam annorum seriem possessi tenax sistitur, et resistens et gemens; frustra: nam *tristes super coiere tenebrae*.

121 — 133. Spoliis laetus comite Medea ad nauem properat Iason. *Egressi luco relegunt campos*, eadem, qua venerant, via redeunt, et fluminis ora summa ostia petunt. *Micat velleris splendore omnis ager, villisque comantem* (coma de ouium lana. cf. Appuleium Metam. 6. p. 402. et ibi intt.) *fidereis pellem*, densis iisque rutilis crinibus frequentem fert Iason, sed, quod facinus, si gratiae atque inexpectatae rei possessio contigerit, vt eam in omnes partes versemus, idem igitur facit Iason; *nunc totos fundit in artus*, expansam toti corpori praetendit, *nunc in colla refert*, humeris inponit, *nunc implicat*; inuoluit sinistrae. Totus locus adumbratus ex Apollonio 4, 179. *ἦτε δ' ἄλλοτε μὲν λαίψ' ἐπιειμένος ὦμος, αὐχένος ἐξ ὑπᾶτοιο ποδηγεαῖς, ἄλλοτε δ' αὖτε εἰλας ἀφασσόμενος· πέρι γὰρ δῖον, ὄφρα ἔμῃ τις ἀνδρῶν ἦε θεῶν νοσφίσσεται ἀντιβολήσας*. — non secus ac olim Tiryynthius Hercules, ab Inachiis Peloponnesi antris ibat, redibat, incedebat, adhuc optans humeris capitique leonem, leonis ad Nemaeam confecti exuuias. — 127. Vt vero sociis, qui tunc praedicta, de quibus antea conuenerat (cf. 7, 72. 188. praedictus locus), *tenebant ostia, per lon-*

gas eminus umbras noctis adparuit aureus; aureo vellere onustus, ipsa ratis gaudens, (haud mirum, sensum tribuere poetam naui, quae loqui adeo posset) promouet se obuia. — 131. Iam vero festinans Iason describitur: praecipites agit, conripit gradus, utque aurea misit terga prius, haec enim in tuto ut conlocaret, maxime eius intererat, mox virgine cum adtonita, non tam, quod naus numquam antea visae adspectu commoueretur, sed, quod patria exsul futuri incerta esset, puppim infilit, (cf. 2, 513.) ac rapta victor consistit in hafia, statim adripit hastam, ut promptus paratusque esset ad pugnam, si quis vellet spoliū eripere.

134 — 174. Narrantur, quas vellus raptum et fuga Medae in aula dederint, turbae. *Venit horror, tristis nuntius, ferens fata luctumque luctuosa fata, fraudemque fugamque, fugam fraudulentam. — 136. Hinc frater Medae Absyrtus inflexit.* Huic voci, unde commodum aliquem sensum vix possis extundere, aliam certatim substituere conati sunt interpretes. Pius *effluxit*, Aldus et Zinzerling *insurgit*, Heinsius *effulsit*, Burmannus *se erexit*, Harlesius *en flexit*, quorum nullum satis placet. Mihi quidem in mentem olim venerat *incessit*, Praesens verbi *incessere*, nam quae sequuntur omnia, coit — volat, complentur, fugit praesenti tempore efferuntur, h. e. *persequitur*; sed nec hoc satis placet. In nonnullis, non antiquissimis tamen, codicibus reperuntur post v. 136. versiculi sedecim, quos quamquam praeposteros subposititiosque, qui ante me Valerium ediderunt, habuere, ideoque locum iis in ipso contextu concedere noluerunt, eorundem tamen exemplum sequutus in Commentario nolui omittere:

Occidit Aeetes, casu perculsus acerbo,
Stratus humi. Carae religens vestigia natae
Dat gemitus, lacrymasque simul vocesque resorbet.
Heu miser! adtollens foedatam pulvere tandem
Canitiem: poterasne tuo nocuisse parenti
Filia, sola meae spes non indigna senectae?
Duceris a Minyis furtim, dulcique carebis
Coniugio, laeta et numquam praedone marito.
Hic labor est, Absyrtē, tuus; renocare sororem
Vndique selectam pubem; iam classe parata
Et nostro da vela mari. Tum ille impiger omen
Adcipit, et magni subiit mandata parentis.
Interea velo remisque feruntur in altum

Certatim Minyae; solers Neptunia proles
 Confulit, vt dubio caueant contendere cursu,
 Et securus, ait, nobis et tutior Ister.

137. *Volat ipse Aeetes, properat senectae inmemor, nulla* senilis infirmitatis habita ratione, *complentur litora bello,* viris armatis, *fugit puppis habenis,* quae de nauibus vsurpantur etiam 6, 437. *inmissis, alias admissis,* i. e. incitatis 6, 303. *permisissis* 4, 679. *adductis* 6, 271. — 140. Quae sequitur matris satis longa oratio plena est adfectum, miscetque preces et querelas et tenerrimi significationes amoris. *Mater adhuc ambas tendebat in aequora palmas.* Adhuc otiosum, nisi velis rescribere *ad haec* audita et visa. Quid si *Idyia*? hoc enim nomen fuit matri Medae, nec admodum repugnant ductus literarum. Obesse videbatur, quod plerumque *Idyia* inueniatur, ideoque prima syllaba conripi non possit; sed *Idyia* non minus bene, vti Heynius ad Apollodor. p. 203. probat ex Hesiodi Theog. 960. vbi etiam prima syllaba brevis. Adcedit, quod nomen proprium vix abesse posse, et sola librariorum incertitia, qui nomina propria rariora sibi incognita mutare solebant, excidisse videatur. Temperare igitur non potui, quin feminae, quam et Apollonius 3, 243. nominatim habet, memoriam renouarem locumque ei in ipso contexto concederem, Heinsii sequutus exemplum, qui eandem Ouidio Heroid. 17, 232. restituit. — 143. *exstat,* sola prae ceteris eminet, conspicua est. — 145. *nata potes,* quae magica polles arte. — 146. *haec tua tellus sceptraque,* hic, in patria regina magere potes. — 148. *Quis locus tibi, barbara,* quae Colchis, non Graeca es, *inter natas Inachias,* nonne te feminae Graecae contemnent? *isiane vota domus expectatique Hymenaei,* sic explēs vota parentum, qui alii iamiam, Albano principi, despondimus? — 150. *Hunc petii grandaeva diem,* vitam igitur mihi aetati prouectae longiorem contingere optavi, vt hunc talem diem viderem? — Iam irae plena orationem dirigit ad Iasonem: *Vtinam vt volueris in ipsius praedonis ora vnguibus vncis ire possem ratemque supra* (repetas ire) *supra ratem* volitare, *claroque reposcere cantu clangore,* quam genui, filiam. — 155. *Non hoc Pelias euadere furto te iubet,* per talem clandestinam rapinam noluit te expeditione tibi mandata defungi. — 157. *Vellus habe,* cum indignatione concedentis verbum, *et nostris si quid super templis,* quidquid praeterea donariorum adest, adcipe, modo filiam red-

das. — 158. Nunc cum ipsa filia queritur: *Sed quid ego quemquam, vel Iasonem, vel alium quemque inmerito adcusem? Ipsa, sponte, nemine impellente, ipsa tanto tam nefario ardet amore.* — 160. *Redeunt iam singula menti, bene memini, te subito aliam factam, iam vero perspicio causam, quod, ex quo Thessalici subierunt aequora remi, campis nostris adpropinquarunt, adpulere nauem, nullae te dapes, lautiores cibi, epulae, non vlla inuabant tempora, dies festi, geniales — non ullus tum tibi color, tota pallesbas, aegra verba, vix verbulum elici poterat, errantes genae, quibus color non constabat, mox pallidae, mox rubore subfusae (possis etiam genas adcipere de oculis, quo sensu saepe apud poetas est, v. c. Ovid. Heroid. 10, 266. fixae genae. Valerius ipse 7, 258. adtolle genas; sed illud praeplacet.) atque alieno gaudia vultu, gaudia, quibus vultus non responderet.* — 165. *Cur tanta mihi non prodita pestis, cur tam perniciosum amorem mihi non confessa es; effecissem profecto apud patrem, ut gener Aesonides nostra consideret maneret aula, nec talem patere fugam, ad tam nefariam impiamque fugam animum intendere necesse habuisses.* — 167. *Commune fuisset aut certe nunc omne nefas:* locus salebrosus, in quo vucula nunc sensum turbat. Adcesserim Heinio concilianti: *commune fuisset aut certe tecum omne nefas, itaque cum antecedentibus coniunxerim: Utinam mihi confessa esses, effecissem apud patrem, aut, si hic noluisset consentire, tecum ipsa in societatem facinoris venissem, iremus ambae in quascunque vias ipsa tibi comes fugae fuissem, Thessaliam tecum petissem, et sacui, quaecunque es, vel oppidulum vel urbem hospitis.* Sic omnia quidem bene nexa; fateor tamen, totum locum ideo non placere, quod regina eaque grandaeua ex animi sententia talia profiteri vix credi queat. — 172. *famulae clamore supremo vitimum Vale conclamantes in vacuos dant verba notos, nota prouerbialis loquutio de dictis votisque inanibus.*

175 — 201. Argonautae dum iter prosequuntur feliciter, Erginus gubernator alia, quam qua venissent, via patriam repetere luadet. — 175. *Diem illum noctemque sequentem volant, redeuntibus aura gratior, venti magis secundi — notae transcurrere terrae, litora relegebant, quae antea in conspectu habuerant, quum subito Erginus, qui Tiphye mortuo ad gubernaculum sedebat 5, 65. puppi sic satur ab-alta:* — 178. *Vos, ait, Aesonide (sic faciunt veteres,*

vt vnum dignitate priorem compellent, plures autem simul includant, nec aliter Virgil. Aen. 9, 525. *Vos mihi, Caliope cet. Ipse Cicero de Orat. 2, 47. quamobrem vos hoc doceo, Sulpici.) contenti laeti tantum vellere capto, alias securi, nec via quae, quanta, nec quae fortuna, quae pericula restent, videtis.* — 180. *Crašina dies vocat ad confinia trucidis ponti, Cyaneasque, cras perueniemus in viciniam Hellesponti et Symplegadas illas, ad quas memini, quantum tibi, Tiphys, defudandum esset; altera Ponti Euxini eluctanda non sine labore emetienda via.* — 185. *Haud procul hinc Histri Scythici, non quod ibi oriatur, vti veteres nonnulli falso credidere, sed quod in Scythia latiori sensu sumta aquas in mare exonerat. cf. Lucan. 2, 50. et Oppian. Cyneg. 2, 141. exitus ingens, magna moles aquarum ruit magna cum vi atque rapiditate. Hoc igitur flumen septem ostiis in mare procurrere narrat poeta, sequutus in eo Strabonem, nam in ostiorum numero non conuenit prisca, (v. omnino Mannert. 4, 219 sq.) nec displicet copia orationis, quae et ipsa totidem fere, quibus Danubius, alueis incedit: exitus ruit — flumina fundit — septem exit aquis — septem ostia pandit — ora petamus.* — 189. *Quae latus in laeuum ponti cadit. Ex Colchide versus Cyaneas nauigantibus quum Ister ad dextram esset, Burmannus recte putat, hic non respici situm naui aut Argonautarum, sed ex communi more loquendi laeuum latus dici, quod ingredientibus Pontum per Bosphorum erat laeuum, vt fuerat reuera prima nauigatione. Ita centies Ouidius in Tristibus et ex Ponto sinistrum et laeuum Pontum dicit. Hactenus Burmannus.* — 190. *Inde ipsius amnis iter alueum sequamur, donec nos certo, navigabili et tuto flumine perferat, et reddat promoueat ad aliud mare.* Humani hic aliud addidit Valerio. v. Dorvillium ad Chariton. p. 621. qui Danubium in Adriaticum quoque mare effluere credidit. Haud abs re fuerit, huc facientem adscripsisse locum Plinii Hist. nat. 3, 23. "Istriam cognominatam a flumine Istro in Adriam effluente e Danubio; amne — plerique dixere falso. Nullus enim ex Danubio amnis in mare Adriaticum effunditur. Deceptos credo, quoniam Argo naui flumine in mare Adriaticum descendit, non procul Tergesta (Triest), nec iam constat, quo flumine. Humenis trauectam Alpes diligentiores tradunt. Subiisse autem Istro, dein Savo, dein Nauporto, cui nomen ex ea causa est, inter Aemonam Alpesque exo-

rienti." — 191. *Sint age tanti* (hoc cum gesticulatione quadam pronuntiandum) *quaecumque morae*, equidem ne tantillum quidem curo navigationem diuturniorem. — 194. *Sat mihi* — locutio elliptica, quae quomodo explenda commode sit, vix dicas. Magis placet, quod Heinsius iam olim coniecerat, et Burmannus Codice suo videt confirmatum, *fiat mihi*, hæc est mea sententia, certus sum: *nam non totis Argo redit ecce corymbis*, vides, mi Iason, corymbos in primo per Cyaneas transitu 4. 691. graviter laesos, vulneratos esse. — 195. *Haec ait, ignarus, fixas iam numine*, voluntate Deorum *rupes stare*. v. supra 4. 710. — 198. Ad quae Iason: Non est inanis timor tuus, *nec recuso longius ire, et cunctis redeuntem me ostendere terris*, ut eo plures habeam rerum a me gestarum admiratores. — 200. Protenus inde *alios* (ad) *reges locosque flectunt*, regna, urbes, promontoria transeunt, *adsuetumque petunt plaustiris migrantibus aequor*, Pontum ita gelu saepe adstrictum, ut adcolae gentes plaustiris possint commovere. cf. 6. 154.

202 — 223. Medea interea tristis sedet, nec blanditiis adeo Iasonis exhilarata, donec ad ostia Danubii perveniunt, ubi locios primum datam Medae coniugii fidem edocet. *Procul*, sola, remota ab Argonautis ipsoque Iasone *summa puppe*, in angulo extremo *post terga vigilis* (epitheton ornans) *magistri*, gubernatoris *haeserat subplex genibus Minervae auratae*, cuius effigies aurata in puppi ἐπιστημον stetit. v. 1. 301. Orpheus 1221. λῆρι (palla) καλυπτομένη, ἐνῶ δ' ἀμφέσχετο πρὸς ἑαυτήν, quod Noster effert: *deiecta residens in lumina palla*, quae eadem dicuntur de Thetide 1. 132. *Quamquam Haemoniis cum regibus*, ducibus egregiis iret, *sola tamen sibi visa, nec coniugii secura certa futuri*. — 207. Quod poetae solent, ut, quae in regionibus sint, flumina, montes, litora cet. pro ipsis regionibus, hosque pro incolis adcolisue ponant, idem et Noster licere sibi putavit. Vbicumque praeteruecta est Medea, ibi omnes eam miserantur, *Sarmatici litora ponti*, Sarmatae. *Illa Thoanteae transit defleta Dianae*. Vulgati habent *deflexa*, quod non satis adtento videri possit respicere ad prominentem in mare Chersonesum Tauricam. Valerius autem non de sola Medae transuectione loquitur, sed de commiseratione, quae ubique excepta sit: quae commiserationis notio quum in praecedente miserantur non minus, quam in sequentibus moerent et moventur

obuia sit, eadem in versiculo inter illos medio abesse non potest. Haud dubitavi igitur in textum recipere *desfleta*, quod Codex Regius et Aldina praeferunt. Iam vero habes, quae desideratur, commiserationis ideam: desletur ab ipsa *Diana Taurica*, *Thoantea* ideo dicta, quod Thoantis, patris Hyppipyles Lemniae, de quo plura lib. 2, 418 sq. aetate Iphigeniam eo transtulerat, (vide Ovidium ex Ponto 3, 2. 59 sq.) fletur vero, quatenus Diana eadem est quae Hecate, cuius sacerdos fuerat Medea 5, 240. et alibi. — 210. *Hyperboreas mouit pruinas*, audacia admodum poetica dictum pro huius frigidae regionis incolis, *tot modo regna tenens*, et hoc nimium de filia regis, qui vnus tantum regni dominus esset. — 211. *ipsi quoque murmura ponti iam Minyae, iam ferre volunt*. Sic editiones, et mire se torquent commentatores, nihil tamen proficiunt. Quum vero antiquissimi libri, in his Vaticanus primus, pro *ponti* habeant *ponunt*, non video, cur librariorum oscitantia loco motam non restituam vocem, qua reposita lux oritur loco: *ipsi quoque Minyae iam ponunt murmura*, quae dederant antea, Idas in primis 7, 574. *iam ferre eam volunt*, et comitem habere. — 212. *Vix, quasi non adessent, adleuat ora ad seras diu dilatas ad vesperam vsque, si quando*, nam omnem primo omnino cibum capere recusauerat, *dapes*, delicias, quas *carus Iason ipse dabat*, etsi ipse blandiens porrigebat varioque sermone navigationis molestias aliasque curas leuare studebat, iam *nubiferam Carambim* (promontorium Paphlagoniae, nubifera surgens rupe 4, 599.) *transire, iam regna Lyci*, (Mariandynorum regis 4, 737. 748. 5, 8.) *ei significauit*, in eo tamen fefellit *gementem, tristem*, vt *Haemonios Thessaliae montes* conspiciendos *surgere vultumque adtollere hortaretur*. — 217. Ex his igitur Asiaticis Ponti Euxini litoribus iam nauem dirigunt Europam versus Istrique ostia. *Insula Peuce Sarmaticae nymphae nomine stat*; (est) *torvus ubi et ripa semper metuendus vtraque in freta per saeuos Hister descendit Alanos*. *Torvus*, quia taurinis capitibus et cornigeri fluminis a poetis finguntur. Sic Burmannus. Vir doctus autem (Iortinus) in Misc. Obsl. Vol. 4. p. 192. hoc *toruus* respicere putat *ad adcolas feroces et barbaros*, et eadem quidem ratione, qua fluminis Indus *niger* dicatur ap. Claudian. in Probi et Olybrii Conf. v. 170. Sed quaeri possit, ane isto Claudiani loco, vt i apud eundem Stilich. 1, 156. Indus non fluminis, sed homo

(Indianer) sit. Praeterea vero ista figura orationis ob frequentes *Alanos* huic loco non satis adcommodata videtur. Quid enim? nonne Valerius tum dixisset: adcolas descendere in freta per adcolas? Maneat igitur Pii et Burmanni explicatio. — 220. *Resides curas*, reliquas post tam felicem e Colchide, fugam *soluere*, ac primum ausus est celata antea *sua pacta*, coniugii fidem Medae datam *docere socios*, qui et laeti audire, *meritamque fatentur*.

224 — 242. Nec mora, parantur nuptiae. *Ipsa Iason Pallados erigit aras*, gratias quidem agit sacra Minervae faciendo, cui tantum deberet, *inuitae* tamen, quae in-nupta ipsa semperque virgo et aliarum nuptiis non fauebat, (Bononiensi editioni adscriptum fuit *innuptae*, quod *inuitae* praetulerim) incipit *Idaliae diuae Veneris non spernere colere numen*. — 226. Sensus facilis, si recte in ordinem verba cogas: Si quando Iason inter ceteros Argonautas pulcritudine eminuit, praecipue tamen, nunquam magis, quam tempore eminuit coniugii sui, non secus ac *Gradius Mars ab Hebro sanguineo* ex proeliis, e Thracia, ubi cultus in primis domicilium habere credebatur, *victor furto*, furtim, iguaro Vulcano, ad Venerem visit, mox *subit Idalium*, montem Cypri, mox *dilecta*, Marti, quoniam ibi genio indulgebat, *Cythera*, insulam Cretae vicinam, quae loca Veneri fuisse sacra, vel tironibus notum est. —

230. Seu cum *Herculi* coelestibus epulis adesse iam concessum est, et *fessum*, tot laboribus exantlatis *Iunonia*, Iunonis filia, *Herculis* coniux *Hebe sustinet*, fouet, amplexatur. cf. 1, 348. — *Adsunt* his Iasonis et Medae nuptiis *vnanimis Venus*, hortatorque *Cupido fuscitat*, erigit, bene sperare iubet *adfixam*, nimis intentam *moesiis curis* Medeam. Nihil mutare volui, obfendit tamen hoc, quod *Cupido* et ad verbum *adsunt* et ad *fuscitat* referendus sit, quod vix ferri potest. Cui incommode ut mederer, maiorem post *Cupido* distinctionem, quam editiones ante Burmannum praeferunt, restituendam existimaui, deinde vero pro *fuscitat adfixam*, in quo iniucunda ad aures sunt *at — ad*, malim legere: *fuscitat hic fixam*, cui tum optime respondet sequens *ista*. Sic omnia recte et ex ordine procedent. — 234. *Ipsa Venus suas illi croceo*, quem colorem in vestibus amabant; (ipsi Iasoni Pindarus Pyth. 4. *κρόκεον εἶμα*) tribuit. v. omnino Spanhemium ad Callinachum p. 132 sq. vbi nec Valerius neglectus) *subtemine* cf. 6, 227. *vestes induit*, *ipsa donat*.

duplicem coronam, quae nihil aliud esse mihi videtur cum Harlesio, quam duplex celsus, quorum vno mammās, altero paullo inferius ventrem cingebat Venus, de quo vide Winkelmanni hist. artium lib. 4. c. 5. edit. Franco-gall. Huberi T. 2. p. 177. Dissentit tamen Ill. Heynius ad Virgil. Aen. 1, 655. qui *duplicem coronam* intellegit diadema aureum, gemmis distinctum; Flaccum enim se ipsum interpretantem subiicere *arsuras olim cum virgine gemmas*. — Hoc spectat ad Creontis, Corinthiorum regis, filiam Creusam, quacum coniugium Iason inierat; quod ita aegre tulit Medea repudiata, vt Creusae coronam naphtha perunctam dono mitteret, qua igni forte admota, palatium cum ipso Creonte et filia conflagrauit. — 237. *Tum nouus impleuit vultus* (vultum) *honor, serenitas, hilaritas* per totam faciem effulsit; *flauis reddita cura comis*, non passis, vt antea, capillis incescit, sed in nodum conlectas comit, *graditurque*, quae moesta federat v. 204. *oblita malorum*. — 239. Comparatur Medea cum Cybeles sacerdotibus et aliis huic Deae deuotis; qui, quum per aliquot dies brachia cultris acutis pupugissent atque incidissent, vltimis diebus Megalesiorum, hoc enim nomine veniebat Romanis in honorem matris Deorum instituta sollemnitas, laetitiae se dabant. Bis dies hos festos memorat Valerius 3, 232 sq. et 7, 635. neutro tamen loco tam copiose, quam nostro, cuius ergo singula videamus. *Sic vbi Mygdonios, Phrygios in honorem Cybeles, Idaeae matris institutos planctus sacer abluit Almo*, sexto enim die, cui nomen erat Lavationis, 2. Cal. Apriles, statuam Deae in paruo amne Almone lauabant. (Ovid. Fast. 4, 337. *Est locus, in Tibrin quo lubricus insluit Almo — illic purpurea canus cum veste sacerdos Almonis dominam, sacraque lauit aquis*. Cph. Saxius in Actis lit. Rhen. Vol. 3. p. 74. ex Inscriptionibus etiam adfert Sodales Balneatores Cybeleos.) — 240. *Laetaeque iam Cybele, expiata? taedaeque homines taedis instructi festae per oppida*, non Romae solum, sed per omnes, circumiacentes, vrbes vagabantur stipem emendicantes. (*Μητρυόραι*, v. in primis Lucianum de Dea Syria.) — *Quis modo paullo ante tam faeuos adytis templis fluxisse cruores cogitet? aut ipsi qui iam meminere ministri, Galli?* Tò qui male habuit interpretes ideoque mutarunt in *quid*, vel *haud ipsi quin*, vel exposuerunt per *quomodo*; sed nil mutandum, si in-
 vertas, *qui ipsi*, num quis est inter ipsos sacerdotes, qui,

quos modo perpeffus eft, dolores non oblitus fit? — Idem igitur fecit Medea, *graditur oblita malorum.*

243 — 258. Ipsae nuptiae celebrantur, epulae faltem nuptiales. Varios hac data occasione ritus in nuptiis servatos commemorat poeta. — Pompa in templum ducta quum in naui vel litore locum non haberet, *ad aram ducta, vna veniunt ad aras, pariterque precari incipiunt.* Praeferebatur *ignis et aqua.* Facem praeferre solebat puer patrimus, cuius personam nunc sustinere Pollucem fortasse Valerius iubet lusu verborum, nam puer ille dicebatur *praelux.* — Porro memoratur *adoratio*: dextrum pariter vertuntur in orbem; dextra enim ad os (vnde adoratio) admota corpus circumagebant. Plinius H. N. 28, 2. *In adorando dextram ad osculum referimus, totum corpus circumagimus.* Plura qui cupit, adeat interpretes ad Suetonii Vitell. 1. — Nec *auspicia* defuerunt, sine quibus nihil vel publice vel priuatim agebatur. cf. Cic. de Divinat. 1, 16. et Valerius Max. 2, 1. Aptè igitur poeta auspicii vel potius thuris adolendi cerimoniam adsignat *Mopso* auguri, qui tamen tristitia omnia videbat portendi, *neque se tum candida, pura, clara, laeta flamma* (cf. 1, 232.) *per auras pingues, crassiores, pinguiori materia quasi gravidas explicuit.* Sic *pingues flammae* apud Ovidium Trist. 5, 5. 11. *pinguis fumus* apud Lucanum 8, 730. — *nec thura videt concordia*, non vna nubecula surgebant, sed grana in diuerfas partes saliebant, *promissam nec stare fidem*, non Teruari, *breue tempus amorum*, haud diu duraturum. — 250. *Odit utrumque Mopsus*, Iasonem, quod tam egregie de se meritam repudiaturum, Medeam, quod hoc repudium tam grauitur vituram praeuideret, *simul et miseratur utrumque*, quos utrosque meliori fato dignos haberet. *Et tibi iam nullos optauit, barbara, natos*, quos ab ipsa matre interfectum iri auguratus est. — 252. *Mox epulas et sacra*, epulas sacrificales, residuas ex hostiis carnes *parant*; *syluestria praemia*, praeda venatica, eaque *facili venatu quae sita supersunt*, abundant; *pars verubus figunt* Virgil. Aen. 1, 212. *assant*, *pars undanti despumant ahenis*, elixant, coquunt. — 255. *Gramineis e celsipite viridi toris discumbitur* (in) antro, quo olim *Hister anhelantem Peucen prefferat*, possis exponere obprefferat, vel adeo compresserat; modestius tamen: persequutus erat, quo ducit *anhelans nympa*. — 257. *Ipsi*, sponsus et sponsa *sternuntur iuter medios*, adcumbunt conuiuiis cincti; *rosea* cf. supra v. 30. *radiante luuenta altius*, sublimiore

lecto, *inque sui velleris auro*. (Respexit forsan Valerius ritum, quo noua nupta in pelle lanata consideret. v. Festum voce Lana.) Apollon. Rhod. 4, 1141. ἐνθ' ὅτ' ἐστόρεσαν λέκτρον μέγα τοῖο δ' ὕπερθε χρύσσον αἰγλήεν κῶας βίλον.

259. Sed isthaec gaudia interpellantur repentino Absyrti aduentu. Viuidiorem facit poeta orationem interrogando: *Quis nouus timor*, quae fortuna aduersa *inceptos impediit Hymenaeos*, fecit, vt zona solui non posset, *turbauitque toros*, adcumbentes subito excitauit, *et sacra calentia*, epulas sacrificales, quae quum maxime feruerent. cf. 2, 331. — 261. *classe*, multitudine nauicularum, (*Canois*) nil amplius; rates infra 284. biremes quidem 427. sed quae non duos ordines remigum, sed duos remos haberent — *aduehitur Absyrtus infesiam*, tristem *lampada quatiens Graiis*, qui paullo ante laetiam, nuptialem facem vibrauerant, *diramque*, sceleratam *premens clamore*, magna cum vociferatione inuectus, *sororem*, sed nunc eminus tantum et ad focios directa oratione, nam v. 291. demum propius adcedit. — 265. Non Iupiter aliquis est, quem persequimur, quique taurum, vt ille, simulare possit ad nos fallendos, immo vero (auget verbis poeta et temeritatem et scelus Iasonis) nequam *praedo*, et *vna* quidem naui, et tanti rem pretii, *Phrixæa vellera*, et *qua libuit*, quoniam ita placuit (*mir nichts, dir nichts*) *remeat cum virgine*, secum eam absportat, *nobis et muros et stantia tecta reliquit*, gratias vero debemus magnas, et praeclare nobiscum actum esse fateamur, quod non et urbem domosque nostras diruerit. — 270. *Quid mihi deinde satis?* quas mihi satis dignas dabit poenas? *nec quaero*, nil curo *vellera*, *nec te adcipio*, germana, etiam si reddere velit, *nec foederis vlla spes erit*, *nec iræ quisquam modus*. Admodum verbosus est, et variat orationem Absyrtus, quod solemus vehementi ira commoti. Idem fere ei adcidit, quod forori Medae 7, 433. *nec quibus incipiat, videt, ordine nec quo, quoue tenus, prima cupiens effundere voce omnia*. — 273. Iam vero, quam granem sumiturus sit vindictam non de Iasone solum, sed tota Graecia, Thraconica iactantia pronuntiat: *Reuerti patris in ora mei tam paruo in* (abesse poterat saluo versu haec praepositio, sed sic saepe poetae eam vel addunt, vbi nil opus, vel omittunt, vbi melius adesset) *tempore fas est?* quid? paucorum dierum spatium res a me gerendas circumscribam? *Quinquaginta animae viles, me scilicet, me, me inquam*, qui ad maiora natum factumque me sentio, *vna-*

que merſa ratis ſubſciant placare? Te, Graecia fallax, quo encomio per anachroniſmum ornat poeta Graeciam, quae ſerius demum male ob malam fidem audire coepit, perſequor, atque tuis hunc quaſſo moenibus, vrbibus, tectis ignem. — 277. Procedit orator ad acerbam ironiam: Nec tibi digna, ſoror, deſum ad connubia frater, en, quod fratris eſt tui amantiſſimi, en adſum ad dignas cum tam digno coniuge nuptias. Primus, nec hunc honorem ab alio mihi praeripi patiar, primus ecce fero, vt paranympbus v. 245. quatioque hanc lampada facem nuptialem, primus celebros dotalia ſacra; ſic dici quidem poſſint, quoniam de dote conuenit inter ſponſum ſponſamque coram auſpice, de quo tamen poetam non cogitaſſe crediderim, ſed de tota nuptiarum ſollemnitate: properaui, vt primus eſſem, qui nuptiarum officinum obiret, qui potui, mihi ipſe gratulor, et in ſinu gaudeo, quod potuerim adeſſe. Adforet ipſe pater vnicae filiae nuptiis, ſi per aetatem licuiſſet, patriae veniam da, quaefo, ſenectae. At verò locum eius tuentur alii, (ſic in textum recepi ſuadente Bentleio ad Horat. Od. 3, 6. 20. pro alti, quod caret ſenſu) pariter populiſque Patresque, ſenatus populusque, vti ſupra 1, 761. tota Colchis, mecum adſunt. — 285. Dixerat, itque orans iterum ventosque virosque, vtrorumque denuo auxilium inplorat, perque ratis ſubplex vox remigis illa magiſtros. Locus ſimilis 4, 647. ſed noſter deprauatus, cui non vnā labem adſperſerunt librarii. Varia tentarunt interpretes, vt nitore ſuo locum reſtituerent, quorum commenta quum enumerare longum eſſet, ea tamen adferam, quae lucem quamdam abſundere videntur. Et Heinfius quidem coniicit, vel: perque rates ſubplex it remigi, et inde magiſtris, vel: ter quater his ſubplex vox erigit illa magiſtros. Withofius (kritiſche Anmerk. Dülſſeld. 1799. St. 5. S. 48.) perque rates ſubplex volat et premit ille magiſtros. Liceat et mihi harioſari. Quid ſi legas: perque rates vna eſt vox remigis atque magiſtri. In quo ſi falſus ſum, πρῶτον ψῆδος in eo fuit, vt hac tali coniectura tota oratio aptius necti poſſe videretur. v. 285. Abſyrtus orauerat viros, iam vero, quid his precibus effectum eſſet, narrare voluiſſe poetam opinatus ſum. Obſendit in primis rō ſubplex ob praecedens orans; reiecta igitur litera ſ quae librarii incuria ex ratis ſequenti voci adhaeſiſſe videbatur, habebam vblex, vnde facilis transitus ad vna eſt cet. Sic etiam, ita putabam, cum v. 287. oratio melius cohaeret. Abſyr-

tus orat viros, vna eademque vox obsequiosa est omnium, nec voce tantum promittuntur operi, *intorquent vndam* rel. Consulueram et Cl. Rupertii, qui, quoniam Burmanni codex habet *vexilla magistros*, ita forsan legendum existimat: *perque ratis urget* (excitat, incitat) *remos* h. e. *remiges vox alta magistri*, vox clara hortatoris remigum, *ῥαλευστροῦ*. Quam emendationem, codicis quippe auctoritate firmatam, meae praeferendam esse sponte lubensque fateor. — 287. *Illi autem intorquent vndam* (Virgil. Aen. 3, 208. *navtae adnuxi torquent spumas et caerula verrunt*) *truncis frondentibus*, ramis, quibus folia nondum erant destituta; *quaeque fuerat raptim*, tumultuaria opera formata die sub (durante) vno, et tantum, nil nisi arbor, nondum excavata ad nauigii usum *deiecta* (sic *delatum nemus* 1, 121.) *montibus suis*, quos proprie natura iis adsignavit, non vndas, *haud longis iam distat aquis*, (*haud iungas rē distat*) paruo temporis intervallo inde a Colchide haud procul abest ab Danubii ostiis. — 290. *Quid dolor et veterum potuit non ira virorum?* Totus versiculus glossam sapit. — 292. *Palladium puppim*, ab ipsa Minerva exstructam eiusque tutela firmatam, persequitur Absyrtus, videt *viridem* laetam insulam *Peucen*, *ultima cornua mali*, nil nisi antennas conspicit. — 295. *tum vero clamorem et gaudia*, laetum clamorem tollunt, sed inimica gaudia, quod iam in eo erant, ut iram explerent: *tum grauior ramis fragor auditur, ut procul Argo nunc tota visa viris, unanque petunt rostra omnia puppim*. (Incipimus timere vni naui, quam omnes, tam multae adoriuntur.) — 298. *Princeps primus Absyrtus naualem vncum nodosi roboris*, (quum, quae posteris temporibus ad hostilem nauem adtrahendam in bellis navalibus adhiberentur, manus ferreae, harpagones, Argonautarum aetati non conuenirent, haud inepte centum roborem, non arte, sed ab ipsa natura in vncum effictum poeta dat Absyrto) et *longa ab vnda*, eminus adhuc iam prospectat *Stirus*, an forte Medeam suam videndi copia detur, coniugio atque iterum sponsae *flammatus amore*. — 301. *tela-trabalia hasas* crassitie et longitudine trabibus aequales *expediunt*, (Virgil. Aen. 12, 294.) *armant*, oblinunt *alii piceis vngue*, pice liquefacta *flamas*, faces. Sic *tela armare veneno* Virgil. Aen. 1, 773. *tota flammata veneno ipse Noster* 1, 108. — 303. *Inpatiens morae tremit hasta*, (protopopoeia haud inelegans) *nec longius inter, quam quod tela vetet, superest*

mare. Sensus facilis: mare inter vtrasque naues interiectum breuius factum, ita tamen, vt nondum tela iniicem coniici possent. Sed *ro inter* ob sequens *supereſt* quum redundare videatur, Heinſius eius loco ponere maluit *inde*; nihil tamen nouandum, nam et alibi Valerius ſic de interuallis uſurpat. 5, 337. 6, 220. infra 382. — 305. *tabulata* in nauiculis non nimis vrguenda.

306 — 311. Quid ad haec Argonantae? *Quum ſubitas videre rates, vibrataque, micantia ſlammis aequora, non vna formidine ſurgunt*, omnes quidem timent, non eodem tamen omnes metu, non iisdem cauſis ducti. *Primus deſerta* in antro *virgine* (vide quam ſuaui delectu poeta celeritatem Iaſonis in agendo exprimat) *profilit*, galeam rapit, ſimul enſe clypeoque micat, nec ſegnius cetera *pubes* in litore conſtitit.

312 — 316. Sed quid Medea? *Tibi quae, Medea, facies ſclerum*, quae tibi nunc mens eſt, quae, quos euentus facinora tua habeant, videas? Quantum te pudeat Colchos conſpicientem et fratrem *et quidquid iam tuta*, ſecura *vaſto profundo longo mari abſciſum*, diſiunctum *credideras*. Ergo *inſauſto* triſti ſeſe obculit antro, non aliud quam certa mori, nota breuiloquentia pro nihil agens, quam vt firmiter apud animum conſtitueret mori.

317 — 320. *Haud ita ſed ſegnīs ſummo ſedet aethere Iuno*. Mire turbant in hoc loco interpretes, in quo tamen ne literula quidem mutanda venit, ſi cum antecedentibus iungas, et verba ita ordines: *Sed haud ita ſegnīs*, vt Medea, quae ſoli dolori indulgeret, *ſedet* otioſa Iuno. *Haud ſunt extrema*, ancipiti, maxime periculofa *Minyas decernere pugna*, nec numero quoniam Colchis nec puppibus aequos. Iſtud quoniam locum habere non poteſt, nec pro *nempe*, nimirum. poſuiſſe cenſendus eſt Valerius. Aldina habet *cernens Colchis*, quod ad ſenſum optime quadrat, hoc tamen habet incommodi, quod verſiculo proxime antecedente *decernere*, proxime ſequenti *cernit* obcurrunt. Malim igitur Burmanno adcedere, qui *aequos* mutari iubet in *aequi*, cui ſi obtemperes, retineri quoniam poteſt. Fortaſſis legere etiam *queas iamiam*.

321 — 327. En ergo Deam ex machina Iunonem. *Ipſa*, Aeolo neglecto, erat enim periculum in mora, (ſic ipſo Ioue inuito fulmina torſit 1, 116.) *ipſa ſubit* al. labitur *terras*, tempeſtatumque *refringit ventorumque domos*, (nimbi ventique domos 1, 584. quem locum omnino con-

feras velim) *volucrum gens*, alias: *populus turbida fratrū erumpit, inque vnum* (sic reposui pro *inam*, iubente Burmanno, qui recte monet, *tō omnes exigere vnum*) *pariter mare protenus omnes infesto clamore, sonitu, flatu ruunt, inimicaque Colchis aequora et altum mare, et aduersos statuunt, excitant a litore fluctus* (*Brandung*). — Vide, quaeso, quam rapide omnia agantur: *Iuno refringit claustra — venti erumpunt — monstrat classem Saturnia — videre — protenus et omnes et pariter et in vnum mare, vnam coeli plagam ruunt — fluctus et in alto mari et ad litora erigunt.*

328 — 368. Nihil motus hac, quam vinidis coloribus poeta pingit, tempestate Stirus ad recuperandam sponsam omnes intendit neruos, tandem fluctibus mergitur. *Tollitur, atque intra Minyas Argoaque vela abit, contingit, vt prope adcedat, quum vasio rursus desidit hiata abrupta reuolutus aqua, discedentibus vtrunque fluctibus in inmensam ante se apertam voraginem deiectus agitur retro, iamque omnis in astra* (sollemnis poetis hyperbole) *itque reditque aliquoties ratis, labsoque, desidente fluctu reciproca, rursus descendit. Vorat,* (grauiter dictum) *auide abripit hos vortex, hos agmine aquarum, fluctuum toto gurges aequor per superficiem agit, rapit, simul in vultus micat vndique terror, crebra ruina poli* (sic coeli ruina Virgil. A. 1, 129.) *tonitruum fragor et fulmina coelestia lumina laxat, aperiunt coelum, ita dehiscunt nubes, vt ipsum Olympum conspiceret sibi videretur. Similem, quamquam contrariam hyperbolen habet Ovidius Metam. 2, 260. vbi de temeraria Phaethontis aurigatione sermo est: dissilit omne solum, penetratque in Tartara rimis lumen, et infernum terret cum coniuge regem. — 335. Non tamen ardentis et ira et amore Stiri violentia cedit; hortatur socios media inter proelia diuum, ventorum. — 337. Quae sequuntur, multa habent praeclara et iuueni adcommodata amanti, iactabundo, irato; in eo tamen peccasse videtur poeta, quod in ipsa tempestate ita verbosum inducat Stirum, vt prope viginti versiculis animi sensa expromat. Transferat ergo Colchis Medea meas dotes* (proci enim heroica aetate donis primum sibi ad virgines et parentes aditum faciebant. v. Cl. Lenz *Gesch. der Weiber im heroischen Zeitalter* S. 163.) *et se ipsam, et data olim dona auebat, et Haemonius* (contemtim, vti v. 283.) *nobis subcedet adulter, raptor alienae coniugis? Nec mihi profuerit, inter tot, eosque magnos regesque procosque, pro-*

cos regios prona haud dubii sententia patris, qui, vt primum petii, statim eam addixit, desponsauit? Fortasse tamen virtutem spectarit Medea? At, quae ille magicis praestigiis perpetravit, haec ego sine carmine efficiam, iungam tauros, et e Cadmeis dentibus ortos persequar. — 344. Nec temere hoc dictum putes, Medea, ipsa spectatrix ab hoc litore sis certaminis singularis, ad quod adulterum prouoco; victoris eris, certissime ergo mea; iam digna videbis proelia, nam quae antea vidisti, hoc nomine indigna, iamque illud carum caput ire videbis cruenta sanguine eius infecta sub freta; semiuiri corpus Achivi, acerbe et contumeliose dictum, vt Graeci cum Scythis comparati molles et effeminati habendi sint. cf. Virgil. Aen. 4, 215. 9, 617. 12, 99. it. Nostrum supra 6, 694. nec murrha, (quam non nisi in ditiorum cadaueribus adhibebant) sed pice, sed flammis et sulfure, facibus pice et sulfure oblitis olentes crinas. (Olere crebrius quarto casui, rarius sexto iungitur; sic redolere 4, 15.) — 349. Vos modo, o fluctus, hoc solum corpus, me solum, sine sociis adeo, expellite, ad litus eiicite, et solus edam facinora, quae me dignum Medea coniugem, dignum Aeeta generum, dignum Sole magno progenerum ostendant. — 351. Sed fortasse huius meae calamitatis fundus est ipsa Medea, ipsa nunc magico carmine excitat ventos, leuatque maria ardua, vt ardua sint, in altos fluctus erigantur. Sed haud illi futile, inutile, contemnendum, ridiculum murmur proderit. Ite, rates, nunc, nunc insurgite remis, socii, et frangite disiicite virginis, a virgine commotam vndam. — 356. Intentis summa cum vi remis, socio cum milite profilit, adpropinquat litori; sed fluctus decumanus in litore fractus redit, labefactat nauim, soluit, effunditque viros, ipsumque Stirum, qui nec nunc desinit minari, dextraque elata in litus euadere contendit. — 360. Ibat, nabat per aequor stricto ense, remos vel fragmenta nauium circumspicit, moestas altis (mel. aliis vti v. 281. nam nauiculæ eius erant planæ) intendit voces repetitas puppibus, quarum tamen nulla prae fluctuum vehementia subcurrere potest, vel velit audere, quotiesque propinquat, tunc aliud rursus dirimit mare, fluctus tam inmanis, vt parui maris instar esset. — 365. Iam modo exstat capite erecto, modo abiit, euanuit vndis obrutus, semel tamen adhuc violentus, nervis omnibus intentis ab imo erigitur, emergit, sed fluctus adest, sub altis figit aquis, magna vi limbo maris profundo inludit, et tandem virgine cessit, cedendum fuit.

369 — 384. Absyrtus moestus vi nihil profecturum se videns, obsidione cingere Danubii ostia statuit. — 372. *videt adnoscitque*, tam prope videt, vt dignoscere omnes et capita numerare posset, *contra pugnant obuia* a litore aduerso maria, marini fluctus, *totusque in vertice*, supra caput adcumulatus pontus. — 374. *abscessit tandem, vanaque*, nihil profutura *recedit ab ira* — naues constituit ad alteram Peuces insulae partem, *gemino nam scinditur* a terra continente separata *insula flexu Danubii*. Hac in insula stationem habebat Argo, Absyrtus contra classe sua *tentoria* Argonautarum in litore posita *obsidet*, portuque exire prohibet hostes. — 382. Nihil interea remittit tempestas, *noctes atque dies vaslis mare fluctibus inter* (v. ad v. 304.) *furit*, donec Iuno ipsa *anxia consilia expediret* manifestaret sua, finemque faceret huic bello.

385 — 399. Argonautae a Iafone, vt Medeam tradat, postulant. *Miuyce*, tanti tam periculosi reputantes *ultima*, euentum belli, non singuli, sed *cuncti*, non admonent, sed *urguent*, et *precibus fremituque* inportunis precibus *fati-gant*. Cur se *externa*, barbara pro *virgine clausos obii-ciat*, obsidioni exponat? *Respiciat pluresque animas maioraque fata tot comitum*, non vnus Medae rationem habendam, de vita plurium cogitet, qui maioribus rebus gerendis sese destinauerint, qui eum sequuti sint non amoris fustui nefandique causa, sed vt virtutis suae documenta darent. — 392. *An vero, vt thalamis raptisque indulgeat vnus coniugiis?* hoc sibi sumat, vt rapta cum virgine nuptias celebret? *id tempus enim*, scilicet! *Sat vellera Graiis*, contentos esse ablato vellere, totumque bellum reddita virgine componi posse. *Quemque et Absyrtum et socios suas sinat ire domos, nec Marte cruento Europam atque Asiam prima haec committat Erinnyes*, disidium, furor. Ipsam Medeam Erinnyos nomine condēcorare voluisse Argonautas, satis infectum videatur; fieri tamen potuit, vt poetae obnerfaretur Virgil. Aen. 2. 573. vbi Helena Troiae et patriae communis Erinnyes dicitur. — 397. *Namque datum constitutum hoc fatis Mopsus, trepidus tamen et subplex*, obtestans Iasonem, ne in proposito persisteret, *canebat vaticinans, et in seros ire magis ipsa* (mel. ista, vt Bononiensis, mala nempe) *sineret nepotes, atque alius lueret tam dira incendia raptor, Paris, qui facem belli Europam inter et Asiam primus incensurus sit.*

400 — 407. Iason sociis *urguentibus* cedit inuius, cedit tamen. *Ille trahens gemitum, alte suspirans, tantis ac*

vocibus inpar, quid tam veris consiliis atque monitis iisque tam vehementer datis reponeret non habens, quamquam iura Deum, ius iurandum, et sacri sibi conscia pacti religio, fidei Medae testibus Diis adhibitibus datae conscientia, dulcisque primordia tædæ, ipsae nuptiae inchoatae mouent, cunctatur dubius, mortemque cupit, sociamque periculi cogitat, mori maluit, quam Medeam deferere suam; tandem tamèn haud ultra sociis obsistere pergit. — 405. Haec ubi fixa, certa viris, non excepto Iasone — quid restet, quæ fors eam maneat, amantem ignorare sinunt, celare volunt, decretaque tristitia seruant secum, apud animum obcultant, ne quid Medea resciscat.

408 — 444. Ovidio teste res est solliciti plena timoris amor: timet saepe, ubi nihil timendum, nec tamen semper inanis est iste timor. Hac eadem sententia breuiter non minus, quam praeclare proposita, viam sibi munit Valerius ad aegritudinem, qua Medae animus adliceretur, explicandam. *Sed miser ut vanos, veros ita saepe timores versat amor, fallique finit nec virginis annos, quamquam admodum iuuenis, puella decipi tamen non potuit. Signa viri iam non fidi, frigidioris sensit quamlibet intima, et si vel maxime obcultare, dissimulare vellet, nimiumque silentes, tectos, obscuros, verborum parcos Argonautas, idque una, vno eodemque tempore, nec singulos aliquos, sed omnes. — 412. Haud sui tamen inmemor, constitit sibi, nec subitis turbata minis, periculis, prior occupat, se conuertit ad Iasonem, longeque ab lociis remotum trahit, seorsim ducit. — 415. Me quoque tecum Minyae, fortissima pubes, nocte dieque mouent, sollicitam habent tam egregii, te duce, viri iuuenes: hoc tamen mihi dicas, an captiua sis vestra in naui, an non coniugem, quod promiseras, sed dominum decepta sequar. Noli me celare, quid de me decreueritis. Abs te quidem, fidissime coniux, talem enim te esse persuasum habeo, nil timeo; si tamen lociis tibi cedendum esse existimes, ita tamen miserere, ut saltem promissi iura connubii serues, donec in patriam tuam peruenerimus, tum in tua me sperne domo, repudia, si ita lubet, vel pro ancilla habeas (quam in bello captarum mulierum sortem saepe fuisse nonimus ex Homero). — 422. Scis te certe mihi iurasse, socios non item, qui si fortasse me tradendi ius habeant, tibi tamen aequa potestas non est. Quod si tamen feceris, te simul mecum traham, mecum ad patrem abducam, qui non me solam ut nocentem persequitur, sed te, et velleris et filiae raptio-*

rem, atque hac pariter rate fugimus omnes, cunctos, quotquot in naui versamur, eadem culpa tenet, omnes ut fugitivos insequitur pater. — 427. Forſan vero tot, quibus frater te premit, nauibus perterrefactus, me deſerendi conſilium cepiſti. At vero, fac, adhuc maiora coire agmina, nulla fides? num fidem datam fallere fas ſit? nullis ego digna periclis, ego, inquam, quae tot temet periculis ex- puerim? Non merui mortemque tuam comitumque tuorum? Valerius ſi ita ſcripſit, hoc voluit: tam egregie de vobis merui, ut vel mortem; ſi ita opus ſit, mea cauſa ſubire debeatis. Mirifice tamen placet, quod Heinſius coniecit: Martemque tuum comitumque, ut arma pro me capiatis. — 432. Vellem equidem noſtri tetigiffent comites tui litora patris ſine te, tunc de iis actum fuiſſet, duxque illis alius quicumque fuiſſet, nullius cauſa feciſſem, quod tua cauſa, tui amantiſſima feci. Nunc remeant a me ſeruati, ſalvi et incolumes, meque et reddere poſſunt. (Ita vulgata, ſed admodum frigide: non poterant tantum, ſed volebant etiam, arguebant tradi; conſentientibus igitur pluribus et libris et interpretibus repoſui poſcunt abs te, ut reddas.) — 435. Quin tu mea reſpice ſaltem conſilia fortiter reſiſtendi, et nimio non tam tuo, quam comitum ne cede timori. Recorderis, quaefo, quam incredibilia modo, me auxiliante, perfeceriſ, tauros ardentes viciſti, ad templa, lucum draconis veniſti. — 439. O utinam ergo meus pro te non omnia poſſet, atque aliquid dubitaret amor. Ipla memet aduſo, quae tui amore, temere ſatis et in- conſiderate, quidquid optaueris, a me inpetrare te ſuerim. Quin nunc quoque quaerit, nescio quid, pudor iſte tuus. Haec de induſtria obſcurius eſt Medea, hoc tamen vult: Video, te animo aliquid volnere, quod tamen dicere te pudet, ut nempe artibus meis magicis in perniciem fratris utar. — 441. Mene igitur, optime, ſed eheu! quondam, me, quae tua cauſa omnia feci, fortasſe factura ſum, precantem, ſupplicem adeo, coram videre potes? Ipſe pater, quamquam iratus, mirabitur, nec poterit credere, me tam ſubito poenas dare ſcleris, teque non coniugem habere, ſed dominum pati.

444 — 463. His dictis Iafonem reſpondere parantem fugit furibunda, magnoque cum clamore, qualem Ogygias Boeotias quum tollit in arces montes (cf. 7, 562. et alibi) agit Bacchus, et Aoniis inlidit tympana truncis. Locus corruptus. Recte quidem habent Aonii trunci, in montibus Thebanis decerpti rami, vno verbo thyrfi; ſed his

thyrsis Bacchus inlidit tympana? Hoc equidem non intellego. Verum vidisse videtur Heinſius in eo, quod Vaticanum ſequutus, qui pro *tympana* habet *tyana*, reponi *thyada* ſuadet, ſed intactum reliquit alterum vlcus, quod inlidet verbo *inlidit*. Forſan dicere poſſis, poetam audaci phantaſmate Deum thyadas in furorem excitantem liſtere, ferientem, flagellantem ita Bacchas, vt thyrsi frangerentur, quae ſignificatio eſt verbi *inlidere*. Si qui tamen, in quibus ipſe nomen profiteor meum, adlatum omnino vehementiorem indicari exiſtiment, lenius ſaltem aliquod verbum circumſpiciendum, et cum Burmanno vel *inſligat*, vel *inpellit*, legendum. Poſterius malim eam ob cauſam, quod Valerius ipſe 3, 265. vbi itidem de Thyadibus ſermo, eodem verbo vtitur: *impulſae iam ſe Deus agmine matris abſtulit*. cf. etiam locum noſtro ſimillimum 5, 80. *Boeotia qualem Thyas et infelix cuperet vidiffe Cithaeron*. — 448. Talis igitur erat, *talemque iugis*, tranſtris *virgo ſe ferebat cuncta pauens*, vt terriculamenta inania phantaſiae obuerſarentur, *fugit infeſtos*, quaſi praefentes hoſtes ſe perſequentes *vibrantibus haſtis*, quae micare ante oculos videbantur, *terrigenas e dentibus prognatos*, *fugit ardentem etiam nunc igniuomos exterrita tauros*. — 451. Si denique hoc ſaltem contingeret, vt *Pagaſas*, Theſſaliam, vel *Peliacas nubes*, montem Pelion, niſi ipſum, e longinquo tamen cacumina nubibus inuoluta *cerneret*, et *Tempe viridi lucentia fumo*. Fumo? — faciliora ſunt ad intellegendum, quae coniiciunt: *fundo Maſerius*, *luco Heinſius*; ſed nihil nouandum, *fumo* enim exquisitius eſt et doctius, quam vt librario magis, quam ipſi poetae debeatur. Fluvii vaporibus, quos emittunt, ſumantes ſaepe obcurrunt; ſuaniffima igitur, ſi quid video, et naturae conueniens imaguncula eſt *in fumo viridi*, emiſſis nempe ex Peneo fluuijo, qui per vallem illam Theſſaliae amoeniſſimam, Tempe dictam, non leni incedit alueo, ſed ſpumofiſ volvitur vndis, (Quid. Metam. 1, 570.) vaporibus, qui, quum colorem ducerent e ſubiacentibus pratis et arboribus viridibus, virides ipſi adparuere. *Hoc viſu contenta mori*, quae loca amoena ſi conſpiceret, lubentiſſime moritura. — 453. *tunc tota querelis egeritur*, tranſigitur (digerere fere eodem ſenſu v. 102.) *queſtuque dies*, (eiſdem notionis *querelarum queſtusque* geminatio odioſa, vt recte monet Burmannus, ideoque mauult *fletuque*, vel *gemituque*. Harleſiana habet *quaefſu*, errore operarum) *eademque ſub aſtris noctu* cf. 1, 171. *ſola mouet*, iisdem indulget;

moestis veluti nox illa sonaret plena lupis, quasi per tenebras noctis esurientium luporum vlulatus audiret, quaterentque truces ieiuna leones ora, prae fame frendentes, vel orbatae vitulis traherent suspiria vaccae. — 458. *Procedit non gentis honos, non gloria magni Solis aui. Non procedit Burmannus*, quod miror, exponit: nihil iuuat, nihil efficit apud Iasonem. Quidni prodit, incedit, in conspectum venit orta luce, *mane*, quam ipsam vocem loco magni ponere possis. — 460. *Quid dubitas? heu, dure, files? magnumque minatur.* Satis abrupta, nec apte cohaerens oratio, cui incommodo mederi possis, si subpleas, prodit primo mane Iasonemque compellat: *quid dubitas?* etiamnunc aperte non dicis, quid timendum mihi, aut sperandum sit? *heu, dure, files*, quid constitueris, facile ex silentio tuo conligo, *magnumque minatur*, magnas minas, iras vultu praefert. — 461. *Chaonius truncus* est ipsa naus Argo, (excisa nempe ex sylvis Dodonae, urbis Epiri (Chaoniae) oraculo insignis) vel potius pars eius, quae vim loquendi atque vaticinandi haberet, de quo vide lib. 1, 2. et 303. Sensus igitur hic est: *talis nunc erat Medea*, suae sibi conscia magnae potentiae, qualis, quum Iasone comite vellus aureum ouans, triumphans naui inferret, *interque ingentia Graium nomina*, tam egregios fortesque Graeciae inuenes *Palladia virgo virago stetit altera prora*, vt duas coram viderent Argonautae Minervas, visam, tutelam naus, *ἑλκονοῦν*, alteram Medeam, vtrasque bellicosas.

464. Iason tandem rumpit silentium. *Moestus minis et nota Medae ira* dubius animi adstat, vticumque tamen *mulcere*, delinire blandis verbis *tentat gementem, gemens ipse, et tempora currere dictis*. Currere vix locum tueatur, quum *tentat* verbum requirat actiuae significationis; melius igitur *ducere* vel *quaerere*. — 468. *Mene aliquid metuisse putas?* Sic recte, non *meruisse*, vt legunt nonnulli; respicit enim Iason ad v. 436.

RLC
(cc)

PLEASE RETURN TO
ALDERMAN LIBRARY

DUE

1-20-97

DUE

